





G. L.

Guillermo Luv

n.º Semestre

anno scol. 1835-35

PRE 29225

n.º 29226

INT-ANTICATELCAMIA.2A-2

Q U I N T U S
H O R A T I U S
F L A C C U S

CUM NOTIS
J O S E P H I J U V E N C I I

SOC. JESU

P A R S P R I M A .



V E N E T I I S

Prostat venalis

APUD BIBLIOPOLAM SUB APOLLINIS SIGNO

1819.

COLLATION

of the

of the

of the

of the

of the

of the

Q. HORATII FLACCI.

Natus est HORATIUS, anno ab Urbe condita 689. Venusiæ in Apulia, patre libertino, at locuplete; a quo Romam ductus, & inter Senatorum Equitumque pueros liberaliter est educatus. Annos natus admodum 19. Athenas petiit. Ibi Philosophiæ operam dabat, cum Brutus, Cæsare percussus, fugiens in Macedoniam, illum Athenis abstraxit, & militum Tribunum in suo exercitu esse jussit. Commisso ad Philippos prælio, in quo cæsus est Brutus, fugam arripuit Horatius; ac Romam, facto ad Palinurum Italiæ promontorium naufragio, vix appulit. Mox, inopia cogente, versus factitare cepit; quos legerunt Virgilius, & Varius poetarum in Urbe tum principes, ac Mæcenati, viro nobili, summa apud Augustum gratia, & eruditorum patrono, laudavere. Is Horatium vocat, probat, ac paucis post mensibus in suorum numero esse jubet: simulque ipsi veniam ab Octavio Cæsare, qui postea Augustus dictus est, impetrat, quod Bruti, & Cassii partes secutus esset. Fuit ipsi quoque Augusto carissimus & acceptissimus. Obijt anno ætatis 57. U. C. 746. eodem quo Mæcenas; juxta quem in Esquiliis conditus est. Quod ingenium, qui mores, quæ religio viri fuerit, e scriptis patet. Corpore obesum, brevem, lip-pum, præcanum ipse se fuisse commemorat.

DE HORATIO

TESTIMONIA VETERUM.

✱.✱.✱

OVIDIUS lib. 4. Trist. Eleg. 10.

*Et tenuit nostras numerusus Horatius aures,
Dum ferit Ausonia carmina culta lyra.*

PERSIUS Sat. I.

*Omne vaser vitium ridenti Flaccus amico
Tangit, & admissus circum præcordia ludii;
Callidus excuso populum suspendere naso.*

QUINTILIANUS lib. 10. c. 1.

*Lyricorum Horatius fere solus legi dignus.
Nam & insurgit aliquando, & plenus est
jucunditatis & gratiæ, & variis figuris &
verbis felicissime audax.*

DE METRIS HORATIANIS

S E U

VARIIS CARMINUM GENERIBUS

Quibus constant Odæ Horatii.

Primum genus est earum, quibus sunt omnes versus Choriambici Asclepiadei Tetrametri, qualis est Od. 1. lib. 1. *Mæcenas atavis, &c.* Vocantur Choriambici; quia in illis præcipuum locum obtinet pes Choriambus, qui componitur ex Choræo, sive Trochæo, & Jambo, idest, ex longa & brevi, brevi & longa. Asclepiadei vocantur ab auctore: inventus enim fertur iste versus ab quodam Asclepiade. Tetrametri denique; quia pedes 4. habent; quorum 1. est Spondæus 2. & 3. Choriambus 4. Pyrrichius, constans e 2. brevibus. Porro longas syllabas lineis longis superne positis notavimus; breves nulla.

Mæcē 1 nās atavis 1 édite Rē 1 gibus 1

Potest etiam aliquis eundem versum metiri aliter, si nempe interponatur cæsura in medio.

Mæcē 1 nās ata 1 vīs 1 édite 1 Rēgibus 1

Porro cum Ode hujusmodi versibus ita constat, vocatur Monocolos: quæ vox Græca significat esse partes omnes unius formæ ac speciei. Quando duplicis generis sunt versus in Ode, vocatur ille Dicolos: quando triplicis, Tricolos: quadruplicis, Tetracolos, &c.

Rursum, quando versus iidem, & ejusdem generis recurrunt, si alternis id fiat, idest, si post alterum quemque versum, vocatur Ode Distrophos (quæ vox Græca id significat); si post tertium quemque versum, Tristrophos; si post quartum, Tetrastrophos: quia ille ordo versuum, qui identidem revertitur, Græcis est, *Strophe*, Gallis, *Stance*, *Couplet*.

Denique si pes nullus, nulla syllaba desit, aut abundet, versus vocatur Acatalectus: si desit una syllaba, vocatur Catalectus: si pes totus

desit, Brachycatalectus: si abundet unus pes, Hypercatalectus, vel Hypermeter.

II. Genus Odarum est earum, in quibus primi quique tres versus sunt Hendecasyllabi (hoc est undecim syllabarum) Sapphici (a Sappho inventi); Acatalecti, sive quibus nihil deest; Pentametri, sive quinque pedibus constantes; quorum 1. est Trochæus, 2. Spondæus, 3. Dactylus, 4. & 5. Trochæi. Quartus autem quisque versus est Adonius (ab Adone inventus) Dimeter, hoc est, 2. constans pedibus, nempe Dactylo, & Spondæo. Talis est Od. 2. lib. 1.

Jam sã I tũ têt I rĩs nivis I atquẽ I dirẽ I

Similes sunt d'no sequentes: quartus;

Terruit I urbẽ I

Tota Ode est Dicolos Detrastrophos.

III. Genus Ode Dicolos Distrophos; in qua primus quisque versus est Choriambicus Glyconius (ab Glycone inventore) Acatalectus, Trimeter, id est, pedes ternos habens; quorum primus est Spondæus, 2. Choriambus, 3. Pyrrichius. Secundus vero quisque versus est Asclepiadæus; de quo dictum est in primo genere Odarum. Talis est Ode 3. lib. 1.

Sic tẽ I Divã po I tẽns Cipri I

Sic frã I trẽs Hele I nã: I lũcida I sũdera I

IV. Ode Dicolos Distrophos, in qua primus quisque versus est Dactylicus, Archilochius, Heptameter. Dactylicus dicitur, quia in eo maxime regnat pes Dactylus: Archilochius, quia inventus, & usurpatus ab Archiloco, poeta Græco Lyrico: Heptameter, quia 7. constat pedibus; quorum 4. primi sunt Dactyli, mixtis tamen ad arbitrium, ut in versu Heroico fit, Spondæis; tres postremi semper sunt Trochæi. Secundus vero quisque versus Jambicus, Hexameter, Catalectus, constans sex pedibus, dempta una syllaba. Primus est Spondæus, vel Jambus, 2. Jambus, 3. Spondæus, 4. 5. & 6. Jambi. Talis est Od. 4. lib. 1.

Sõlvitur læcis hy I ems grã I tã vice I vëris I et Fã I võni I
Trãhũnt I que sic I cãs I mãchi I nã ca I rĩnas I

Secundus versus aliter dividi potest, nempe:

interposita in medio versu cæsura, & sic tres pedes ultimi erunt Trochæi.

Trahunt I que sic I cās I māchi I nā cā I rinās I

V. Ode Tricolos Tetrastrophos: in qua primi quique duo versus sunt Asclepiadei; qualis est in primo genere explicatus. Tertius autem quisque, Pherecratius, ab auctore Pherecrate sic dictus; Heroicus quia videtur esse pars versus Heroici, seu Hexametri; Trimeter, quia tres pedes habet, Spondæum, Dactylum, Spondæum. Quartus quisque est Glyconius; de quo dictum in 3. genere. Talis est Ode 12. lib. 1.

O nā I vīs refe I rēnt I in mare I tē novi I

Fluctūs I o quid a I gīs I fōrtiter I ooccupa I

Pōr tūm I nōnne vī I dēs ūt I

Nūdūm I rēmigi I o latus I

VI. Ode Diocolos Tetrastrophos. Primi quique tres versus sunt Asclepiadei; quartus Glyconius. Talis est Ode 5. lib. 1.

Scriberis vario &c.

VII. Ode Dicolos Distrophos. Primus versus est Hexameter Heroicus; secundus est Dactylicus Alcmanius Tetrameter. Dicitur Dactylicus, quia frequentiores in eo sunt Dactyli; Alcmanius, quia inventus ab Alcmane, Greco poeta; Tetrameter, quia 4. habet pedes, nempe similes 4. ultimis versus Heroici Hexametri. Talis est Ode 6. libri 1.

Laudā I bunt ali I i clā I rām Rhodon I aut

Miti I ienēm I

Aūt Ephe I sūm bima I risve Co I rinthi I

VIII. Ode Dicolos Distrophos. Primus quisque versus est Aristophanias, Dimeter, constans e duobus pedibus, nempe Choriambo, & Bacchio. Pes autem Bacchius ita dicitur, quia in hymnis Bacchi sæpe adhibebatur: constat ex una brevi, & 2. longis. Talis est versus Odæ 7. libr. 1.

Lidia dic I per omnes I

Aristophanias appellatur ab auctore illius Aristophane, poeta Comico, apud Græcos celeberrimo. Secundus quisque versus est Alcaicus, (ab Alcæo inventus) Tetrameter, quia 4. pedes ha-

bet. Primus est Epitritus, 2. & 3. Choriambus, 4. Bacchius.

Tē Deōs ō I rō sībarīm I cūr properēs I amāndō

Porro pes Epitritus, ita vocatur, quia supra 3. syllabas, unam habet. Quadruplex est, 1. ex Jambo & Spondæo compositus, ut *voluptates*, 2. ex Trochæo, & Spondæo, ut *conciatas*, 3. e Spondæo, & Jambo, ut *communiant*, 4. e Spondæo, & Trochæo, ut *expectare*. Potest hujus Odæ primus versus aliter secari; nempe

Lidia I dīe per I ōmnēs I

IX. Ode Alcaica Tricolos Tetrastrophos. Dicitur Alcaica, quia inventa fuit ab Alcæo, Lyrico poeta clarissimo. Primi quique duo versus sunt Jambici Senarii Brachycatalecti: qui appellari quoque possunt Dactylici Pentametri Catalecti. Constant illi ex Jambo, vel Spondæo, deinde Jambo, postea Spondæo, tum Anapæsto, deinde Jambo. Si aliter metiaris, ac esse Dactylicos velis, constabunt ex Jambo, vel Spondæo, tum Jambo, cæsura, & duobus Dactylis. Talis est Od. 8. lib. 1.

Vidēs I ut al I tā stēt I nive cāh I didūm.

Vidēs I ut al I tā I stēt nive I cādidum I

Tertius quisque versus est Jambicus dimeter, sive 4. pedibus constans (nam in versibus Jambicis, una mensura 2. pedes complectitur) hypercatalectus, sive abundans una syllaba, post 4. pedes.

Silvæ I labō I rāntēs I gelū I que I

Quartus quisque versus est Dactylicus Alcaicus, constans pedibus quatuor, duobus Dactylis, & duobus Trochæis.

Flūmina I cōstite I rīnt a I cūto I

X. Ode Monocolos; in qua sunt omnēs versus Choriambici Alcaici Pentametri; qui constant e Spondæo, tribus Choriambis, & Pyrrichio. Talis est Ode 10. lib. 1.

Tū nē I quæsieris I scire nefās I quēm mihi quēm I tibi I

Possis etiam metiri versum istum aliter, cæsuris interpositis.

Tū nē I quæsie I ris I scire ne I fās I quēm mihi I quēm tibi I

XI. Ode Dicolos, Distrophos: in qua primus quisque versus est Jambicus dimeter Catalectus, constat enim 4. pedibus; sed una syllaba deest, nempe prima. Talis est Od. 15. lib. 2.

Nōu | ebūr | nequ'añ | reūm |

Si velis pendulam, & abundantem, syllabam in finem versus rejicere; facies ex Jambico Trochaicum, & sic metiere.

Nōn e | būr ne | qu'añre | ūm |

Secundus versus est Jambicus Trimeter Catalectus, constans 6. pedibus, dempta una syllaba.

Meā | renī | det in | domō | lacū | nār |

XII. Ode Dicolos Distrophos: in qua primus quisque versus est Heroicus Hexameter; secundus quisque est Dactylicus Dimeter Hypercatalectus, constans 2. Dactylis, & syllaba. Talis est Ode 6. libri 4.

Distū | gēre nī | vēs rede | ūnt jān | grāmina | cāmpis |
ārbori | būsque co | mē |

XIII. Ode Dicolos Distrophos; in qua primus versus est Jambicus Trimeter, sive sex pedibus constans; secundus Jambicus dimeter, duabus constans mensuris, sive pedibus 4. Ejus generis est Ode 1. Epodon.

Ibis | Libūr | nīs in | ter āl | ta nā | viūm | amī | ce
prō | pūgnā | cula |

Aliud quoddam genus est huic simile? in quo, pro versu primo Jambico, ponitur Heroicus Hexameter.

Mōllis in | ertia | cūr tñn | tam dif | fūderit | irāis |
ōblī | viō | nēm sēn | sibūs |

XIV. Ode Dicolos Distrophos, in qua primus quisque versus Heroicus Hexameter; secundus vero Archilochius Hexameter Hypercatalectus, constans 4. Jambis, 2. Dactylis, & una syllaba. Talis est Od. 10. Epod.

Hōrrida | tēpē | stās cor | lūm cōn | trāxit et | imbrēs |
Nivēs | que dē | dūcūnt | Jovēm | nūnc mare | nūnc sil | vā

Quidam hanc Oden faciunt Tricolon Tristrophon: & secundum versum in duos secant: quorum primus est Jambicus Dimeter.

Nivēs | que dē | dūcūnt | Jovēm |

Alter est Dactylicus Archilochius, de quo dictum
in duodecimo genere.

Nūnc mare I nūnc sil I v̄æ I

Huic affine est generi aliud, in quo Dactyli-
cus Archilochius præponitur Jambico Dimetro:
& in primo loco, pro Heroico Hexametro, po-
nitur Jambicus Trimeter.

Pettī I nihil I mē sic I ut ān I teā I iuvāt I

Scribere I vēsien I lōs I

Amō I re pār I cūlsūm I gravi I

In quo genere, quidam duos illos versus in
unum conflant, hoc modo.

Scribere I vēsien I lōs I amō I re pār I cūlsūm I gravi I

XV. Ode Dicolos Distrophos: cujus primus
quisque versus est Heroicus: secundus vero Jam-
bicus. Talis est Od. 11. lib. Epod.

Altera I jān teri I tūr bēl I lis cī I vīlibus I ætās I
Sais I et ip I sa Rō I ma vī I ribūs I ruit I

Ultimum genus est earum in quibus sunt omnes
versus Jambici Trimetri. Talis est Od. 17. Lib.
Epod. *Jam jam efficaci etc.*

Q. HORATII FLACCI

O D A R U M

LIBER PRIMUS.

O D E I. a

Aliis rebus alios delectari: se poesim, ac maxime lyricam adamare.

Mæcenas atavis ^b edite Regibus,
 O & præsidium, & dulce decus meum!
 Sunt quos ^c curriculo ^d pulverem Olympicum
 Collegisse juvat: metaque ^e fervidis
 Evitata ^f rotis ^g, palmaque nobilis

Asclepiadei.

(a) Vox hæc est Græca: significat cantilenam quandam, qualis plerumque ad lyram cani solebat. Unde lyrica poesis appellatur. (b) Qui ortum ducis e Regibus, qui Reges Etruscorum numeras in tuis majoribus. Est autem hic ordo prosapiæ: pater, avus, proavus, atavus, abavus, &c. Mæcenatem porro prognatum e Regibus fuisse docet etiam Propertius lib. 3. *Mæcenas Eques Etrusco de sanguine Regum*. Neque apparet quare vox Regis hoc in loco proprie accipienda non sit. (c) Reperias quosdam quos delectat, excitare pulverem Olympicum curru, hoc est, qui alia re nulla magis oblectantur, quam certaminibus Olympicis, in quibus per campum pulverulentum currus agitantur. Est autem Olympia Græciæ civitas, quam Pisam quoque vocatam fuisse aliqui tradunt. In vicinis huic urbi campis, prope Al-

pheum fluvium, certamina curricula incredibili totius Græciæ concursu celebrabantur, quinto quoque anno ineunte, seu post annos quatuor exactos. (d) Curriculum accipe, vel pro exiguo curru, & veloci, vel pro ipso spatio, in quo currus incitatur. (e) Felicissimi prædicantur ab hominibus, & Diis terræ dominis simillimi putantur, qui rotis summa velocitate incitatis potuerunt ita circumfletere metam, ut ad eam non impingerent, alliderentque cursum, & palmam nobilem ita retulerunt. (f) In extremo stadio, sive loco ubi currus agitabantur, erant quædam metæ, seu lapideæ columellæ in acumen desinentes, ad quas eum aurigæ venissent, debebant circa illas currum fletere, & in eundem unde currere cœperant, locum reverti. (g) Rotæ præ celeritate sæpe ignem concipiunt.

Terrarum dominos evehit ^a ad Deos.
 Hunc ^b, si mobilium turba Quiritium ^c
 Certat tergeminis ^d tollere honoribus;
 Illum, si proprio condidit horreo
 Quicquid de Libycis ^e verritur areis,
 Gaudentem ^f patrios findere sarculo ^g
 Agros, Attalicis ^h conditionibus
 Nunquam dimoveas, ut trabe Cypria ⁱ
 Myrtoum ^k pavidus nauta secet mare. X
 Lucantem ^l Icaris ^m fluctibus Africum ⁿ

(a) Dicuntur ad Deos evehi, Cælum tangere, in Cælo esse, quibus aliquid bene, ac feliciter evenit, qui honorem eximium aliquem consequuntur. (b) Si unusquispiam a populo Rom. qui levis est ac parum in suo favore constans, maximis honoribus certatim ornatur, & supra cæteros cives attollitur: si alius aliquis frumenta totius pene Africæ in suis ipsius horreis condidit, dum ibi relictos a patre agros colere gaudet: neutram illorum nunquam ab instituto vitæ genere, nimirum ab honoribus ambiendis, ab colendis agris, dimovere poteris, eisque persuadere ut nauticam artem pleuam periculi, & pavoris exerceant, ac navi se committant in mari Myrto: quamvis hanc illis conditionem offeras, ut opes Attalicis similes possideant; quamvis opes Regis Attali ipsis promittas. (c) Romani dicti sunt Quirites a Curibus, primaria urbe Sabionum, Sabinis in partem regni, & Urbis vocatis. Livius lib. 1. (d) Tergeminus idem est ac triplex: ita Geryon, cui tria dicantur fuisse corpora, tergeminas a Virgilio vocatur. Triplices autem honores vel sunt honores maximi (numerus enim ternarius perfectionem rei alicuius sæpe significat) vel ter repetiti, vel tres maxime insignes, nempe Ædilitas major, Prætura, & Consulatus. (e) Africa dicta quoque est Lybia: frumenti ferax erat. Area est

locus ubi teritur, & verritur frumentum. Est autem hyperbole, cum ille agricola dicitur quidquid est in Africa frumenti suis unius horreis condere. (f) Refer hoc participium, ad, *illum si*, &c. hoc sensu; illum, idest, aliquem alium gaudentem vita rustica, nunquam dimoveas, &c. (g) Sarculum est rusticum instrumentum, genus ratri, quo segetes novellæ purgantur, atque herbæ inutilles scalpendo eliduntur. (h) Attalus fuit Rex Pergami in Asia, ditissimus, ita ut eius opes in proverbium abierint. (i) Navi e trabibus, in insula Cypro sectis, facta. (k) Est pars Ægæi maris: nomen ei factum, vel a Myrto Ænomani Regis Arcadiæ auriga, quem ille in hoc mare præcipitem deiecit, vel a muliere quadam Myrtoë. (l) At Mercator, qui timet ventum Africum cum fluctibus Icaris maris veluti constantem, eosque huc illuc impellentem, laudat ille quidem rusticam vitam, & urbanam, ut otiosam ac tutam, idem tamen, quia paupertatem pati non potest, naves naufragio laceratas reficit, risarcitque, ut iterum se mari committat: adeo abstinere a mercatura nequit. (m) Mare Icarium est pars Ægæi: inquam Icarus Dædali filius, solutis a Sole pennis, decidisse fertur. (n) Vehementior est, ac procellosus ventus flans ab Africa, & occasu hyberno.

Mercator metuens, otium, & oppidi
 Laudat rura sui: mox reficit rates
 Quassas, indocilis pauperiem pati^a.
 Est qui^b nec veteris pocula Massici^c,
 Nec partem solido^d demere de die
 Spernit, nunc viridi membra^e sub arbuto^f
 Stratus, nunc ad aquæ lene caput^g sacræ.
 Multos^h castra juvant, & lituoⁱ tubæ
 Permixtus sonitus, bellaque matribus
 Detestata^k. Manet sub jove^l frigido
 Venator, teneræ conjugis immemor;
 Seu visa^m est catulis cerva fidelibus,
 Seu rupit teretesⁿ Marsus^o aper plagas.
~~Se~~ p^p doctorum hederæ præmia frontium
 Diis miscent Superis: me gelidum nemus
 Nympharumque leves cum Satyris^q chori,

(a) Græca est phrasis: qui nulli periculis ac tempestatibus doceri potest, ut patiatu-
 r paupertatem, & careat lucro quod navigatione, licet periculosa,
 colligit. (b) Alius genio & vo-
 luptatibus indulget, nec sper-
 nit, hoc est, libenter potat
 vinum generosum, quale Mas-
 sicum est: neque spernit, hoc
 est, non recusat, partem ali-
 quam de solido, idest, integro
 die reseccare, quam scilicet epu-
 lis tribuat, nunc humi stratus
 sub aliqua viridi arbuscula, nunc
 ad fontem sacrum leni murmure
 aquas fundentem. (c) Massicus
 mons est in Campania Itala,
 ubi vites optimæ. (d) Non par-
 ticulam tantum dici carpere,
 ut cæteri; nam Romani cibum
 fere non sumebant risi sub
 vesperam; sed bonam partem
 de solido, & medio die capere,
 & diem frangere integrum quasi
 duas in partes, ita ut una detur
 negotiis, altera comotationi.
 (e) Phrasis Græca: habens mem-
 bra strata. (f) Arbutus est quæ-
 dam arbuscula, citro similis.
 (g) Aquæ caput, & origo, est
 ipse fons: sacri autem erant
 fontes apud antiquos; & Nu-

men aliquod iis inesse putaba-
 tur. (h) Multis bellum placet.
 (i) Lituus est buccina longior
 & incurva, sonum acutiorem
 edens. (k) Ea vox patiendi si-
 gnificationem hic habet. Matres
 autem bella execrantur, quia
 orbantur filiis. (l) Sub aere
 frigido, sub dio. Juppiter apud
 poetas sumitur pro Cælo, aere,
 & vento. (m) Sive canes fide-
 les viderint cervam; seu aper
 in plagas, & retia incidit,
 e quibus ruptis se extricaverit.
 (n) Retia fiunt e funiculis ro-
 tundis. (o) Marsi populi sunt
 Italia: Marsus aper ponitur pro
 quolibet apro; forte quia in ea
 regione frequentiores erant.
 (p) Ego mihi videor esse ipsis
 Superis æqualis, hoc est, bea-
 tissimus, si possum habere
 frontem hederæ redimitam; quod
 præmium est doctorum Poeta-
 rum. Hedera autem coronaban-
 tur poætæ: quia erant in tutela
 Bacchi, cui sacra hedera. (q)
 Satyri, sunt agrestes Dii, ca-
 prinis pedibus, protervi ac sal-
 tationi chorisque dediti. Chorus
 autem est eanentium, & sal-
 tantium multitudo.

Secernunt ^a populo; si neque ^b tibiās
Euterpe ^c cohibet, nec Polyhymnia
Lesboum ^d refugit tendere barbiton.
Quod si me Lyricis vatibus inseres ^e,
Sublimi ^f feriam sidera vertice.

(a) Separant a plebe; supra vulgus profanum me attollunt; reliquis hominibus præstantiorem faciunt, & excelsiorem. (b) Si quidem Euterpe libenter patiat̄ur me tibiis, quarum est inventrix, uti; modo eas mihi non prohibeat; modo Polyhymnia (una etiam e Musis, odarum & hymnorum auctor), non vetet, me barbiti fila contendere. eaque pulsare: id est, si mihi favcant Musæ. (c) Musæ novem vulgo recensentur: Calliope, Clio, Erato, Thalia, Melpomene, Terpsichore, Euterpe, Polyhymnia, & Urania.

(d) Lesbos est insula maris Ægæi, ex qua oriundi Alcæus, & Sapho, insignes lyrico carmine. Est autem barbytos, seu barbitus, lyra quoddam genus. (e) Adnumeret, ascribas. (f) Ero similis Superis; beatissimum esse me arbitror. Porro constat istam odem scriptam non fuisse, nisi post alias multas, quibus id jam erat assecutus Horatius, ut inter lyricos vates numerari jure posset: fuit autem posita primo omnium loco: quia dedicatio quædam videtur esse, qua suos carminum libr. Mæconati offert.

O D E II.

Clades quibus Romanos vexarunt Superi, ob necem Cæsaris: Octavius unus est qui jacentem Remp. erigere possit.

Jam satis terris nivi, atque diræ
Grandinis misit Pater ^a, & rubente ^b
Dextera sacra ^c jaculatus ^d arces,
Terruit Urbem.

Terruit gentes ^e, grave ne rediret
Sæculum Pyrrhæ, nova monstra questæ,
Omne quum Proteus ^f pecus egit altos
Visere ^g montes:

(a) Jupiter, hominum Denique Pater a Poetis vocatus. (b) Rubentibus fulminibus armata. (c) Templâ, sacrarum ædium cœmina. (d) Coniecto fulmine demolitus. (e) Fecit ut gentes timerent ne rediret diluvium; quo tempore Pyrrha, Deucalionis uxor, conquesta

est de prodigiis, & monstris antea inauditis, quæ tum contingebant, v. g. quod pisces in montibus, & summis arboribus degerent, &c. (f) Marinus Deus Neptuni filius, qui belluas marinas, quas Phocæ Poetæ vocant, pascit. (g) Græca locutio: id est, duxit ad visendos montes.

Piscium & summa genus hæsit ulmo;

Nota ^a quæ sedes fuerat columbis:

Et superjecto ^b pavidæ natarunt

Æquorè damæ.

Vidimus flavum ^c Tiberim, retortis ^d

Littore Etrusco violenter undis,

Ire dejectum ^e monumenta Regis ^f,

Templaque Vestæ ^g:

Illic ^h dum se nimium querenti,

lactat ultorem: vagus ⁱ & sinistra ^k

Labitur ripa, Jove non probante ^l,

Uxorius ^m amnis,

Audiet ⁿ, cives acuisse ferrum,

Quo graves ^o Persæ melius perirent;

Audiet pugnas, vitio parentum

Rara juvenus.

(a) Qua in sede, quibus in ulmis norant, solebant prius columbæ considerare. Videtur autem loqui de columbis sylvestribus, quas vulgò palumbes vocamus. (b) Super terras effuso: vel, ipsis natantibus super injecto. (c) Propter arenas turbidas quas volvebat. (d) Undas suas retorquentem ab Etrusco littore, seu mari Tyrreno, in quod defluebat, & eas retro in suum fontem. Romam versus, adverso flumine referentem, ut Romam deficeret, auctus & intumescens undis tum resluentibus. Roma quatuor admodum leucis distat ab Tyrreno littore. (e) *Dejectum*, est hic in supino, ut, *irelusum*. (f) Sepulchrum Numæ Pompilii, Romanorum Regis secundi. Aerom exponit, domum in qua olim Numapompilius habitabat, quæ Regia vocabantur. (g) Vesta Dea igni præsidebat; perpetuus in ejus templo servabatur, & alebatur a Vestalibus Virginibus. (h) Romuli mater, eadem Rhea quoque & Sylvia nuncupata, Tiberis uxor fuisse dicitur, quia in Tiberi, Amalii jussu submersa est; alii projectam in Anienem volunt. Ab ea Julius Cæsar duxit originem, unus

scilicet e Romuli nepotibus. Hanc igitur fingit Horatius graviter questam esse de Cæsaris nece apud Tiberim suum maritum, qui illi promiserat se ipsius ultorem fore, Urbemque destructurum. (i) Errans extra alveum. (k) Exitiali, pernitiosa, propter undas extra ripam effusas. Adde quod Roma Tiberi currenti erat ad sinistram, adeoque ab ea parte plus damni fecit. (l) Volente Romam plecti, non perire, & scelus hoc ab Augusto tandem expiari, vel, non probante templa everti. (m) Uxori nimium obsequens. (n) Juventus olim nascitura, & rarior propter bella civilia patrum scelere suscepta, in quibus multi viri perierant, audiet Romanos acuisse, & in se convertisse arma, quæ melius ab iis in Persas fuissent versa. Bellum civile describit, quasi præcipuam pœnam, quæ ob Cæsarem interfectum divinitus imposita fuerit; & ingeniose Octavio adulatur, qui Cæsaris nepos, & hæres. (o) Bellicosi, infensi Romanis, quos ante annos paucos, Crasso cæso, deleverant, ann. U. C. 701. Porro Persas pro Parthis ponit, qui Persarum vetus regnum tunc obtinebant.

Quem ^a vocet Divum populus ruentis
Imperi rebus? Prece qua fatigent
Virgines sanctæ minus audientem ^b
Carmina Vestam?

Cui dabit ^c partes scelus expiandi
Jupiter? Tandem venias, precamur,
Nube candentes ^d humeros amictus
Augur ^e Apollo:

Sive tu mavis, Erycina ^f ridens,
Quam jocus circumvolat, & Cupido;
Sive neglectum ^g genus, & nepotes
Respicis auctor.

Heu nimis longo satiate ludo:
Quem juvat ^h clamor, galeæque læves ⁱ,
Acer ^k & Mauri peditis cruentum
Vultus in hostem.

Sive mutata ^l juvenem figura,

(a) Quem e Superis populus implorabit, ad fulciendam Rempublicam ruentem? (b) Quia dolebat Julium Cæsarem, suum sacerdotem, indigna peremptum necesse. Cæsarem Versæ sacerdotem fuisse auctor est Ovid. 3. Fast. (c) Cuienam Jupiter dabit munus, & provinciam expiandi scelus a Romanis susceptum in Cæsaris necesse? Expiare autem scelus, est delere illud, ac purgare: porro expiavit necem Cæsaris Octavius, interfecit eius percussoribus, &c. (d) Nube tectos habens humeros candidos. Locutio Græca; ut, *pulcher vultum*, id est, *secundum vultum*. Deos porro aliqua nube obvolutos Poetæ solent exhibere, cum in terras labuntur. (e) Qui auguriis, & divinationibus præsidet. Augures proprie ex avium cantu, interdum etiam e pastu, & volatu futura prædicebant, ac voluntatem Deorum scrutabantur. Apollinem primo loco implorat; quia Æneæ, ac Trojanis, eorumque nepotibus Romanis, amicior ferebatur. Huc adde quod Augustus Apollinis filius esse iactabatur. Svet. c. 94. Oct.

(f) Venus, sic dicta ab Ericæ monte Siciliae, ubi præcipue colebatur. Eam invocat, ut matrem Æneæ, a quo Juliorum familia. (g) Seu tu, o Mars, auctor & Pater Romanorum, quia pater es Romuli, unde illi orti sunt, respicis, & curas gentem tuam, quam videris neglexisse, quippe qui tam diuturno bello civili eam vexasti, ut cruento isto ludo possis esse iam satiatum. (h) Qui delectaris clamoribus bellicis, &c. (i) Politæ, tersæ. (k) Et qui gaudes videre Maurum peditem truci vultu irruentem in hostem cruentum. Mauri sunt Africae populi circa montem Atlantem: eorum regio Mauritania dicitur, Hispaniæ opposita. De Mauris autem hoc in loco præcipue meminit, quorum fortitudo in bellis recentibus contra Jugurtham, & Jubbam, &c. perspecta fuerat. (l) Sive tu, o Mercuri, qui Majæ Filius es, exuta Dei figura quam in Olympo geris, imitaris in terris juvenem Octavianum, hoc est, ejus humanam figuram induis, & sub ejus vultu nobis appares.

Ales ^a in terris imitaris, almæ
Filius Majæ, patiens ^b vocari
Cæsaris ultor:

Serus in Cœlum redeas ^c, diuque

Lætus intersis ^d populo Quirini;

Neve te nostris vitiis iniquum ^e

Ocyor aura ^f

Tollat: hic magnos ^g potius triumphos,

Hic ames dici Pater ^h, atque Princeps;

Neu sinas Medos ⁱ equitare ^k inultos

Te duce ^l, Cæsar.

(a) Alatus. Dantur alæ sive falaria Mercurio, quia Deorum nuncius est, ac interpres. Favēbat ille quoque Romanis, ut olim Trojanis, & idoneus Horatio visus est qui Augusti vultum indueret, ob excellens ingenium ejusdem Augusti bonis artibus excultum, quarum præses Mercurius est. (b) Volens, probans. Dederat operam Octavius, ut lex ferretur de Cæsaris nece vindicanda; eamque in se provinciam præcipue suscepserat, ab eo videlicet in familiam, & nomen adoptatus. (c) Mercurium alloquitur, quem e Cœlo delapsum sub Augusti apparere vultu fingit ingeniose, & more poetico. (d) Diu veris in populo Romano. Quirinus nomen est Romuli. (e) Inimicum, ægre nostra vitia ferentem. (f) Nec citius avoles; ne te repentinus aliquis turbo

e terris in Cœlum revehat. (g) Ama potius hic triumphare, quam in Cœlo ferriari. (h) Augustus postea Senatus-Consulto Pater Patriæ appellatus est. Invitat igitur eum vates ad nomen hoc dulcissimum promerendum. (i) Parthos intelligit, qui, ut diximus, Crassum, & Romanos paucis ante annis magna pugna deleverant. Medii autem vocantur, quia hæc regio, primum a Medis, deinde a Persis, postremo ab ipsis Parthis occupata fuit. (k) Parthi maxime ex equis pugnabant. (l) Te Rempub. administrante. Ex illis facile potest intelligi quo anno scripta fuerit hæc Ode: nimirum paulo post pugnam Philippensem, in qua, cæsis Bruto, & Cassio, rerum summa Octavium spectare videbatur. Consule Indicem II. odarum.



O D E III.

*Optat Virgilio Athenas naviganti prosperum iter,
& vacuum periculis quibus infesta solet esse na-
vigatio: hinc invehitur in eum qui nauticam ar-
tem invenit.*

glissa Sic a te diva potens ^b Cypri,
didopi: Sic fratres Helenæ ^c, lucida sidera,
Ventorumque regat Pater ^d,
Obstrictis ^e aliis, præter Japyga ^f,
Navis, quæ tibi creditum ^g
Debes ^h Virgilium: finibus ⁱ Atticis
Reddas incolumem, precor,
Et serves animæ dimidium ^k meæ.

(a) Navim, qua Virgilius ve-
hitur, alloquitur. Sic, est in
hoc loco, utinam; vel, si est
particula comparativa, subau-
diendum est aliquid illi respon-
dens; v. g. sic re, o navis,
servent Superi, & regant, ut
ego vere istud, & ex animo
opto, vel, ut navem, qua ve-
herer, servari vellem, &c. (b)
Venus, Cypri domina. Cyprus
est Insula maris mediterranei
& regione Ciliciæ: in ea maxi-
me Venus colebatur. Nautæ
Venerem invocabant: quia cum
esset e maris spuma, ut fabu-
lantur Poetæ, nata, in mare
jus quoddam habere credebatur.
(c) Castor & Pollux. Apparent
sæpe in locis palustribus, &
in mari, quidam ignes erratici,
& fatui, quorum alii sursum
feruntur, alii deorsum: eos
Castorem, & Pollucem appel-
labant, & credebant esse nau-
tis salutare, si gemini simul
apparerent. (d) Æolus. (e) In-
clusis, & alligatis. Alludit ad
Homeri fabulam, qui narrat ven-
tos omnes datos esse Ulyssi ab
Æolo, inclusos & constructos

in utribus, præter Zephyrum a
quo in patriam Ulysses defer-
retur: cum antem Socii Ulyssis
male curiosi utres aperuissent,
elapsos repente ventos procel-
las concitasse, &c. (f) Japyx
est ventus ex Apulia flans,
opportunitus navibus ex Italia in
Græciam solventibus. Apulia,
vel ejus aliqua pars dicta est
olim Japyga. Hinc Virgilius
Garganum, Apuliæ montem,
vocat Japyga, item equum per-
nicem, quales erant Apuli,
lib. II. Æn. (g) Tuæ veluti
fidei commissum, & quasi apud
te depositum. (h) Debes inco-
lumem servare, & restituere,
ut debitor pecuniam sibi cre-
ditam debet reddere. (i) Vir-
gilius Athenas navigabat, ut
ibi Æncidem suam perpoliret;
verum hinc seductus in Italiam
ab Augusto, qui Romam redi-
bat ex Oriente, paulo post
obiit, anno ætat. 51. (k) Ad
vim amoris significandam, di-
cuntur amici unam, & eandem
habere animam, quæ in duobus
corporibus veluti dimidiata ver-
setur.

Illi robur ^a, & æs triplex

Circa pectus erat, qui fragilem truci
Commisit pelago ratem.

Primus, nec timuit præcipitem ^b Africunæ
Decertantem Aquilonibus,

Nec tristes Hyadas ^c, nec rabiem Noti ^d;
Quo non ^e arbiter Adriæ

Major, tollere seu ponere vult freta.
Quem mortis timuit gradum ^f,

Qui siccis oculis monstra natantia,
Qui vidit mare turgidum, &

Infames scopulos Acroceraunia ^g;
Nequicquam Deus abscidit ^h

Prudens Oceano dissociabili: *divinus aut. vi.*
Terras, si tamen impiæ ^k.

Non tangenda rates transiliunt vada ^l;

(a) Dura quercus. Habebat ille pectus confectum e ligno durissimo, aut ærea lorica munitum, id est, erat audacissimus, & fortissimus. (b) Africanus ventus est procellosus flans ab occasu hyberno: Aquilo est vehemens item ventus flans ab Septentrione: illi duo venti oppositi decertant, ac tempestates movent. (c) Stellæ quædam sunt pluviam inferentes: videntur in Tauri capite. Fabulis proditum est eas Atlantis fuisse filias, quæ fratris sui Hyantis a leone interfecti necem cum inconsolabiliter fleant, mutatæ sunt in stellas, quæ lachrymas etiam & aquas videntur amare. Succulæ ab Latinis vocantur, ab humore, & succo, seu pluvia. (d) Notus est ventus flans a Meridie; Auster etiam dicitur. (e) Quo nullus est potentior arbiter, & dominus Adriæ, seu fluctus, & procellas attollere velit, seu componere, & sedare: interdum enim est lenis, & placidus hic ventus. Adria sumitur hic pro toto, sinu, et mari Adriatico: interdum significat urbem Italiæ, in faucibus ejusdem sinus Adriatici. (f) Ge-

nas mortis, quod aliud alio quasi gradatim acerbius, et gravius est; vel, incursionem, et impetum mortis; vel, vicinitatem; morti enim sunt proximi, qui navigant. (g) Sunt scopuli quidam Epiri, ob naufragia quæ ad eos fiebant, famosi: Acros Græce significat, altus; Keraunos, fulmen: altissimi enim scopuli sæpe feriuntur fulmine: hinc illis factum nomen. (h) Separavit: frustra, inquit Horatius, Deus consulto terras a mari separaverat, siquidem homines navibus mare quasi conjungunt terris, ac perviam faciunt. (i) Quem decuit disjungi a terris, et nullam cum iis veluti habere societatem. Sunt qui vocem hanc velint activa in hoc loco significatione positam dissociabili, pro, dissociante, Oceano separante, et intercludente gentes alias ab aliis. Sic frigus penetrabile dicitur, id est, penetrans. (k) Quæ contra Dei veritatem faciunt. (l) Maria, littora. Vadum proprie locus est, in quo alta non est aqua, quem pedibus facile transmittas, quale est maris littus.

Audax omnia * perpeti
Gens humana ruit per vetitum nefas b.

Audax Japeti c genus

Ignem fraude mala gentibus intulit :

Post ignem ætherea domo

Subductum d, macies, & nova e febrium

Terris incubuit f cohors :

Semotique g prius tarda necessitas

Lethi, corripuit gradum h.

Expertus i vacuum Dædalus aera,

Pennis, non homini datis,

Perrupit Acheronta k Herculeus labor.

Nil mortalibus arduum est :

Cælum ipsum petimus l stultitia, m neque

Per nostrum n patimur scelus

Iracunda Jovem ponere fulmina.

(a) Adire pericula omnia, & perferre. (b) Proprie est id quod non licet facere, vel quod fieri non potest. Præceps fertur ad omnia scelerata, & difficilia. (c) Prometheus Japeti filius, qui cum ope Minervæ Cælum conscendisset, affixa tæda rotis currus solaris, ignem furatus, cum hominibus impertivit. (d) Furto sublatum. (e) Antea inaudita, nondum visa. (f) Invasit, obsedit, atque oppressit. (g) Tardius et quasi ex longinquo venientis. (h) Acceleravit: citius homines, quam antea, mortem obiere. (i) Subaudi, est. Ausus est se committere aeri, volare alis cera compactis. Dædalus, faber et architectus ingeniosissimus, naves primus fabricavit, iis addidit vela, navi effugit e Labyrintho Cretensi, &c. Unde nata est de illius pennis, & volatu fabula. (k) Acheron est Inferorum fluvius. Sensus est: Hercules ad ipsos usque Inferos penetravit, non sine labore; ut inde Cerberum extraheret. (l) Cælum oppugnarunt olim Gigantes; et Superos impii omnes lacessunt peccando, ac provocant. (m) Propter nostram amentiam: tanta est hominum insania. (n) Impedimus nostris sceleribus, quominus iratus nobis Jupiter deponat fulmina, in nostrum caput vibranda.

O D E I V.

*Sestium hortatur, ut genio indulgeat, proposita
veris amœnitate, & communi necessitate mo-
riendi.*

Solvitur ^a acris hyems grata vice ^b veris, &
Favoni ^c;
Trahuntque ^d siccas machinæ carinas:
Ac neque jam stabulis gaudet ^e pecus, aut
arator igni:
Nec prata canis albicant ^f pruinis.
Jam Cytherea ^g choros ^h ducit Venus, immi-
nente Luna ⁱ:
Junctæque Nymphis Gratia ^k decentes
Alterno ^l terram quatiant pede, dum graves ^m
Cyclopum
Vulcanus ardens urit officinas.
Nunc decet aut viridi nitidum ⁿ caput impe-
dire ^o myrto,
Aut flore, terræ quem ferunt solutæ ^p.

(a) Mitescit, deponit suum rigorem, et acerbicatem. (b) Vicissitudine, reditu stato, et solempni veris. (c) Favonius, idem est, ac Zephyrus; flat ab occasu. (d) Naves per hyemem in portu quiescunt, vel etiam in sicco littore sedent; exacta hyme, machinis et subibus e littore in aquam trahuntur, ut navigatio repetatur. Carina, pars navis infima. (e) Non amplius pecora in stabulis continentur, ut fit hyme. (f) Albescunt. (g) Venus; ita vocatur ab insula, quæ adjacet Peloponneso, contra Cretam: ea nunc Cerigo dicitur, olim Cythera: ibi Venus colebatur. (h) Nymphas in orbem saltantes ducit. (i) Incumbente ipsarum capiti, supra caput lucente, noctu. (k) Charites Græca vocæ

dicuntur: tres numerantur; Aglaja, Euphrosyna, et Thalia. (l) Nunc hoc, nunc illo; ut fit a saltantibus. (m) Dum Vulcanus, qui fulmina Jovis fabricatur cum Cyclopiibus in Æthæis fornacibus, eorum officinas multo igne succendit, ut prope urere illas velle videatur; graves vocat: id est, laboriosas. Erant autem Cyclopes gigantes quidam, et Vulcani ministri; sic vocabantur, quia unum oculum rotundum gerebant in media fronte; a duplici voce Græca, quarum una circulum, sive orbem, altera oculum significat. (n) Unguentis, et aromatibus delibatum. (o) Implicare, coronare. (p) Laxatæ ob vernum calorem; frigus terram constringit, calor contra solvit, atque aperit.

Nunc & in umbrosis Fauno ^a decet immolare
lucis,

Seu poscat agnam ^b, sive malet hædum.
Pallida mors æquo epulsat pede pauperum tabernas,
Regumque turres: o beate Sesti ^d,
Vitæ summa ^e brevis spem nos vetat inchoare
longam.

Jam te ^f premet nox, fabulæque Manes,
Et domus exilis ^g Plutonia: quo simul ^h mearis,
Non regna ⁱ vini sortiere talis ^k.

(a) Faunus fuit rusticorum
Dens; idem forte ac Pan.
(b) Legunt nonnulli, *agna*, &
hædo, subaudiendo, *fieri*: seu
poscat *agna*, sive *hædo* sibi
fieri, hoc est, sacrificari. (c)
Æquali: deficit, ac deturbat
æque viles pauperum domuncu-
las, ac superbas turritasque
Regum aedes: vel æque audiet
ingredi in aedes divitum ac pau-
perum: qui enim aliquam dom-
um inveniunt, solent, maxime
si protervi audacesque sunt,
pedibus & calcibus fores pul-
sare. (d) Iste Sestius Brutum
in civili bello secutus fuerat:
illum ut Augustus demereretur,
Consulem sibi substituit; ac
paulo post Horatius hanc ad
ipsum odem videtur scripsisse,
anno Urbis conditæ 731. Unde
in quibusdam libris legitur hæc
odæ inscriptio, *Ad Sestium
Consularem*. Consulatus autem
est, qui Consul fuit; ideoque
beatus appellatur ab Horatio.
(e) *Spatium*, mora vitæ: nu-
merns brevis dierum, & anno-
rum, quibus vivimus, prohibet
nos ea suscipere, & sperare,
quæ nisi longo tempore perfici
non possunt, ampla & vasta
moliri consilia. (f) Brevi te
mors, quæ tota tenebrosa &
nocti similis est, opprimet, ac
Inferi, qui moræ sunt fabulæ,
vel, de quibus tam multæ fa-
bulæ narrantur. Manes autem
sunt proprie hominum animæ,
quas ad Inferos descendere pu-
tabant, ibique vel detrudi in
Tartarum (erat is infimus, ac
teterrimus inferorum locus) cru-
ciandas; vel in Elisium (qui
locus erat in iisdem Inferis
amœnissimus) beandas abdaci;
aliquas etiam inde ad Cælum
transferri, Deorum in numerum
reponendas. (g) Exigua, misera.
(h) Quam in domum simulatque
migraveris. Poetæ post vocu-
lam, *simul*, non semper addunt
ac, vel, *atque*, sed omittunt sæ-
pius. (i) Non sorte, & talorum
jactu, eligeris in convivio rex
vini. Romani aliquem in con-
viviis statuēbant velut regem
& arbitrum convivii, qui præ-
ciperet quoties, & quantum
quisque biberet. Hunc autem
sortiebantur. *alea missa*. (k)
Talorum jactu. Vide lib. 2. od. 5.
ubi de talis, & alea fusius agi-
tur in notis.

ODE V.

Alios Agrippæ laudes, & prisorum heroum celebraturos ait; sibi argumenta tam gravia non convenire.

Scriberis a Vario b fortis, & hostium c
Victor, Mæonii d carminis alite e,
Quam rem cumque f ferox navibus, aut equis
Miles, te duce, gesserit.
Nos, Agrippa g, neque hæc dicere, nec gravem
Peleidæ h stomachum i cedere nescii,

(a) Varius (erat ille Poeta nobilis ea tempestate Horatii, & Virgilio amicus) te fortem scriber, hoc est, laudabit res a te fortiter gestas. (b) Pro, scriberis a Vario. Locutio est Græcorum propria, qui dandi casum usurpant pro casu auferendi cum præpositione, post verbum passivum. (c) Sexti Pompeii, erat ille Pompeii Magni filius, quem Octavius in freto Siculo vicit, anno U.C. 718. ope maxime, & consiliis Agrippæ, qui præfectus universæ classi tunc erat; ac rostrata post victoriam corona donatus est. Vide Indicem 2. odarum, ubi hæc fusc describuntur. Vel Antonii, quem quinto post victum Sext. Pompeium anno debellavit, ad Actium, Epiri promontorium, eodem Agrippa præsertim adjuvante. (d) Mæonium carmen est carmen grande, & heroicum, quali usus est Homerus, qui Mæonis dictus est, vel a patre Mæone, vel a patria, quæ est regio Asia minoris, eadem ac Lydia. (e) Qui Varius est ales, id est, cygnus Homerici carminis, seu, qui instar cygni est inter poetas

heroicos, quorum princeps Homerus. Poetæ eximii cum cygnis vulgo comparantur. Passeratius legendum putat, *aliti*, nempe Vario aliti: quam lectionem probat, ac tuetur Lambinus. Si legas, ut vulgo, *alite*, subandies præpositionem, *ab*. Quidam, *alite*, explicat, penna, calamo, stylo Homérico; alii, fausto omine; eodem auspicio, quo sua carmina Homerus scripsit. (f) Quamcumque rem. *Ista vox, quicumque*, solet a poetis dividi. Vocatur hæc figura, *Tmesis*. (g) Fuit amicus Augusti, & eius gener; vir bello strenuus, & ob modestiam Augusto percarus. (h) Achilles, qui Pelei, & Thetidis filius fuit. (i) Iram. Achilles, iratus Agamemnoni Græcorum Regi, pugnare cum Trojanis multis annos detrectavit, neque ullis precibus a sententia dimoveri potuit: unde hic dicitur, *cedere nescius*. Ea res multas clades Græcis attulit; & bellum usque in decennium extraxit. Demum ubi Achilles vidit suum amicum Patroclum ab Hectore interfectum, ad bellum se reculit, quod, cæso Hectore, confecit.

Nec cursus ^a duplicis ^b per mare Ulissei ^c,
 Nec sævam ^d Pelopis domum
 Conamur ^e, tenues grandia: dum pudor ^f,
 Imbellisque lyræ Musa potens ^g vetat
 Laudes egregii Cæsaris, & tuas,
 Culpa ^h deterere ⁱ ingeni.
 Quis Martem tunica tectum adamantina ^k
 Digne scripserit? Aut pulvere Troico
 Nigrum Merionen ^l? Aut ope Palladis
 Tydidem ^m Superis parem?

(a) Navigationem, errores. (b) Callidi, subdoli, aliud dicentis, aliud sentientis. (c) A nominativo Ulysses, qui derivatus est ab Græca voce tertiæ declinationis contractorum. *Ulyssesi*, est hic trissyllabum; alias dissyllabum est. (d) Cædibus & parricidiis infamem. Tantalus, Phrygiæ Rex, filium Pelopem interfecit: Atreus, filius Pelopis, Thyestis sui fratris filios interemit: Ægystus Thyestis filius Atreum, deinde Agamemnonem Atrei filium neci dedit: Orestes Agamemnonis filius matrem Clytemnestram peremit, Porro ista tragica facinora, erant vulgo tragœdiarum a Romanis poetis, & forte a Vario ipso, scriptarum argumenta: quibus tractandis imparem se fatetur Horatius, ut Epico carmini. Nec temere suspicari possis per Pelopem, Atream, Tyestem, adumbrari

Brutum, Cassium, Sex. Pompeium, &c. sicut per Martem, de quo infra meminuit, Octavianum; per Merionem, ipsum Agrippam. (e) Non conamur hæc dicere, quæ sunt a te præclare gesta, ut neque alia grandia carminum argumenta; cum adeo tenues poetæ simus. (f) Verecundia, et meæ tenuitatis conscientia. (g) Musa domina, et moderatrix meæ imbellis lyræ. (h) Corrumpete, et obscurare. (i) Propter imbecillitatem, et imperitiam meam. (k) Dura, solida, impenetrabili, instar adamantis. (l) Meriones fuit Idomeni Cretensium Regis socius, dux fortissimus, et in bello Trojano clarissimus. (m) Diomedem, Tydei filium, qui Martem ipsum in eodem bello vulnerasse ab Homero scribitur, et Venerem, Palladis ope in primis fretus.

O D E VI.

Tiburtinum agrum commendat, ubi villam habebat Plancus amœnissimam: in quam cum secessisset mœrens ab Augusto se negligi, eum Horatius consolatur.

Laudabunt alii claram Rhodon ^a, aut Mitylenen ^b;

Aut Ephesum ^c, bimarisve Corinthi ^d

Mœnia: vel Bacco Thebas ^e, vel Apolline Delphos ^f

Insignes, aut Thessala Tempe ^g.

Sunt quibus unum opus est, intactæ Palladis urbem ^h

Carmine perpetuo ⁱ celebrare, &

Undique ^k decerptam fronti præponere olivam.

Plurimus ^l, in Junonis honorem,

(a) Rhodus est insula, & civitas maris Mediterranci, vicina Cypro, e regione Ciliciæ.

(b) Urbs est primaria insulæ Lesbii, in mari Ægæo. (c) Urbs est minoris Asiæ, Dianæ templo celebris. (d) Corinthus est urbs Achajæ in Græcia, posita fere in medio isthmi Peloponnesiaci, hinc Jonium, inde Ægæum mare prospiciens; unde *bimaris* appellatur, quasi utrimque mari cincta. (e) Thebæ, urbs Bœotix in Græcia (alia enim est ejusdem nominis in Ægypto) Bacchi patria. (f) Delphi, urbs Phocidis prope Parnassum: in ea celeberrimum Apollinis templum fuit. (g) Neutro genere, & plurali numero hæc vox dicitur: locum in Thessalia significat, vallibus, sylvis, & hortis amœnissimis inclytum. (h) Athenas, cuius urbis præses *Pallas*. (i) Vel, in omni quod-

cumque tandem scribant, carmine; vel, in carmine aliquo uno, continuo, & non interrupto, ita ut aliud nihil præter Athenas laudent. (k) Coronare semper frontem oliva. Poetæ coronare vulgo solebant caput hedera, interdum myrto &c. illi laudatores Athenarum, oliva. Sensus est: qui in omni carmine aucupantur locum, & occasionem laudandi Athenas. Minerva olivam primum invenit, ac suam, tribisque Atheniensis, insigne esse voluit. Legunt aliqui hunc versum ita; *undique decerptæ frondi præponere olivam, & undique*, explicant undecumque: præponunt olivam omnibus frondibus, undecumque, id est, ex qualibet arbore sumptis; olivam aliis omnibus arboribus præferunt. (l) Multi Poetæ.

Aptum dicit equis Argos ^a, ditiesque Mycenæ ^b,
 Me nec tam patiens Lacedæmon ^c,
 Nec tam Larissæ ^d percussit ^e campus opimæ,
 Quam domus Albunæ ^f resonantis,
 Et præceps Anio ^g, et Tiburni ^h lucus, et uda
 Mobilibus pomaria rivis.
 Albus ⁱ ut obscuro detergit nubila Cœlo
 Sæpe Notus, neque parturit imbres
 Perpetuos: sic tu sapiens finire memento
 Tristitiam, vitæque labores
 Molli, Plance ^k, mero; seu te fulgentia signis
 Castra tenent, seu densa tenebit
 Tiberis umbra tui. Teucer ^m Salamina, ⁿ pa-
 tremque
 Cum fugeret, tamen uda Lyæo ^o

(a) Neutrius generis est in singulari; masculini vero in plurali. Urbs clarissima Peloponnesi. Hippium Argos dictum, ad aliarum ejusdem nuncupationis urbium discrimen, quod agrum haberet equis pascendis idoneum: ibi Juno maxime colebatur. (b) Mycenæ urbs est Peloponnesi, prope Argos; ubi regnavit Agamemnon. (c) Civitas in Peloponneso amplissima, alio nomine Sparta nuncupata, ubi regnavit Menelaus, Lycurgus floruit, & cives severissimis legibus instituit, ad omnium laborum in civili pariter, ac militari vita patientiam. (d) Civitatis in Thessalia; unde Achilles oriundus. (e) Movit, affecit; non tam mihi placuit. (f) Nomen est fontis, & sylvæ, in Italia prope fluvium Anienem: domus igitur Albunæ, vel est sedes ipsa fontis, & locus unde manat, vel, villa ad fontem extracta. (g) Flumen Italiæ, in agro Tiburtino, qui præceps ex edito loco defluit in subiectam vallem. (h) Viri nomen est, qui Tibur civitatem Italiæ condidit, in amœnissimo loco ubi luci, & pomaria rivis errantibus rigata.

Porro lucus Tiburni, est lucus ab ipso Tiburno consitus, vel in Tiburni herois memoriam de more consecratus. (i) Cœlum serenum, & candidum efficiens. (k) Plancus iste ab Antonio, quem secutus fuerat, rediit ad Augustum, circa ann. U.C. 722. a quo cum negligere, & a rebus gerendis amoveretur, eum Horatius in Tiburtina sua villa degentem consolatur. Extant Planci litteræ ad Ciceronem plurimæ. (l) Vexillis militariibus. Sive Militiæ, sive domituz eris. (m) Telamonis filius Ajacis frater, qui cum Troja capta, rediret in patriam Salamina, indignatus Telamon quod Teucer Ajacis fratris sui, qui inimicorum injuriis exagitatus, & in furorem versus sibi violentas manus attulerat, necem non ultus esset, eum Salamine expulit; unde in Cyprum navigans ibi consedit, urbemque condidit, quam Salamina etiam appellavit. (n) Salamin, sive Salamina, est insula & urbs maris Ægæi, e regione Atticæ. Telamonis regia. (o) Bacchus dictus est Lyæus, quia solvit curas; a verbo Græco, quod solvere significat.

Tempora populea ^a fertur vinxisse corona,
 Sic tristes affatus amicos:
 Quo nos cumque feret melior ^b fortuna parente,
 Ibimus, o socii, comitesque.
 Nil desperandum Teucro duce, et auspice ^c Teucro.
 Certus ^d enim promisit Apollo,
 Ambiguam ^e tellure ^f nova Salamina futuram.
 O fortes, pejoraque ^g passi
 Mecum sæpe viri, nunc viro pellite curas ^h:
 Cras ingens iterabimus ⁱ æquor.

(a) Caput. (b) E frondibus populi arboris contexta; quæ arbor cum Herculi sacra esset, a viris fortibus, aut ab iis qui rem periculosam suscipere, adhiberi solebat, quasi ad invocandum Herculem. Is devicto Cerbero, ab Inferis populum arborem ex Acheronte secum detulisse primus fertur, eaque se coronasse: unde illius exemplo victores populea fronde coronati fuerunt. (c) Mihi amicior, & æquior, quam ipse pater, a quo pellimur patria: a fortuna enim ductus est in Cyprum, ubi regnum tenuit diu, ac suis posteris reliquit. (d) Auspex ille dicebatur a Romanis, qui sumebat auspicia; vel, cuius ductu, nomine, auspiciis, aliquid gerebatur: erant autem

auspicia signa quædam Deorum voluntatis, & favoris ut quidem putabant Ethnici, & præsagia futurorum sumpta ex avium cantu, volatu, pastu; quasi avispicia, seu avium inspectiones. (e) Verax, qui certa & eventura promittit. (f) Condendam a nobis in regione nova (nempe in insula Cypro) Salaminam urbem, quæ ambigua erit; id est, quæ quia nomen idem habebit atque illa, ubi pater meus regnat, dubios homines faciet, cum de Salamina urbe sermo erit, utra sit ambarum, an hæc quæ est in insula Salamina, an quæ in Cypro. (g) In Cypro. (h) Graviores pericula. (i) Iterum nos æquori commitemus; navigationem repetemus.

O D E VII.

Increpat Lydiam, quod Sybarin juvenem ab omnibus honestis, quæ illum decerent, occupationibus, revocet.

L Lydia dic, per omnes
 Te Deos oro, Sybarin cur properes amando
 Perdere? cur apricum ^a

(a) Soli expositum. Significatur campus Martius: erat ingens quædam planities Marti sacra, sub moenibus Romæ, ubi juvenus Romana se exercabat.

Oderit ^a campum, patiens ^b pulveris, atque
Solis?

Cur neque ^c militaris

Inter æquales ^d equitet: Gallica ^e nec lupatis ^f
Temperet ora frænis?

Cur timet flavum Tiberim tangere ^g? Cur oli-
vum ^h

Sanguine viperino

Cautius vitat? neque jam livida ⁱ gestat armis
Brachia, sæpe disco ^k,

Sæpe trans finem jaculo nobilis expedito?

Quid latet ^l, ut marinæ

(a) Non vacet exercitationibus usitatis in isto campo. (b) Qui pari potest Solem, & pulverem, vel, qui deberet pati, ob ætatem & robur. (c) Militum in morem; ut hominem militatam decet. (d) Ejusdem ætatis adolescentes. (e) Neque equorum Gallicorum (erant illi præstantissimi) ora habenis flectat ac regat. (f) Lupatum, vel lupatus est frænum asperinum; ab lupinorum dentium similitudine dictum, qui acuti sunt, & inæquales. (g) Erat campus Martius prope Tiberim: abluabant autem se in Tiberi, ad abstergendum sudorem, post illas exercitationes collectum. (h) Luctaturi nuda corpora oleo tingebant, vel unguento, quoddam ex oleo & cera factum, quod ceroma vocabatur; ut essent robustiores, nitidiores, & minus idonei captantibus. (i) Livor est color pallidum, inter, & sanguineum, sensus est; cur non gestat arma, quorum pondere brachia essent illi trita, & livida? Posset enim ea commode gestare, qui tam sæpe jaculum, aut discum expedit, id est, projecit, trans finem, hoc est, ultra metam, nobilis, id est, spectandus ob eam rem cum magna roboris, & industriæ laude. Possunt etiam isti versus ita exponi: cur non gestat amplius, sive movet, agitaturque, brachia livida armis? Discum

& jaculum intellige, quæ ludentium arma sunt. Livida autem vocat, id est, Solibus perusta, & subnigra, sudore diffluentia, &c. nudabant enim brachia in ejusmodi ludis. Cur non est nobilis disco, & jaculo trans finem expedito? hoc est, cur palmam, & laudem inter æquales non refert, vibrando discum, & jaculum ultra terminum? (k) Discus erat circulus quidam solidus e plumbo, ære, ferro; quem, ope lori circumvoluti, ad certum terminum vibrabant. (l) Cur abditus domi sedet, ut Achilles, qui sub, id est, paulo ante bellum Trojanum, quo Troja excisa est, & extincta, delituit muliebri veste occultatus (nempe in aula Lycomedis Regis insulæ Scyri) ne virilis vestis eum proderet, atque ita protraheretur ad bellum Trojanum, ubi cum Lyciis cohortibus dimicaret; cum abdidit Mater Thetis, maris Dea, eum in fatiis esse cognovisset, periturum si Trojam peteret. Ovid. 13. Met. Detexit autem Achillem Ulysses in hunc modum: venit in aulam Lycomedis, habitum osque mercatoris gerens; & inter tæniæ, armillas, & alias id genus merces puellis idoneas, ense, & arma miscuit, quæ Achilles cum avide arripuisset, agnitus est.

Filium dicunt Thetidis sub lacrymosa Trojæ
 Funera: ne virilis
 Cultus in cædem, & Lycias a proriperet ca-
 tervas?

(a) Lycia est regio Asiæ mi- & Græcos. Lyciorum duces e-
 noris; cuius populi opem tu- rant Sarpedon, & Glaucus, ab
 lere Trojanis contra Achillem, Homero celebrari.

O D E VIII.

Hyeme esse indulgendum genio.

Vides ut alta stet a nive candidum
 Soracte^b, nec jam sustineant onus^c
 Sylvæ laborantes; geluque
 Flumina constiterint^d acuto?
 Dissolve^e frigus, ligna super foco
 Large reponens; atque benignius^f
 Deprome quadrimum^g Sabina^h,
 O Thaliarcheⁱ, merum diota^k.
 Permitte^l Divis cætera: qui simul^m
 Stravere ventos æquore fervido
 Depræliantes, nec cupressi,
 Nec veteres agitantur orni.
 Quid sit futurum cras, fuge quærere; &
 Quem sorsⁿ dierum cumque dabit, lucro

(a) Totum sit candidum mul-
 ta nive, vel, totum sit oper-
 tum nive, & quasi rigescat.
 (b) Mons est non procul Roma;
 cuius in spelunca diu latuisse
 dicitur S. Sylvester Pontifex
 Maximus, a quo Costantinus
 M. sacro fonte tinctus esse di-
 citur: unde nunc mons S. Syl-
 vestri vocatur. (c) Nivis, prui-
 næ: ut arborum rami præ nive
 deprimantur, ac frangantur.
 (d) Immota sint, gelu constri-
 cta non fluant. (e) Mitiga fri-
 gus, quod quasi contractum,
 & constrictum est: solve igne
 multo, & laxa calor laxat omnia;
 frigus astringit. (f) Largius,
 liberalius. Large apponi ligna
 iubet, largius vina; facete pro
 suo more. (g) Quatuor annos
 natum, a 4 annis conditum,
 (h) Vasa fictilia maxime fiebant
 apud Sabinos in Italia. (i) Quis
 iste Thaliarchus fuerit, & quare
 amicus Horatii, obscurum est.
 (k) Vox Græca est: significat
 vas duabus ansis, quasi duabus
 auribus, instructum. (l) Relin-
 que alia negotia Superum curæ:
 tu id unum cura, quomodo bea-
 tus, & hilaris vivas. (m) Qui
 statim atque compressere, com-
 posuere ventos antea decertan-
 tes inter se in mari turbido;
 alta quoque pax terras tenet,
 & sylvarum arbores agitari de-
 sinunt: ita providentiam notat.
 (n) Quicumque dies dabitur tibi
 a fortuna hunc numerum in lu-
 cro, & ad summam aliorum
 vitæ dierum appone, adds.

Appone, nec dulces *Camænas* ^a
 Sperne puer, neque tu choreas:
 Donec virenti ^b canities abest
 Morosa, nunc et campus ^c, et aræ ^d,
 Lenesque sub noctem susurri ^e,
 Composita ^f repetantur ^g hora.

(a) Musæ, & studia litterarum, poni possunt inter oblationes honestæ juventutis. (b) Tibi adhuc juveni, & viridem ætatem agenti. (c) Martius, vide Od. 7. (d) Urbis platearum: aprica loca, & patentia. (e) Intellige confabulationes vespertinas cum amicis. (f) Præfinita, condicta, & constituta. (g) Iterentur, frequententur.

O D E IX.

Laudes Mercurii.

Mercuri ^a, facunde, nepos Atlantis,
 Qui feros cultus ^b hominum recentum
 Voce ^c formasti catus ^d, & decoræ
 More ^e palæstræ ^f:
 Te canam, magni Jovis, & Deorum
 Nuntium, curvæque ^g lyræ parentem ^h,
 Callidum ⁱ quicquid placuit jocoso ^k
 Condere furto.
 Te, ^l boves ^m olim nisi reddidisses
 Per dolum amotas, puerum minaci

(a) Erat Mercurius filius Jovis, & Majæ Atlantis filiæ; eloquentiæ, commercii, & furum præses. (b) Mores barbaros hominum recens natorum, in mundi primordiis. (c) Eloquentiæ arte, quæ est ars vocis, & sermonis. (d) Ingeniosus, vaser, catus. (e) Inducendo consuetudinem palæstræ, quæ fingit corpora ad motus decoros, & habiles. Itaque animos eloquentia, corpora palæstra formasti. (f) Est palæstra exercitatio: qualibet corporis, in cursu, luctatione, &c. vel locus ejusmodi exercitationi addictus. (g) Quia lyram primo confecit Mercurius ex incurvo ostudinis tergo, & testa. (h) Auctorem, inventorem. (i) Græca locutio: qui callidus es ad abscondendum quicquid libuit furari per jocum. (k) Non quia indiges rebus quas furaris; sed quia sic ingenium & calliditatem ostendis. (l) Apollo, cum olim te puerum asperioribus verbis terrere conaretur, minitans aliquid mali, nisi sibi redderes vaccas quas ipsi furto abdideras, non potuit risum continere, cum se quoque vidit exutum sagittis, & pharetra sua, quam ipsi clam susurripueras. (m) Apollo iratum Jovem fugiens in terras venit, ubi cum premeretur inopia, coactus est boves Admeti Regis Thessaliæ mercedè pascere.

Voce dum terret, viduus pharetra
Risit Apollo.

Quin & Atridas ^a, duce te ^b, superbos
Ilio ^c dives ^d Priamus relicto,

Thessalosque ^e ignes, & iniqua ^f Trojæ
Castra fefellit ^g.

Tu pius ^h lætis ⁱ animas reponis

Sedibus: virgaque ^k levem ^l coerces ^m

Aurea turbam, Superis ⁿ Deorum

Gratus, & imis.

(a) Menelaum, & Agamemnonem, Atræi filios; qui, si viderent Priamum subeuntem Græcorum castra, gravius aliquid in eum forte statuissent.

(b) Priamus, ut Hectoris filii sui, ab Achille cæsi, corpus pretio redimeret, duce Mercurio, qui cum obscura nebula sepsit, profectus est in Græcorum castra, & per medias excubias ab Achillis tentorium penetrans, cum precibus inflexit, eodemque duce quo venerat, Trojam incolumis se recepit: Vide Homerum lib. Iliad. ultimo. (c) Troja. (d) Currum auro, & muneribus ornatum agens. (e) Græcos excubitores. Solent vigiles ubi excubant ignem excitare. Est Thessalia regio Græciæ. (f) Inimica. (g) Latuit; a nemine visus, detectusque, penetravit. Græco more, fallere, sumitur pro,

ignorari. (h) Animas piorum corpore solutas, morte obita. (i) In Elysiis campis collocas; huc eas deducis. (k) Caduceo; est bacillus quidam, medius inter duos angues hinc inde implexos, & sibi obversos: insigne est pacis. Ajunt Mercurium, cum inter faceret, incidisse in duos angues inter se pugnantibus humi; eum virgam, quam gestabat manu, mediam inter illos posuisse; statimque serpentes a pugna destitisse. Hæc origo Caducei: nisi malis ad veram Moysis virgam illam portentorum artificem referre: constat enim Ethnicos multa e sacris libris imitando duxisse, (l) Animas corporis mole extitas. (m) Cogis, & compellis in eundem quasi gregem; ut oves pastor pedo congregat. (n) Superis, ut Jovi, imis, ut Plutoni, &c.

O D E X.

Leuconoen, curiosam mulierem, admonet, ut, omissa inani futurorum cura, præsentibus bonis fruatur.

Tu ne quæsieris ^a (scire ^b nefas) quem mihi, quem tibi. *Jesus monopolis*

(a) Cave ne curiose inquiras. enim, inquit, nefas est scire.
(b) Legendæ sunt hæ duæ voces intra parentesim: hoc sciri nequit.

Finem a Dii dederint, Leuconoe: nec Babylonios b
Tentaris numeros, ut melius c, quicquid erit,
pati;

(Seu plures hyemes d, seu tribuit Jupiter ultimam,
Quæ nunc e oppositis debilitat pumicibus mare
Tyrrhenum) sapias f, vina liques g; & spatio h
breui

Spem longam reseces: dum loquimur i, fugerit
invida

Ætas; carpe k diem, quam minimum credula
postero.

(a) Vitæ metam. (b) Noli adhibere numeros, & calculos, quibus utantur Babylonii mathematici, ad astrorum cursus metiendos, & suas divinationes peragendas. Chaldæi, seu Babylonii; erant astrologiæ peritissimi, & divinandi scientiam profitebantur. Porro scientia illa divinandi maxime continetur numeris, sive computationibus, quibus astrorum cursus, & motus numeratur, &c. (c) Ut melius patiaris quidquid eveniet. Græca est locutio: particula enim non una ex iis, quæ significant, ut, apud Græcos, jungitur cum infinitivo. Alii accersunt e versu sexto vocem, sapias, & sic explicant; ut melius sapias pati, &c. id est, ut sapientius patiaris. Quidam sic explicant eas voces; ut melius pati, id est quandoquidem est melius, & consultius pati quicquid erit, id est, ferre animo æquo quicquid eveniat. (d) Plures annos ad vivendum dederit. De hyeme porro tunc sæviente pluribus disserit Horatius, quod, cum esset forte asperior, ab ea sibi Leuconoe magis timeret, quæ vivendi desiderio tenebatur, & astrologos de sua vitæ diuturnitate consuluerat. (e) Per pumices intellige scopulos marinis fluctibus exesos, instar pumicis, & excavatos. Senten-

tia est: quæ hyems frangit fluctus maris Tyrrheni, qui alidantur, & concidunt ad oppositos scopulos. Porro Italia porrigitur intra duo maria, Tyrrhenum, & Adriaticum. Tyrrhenum est illud, quod Galliam & Hispaniam respicit: vocatur etiam mare inferum: Adriaticus vero sinus illi oppositur, mare superum. (f) Sapienter utere præsentī hora. (g) Percoles. Percolare vina, est ea per colum, hoc est, sacculum, seu tenue limum, transmittere, ut quicquid est crassius seccernatur: ita fiebant vina leniora, & delicatiora. (h) Cogitatione tam brevis spatii ad vivendum nobis concessi, amputa spem longioris vitæ, & felicitatis: vel, in tam brevi spatio vitæ, noli sperare diuturnam esse posse voluptatum usaram; cum vita brevis adeo sit. (i) Dum hæc tecum loquor: dum hæc ad te scribo, ætas & tempus invidens nostræ felicitati jam effugerit; vitæ pars aliqua transit, mors propior est facta. (k) Hoc die, ejusque voluptatibus, nulla interposita mora, fructus; parum fidens diei crastinæ, quæ incerta. Metaphora ducitur a floribus, aut fructibus, qui non omnes simul, sed paulatim singulari leguntur.

O D E XI.

*Priscos Heroes, maxime Romanos, laudat,
quibus Cæsarem Augustum anteposit.*

Quem virum ^a, aut heroa, lyra, vel acri ^b
Tibia sumes celebrare Clio?

Quem Deum? Cujus recinet jocosa ^c
Nomen imago ^d,

Aut in umbrosis Heliconis ^e oris,
Aut super Pindo, gelidove in Hæmo:

Unde vocalem ^f temere insecutæ

Orphea sylvæ,

Arte materna ^g rapidos morantem

Fluminum lapsus, celeresque ventos,

Blandum ^h & auritas fidibus, canoris

Ducere quercus.

Quid prius? dicam solitis parentibus

Laudibus, qui res hominum ac Deorum,

Qui mare & terras, variisque mundum

Temperat ^k horis ^l?

Unde ^m nil majus generatur ipso,

(a) Ordo est: o Clio, quem virum, quem heroa, quem Deum, tibi celebrandum sumes lyra, vel tibia, &c. Clio est una e Musis. (b) Cujus sonus est acutior. (c) Canendo iterabit. (d) Echo, quæ imago quædam vocis est, eam reddens, & emissam repræsentans, quasi ludendo & garriendo eum eo qui loquitur. (e) Helicon est mons Bœoticiæ in Græcia. Musis sacer; ut Pindus, & Hæmus, ille in Thessalia, hic in Thracia. (f) Quo ex Hæmo voce suavissima canentem Orpheum sylvæ certatim, & ordine nullo sunt secutæ. Orphea porro est accusativus Græcus tertie contractorum. (g) Musica. Erat filius Calliopes, unius e Musis, quæ canendi peritissima. (h) Græcum idioma; id est, potentem ducere

blanda voce, & canoræ citharæ nervis, quercus auritas, hoc est sentientes vocis suavitatem, quasi si fuissent auribus præditæ. (i) Jovis, qui Deum hominumque pater vocabatur; quem initio suorum carminum solebant poetæ laudare, & invocare: vel, solitis, id est, notis & pervagatis. (k) Moderatur. (l) Horæ sæpe significant quatuor anni tempestates: unde Homerus appellat horam veris, pro vere &c. Possunt etiam hic intelligi horæ diurnæ, & nocturnæ, quæ quasi mundum dividunt ac temperant. (m) Ex quo Jove: nullus ipsius liberorum est patri æqualis. Vel, unde, id est, quare, itaque, hoc sensu: quia rerum est summus opifex, & moderator, ideo nihil est ipsi simile aut par.

Nec viget a quicquam simile, aut secundum b
 Proximos illi tamen occupavit c
 Pallas honores.

I 61. Præliis d audax neque te silebo,
 Liber, & sævis inimica virgo e
 Bellis: nec te, metuende certa f,
 Phœbe sagitta.

II 62. Dicam & Alcidem g, puerosque Ledæ h,
 Hunc equis, illum superare pugnis
 Nobilem: quorum i simul k alba l nautis.
 Stella refulsit.

Defluit m saxis agitata humor;
 Concidunt venti: fugiuntque nubes;
 Et minax n (quod sic voluere) ponto
 Unda recumbit.

III 63. Romulum post hos prius, an quietum
 Pompili o regnum memorem, an superbos

(a) Existit, vivit. (b) Prope omnes equestri, & curuli certamine: ille vero, nempe ejus par. (c) Etsi omnia infinito frater Pollux, cestu, & pugnis; tamen post illum proxime, & crudos enim pugnos ad luctam maxime laudatur Pallas. Legunt adhibebant Græci pugiles. (i) aliqui, occupabit, id est, in Castor, & Pollux inter astra hac ode mea, obtinebit locum relati a Jove fuerunt, & nunc a Jove proximum, & honorem; Gemini dicuntur ab Astrologis, post Jovem prima laudabitur, estque illud signum e duodecim (d) Ordo est: nec vero te silebo, o Iber, id est, Bacche, Zodiaci signis tertium. Nautis qui es in præliis audax. Bacchantur, & præesse mari putabantur, adeoque apparere sub figura stellarum duarum, seu potius erraticorum ignium, qui e marinis vaporibus concreti, celebratur apud poetas Bacchi apparent aliquando navigantibus, & serenitatem portendere creduntur. (k) Simul atque. (l) Serenitatis index: prosperas contra Gigantes pugnantis audacia, & fortitudo. (e) Diana, & felix. (m) Aqua, vi tempestatis agitata, & scopulis injecta, ex illis defluit. (n) Intumescens, ac tempestatem, quæ venatione ferarum delecratur. (f) Quæ semper scopum naufragiumque veluti minitans ferit. (g) Herculem: sic appellatur a voce Græca, quæ robur unda pesidet, sternitur, ac in mare recidit. (o) Numa Pompilius Rex secundus Romanorum fuit, pacis & religionis significat; vel, ab Alceo eius amans.

Tarquini^a fasces^b, dubito, an Catonis^c
Nobile lethum.

Regulum^d, & Scauros^e, animæque magnæ

Prodigum Paulum^f, superante Pœno^g,

Gratus^h insigni referam Camæna

Fabriciumqueⁱ:

Hunc^k, & incomptis^l Curium^m capillis

Utilem bello tulitⁿ, & Camillum^o.

Sæva^p paupertas, & avitus^q apto^r.

Cum Lare^s fundus^t.

Crescit occulto, velut arbor, ævo^u

IV Co:

I Co:

II Co:

(a) Dno fuerunt Tarquini, Reges Romani, alter Priscus, sive senior dictus; alter superbus, & Regum Rom. ultimus, homo nequam, & crudelis, quem proinde Horatius hic laudatum nolit. De Prisco igitur sermo est, qui cum Reges Etruscorum vicisset; ab iis sumpsit. Regiæ dignitatis insignia, trabeam, fasces, & Romanis Regibus utenda dedit. Superbos vocat fasces; quia Regiæ potentia, ac majestatis insignia sunt. (b) Sant collecti in fasciculum bacilli, in quibus mediis extat securis. Romanis Regibus, ac postea Consulibus Prætoribusque præferebantur a lictore: significabant potestatem animadvertendi in reos, vel pœna leviori, quam notabant virgæ, seu bacilli teretes, & minuti; vel graviori, quam securis indicabat. (c) Catonem Uticensem intelligit, M. Porcii Catonis nepotem, ita dictum ab Utica, urbe Africa, ubi manus ipse sibi violentas attulit, ne veniret in manus Cæsaris, postquam audivit Pompejanos ab eo profligatos. (d) Dux fuit Romanorum, qui captus ab Carthaginensibus, & Romam de captivis permutandis missus, suavit ne id fieret, ipseque, ut promiserat, rediit ad Pœnos, qui cum resectis palpebris, diuturna vigilia necaverunt. (e) Illustres illi fue-

runt ob magna in Rempublicam merita. (f) Æmilius Paulus, Consul Romanus, ad Cannas cum Hannibale pugnavit: cæso collega suo Varrone, & Romanorum millibus fere 50, ipse fortiter perire cum illis maluit, quam fuga vitam servare. (g) Hannibale victore. (h) Memor illorum virtutis; aut etiam Romanis non injucundus, qui me libenter audient de illis heroibus dicentem. (i) Ille ter Consul fuit; insigni frugalitate, & abstinentia, bella gravia cum Pyrho gessit. (k) Fabricium. (l) Neglectis, & impexis, ut viros militares decet. (m) Unus e priscis Romanis fuit, insigni abstinentia, & frugalitate; aurum a Samnitibus oblatum repudiavit, cum diceret malle se divitibus imperare, quam divitem esse. (n) Protulit, eduxit ad Reip. gloriam, educavit. (o) Is Gallos, incensa Roma Capitolium obsidentes, fugavit; eosdem Romam redeuntes magna strage ad fluvium Anienem cecidit; quintus Dictator fuit. (p) Aspera, fortis, & laboriosa. (q) Ab avis & majoribus relictus. (r) Qui conveniret exiguo fundo, avis frugalibus, & parvis, minime sumptuosa domo. (s) Domo: Lar proprie est Deus domesticus, custos domus. (t) Prædium, Villa. (u) Temporis progressu: nempe sentiens crescit arbor.

Fama Marcelli ^a: micat inter omnes
 Julium sidus ^b, velut inter ignes ^c
 Luna minores.

Gentis humanæ pater ^d, atque custos,
 Orte Saturno, tibi cura magni
 Cæsaris fati data ^e: tu secundo ^f
 Cæsare regnes.

Ille seu Parthos Latio ^g imminentes
 Egerit ^h justo domitos triumpho,
 Sive subiectos Orientis oris

Seras ⁱ & Indos;

Te minor latum reget æquus orbem:

Tu gravi curru quaties ^k Olympum;

Tu parum castis inimica mittes

Fulmina lucis ^l.

(a) Non videtur Horatius Marcellum hunc laudare, qui cum Hannibale pugnavit; Syracusas cepit, &c. ejus enim fama non crescebat sensim instar arboris, creverat sane, & corroborata erat vetustate: neque dici potest crevisse in eius posteris, qui profecto illius Marcelli, quinque Consulis, totque rebus præclare contra Carthaginenses gestis inelyti, laudes non æquaverant. Celebrat igitur hoc in loco Marcellum, Octaviæ filium, nepotem & generum Augusti; qui cum esset admodum adolescens, & omni dote ornatissimus, sensim, ut arbor, ad veterum Marcellorum gloriam & famam surgebat. Obiit ille paucis post Acriacam pugnam annis, vix annum vigesimum ingressus, ann. ab U. C. 731. Augusti, & Romæ lucem incredibili. (b) Julium Cæsarem significat, sub cujus mortem apparuit in Cælo stella crinita per dies septem, & anima ejus esse credita est, quæ Cælo recepta foret. Nota gradationem. Incipit laudare Augusti familiam, a Marcello,

egregiæ spei Principe, pergit ad Julium Cæsarem, quem Marcello, ut par est, imo cæteris heroibus superioribus a se ponit: demum in Augusto ipso desinit, quem a Jove secundum dicit. Non poterat Augustus laudari splendidius; quod unum hac in Ode videtur spectavisse. (c) Stellas. (d) Jovem intelligit, Saturni filium, &c. (e) A fati commissa. Fato enim subesse Jovem credebant. (f) Secundum a te locum obtinente; ita ut tu primus orbis moderator sis, ille sit subiectus uni tibi, & secundus, te solo minor, major cæteris Regibus, &c. (g) Romano Imperio, cujus prima sedes Roma, in Latio. Parthi autem diuturna cum Romanis bella gessere. Vide Indicem Odarum Chronologicum. (h) Repulerit; vel, in triumpho duxerit. (i) Seres populi erant ubi nunc fere Sina ponitur: apud eos bombyces multi; hinc tela Sericæ. (k) Fulminabis, & tonabis. (l) Sylvis sacris, quas impii profanas fecerint.

*Sub allegoria navis, Remp. alloquitur, & eam
a bello civili renovando deterret.*

O navis ^a, referent in mare te novi ^b
Fluctus! O quid agis? Fortiter occupa
Portum ^c; nonne vides, ut
Nudum ^d remigio latus;
Et malus celeri saucius Africo,
Antennæque gemant ^e, ac sine funibus
Vix durare ^f carinæ ^g
Possint imperiosius ^h
Æquor? Non tibi sunt integra lintea;
Non Dii, quos ⁱ iterum pressa voces malo:
Quamvis pontica ^k pinus,
Sylvæ filia nobilis,

Mito

(a) Quidam recentiores interpretes existimant Horatium alloqui navim eam, qua rediens e Macedonia naufragium fecerat ad Palinurum, Italiae promontorium, & in qua nonnulli e suis amicis redituri erant in Græciam ad reliquas pugnae Philippensis colligendas, & civile bellum instaurandum; sed nihil afferunt, quare videatur discedendum a Quintilianis, & veterum pene omnium sententia, qui censent navim hanc myre allegoricam esse. Ac sane si ageretur de vera navi, quis vector eam malo, remis, &c. destitutam voluisset conscendere? Nonne merito nugari Horatius censeretur, qui tanto verborum apparatu persuadere illi conaretur, ut saucia, & lacera in portu se contineret? Eam ab antiquitate, & nobilitate laudaret, &c. quæ si allegorice accipiantur, nempe pro Roma, & republica, plena sunt dignitatis, & elegantia. (b) Nova bella civilia. Ergone, o

Romani, de instaurando bello cogitatis? Cæsis Bruto, & Cassio in Macedonia, nondum pernitus extinctum fuit civile bellum: vide 2. Odarum Indicem Cronologicum. (c) Pacem, concordiam; Augusti clementiam. (d) Destituti estis militibus, ut navis remigibus. (e) Laborent ac fatiscant, venti vim non ferentes. (f) Perferre diutius. (g) Trabes, e quibus ima pars navis conficitur, pro ipsis navibus sumuntur. (h) Impotentius; gravius agitatam, & navim pro arbitrio huc illuc trahens iactansque. (i) Quos Deos oppressa malis invocare possis: duces exercituum, & Reip. Principes innuit; qui omnes ferme cæsi. (k) Pontus est Regio Asiae minoris, in qua optima arbores ad naves construendas nascebantur. Sensus est quamvis sis navis optima, & facta ex arboribus sylvæ celeberrimæ, tamen contra tempestatis vim nihil ista nobilitas valet.

Jactes & genus, & nomen inutile:

Nil pictis a timidus navita puppibus

Fidit: tu, nisi ventis

Debes ludibrium ^b, cave.

Nuper ^c sollicitum quæ mihi tædium ^d,

Nunc desiderium, curaque non levis

Interfusa ^e nitentes

Vites æquora Cycladas.

(a) Nihil pictæ Deorum statuæ, nihil sculptæ, & cæsatæ rerum aliarum imagines, quibus tua puppis ornatur, nihil, inquam; securitatis hæc inania ornamenta afferunt timidis nautis. Hoc est; Romanos antiquitas, & nobilitas sua non potest jam a servitute, & Augusti dominata vindicare. Solebant in puppibus imagines Deorum pingi, quorum in tutela navis foret; necnon aliæ res quædam, ut Tritones, Syrenes, &c. (b) Locutio est Græca: nisi velis esse ventis ludibrio. Illi debere risum, & ludibrium, a Græcis dicuntur, qui ridendi, & illudendi sint. (c) O Roma, o Resp. quæ mihi tantum dolorem nuper attulisti, cum ego pro tua libertate pugnarem (contra Octaviam enim steterat Horatius, & Pompejanas partes amplexus fuerat) at nunc quam

esse quietam velim, & sub Augusto pacatam desidero, curoque non leviter, fuge, quæso, arma & civiles motus, ut scopulos maris, & Cycladas, nautæ fugiunt. (d) Quasi ipsum tæduisset, ac porro nunc pœniteret arma tulisse contra Augustum. (e) Æquora fusa, & currentia inter nitentes Cycladas. Cyclades insulæ sunt Maris Ægæi, sic dictæ, quia in orbem, & circumulum videntur esse dispositæ: sunt autem scopulis plenæ, ad quos allisi fluctus edunt spumam albicantem, hinc nitentes dicuntur. Recte autem de Cycladibus, & Ægeo meminit; non solum quia pars ista maris est admodum periculosa, propter scopulos, & frequentes insula; verum etiam quia Græciæ adjacet, ubi primæ bellis civilis alea quasi jacta fuerat.

O D E XIII.

Nerei vaticinium de Trojæ excidio.

Pastor ^a cum traheret ^b per freta navibus
Idæis ^c Helenam ^d perfidus ^e hospitam;

(a) Paris; ita vocatur hic ab Ibratio, quia Priamus cum in sylvis exponi jusserat, cum admonitus fuisset ipsum aliquando patriæ exitialem fore: tamen Heecuba eius mater illum clam inter pastores educari & servari jussit; jam grandior a patre agnitus, & acceptus. In Græciam missus est, ut Hesiodonem, Sororem suam, a Menelao

repeteret. (b) Trojam abduceret. (c) Fabricatis in Ida, monte prope Trojam. (d) Jovis, seu Tyndari, & Ledæ filia fuit, Menelai Græcorum Regis uxor, a Paride rapta, & Trojam abducta. (e) Quia cum fuisset Paris exceptus amice a Menelao, uxorem illi suam blanditiis deceptam abstulit.

Ingrato a celeres obruit otio b

Ventos, ut caneret fera c

Nereus d fata. Mala e ducis avi domum,

Quam multo repeter Græcia milite,

Conjurata f tuas rumpere nuptias,

Et regnum Priami vetus.

Eheu, quantus equis, quantus adest g viris

Sudor! quanta moves h funera Dardanæ i

Genti! Jam galeam Pallas k, & Ægida l,

Currusque, & rabiem parat m.

Nequicquam Veneris præsidio n ferox o,

Pedes cæsariem; grataque fœminis

Imbelli cithara carmina dividēs p.

Nequicquam thalamo q graves

Hastas & calami r spicula Gnossii s

Vitabis, strepitumque t, & celere sequi u

Ajacem x: tamen, heu! serus adulteros

(a) Id est, otio molesto, vel Paridi festinanti, vel ipsis ventis, qui gaudent perpetuo motu.

(b) Silere invito iussit, & quiescere. (c) Luctuosa, feralla.

(d) Deus maris præses, Oceani, & Tethios filius, Doridis maritus, pater Nympharum maris, quæ ab eo Nereides vocantur. (e) O Pari, ducis tuam

domum Helenam malis avibus; id est, infaustis auspiciis, Sumebantur enim auspicia ex avium cantu, volatu, etc. vide Oden 6. (f) Solemni sacramento se obligatura da Helenam a te divellendam, et evertendam

Trojam (ubi Priamus jamdiu regnat) nisi eam reddas. (g) Instat, imminet: id est; quantum laboris subendum brevi erit! (h) Præparas, machinaris.

(i) Trojanæ. Dardanus, Jovis & Electræ filius ab Italia ubi fratrem interfecerat, in Phrygiam veniens, Trojam cœpit condere.

(k) Minerva eadem & scientiarum, & belli præses, Græcis præcipue favebat, ut Venus Trojanis. (l) Ægis erat scutum, caprinis pellibus tectum, cujus in medio visebatur Medusæ caput, horridum anguibus. Diis vulgo tribuitur, maxime Jovi,

& Palladi, (m) Concipit bellum furorem. (n) Orta inter Deas Junonem, Palladem, & Venerem controversia de præstantia formæ, Paris adhuc inter pastores degens, iudex adhibitus, causam Veneri adjudicavit. Hinc odium Junonis & Palladis in Trojam, & Veneris favor erga eodem. (o) Andax, fideus. (p) Aliud carmen uni fœminæ, aliud canes alteri; vel; carmina, percussis aliis atque aliis citharæ nervis, modulaberis: vel, nunc voce, nunc lyra canes. (q) Frustra continebis te in cubiculo tuo, & thalamo, ut fugias, & vites hastas hostium, & jacula. (r) Arundinis, sagittæ. (s) Cretensis. Gnossus est urbs in Creta insula: erant autem Cretenses periti jaculandi. (t) Belli tumultum. (u) In te persequendo.

(x) Duplex Ajax fuit, alter a Patre Telamone, dictus Telamonius, qui cum Achillis a Paride cæsi arma peteret, victus est Ulyssis eloquentia, & in furorem actus, gladio se confodit. Lege Ovid. 13. Metam. Alter Ajax, ab Oileo Patre, Oileus cognominatus est. Eius crimina, & necem vide l. 5. Od. 9.

*ingred. in thali
Telamoni*

Crines pulvere collines ^a.
 Non Laertiadem ^b, exitium tuæ
 Gentis, non Pylum ^c Nestora respicis ?
 Urgent impavidi te Salaminus ^d
 Teucer, te Sthenelus ^e sciens ^f
 Pugnæ: sive opus est imperitare equis,
 Non auriga piger. Merionem ^g quoque
 Nosces: ecce furit ^h te reperire atrox
 Tydides ⁱ, melior patre;
 Quem tu, cervus uti vallis in altera
 Visum parte lupum graminis immemor ^k,
 Sublimi ^l fugies mollis anhelitu,
 Non hoc pollicitus tuæ ^m.
 Iracunda ⁿ diem proferet Ilio,
 Matronisque Phrygum, classis Achillei.
 Post certas ^o hyemes uret Achaicus ^p
 Ignis Iliacas domos.

(a) Pœdabis; interemptus
 terius quam deceret ad Trojæ
 utilitatem, in terra volutaberis.
 Ad alteros crines vocat, nempe
 comptos cultosque studiosius,
 ut parum casti solent: vel,
 taos adulteri. Paris a Pyrrho
 Achilles filio interfectus est.
 (b) Ulysem, Laertæ filium,
 qui ad expugnandam Trojam
 momenti plurimum attulit suis
 consiliis, & dolis; ut Nestor,
 sapientia. (c) Oriandum ex Pylo
 urbe Peloponnesi. (d) Oriundas
 e Salsamine, insula, & urbe
 prope Athenas, de qua plura
 vide Od. 6. (e) Dux uetus Græ-
 corum, Diomedis socius, vir
 fortissimus. (f) Pugnabant Græci
 vulgo e curribus, alter in curru
 stans, alter equos flectens ac
 regens: utrumque a Sthenelo
 egregie fieri Neresus dicit, sive
 pugnandum e curru sit, sive
 equis imperitandum. (g) Vide
 Oden 5. (h) Ardet, vehementer
 cupit te reperire, ac tecum
 pugnare. (i) Diomedes, Tydeo
 patre fortior. Sup. Od. 5. (k)

Omittens gramen, lupum fugit.
 (l) Anhelitum ex alto pectore
 vix trahens, præ metu, &
 identidem caput, ut sit, at-
 tollens. (m) Helenæ, cui te
 fortem, & impavidum iactave-
 ras. (n) Achilles classis, quæ
 ob iram sui ducis ab Agamemno-
 ne dissidentis, recensabit pu-
 gnare contra Trojanos, in causa
 erit cui in plures annos, Ilii
 ruina, & Iliadum differatur.
 Achillei autem est genitivus,
 ab, Achilleus, Achillei: hic
 trium syllabarum; alias duarum
 est. Achilli Briseidem eripuerat
 Agamemnon: hinc Achillis ira,
 & otium a bello. Cum tamen
 amicum suum Patroclum ab He-
 ctore interemptum vidisset, ad
 bellum se contulit, Hectorem
 occidit, quo casu capta & in-
 censa fuit Troja. Ipse quomodo
 perierit, leges in Ode 5. lib. 4.
 (o) Post certum annorum nu-
 merum. (p) Græcus, a Græcis
 inmissus. Achaja pars est Græ-
 ciæ.

O D E XIV.

*Tyndaridem, quam satyricis quibusdam versibus
offenderat, placare conatur: causam iræ, quæ
fuerat abreptus, tribuens.*

O matre pulchra filia pulchrior,
Quem ^a criminosis ^b cumque voles modum
Pones ^c Jambis, sive flamma,
Sive mari libet ^d Adriano.
Non ^e Dindymene ^f, non adytis ^g quatit ^h
Mentem sacerdotum incola Pythias,
Non Liber ⁱ æque ^k, non acuta
Sic geminant ^l Corybantes æra,
Tristes ut iræ: quas neque Noricus ^m
Deterret ⁿ ensis, nec mare naufragum,
Nec sævus ignis, nec tremendo
Jupiter ipse ruens tumultu ^o.

(a) Abolebis, quacumque voles pœna, scriptos in te jambos; eos tolles e medio quocumque modo libuerit; statues de illis ut libebit. Quem criminosis cumque, pro, quemcumque criminosis. (b) Maledicis. (c) Finem, exitum. (d) Subaudi, eos punire, & multare: seu in ignem, seu in aquam libet conicere. De Adriano mari, vide Oden 3. (e) Excusat se, quia elatus iracundia scripsit istos versus; offensus forte ab ipsa Tyndaride. Sententia est: non ita suos sacerdotes Cybele, Apollo, Bacchus, agitant, ut iracundia homines quatit. (f) Cybelem; sic dicta a Dindymo, Phrygiæ monte, ubi colebatur a Corybantibus, qui æra, sive creas pelles, ac lebetes, ænea tympana, pulsabant, rotabantque corpus furentium instar, (g) in adytis: adyta sunt templi penetralia,

quo prophanis hominibus adire non licet. Intelligitur templum Delphicum, quod incolebat, & ubi reddebat oracula Apollo, Pythius dictus, a serpente Pythonem quem intemerat: hinc Apollo dicitur hic *Incola Pythius*. (h) In furorem agit. (i) Bacchus. (k) Similiter, tanto furore. (l) Ictu repetito quatit. Corybantes porro erant Sacerdotes Cybeles, quæ Jovem recens natum, ut Saturno filios devoranti subduceret, alendum iis in Creta insula tradidit. Ne vero Saturnus vagientem audire Jovem posset, pulsabant æra, &c. (m) Noricum regio est Germaniæ, ubi nunc fere Bavaria; in ea regione procurdebantur enses optimi, ob præstantis ferri venas uberes. (n) Exterret; sistit ac retinet. Iratum hominem non retardat metus periculi, & mortis. (o) Quem tonitru excitat.

Fertur a Prometheus addere principi b
 Limo coactus c, particulam undique
 Desectam, & insani d leonis
 Vim stomacho apposuisse nostro.
 Iræ Thyesten e exitio gravi
 Stravere, & altis f urbibus ultimæ
 Stetere causæ, cur perirent
 Funditus, imprimeretque muris
 Hostile aratrum exercitus insolens.
 Compesce g mentem: me quoque h pectoris
 Tentavit in dulci juventa
 Fervor, & in celeres Jambos
 Misit i furentem. Nunc ego mitibus
 Mutare k quæro tristia; dum mihi
 Fias recantatis l amica m
 Opprobriis, animumque reddas n.

(a) Dicitur Prometheus, cum homines e limo fingeret, coactus fuisse addere ad lutum illud princeps, sive primigenium, unde illorum corpora compegerat, particulam ab omnibus animalibus desectam & decisam, & a leone sumpsisse vim, hoc est, iracundiam, & rabiem, eamque in hominis stomacho possuisse. (b) Vel nobiliori, vel meliori & exquisitiori. (c) Quia dotes omnes naturæ in fingendis animalibus consumpserat: itaque coactus est ab hisdem animalibus aliquid veluti rescicare, quod homini tribueret. (d) Furiosi, præter modum iracundi. (e) Gravi exitio percussit Thyesten ira fratris ipsius Atrei: dolens enim Atreus a Thyeste oblatum uxori suæ stuprum, ipsius filium coctum patri epulandum apposuit, &c. (f) Eadem iracundia fuit causa postrema, & gravissima, cur celeberrimæ urbes penitus everterentur, & victor miles, ac insolens, aratrum duci, & sub-

cos imprimi juberet, in eo loco ubi mœnia illarum steterant. Ita everse sunt Troja, Numantia, Carthago, &c. Idcirco autem urbis everse solum jubebant arari, ut intelligeretur ibi non amplius fore urbem, sed agrum; ut spes omnis resituentæ urbis tolleretur. (g) Iram mitiga. (h) Æstus iracundiæ, me, utpote juvenem, impulit, &c. (i) Suasit mihi ut jambos scriberem. Celeres vocat, quia jambus ex brevi & longa constat, atque adeo celeriter pronunciat. (k) Loco tristissimi versuum, & maledicorum, placidos, & mites cupio scribere, & retractare probra quæ in te dixi. (l) Retractatis, revocatis. Recantare interdum est eadem canere iterum; interdum, ut hoc in loco, contraria cantate, & prius dicta condemnare. (m) Benevola, placata. (n) Bono me animo esse jubeas; mœrorem meum detergas.

O D E . XV.

*Tyndariden invitaz in suam villam, in Lucretili
monte sitam .*

Velox a amœnum sæpe Lucretilem
Mutat Lycæo Faunus b, & igneam
Defendit c æstatem capellis
Usque d meis, pluviosque ventos.
Impune e tutum per nemus arbutos f
Quærunt latentes, & thyma devixæ g
Olentis h uxores i mariti:
Nec virides metuunt colubros:
Nec Martiales k hædilia l lupos;
Utcumque m dulci Tyndari fistula n
Valles, & Usticæ o cubantis
Lævia p personuere saxa.
Dii me tuentur q: Diis pietas mea,
Et Musa cordi est: hinc r tibi copia.

(a) Fauns sæpe, relicto monte Arcadiæ Lyceo venit in Lucretilem: Sabinorum in Italia montem: (b) Idem, ac Pan, Satyrorum, ac Deorum rusticorum princeps; velox dicitur, quia caprinos habebat pedes; cursuque, ac saltu delectari ferebantur Fauni, ac Satyri. (c) Arcet, prohibet ne æstas immodico æstu meas capellas vexet. (d) Semper. (e) Sine luporum, aut rei alterius noxiæ metu. (f) Est arbutus quædam arbor humilior: (g) Huc illuc temere vagantes. (h) Capri, qui vir gregis a Virgilio vocatur; estque olidum animal, & fœtens: (i) Capellæ. (k) Audaces, crudeles, ideoque in Martis fidē ac tutelā. (l) Pro; hæduli, teneri ac recentes, hædi; sic, *hinnuleus*, ab Horat. dicitur alibi, pro *hinnulus*. Mendose legitur in quibusdam, hædilia hædorum ovilia: secunda quippe syllaba produci-

tur, quam hic ratio carminis brevem esse iubet; licet hanc lectionem aliquo modo defendat Lambinus. Legi etiam potest, hædilia, sive hædilia, ut in veteribus fere omnibus codicibus legi docet idem Lambinus: ab hædilia, sive, hædulia, hædulia; id est, stabulum hædorum. (m) Quotiescumque, ubicumque. (n) Fauni. (o) Mons, seu collis fuit: Lucretili vicinus; cubans dicitur, hoc est, leniter declivis, & fere jacens. Altissimi enim montes videntur stare: humiles, & demissi jacere. (p) Polita, atque adeo ad vocem fistulæ geminandam idonea. (q) Atque adeo nihil timebis domi meæ: (r) Ex hac mea villa fluet tibi ad plenum, id est, ad satietatem; copia & abundantia omnium frugum & fructuum (qui sunt honores opulenti ruris & ornamenta) veluti ex uberrimo Almatheæ cornu.

Manabit ad plenum benigno.
 Ruris honorum opulenta cornu a .
 Hic in reducta b valle, caniculæ c
 Vitabis æstus; & fide d Teja
 Dices laborantes in uno e
 Penelopem, vitreamque f Circen g.
 Hic innocentis h pocula Lesbii
 Duces i sub umbra: nec Semelejus k
 Cum Matre confundet Thyoneus
 Prælia; nec metues protervos l.

(a) Fabulis proditum est Jovem a Nymphis nutritum esse lacte cujusdam capræ, Amaltheæ nuncupatæ. Eas ut remuneraretur Jupiter, edixit ut ex illius capræ cornu resecto, omnes fruges & fructus in perpetuum manerent. Hinc cornu copiarum vocatum est. (b) Separata tantisper a reliqua villa, secretiori, & solitaria. (c) Canicula, seu canis minor, est sidus, quo oriente graviores æstus sæviunt: appellatur etiam Sirius. (d) Fides aliquando significat citharæ chordam & nervum; estque tunc declinationis terminæ. *Teja*, idest Anacreontica: compones versus, quales scripsit Anacreon Poeta Græcus venustissimum, oriundus Deo urbe Joniæ. (e) Viri unius, nempe Ulyssis, amore implicatas, Circen, quæ illum retinere frustra conata est, & Pe-

nelopen ejusdem uxorem, castitatis fama notam. (f) Dolosam & instar vitæ fragilem; virum enim veneno peremerat. (g) Veneficam famosam, quæ Ulysses tempestate lætatum excepit in Italia, ejusque socios in porcos transformavit. Virgil. lib. 7. Homer. lib. 10. Odys. (h) Vini e Lesbo, insula Ægæi maris, advecti, quod sine periculo ebrietatis largius potatur. (i) Hæries, ex amphora educees. (k) Bacchus vocatur Semelejus: quia ejus mater fuit Semele; Thyoneus, quia ipse furorem ebrietate provocat, Græca enim ea vox est *Thyoneus*, & significat furentem ac præcipitem. Sententia est: non Mars cum Bacco prælio committet: non veretur a poculis, & ebrietate, ad arma, & vulnera. (l) Viros parum modestos, & continentis.

O D E XVI.

Vino utilius nihil: moderate tamen eo utendum.

Nullam, Vare a, sacra b vite prius severis c
 arborem,

(a) Quintilius Varus Horatii amicus fuit: is forte, qui cum suis legionibus in Germania cæsus est, aut aliquis Poeta, ejusdem nominis. (b) Bacco

consecrata: vel sacram vitem vocat, idest, egregiam, divinam. (c) Potius plantaveris: noli arborem aliam potius plantare, & severe, quam vitem.

Circa mitte solum Tiburis, & mœnia Catili ^a.
Siccis ^b omnia nam dura Deus proposuit: neque
Mordaces aliter ^c diffugiunt sollicitudines.

Quis post vina gravem militiam, aut pauperiem
crepat ^d?

Quis non te ^e potius, Bacche-pater, teque, de-
cens Venus?

At, ne ^f quis modici transiliat munera Liberi.
Centaurea monet cum Lapithis ^g rixa super
mero ^h

Debrellata ⁱ; monet ^k Sithoniis non levis E-
vius ^l:

Cum fas ^m atque nefas exiguo fine libidinum
Discernunt avidi. Non ego te ⁿ, candidè Bas-
sareu ^o,

(a) Hoc est circa Tibur. Ca-
tilus enim, Amphiarai Thebani
filius, hanc Italiæ urbem fun-
davit, cum fratribus Tiburno,
vel Tibure, & Corace: Tibur-
nus natu maximus nomen urbi
dedit: in ea Varus habitabat,
aut villam habebat non procul.

(b) Qui vino non utuntur; ab-
stemii. Sententia est: Superi
voluerunt ut omnia succederent
infeliciter hominibus siccis.

(c) Quam vino. (d) Quæritur;
cum dolore commemorat. (e)
Subaudi, crepat. Quis non po-
tius laudat Bacchum? Crepare
aliquid, est de illa re loqui
cum vehementiori cupiditate &
affectu, seu doloris, seu læti-
tiæ. (f) Verum admonet homi-
nes pugna Centaurorum cum
Lapithis, commissa in vino,
& ebrietate, ne quis transiliat
modum in Liberi, seu Bacchi,
muneribus sumendis; hoc est,
in vino potando; ne quis im-
modice bibat, & justo largius.
(g) Lapithæ, & Centauri, erant
populi Thessaliæ; qui, cum
Pirithous Hippodamiam dnce-
ret, invitati ad epulum, rixam
ebrii moverunt, in qua multi
utrinque periere. (h) Inter vi-
na, & pocula. (i) Pugnata,

fecta. (k) Docet etiam nos mo-
dice vino utendum esse. Evius,
i. est, Bacchus, non levis,
hoc est, gravis, noxius, exi-
tialis Sithoniis, Thraciæ popu-
lis. Mala per vinum Thraci-
bus importata nos admonent
cavendum esse ab ebrietate.

(l) Bacchus ita vocatus est a
gemina voce Græca, quæ signi-
ficat, *Euge fili*, quam a Jove
tum pronunciatam voluit, cum
Bacchus in Gigantes rem stre-
nue gereret, eosque mutatus in
leonem, e Cælo detruderet.

(m) Cum illi Sithonii, sive
Thraces, ebrii et avidi explen-
darum libidinum, discernant
exiguo sine fine, et nefas, hoc
est, ponunt exiguum limitem
et discrimen inter fas, seu quod
licitum est, et nefas seu quod
est illicitum; honestum, et
turpe confundunt, et exiguo li-
mite utrumque separant. (n) O
Bacche, non movebo tuas sta-
tuas, ac deripiam e suo loco,
te invito ac repugnante. (o) Est
vocativus Græcus, a, *Bassa-
reus*, quod Bacchi est nomen
a voce Hebræa, *Bassar*, quæ
vindemiam sonat. Candidus
appellatur, id est, liber, sin-
cerus, verax.

Invitum quatiā^a, nec variis obsita^b frondibus
Sub Divum^c rapiam: sæva tene^d cum Bere-
cynthio^e

Cornu tympana, quæ subsequitur cæcus amor sui,
Et tollens vacuum^f plus nimio^g gloria verticem,
Arcanique fides^h prodiga, perlucidior vitro.

(a) Quatere, movere, com-
movere sacra, ut Terentius,
Turnebus, & alii interpretes
notant, est, statuas Deorum e
templis proferre, & alia qui-
bus opus erat in sacrificando.
Quatio hic sumitur pro executio,
propello, effero. Terentius ait,
quatiā te foras, pro, expellam.
Quia vero Bacchantes erant fu-
riose feminæ, non placide mo-
vebant illa sacra, sed cum tu-
multu, & sæpe calathos, ac
cistas, in quibus ne paterent,
obvoluta erant pampini, & he-
deræ foliis, humi effundebant.
Quod invito certe Baccho, &
contra ritum, ac morem sacro-
rum fiebat. Ego igitur non il-
las imitabor, id est, non in-
dulgebo chrietati præter mo-
dum. (b) Tecta, obducta, ple-
na, subandi, sacra mysteria.
(c) *Divum*, in hac locutione,
significat Jovem, seu aerem,
cælum apertum, ac patens.
Rapere sub Divum, seu Dium,
est, in apertum proferre, o-
stendere, & patefacere. (d)
Comprime, cohibe: noli me ad
furorem, & ebrietatem incita-
re, pulsando tua cornua, &
tympana: quæ tympana, quam
ebrietatem, sequitur amor sui
cæcus, inanis gloria sublime
caput attollens, & temeritas
in prodendis arcanis. (e) Simili
cornibus, quæ inflant sacerdo-
tes Cybeles. Cybele colebatur
in monte Phrygiæ Berecyntho:
in Cybeles autem sacris pulsa-
bantur incondito strepitu gra-
via cornua, seu tubæ cornæ
a sacerdotibus furiosis. Vide
Oden 14. Idem fiebat a Bac-
chantibus, in Orgiis. (f) Le-
vem, arrogantem, prudentiæ
expertem. (g) Plus justo. (h)
Fides arcani prodiga, quæ te-
mere arcanum effudit, idest,
infidelitas, quæ perspicua est
magis quam vitrum, quod res
ita non tegit, quin trans illud
appareant.

O D E XVII.

*Mæcenati, qui se apud Horatium cœnare velle
dixerat, vini sui tenuitatem belle excusat.*

Vile potabis modicis Sabinum^a
Cantharis^b, Græca quod ego ipse testa^c

(a) Subaudi, vinum. Sabina
regio non procul Roma erat,
ubi vinum leve, ac vile na-
scebatur: ibi villam habebat
Horatius. (b) Scyphis, poculis
minoribus. (c) Amphora fictili,
& Græcia in Italiam cum vino
advecta: Samiæ testæ maxime
laudabantur: vel, Cumis facta,
quæ Græcorum erat Colonia in
Italia.

Conditum levi ^a, datus ^b in theatro
 Cum tibi plausus,
 Care Mœcenas Eques ^c; ut ^d paterni
 Fluminis ^e ripæ, simul & jocosa ^f
 Redderet laudes tibi Vaticanis ^g
 Montis imago.
 Cœcubum ^h, & prælo domitam ⁱ Caleno ^k
 Tu bibes uvam: mea nec Falernæ ^l
 Temperant ^m vites, neque Formiani
 Pocula colles.

(a) Præteritum est verbi, *lino*. Solebant Romani suas amphoras oblinere, & inducere pice, vel cera, in eaque imprimere nomen Consulis, & anni, quo vinum in dolia, vel amphoras fundebant. (b) Eo tempore vinum meum condidi in amphoris, quo tibi applausit populus in Theatro. Ita suum vinum argute commendat, ac Mœcenati adulatur. Theatrum autem significat eum locum, ubi sedebant ad spectandum aliquod scenicum spectaculum; erat in semicirculi figuram factum: & e regione visebatur scena, sive locus planus, ac editior, ubi actores versarentur. Cumque vir aliquis populo gratius in theatrum accedebat, solebat illi populus plaudere voce ac manu. (c) Gaudebat hac appellatione Mœcenas, quæ ipsius modestiam significabat: in Equestri enim ordine con-

stiterat, cum ad altiorem ordinem ascendere facile potuisset. (d) Ita ut. (e) Tiberis, qui fluit ex Etruria, Mœcenatis patria. (f) Echo, quæ laudes tibi a populo plaudente, cum in theatrum subires, datas reddebat ac geminabat. Jocari porro videtur Echo, cum extrema verba repetit. (g) Mons Vaticanus est vicinus Tibeti, & theatro Pompeii. (h) Vinum optimum, a cognomini loco dictum in Campania, prope Romam. (i) Presam, calcitam. (k) Cales, seu Calenum urbs. (l) Falernus ager in Campania Itala est, ubi vites optimæ: Formæ, ejusdem Italiæ oppidum, vino suo nobile, quod in vicinis collibus erat laudatissimum. (m) Implent, aqua tantisper mixta. Id est; tu domi tuæ bibes, ut soles, vina generosissima; ego non iis ator domi meæ.

O D E XVIII.

Laudes Apollinis, ac Dianæ.

Dianam teneræ dicite virgines;
 Intonsum, pueri, dicite Cynthium ^a:
 Latonamque ^b supremo
 Dilectam penitus Jovi.

(a) Sic vocatur Apollo, a monte Cyntho, in Delo insula: intonsus etiam semper pingebatur, imberbis, ac juveni similis, tum ad venustatem, tum quia promissa cæsaries Solis rabiosus belle exprimit. (b) Matrem Dianæ, & Apollinis.

Vos lætam a fluviis, & nemorum coma,
 Quæcumque b aut gelido prominet Algido c,
 Nigris d aut Etymanthi e

Sylvis, aut viridis Cragi;
 Vos Tempe f totidem tollite laudibus,
 Natalemque g, mares h, Delon i Apollinis,
 Insignemque pharetra,

Fraternaque k humerum l lyra.

Hic m bellum lacrymosum, hic miseram famem,
 Pestemque a populo, & Principe Cæsare in
 Persas n, atque Britannos o
 Vestra motus aget p prece.

(a) Dianam significat, quæ reæ coronæ petebantur cor-
 gaudet sylvis, & amnibus. (b) nandis victoribus, in Pythiis
 Quæcumque coma, quæcumque ludis. (g) Terram natalem;
 frondes arborum prominent, patriam. (h) Id est, vos pue-
 germinant ex arboribus, ac pro- ri. (i) Terminatio est Græca:
 deunt, sive in Algido, sive in pro Delum. Delus est insula
 Crago, &c. (c) Algidus est Maris Ægæi: Cycladum (su-
 sylva, & mons, paucis leucis pra Od. 12.) clarissima. (k)
 Roma distans, Dianæ sacer: a Quam ipsi Mercurius frater,
 frigore ita vocatur; montes en- lyræ inventor et artifex, de-
 nim fere sunt frigidiores. (d) dit. (l) Apollinis humerum lau-
 Umbrosis, propter arborum den- date, insignem pharetra et ly-
 sitatem. (e) Etymanthus est ra, seu Apollinem pharetram
 mons Arcadiæ in Græcia; Cra- humero gestantem, et lyram.
 gus Lyciæ, in Asia minori. (m) Apollo a vobis rogatus.
 ambo celebres Poetarum figmen- (n) Populum Asiæ, Romanis
 tis, & Dianæ sacri. (f) Vallis infestam. Supra Od. 2. (o) An-
 erat amœnissima in Thessalia- giitam, nondum a Romanis do-
 Apollini sacra, quia post occi- mitam. (p) A populo, et Cæ-
 sam Pythonem serpentem, eo sare avertet, convertetque in
 recessit, ac sacrificia piacularia hostes Romani nominis, Per-
 fecit, &c. Erat ibidem ara ei- sas nempe, et Britannos.

O D E XIX.

Vir probus ubique tutus.

Integer vitæ a, scelerisque purus,
 Non eget Mauri b jaculis, nec arcu:

(a) Cuius vita, & mores in- (b) Jaculis Maurorum: inermis
 tegri, & sine crimine sunt. esse potest. Legunt aliqui,
 Græci, & Latini eos imitati, Mauris. Mauri populi sunt
 solent genetivos cum adiectivis Africae, in mittendis jaculis e-
 quibusdam iungere. Sic dicitur, xercitatissimi.
 felix animi, fortunatus laboris.

Nec venenatis ^a gravida ^b sagittis,
Fusce ^c, pharetra:

Sive per Syrtes ^d iter æstuosas ^e,

Sive facturus per inhospitalem ^f

Caucasum ^g, vel quæ loca fabulosus

Lambit ^h Hydaspes ⁱ.

Namque me sylva lupus in Sabina,

Dum sequor calles dubios, & ultra ^k

Terminum, curis vagor expeditus ^l,

Fugit inermem:

Quale ^m portentum neque militaris

Daunia in latis alit esuletis ⁿ;

Nec Jubæ ^o tellus generat, leonum

Arida ^p nutrix.

Pone me, pigris ^q ubi nulla campis

Arbor æstiva recreatur aura,

Quod latus mundi ^r nebulæ, malusquæ

Jupiter ^s urget ^t:

Pone sub curru ^u nimium propinqui

Solis in terra domibus negata;

(a) Solebant ferrum sagittæ,
& acumen imbuere veneno.

(b) Plena, referta. (c) Scribit
hanc Oden ad Aristium Fuscum,
amicum suum, Poetam & Ora-
torem egregium. (d) Sunt æ-
stuarina quædam in Africa lit-
tore: duæ vulgo namerantur,
major & minor. Igitur potest
iter illud intelligi de naviga-
tione, aut, si de terrestri iti-
nere sermonem esse velis, ac-
cipe litus Cyrtibus vicinum.

(e) Arentes, arenosas. (f) Nul-
lis hospitibus habitabilem, ob
frigus, & asperitatem castrorum.

(g) Est mons Scythiæ, ubi Pro-
metheus religatus fuisse dicitur.

(h) Alluit, rigat. (i) Indiæ flu-
vius, de quo multa fabulosa
narrantur; v. gr. quod aurum
inter arenas volvat. Potest et-
iam hoc epithetum in bonam
partem accipi; fabulosus, de
quo multa dici solent, fimosus.

(k) Ultra fines mihi notos, ac
vias tritas; ultra terminum so-
litæ deambulationis. (l) Liber

ad omnem curam, & solutus. (m)

Qualem lupum, monstri, &
portenti similem, ne pro Daunia
(pars est Apuliæ, plena viris
belli bonis) in sylvis quercuum
plenis nutrire solet; nec Mau-
ritania, in qua Juba regnavit.

(n) Locus esculis frequens.

Esculus est species quercus.

(o) Juba fuit Rex Mauritanie,
Pompejanis partibus addictissi-
mus: superato Pompejo sibi
necem conscivit: de eo Jul-

Cæsar triumphavit. (p) Æstuo-
sa, siticulosa. (q) Ubi omnia

inerti frigore constringuntur,
& ne levis quidem aura cali-

dior aspirat. (r) Regionem.

Sane Zone frigidæ sunt ad la-
tera Sphæræ rectæ. (s) Aer in-
clemens, frigidus, nebulosus.

(t) Vexat, contristat. (u) Sub

Zona torrida, ubi Sol hominum
vertici velut incumbit; ubi

nullæ sunt domus propter gra-
vitatem æstus. Illas tamen ter-
ras incolis non carere docet

experientia.

*Sola me virtus a dabit usque tutum,
Sola beatum.*

(a) Vera vox; Ad eam totius Odæ sententia collineat.

O D E XX.

*Virgilium de Quintilii Vari, poetæ sibi carissimi,
obitu mærentem consolatur.*

Quis a desiderio sit pudor, aut modus
Tam cari capitis? Præcipe b lugubres
Cantus Melpomene c, cui liquidam d pater e
Vocem cum cithara dedit.
Ergo Quintilium perpetuus sopor f
Urget? cui Pudor, & Justitiæ soror
Incorrupta Fides g, nudaque h Veritas,
Quando ullum invenient parem?
Multis ille bonis flebilis i occidit;
Nulli flebilior, quam tibi, Virgili.
Tu frustra k pius, heu! non ita creditum l
Pocis Quintilium Deos m.
Quid si n Threicio blandius Orpheo
Auditam moderere arboribus o fidem p;

(a) Quis in deffenda morte pietate, & lacrymis, nihil sis tam cari capitis, idest, hominis, modum servet? Quem lugere pudeat? Desiderium propriæ est, luctus de alicuius absentia, vel morte conceptus. Eusebius mortem hujus Quintilii, qui Cremonensis a patria vocabatur, ascribit an.U.C.730. (b) Doce me, impeta mihi. (c) Una Musarum. (d) Claram, canoram. (e) Jupiter, Musarum parens. (f) Somnus æternus, ita mortem Poetæ appellant. (g) Fidelitas, quæ precibus, & pretio corrumpi non potest. (h) Sine fæco, doli expers. (i) Deplorandus; multi viri boni debent dolere ejus mortem; tu præter cæteros; licet ista tua pietate, & lacrymis, nihil sis illi profuturus, vel tibi. (k) Quia eum non revocabis ab interitu. (l) Non ita commissum tibi a Diis, & veluti depositum, ut nunquam repeteretur, ut nunquam moreretur. Scilicet vita nulli propria datur, ac perpetua: est instar pecuniæ creditæ, quæ reddenda est arbitrio creditoris. (m) Rogas ut eum vitæ, ac tibi reddant. (n) Atque licet caneres snavius Orpheo Thraciæ vate, quem ipsæ arbores canentem audierunt, ac sæcutæ sunt, non tamen reddes vitam umbræ inani. (o) Ab arboribus. (p) Fides, hujus fidis, significat chordam, & nervum citharæ.

Non vanæ redeat sanguis ^a imagini ^b,
 Quam virga ^c semel horrida
 Non lenis ^d precibus fata recludere
 Nigro compulerit ^e Mercurius gregi?
 Durum ^f; sed levius sit patientia ^g
 Quicquid corrigere est nefas ^h.

(a) Ponebant veteres vitam in sanguine. (b) Umbrae, sive animæ suo corpore solutæ, quam cogitamus ut formam, & imaginem quandam hominis viventis, se tenuem, & vento ac fumo similem, &, ut ait Maro, vitam sine corpore. Tria quædam veteres in homine ponebant, corpus, animam, & imaginem, sive umbram aut manes. Corpus in tumultum, ac cineres redibat: anima interdum evolebat in Cælum, interdum ad Inferos deferabatur; imago, sive umbra & simulacrum, semper in Inferis versabatur. Vide

Cerdanum hæc erudite explicantem lib. 6. Æneid. vers. 293. (c) Caduceo. Vid. Od. 9. (d) Non facile exorabilis ad recludenda fata, id est, ad ea solvenda & resignanda, quæ fatorum lege ac decretis veluti clausa, & obserata sunt. (e) Addiderit nigro gregi; conjecerit in turbam umbrarum, & mortuorum. (f) Est certe durum quod dico, & quod patris; sed quod mutari non potest, patientia est mitigandum. (g) Moderate illud ferendo. (h) Non licet: quod corrigi non potest.

O D E XXI.

Musas laudat, & ut Lamiam celebrent rogat.

Musis ^a amicus, tristitiam & metus
 Tradam protervis ^b in mare Creticum ^c
 Portare ventis: quis sub ^d Arcto ^e
 Rex gelidæ metuatur oræ,
 Quid Tyridatem ^f terreat, unice,
 Securus. O quæ fontibus integris

(a) Dum ero Musis carnis, deponam omnem tristitiam, & metus meos dabo ventis deportandos in mare, &c. id est, longe amandabo, oblivioni tradam. (b) Improbis, inquietis. (c) Creta est insula in Mari Mediterraneo, prope Peloponnesum. (d) Sententia est: securus, seu, nihil admodum sollicitus scire, quisnam Rex in

oris septentrionalibus metuatur, & quid illud sit quod maximum Tyridati metum incutiat. (e) Arctos vox est Græca, ursam significans. Est autem Ursa sidus septentrionale. (f) Quis ille fuerit, vide Indicem 2. Oedarum Cronologicum, ad annum U. C. 731. Adi etiam Oden 12. lib. 111.

Gaudes ^a, apricos ^b nocte flores,
 Nocte meo Lamiæ ^c coronam,
 Pimplæa ^d dulcis: nil sine te ^e mei
 Prosunt honores. Hunc ^f fidibus novis ^g,
 Hunc Lesbio ^h sacrare ⁱ pleetro,
 Teque tuasque decet sorores.

(a) Quæ amas fontes integros, idest, e quibus nondum quisquam libavit; vel, plenos & puros. (b) Soli expositos: nocet umbra floribus. (c) Ælius Lamia nobilis Romanus erat. Vide Oden 12. lib. 3. ubi de illo fusius agit. (d) Musa: ita vocabantur Musæ a Pimpla, Græciæ son Thraciæ, ut alii volunt, fonte, Musis consecrato. (e) Sine tuo Numine, mei versus, quibus honorem amicis impertio, nihil prosunt, vim nullam habent. (f) Lamiam. Ordo est: decet te, & tuas sorores, nempe alias Musas, sacrare hunc novis fidibus, &

pleetro Lesbio. (g) Lyricis versibus Latinis, quos a se primum Italii monstratos gloria- tur saepe Horatius; veteres erant, & pridem noti Græcis; novi Romanis. (h) Carmine Lyrico Alcaico: ejus enim re- pector fuit Alcæus, oriundus e Lesbo, Ægæi maris insula. Pleetrum autem est tenne bac- cillum leviter inflexum & in- curvum, equina seta instructum, quo lyre chordas tangimus. Vide Oden 1. lib. 2. nota ulti- ma. Apud antiquos erat instar dentati peccinis. (i) Sacrum red- dere, immortalitati consecrare.

O D E XXII.

*Ad sedales convivas, ne inter vina rixentur
 & pugnent.*

Natis ^a in usum lætitiæ scyphis
 Pugnare, Thracum est: tollite barbarum
 Morem, verecundumque ^b Bacchum
 Sanguineis prohibete ^c rixis.
 Vino ^d, & lucernis ^e Medus acinacis ^f

(a) Convenit tantum barbaris, quales sunt Thracæ, uti scyphis, hoc est, cyathis & poculis, tanquam armis ad pugnam committendam: nata enim sunt pecula, & instituta ad hilaritatem, non ad bellum. (b) Modestum, alienum ab rixa, & tumultu; modice sumendum. (c) Defendite, vel per hypallagen, prohibete rixas, & remo-

vete a Baccho verecundo. (d) Mirum quantum est discrimen inter vinum, & enses Medo- rum recurvos inter convivium, & certamen: non bene ista convenient inter se. (e) Bibe- bant, epulabanturque fœme noctu, & accensis lucernis. (f) Gladius inenivus, & latior: co- utebantur Persæ, & Medi.

immane a quantum discrepat ! Impium
 Lenite clamorem sodales,
 Et cubito remanete presso b.

(a) Incredibile dictu est quantum discrepat. (b) Idest, demisso depresso, non erecto ad ictus, & rixam, non sublato. Jacebant in lectulis Romani cum accumberent mensæ, & lævo cubito, ac sinistra manu nitebantur, caputque sustentabant; altera manu cibos ori admovebant. Igitur presso cubito remanere, est, quiete ad mensam accumbere, non stare, non expedire manus, ut fit in rixa.

O D E XXIII.

Archytas Tarentinus, cujus cadaver insepultum nauta quidam in littore deprehenderat, fingitur cum eo loqui, & illum rogare, ut sibi terram injiciat.

Te maris a, & terræ, numeroque carentis arenæ
 Mensorem b cohibent c, Archyta d,
 Pulveris exigui prope littus parva Matinum e
 Munera! nec quicquam tibi prodest
 Aerias f tentasse domos, animoque rotundum
 Percurrisse polum morituro g!
 Occidit h Pelopis genitor, conviva Deorum,

(a) Sunt hæc verba nautæ quasi subsistentis ad aspectum cadaveris Archytæ, & præ commiseratione exclamantis. (b) Sic Geometram vocat, cuius est terram, maria, & littora metiri. (c) Negatum sepulturæ munus prohibet ne Stygem transmittas: insepulti enim in Charontis cymbam non admittebantur. Vel: ante, qui terram omnem ingenio, & scientia veluti complexus eras, continere poterit, & includere angustum sepulchrum? Quo sepulchro, tanquam summo beneficio, licet parvi sumptus, donandus es? Tu ne etiam, ut cæteri, mortuus jaces, & injiciendam cadaveri tuo terram expectas? (d) Fuit Archytas patria Tarentinus, celeberrimus philosophus, & mathematicus. Quamvis autem ille ante hanc Oden ab Horatio scriptam tribus fere jam sæculis obiisset, fingi tamen ab Horatio potuit nauta ejusdem, quo vixit Archytas, temporis hæc dixisse. (e) Matina est regio & ora Italiæ, ad mare sic dicta a Matino monte, Calabriae vicino. (f) Cælum quasi pertrasse mente. (g) Siquidem eras moriturus. (h) Respondere fingitur iste Archytas. Noli, o bone, mirari quod mortuus sim: mortuus est ipse Pelopis genitor, Tantalus, qui Deos convivio exceperat: mortuus Tithonus, &c.

Tithonusque ^a remotus in auras,
 Et Jovis arcanis Minos ^b admissus; habentque
 Tartara Panthoiden ^c, iterum ^d Orco
 Demissum ^e: quamvis clypeo Trojana reflexo
 Tempora testatus, nihil ultra ^f
 Nervos, atque cutem morti concesserat atræ;
 Judice te ^g, non sordidus auctor
 Naturæ, verique. Sed omnes una manet ^h nox ⁱ,
 Et calcanda semel via lethi.
 Dant alios ^k Furiaë torvo spectacula Marti:
 Exitio est avidis mare nautis.
 Mixta senum, ac juvenum densantur ^l funera:
 nullum
 Sæva caput Proserpina ^m fugit ⁿ.

(a) Auroræ maritus, qui uxoris arte vitam longissimam vixit, ac demum senio exsiccatus in vaporem tenuem evanuit, ut hic indicat Horatius iis verbis, *remotus in auras*; vel, ut alii fabulantur, in cicadam mutatus est. (b) Cretæ Rex fuit, ac Jovis filius, cum quo interdum colloqui, & ab eo arcana multa discere putabatur, ab eodem Judex Inferorum creatus, ob summam æquitatem, & severitatem. (c) Pythagoram, olim Panthoi filium, ut ipse dicebat: licet enim Mnesarchi filius esset, tamen narrabat se annis, antequam esset Pythagoras, fere 700. fuisse Euphorbum Panthoi filium, qui Trojano in bello perierat: idque ut probaret, reflexerat, idest detraxerat e templo Junonis Argivæ clypeam, quem Menelaus Euphorbo a se interfecto ereptum in eo fixerat, ac suspenderat, & quem a se, tunc Euphorbo gestatum Trojani belli temporibus idem Pythagoras agnoscebat. Ordo igitur est; quamvis, detracto e poste templi clypeo Euphorbi, testatus se Trojani belli temporibus Euphorbum fuisse, nihil dederat morti præ-

ter corpus. Lege Ovid. lib. 15. *Metamorph.* (d) Nempe primo cum esset Euphorbus, secundo cum esset Pythagoras. (e) Mortuum: Pars inferorum piis destinata erat: Blysius campos vocabant: pars impiis; Tartarus dicebatur. (f) Corpore solo mortuus veluti erat, anima superstita, & in aliud corpus transeunte; quæ opinio Pythagoræ; & famosa Metempsychosis erat. (g) Tu ipse non ignoras illum Pythagoram non contemnendum, idest, optimum auctorem, seu magistrum philosophiæ quæ rerum naturalium veritatem indagat. Tam celebris enim fama Pythagoræ, & doctrina erat, ut hoc scire nata, licet alioquin imperitus, posset. (h) Expectat, omnibus imminet. (i) Mors, tenebrosa tota. (k) Alii moriuntur in bello, in quo eos Furia præbent quasi ludibrium, & spectaculum Marti, qui cruenta ista tragœdia gaudet. (l) Cumulantur, coacervantur. (m) Platonis uxor, quæ jus quoddam habet in mortuos; utpote Inferorum Regina, & mortuorum. (n) Præterit, excipit.

Me quoque devexi ^a rapidus comes Orionis
 Illyricis ^b Notus obruit undis.

At tu, nauta, vagæ ^c ne parce ^d malignus ^e arenæ
 Ossibus & capiti inhumato (Eurus

Particulam dare ^f. Sic ^g, quodcumque minabitur
 Fluctibus Hesperis ^h, Venusinæ ⁱ

Plectantur silvæ, te sospite: multaue merces ^k,
 Unde potest ^l, tibi defluat æquo ^m

Ab Jove, Neptunoque sacri custode ⁿ Tarenti.
 Negligis ^o immeritis nocituram

Postmodo te natis fraudem committere? Forsan ^p
 Debita jura, vicesque superbæ ^q,

Te maneant ipsum: precibus ^r non linguar inultis:
 Teque piacula ^s nulla resolvent.

Quamquam festinas (non est mora longa) licebit ^t
 Injecto ter pulvere curras.

(a) Proni, cadentis, vel in Australem Cœli partem ad polum vergentis. Orion est sidus in fronte Tauri e stellis 7. conflatum; quod cum oritur, & occidit, ventos, & procellas excitat: hinc Notus eius comes dicitur. (b) Illyria, seu Dalmatia, est regio opposita Italiae Orientali. (c) Quæ huc, & illic volvitur. (d) Ne omitte. (e) Avarus, parcus. (f) ingerere. (g) Particula ista precantis est. Ita faxint Superi, inquit Archytas, ut quæcumque procellam Eurus, Orientalis ventus, minabitur se excitaturum in mari Italo, ea procella omnis recidat, ac detonet in sylvas Venusinas, te salvo ac tuis navibus. (h) Italia vocata est Hesperia magna, a quodam Hespero. Vide Oden 3. (i) Venusium est civitas Apuliæ. (k) Lucrum; laboris fructus, & industriæ. (l) Quacumque ex causa tibi evenire poterit. (m) Favente. (n) Patrono: ibi colebatur; est autem Tarentum civitas Italiae, in Calabria. (o) An tu id non curas quod ego te oro? Negligis arenam injicere meo corpori? Non vereris fraudem, id est, flagitium com-

mittere, quod ex te natis, hoc est, tuis filiis, postmodo, id est, longo post intervallo, putas nociturum, non tibi? (p) Fortasse tu ipse solves præmia isti tuæ crudelitati jure debita, pœnas tuis istis superbis factis dignas: fiet ut vicissim ab aliis insepultus superbe negligaris, ut nunc me negligis. Jura vocat debita: quia jus est ut ita cuique eveniat, uti de aliis est meritis, & suo ipse exemplo puniatur. (q) Pœna facinorosi superbo, & crudeli vicissim debita. (r) Eveniet illud quod imprecor; me Superi ulciscuntur. (s) Nulla sacrificia impedient quominus Inas pœnam; ea te non solvent ac liberabunt. Piaculum significat crimen, & sacrificium etiam, quod fit ad illud expiandum. (t) Poteris navigationem institutam absolvere; & quamvis festinas, id te non diu morabitur, si ter pulverem meo cadaveri inieceris. Erat autem numerus ternarius sacer, & in hac cæremonia, iniiciendæ mortuis terræ, solitus adhiberi. Vide Cerdanum, palmarium illum Virgilii interpretem, in lib. 6. Æneid. vers. 366.

Miratur, & irridet Iccium quemdam, e philosopho militem factum.

Iccii, beatas nunc Arabum ^a invides
 Gazis ^b, & acrem militiam paras!
 Non ante devictis Sabææ
 Regibus, horribilique ^c Medo ^d
 Nectis catenas. Quæ tibi virginum,
 Sponso necato, barbara serviet ^e?
 Puer quis ex aula ^f capillis
 Ad cyathum ^g statuetur unctis ^h,
 Doctus sagittas tendere Sericas ⁱ
 Arcu paterno? Quis neget arduis
 Pronos relabi ^k posse rivos
 Montibus, & Tiberim reverti:
 Quum tu coemptos undique nobiles
 Libros Panæti ^l, Socraticam & domum ^m,
 Mutare loriceis Iberis ⁿ,
 Pollicitus meliora ^o, tendis ^p?

(a) Est Arabia regio Asiæ, ad mare rubrum; ejus pars remotior, quæ Sabæa vocatur, nondum domita fuerat a Romanis: itaque anno U. C. 710. eo cum exercitu profectus est Ælius Largus; Iccius illum secutus est. (b) Opibus. Gaza nomen est Persicum: inhias hostium spoliis. (c) Feroci, bellicoso. (d) Lege finem Od. 2. (e) Captivas mulieres sibi famulas juebant esse. (f) Medorum, aut Arabum. (g) Ut vina tibi in poculum fundat. (h) Delibutis odorato unguento. (i) Seres sunt Indiæ populi, ad mittendas sagittas egregie instituti. Significat igitur illum puerum, vel ex ea regione ortum, vel peritum esse jaculandi; & Sericas sagittas ponit pro quibus-

libet aliis. (k) Qui ante proni, & præcipientes decurrebant e montibus arduis, nunc mutato cursu, retro posse labi ad ipsa montium cacumina. Sententia est: nihil est tam arduum, tam præter naturam ordinemque rerum, quod fieri jam posse non credamus; cum te videamus e Philosopho militem esse factum. (l) Fuit Panætius Stoicus philosophus celeberrimus, Scipionis & Cæli præceptor. (m) Familiam, scholam, philosophos a Socrate derivatos; eorum libros intelligit. Socrates pono fuit Atheniensis philosophus, Platonis magister. (n) In Hispania fabricatis, ubi ferrum prægians. (o) Qui te melioribus studiis addiveras, nempe philosophiæ. (p) Cogitas, paras.

O D E XXV.

Rogat Venerem ut sacrificanti Glyceræ adsit.

O venus, Regina Cnidi ^a, Paphique,
 Sperne ^b dilectam Cypron, & vocantis
 Thure te multo Glyceræ decoram
 Transfer in ædem.
 Fervidus tecum puer, & solutis
 Gratia ^c zonis, properentque Nymphæ,
 Et parum comis ^d sine te Juventas ^e,
 Mercuriusque ^f.

(a) Est urbs Asiæ, ubi Venus colebatur, in Cypro insula, ut & Paphus. (b) Desere; & veni in sacellum elegans, seu domum, Glyceræ te vocantis, multo thure incenso. (c) Pingebantur veste distincta. Vide

Od. 4. (d) Hilaris. (e) Dea præses juventuti. Hebe vocabatur, uxor Herculis. (f) Deus est eloquentiæ; ponitur in comitatu Veneris, quia nihil est eloquentius amore.

O D E XXVI.

Horatii preces ad Apollinem.

Quid dedicatum poscit Apollinem ^a
 Vates ^b? quid orat, de patera novum ^c
 Fundens liquorem ^d? non opimas
 Sardinia ^e segetes feracis;
 Non æstuosæ grata Calabria ^f
 Armenta; non aurum, aut ebur Indicum ^g;
 Non rura, quæ Liris ^h quieta
 Mordet ⁱ aqua, taciturnus annis.

(a) Dedicato templo ornatum: vel, statuam Apollinis dedicatam, & consecratam. Vide 2. Indicem Odarum, ad an. 726. (b) Horatius; de se loquitur in tertia persona. (c) Recens haustum e dolio; vel, recens ex uvis pressum. (d) Vinum, hoc effundebant, vel in aram, vel in humum, ac veluti sacrificabant:

perit enim, & veluti immolatur liquor fusus. (e) Est insula prope Siciliam, frumenti ferax. (f) Est Italiae regio, prope Siciliam; hodie pars regni Neapolitani. (g) Ex Indiis deportari solitum in Europam. (h) Campania in Italia fluvius, altus & quietus. (i) Alluit, lambi.

Premant ^a Calena falce ^b, quibus dedit
Fortuna, vitem: dives ^c & aureis

Mercator exsiccet culullis ^d

Vina Syra reparata ^e merce,
Diis carus ^f ipsis, quippe ter & quater
Anno ^g revisens ^h æquor Atlanticum ⁱ

Impune ^k. Me pascunt olivæ,

Me cichorea, levesque ^l malvæ.

Frui paratis ^m, & valido ⁿ mihi

Latœ ^o dones, & (precor) integra ^p

Cum mente: nec turpem ^q senectam

Degere, nec cithara carentem ^r.

(a) Amputent vitis ramos inutiles. Ita Virgilius dixit *falce premere umbras*, pro, rescare ramos umbrosos. (b) Hoc est cultello falcis instar incurvo. Cales oppidum est Sabinorum in Italia, ejus in agro vina erant optima. (c) Patior etiam ut mercator dives exhauriat aureis poculis vina quæ comparavit, sive emit, mercibus Syris, e Syria ab ipso advectis. Syria est regio Asiæ, continens Phœniciam, Palæstinam, Judæam, Idumæam, &c. omnium rerum ferax. (d) Cyathis. Culeus est aliquando mensura 20. amphorarum: hinc ducta vox, *culullus*. (e) Permutata, vicissim parata, permutatione scilicet facta Syriæ mercis cum vino: vel, quia singulis annis, cum priora vina consumpta sunt, nova emit. (f) Mercator felix, ita ut ap-

pareat ipsos Deos ejus curam gerere. (g) Per annum, in anni unius spatio. (h) Navigando. (i) In Africa, ubi mons Atlas: ibi ferme orbis fines Romani ponebant, versus Occidentem. (k) Sine periculo, secunda, & felici navigatione. (l) Quæ gravem alvum levant ac solvunt. (m) Opibus & bonis quæ paravi: seu, quæ facile parari possunt, quæ obvia sunt, & parvi sumptus, atque adeo semper parata, & prompta. Est autem hic ordo: O Latœ, dones precor mihi valido, & mente integra utenti, frui paratis, & degere senectam non turpem, nec citharæ expertem. (n) Valenti, sano. (o) Apollo, Latonæ filii. (p) Rationis compositæ, sana. (q) Inertem, & ingloriam. (r) In qua possim lyricis versibus me oblectare.

O D E XXVII.

Suam lyram alloquitur, & laudat.

Poscimus ^a, si quid vacui ^b sub umbra
Lusimus ^c tecum, quod & hunc in annum

(a) Ordo est: hoc a te posco, age, o barbite, si quid alias tecum lusi, cane aliquod Latinum carmen, quod carmen vi-

vat in hunc, & plures annos. (b) Soluti omni cura. (c) Cecinimus.

Vivat a, & plures: age, dic Latinum,
Barbite b, carmen,

Lesbio c primum modulate d civi:

Qui ferox e bello, tamen inter arma,

Sive jactatam religaret f udo

Littore navim:

Liberum g, & Musas, Veneremque; & illi

Semper herentem h puerum i canebat,

Et Lycum k nigris oculis, nigreque

Crine decorum.

O decus Phœbi, & dapibus l supremi

Grata testudo m Jovis, o laborum

Dulce lenimen, mihi cumque n salve o

Rite vocanti.

(a) Duret, laudetur. (b) Græca vox est: lyram significat. (c) Alæo, qui Poeta lyricus fuit, e Lesbo insula oriandus. (d) Pulsate. Tu, quem pulsavit, & modulis certis temperavit Alæus. Indicat autem Alæum primum inter Græcos Poetam lyricum fuisse; se primum inter Latinos. (e) Qui quamvis esset bello assuetus, quod homines feroces, & a Musis alienos reddere solet, tamen, si ve inter arma degeret, sive post longam, & periculosam navigationem, versaretur in otio, & pace, barbita utebatur. Omissum est ab Horatio, hic ut alias, primum sive, sive es-

set inter arma. (f) In littore, in portu post tempestatem ligaverat. (g) Bacchum. (h) Veneri affixum; perpetuum ejus comitem. (i) Cupidinem. (k) Alæi amicum. (l) Apta conviviis, quæ Jupiter celebrat. (m) Lyra. Primum enim lyram e squama, & dorso testudinis, & chordis aliquot, compegisse fertur Mercurius: est autem cava hæc squama, & sonora. (n) Semper, ubicumque. Salve mihi, ades mihi quocumque loco, & tempore te appellavero. (o) Id est, te veneror, amo te, atque amplector. Est formula bene precantis.

O D E XXVIII.

Suam impietatem pristinam detestatur.

Parcus a Deorum cultor, & infrequens,
Insanientis dum sapientiæ b

(a) Ego, qui antea fueram parcus, seu negligens & parum assiduus in colendis Superis, dum errores Epicureorum Philosophorum insanientium se-

querer, nunc &c. Cum Epicurei negarent a Diis humana curari, eos negligentius colebant. (b) Philosophiæ.

Consultus a erro, nunc retrorsum: b
 Vela dare, atque iterare cursus c
 Cogor relictos d: namque Diespiter e,
 Igni f corusco nubila dividens g,
 Plerumque per purum h tonantes
 Egit equos, volucremque curram,
 Quo bruta i tellus, & vaga flumina,
 Quo Styx k, & invisi horrida Tænari l
 Sedes, Atlanteusque finis m
 Concutitur. Valet n ima o summis
 Mutare, & insignem attenuat p Deus,
 Obscura q promens: hinc r apicem rapax
 Fortuna s cum stridore t acuto
 Sustulit: hic posuisse gaudet.

(a) Peritus, & quasi doctor
 ac magister. Vulgo, *consultus*,
 est vir peritus juris, quem im-
 peritiores, consilii petendi cau-
 sa, conveniunt. (b) Mutare
 sententiam: aliam viam inire;
 Deos colere. Ducta est meta-
 phora a re nautica. (c) Iter,
 navigationem. (d) Referre me
 ad pristinam pietatem, quam
 profitebar, cuius Stoicos seque-
 rer. (e) Jupiter, dici pater.
 (f) Fulmine. (g) Jupiter, qui
 plerumque dividit nubila, cum
 tonat, id est, qui solet tonare
 caelo nubilo, idem illic per se-
 renum caelum equos tonantes
 aliquando egit: ex quo intel-
 lexi Deum aliquem revera esse,
 & mihi malum, ni resipisce-
 ram, impendere. Tonat inter-
 dum caelo nubilo, interdum se-
 reno; utrumque ex eadem cau-
 sa, nempe ob exhalationum,
 & vaporum collisionem: qui
 vapores, & exhalationes, si
 densiores sunt, in nubes co-
 guntur; si subtiliores & altio-
 res, non impediunt quominus
 caelum serenum purumque vi-
 deatur. Porro autem quia ra-
 dius sunt tonitrua caelo sereno,
 & eorum causa est occultior,
 quam illorum quae sunt caelo
 nubilo; ea tonitrua, & fulmina
 veteres accipiebant tanquam a

Deo praecipue immissa, & mali
 aliquid portendere putabant.
 Sic Virgilius, de bello civili
 agens; *Non alias caelo occide-
 runt plura sereno fulgura* Hom.
Odyss. lib. 19. &c. (h) Per cae-
 lum serenum. (i) Gravis, stu-
 pida, sensus, & motus expers.
 (k) Inferorum palus. (l) Inferi.
 Est Tænarus promontorium, &
 antrum quoddam in Laconia,
 ex quo Poetae fingebant descen-
 di ad Inferos. Itaque pro ipsis
 Inferis sumitur. (m) Non to-
 tam Africam noverant veteres,
 sed orbem finiri putabant paulo
 post Mauritaniam, ubi est mons
 Atlas. (n) Potest. Est omnino
 Deus aliquis, qui humana gu-
 bernat. (o) Res & homines
 infimos ponere in summorum
 loco. (p) Abjicit: tennem &
 contemptum facit. (q) Homines
 obscuros, & ignotos in luce
 bonorum collocat, e tenebris
 educit. (r) Ex hoc regno, ex
 hac domo, fortuna tollit api-
 cem, id est, opes & honores,
 quae sunt quasi fastigia huma-
 narum rerum, eaque hic ponit,
 id est, in hoc regnum, in aliam
 domum transfert. (s) Viderit
 hic illam Horatius cum Deo
 confundere. (t) Tumultu, mar-
 mure ingenti.

O D E XXIX.

*Preces ad Fortunam, pro Cæsare ad bellum
in Angliam proficiscente.*

O diva, gratum quæ regis Antium ^a,
Præsens ^b vel imo tollere de gradu ^c
Mortale corpus ^d, vel superbos
Vertere ^e funeribus triumphos:
Te pauper ambit ^f sollicita prece
Ruris colonus ^g; te dominam ^h æquoris,
Quicumque ⁱ Bithyna lacessit
Carpathium ^k pelagus carina;
Te Dacus ^l asper, te profugi Scythæ ^m,
Urbesque, gentesque, & Latium ferox,
Regumque matres ⁿ barbarorum, &
Purpurei ^o metuunt Tyranni ^p;
Injurioso ne pede proruas ^q
Stantem columnam: neu populus ^r frequens

(a) Urbs est Latii maritima, ubi templum erat Fortunæ celeberrimum. Dicitur autem Fortuna illud regere, hoc est, illi præesse, ibi coli præcipue. (b) Potens, quæ hanc vim habes, ut tollas, &c. quæ ita es præsens in omnibus locis, & negotiis, ut possis tollere, &c. Deos præsentem Latini vocant, qui vocanti statim adsunt, qui auxilium, opemque afferunt. (c) Hominem ex infimo statu attollere ad summum. (d) Mortalem hominem: Pars pro toto. (e) Mutare in funera. (f) Ambire precibus, est, rogare, blandiendo, supplicando, &c. ut solebant candidati, qui honores ambiebant. (g) Agricola. (h) Refer ad, ambit, vel ad metuunt, quod sequitur. (i) Omnes naves. Bithyna navis, est navis, vel Bithyni mercatoris, vel facta in Bithynia, regione Asiae minoris. (k) Est maris Mediterranei pars ad Ægyptum ver-

gens: ita dicitur ab insula Carpatho, inter Rhodum, & Cretam sita. (l) gens bellicosa, ubi nunc Moldavia, Servia, & Bulgaria. (m) Populi Septentrionales, quorum plastra vagas rite trahunt domos, ut ait lib. 3. Od. 18. in sua patria velut exules, & profugi. (n) Quæ liberis timere solent. (o) Vestiti purpura. (p) Interdum ea vox Reges significat. (q) Metuunt ne evertas suum Imperium & Remp. florentem, ac instar columnæ firmæ stantem. Cave putes esse hæc Horatii præcationem: ea enim Odæ extremæ reservatur, estque pro Cæsare tota. (r) Neu fiat aliqua seditio, in qua populus congregatus cives otiosos, & quietos ad arma sumenda impellat. Reges cessantes cogat arma capere, & excutiat jugum imperii, se in libertatem asserat.

Ad arma cessantes, ad arma
 Concitet, imperiumque frangat.
 Te semper anteit sæva Necessitas^a,
 Clavos trabales^b, & cuneos^c manu
 Gestans aliena^d; nec severus^e
 Uncus^f abest, liquidumque plumbum.
 Te spes^g, & albo^h raraⁱ Fides colit^k
 Velata panno, nec comitem abnegat^l.
 Utcumque^m mutataⁿ potentes^o
 Vestē domos inimica linquis^p.
 At vulgus^q infidum, & meretrix retro
 Perjura cedit: diffugiunt cadis^r
 Cum fæce siccatis amici,
 Ferre jugum^s pariter dolosi^t.
 Serves^u iturum Cæsarem in ultimos^x
 Orbis Britannos, & juvenum recens
 Examen y^z Lois^z timendum

(a) Hæc præcedere semper Fortunam dicitur ab Horatio, quia necessarium credebant Fortuna morem gerere, neque fieri posse, ut aliquis ejus imperium excuteret. (b) Clavi trabales sunt, quibus trabes compinguntur ac proinde majores, & crassiores. (c) Cuneus est ferrum in acumen latum desinens, quo immisso lignum finditur. (d) Forti dura instar æris. (e) Tenax, premens. (f) Uncus, plumbum serviunt rebus inter se Jangendis, & committendis. Pertinent hic, ad exprimendam necessitatis vim ac potentiam; vel potius ad significandam firmitatem, ac stabilitatem; quippe quæ moveri, labefactari, ac religi nequit. Videtur his versibus Horatius describere tabulam Fortunæ pictam, quæ viseretur Antii. (g) Spes additur Fortunæ, quia homines in adversa fortuna sola spe sustentantur: Fides, quia veri ac fideles amici, ne fortuna quidem refante, deserunt amicos. (h) Candidis indita vestibus: fides enim pura & simplex debet esse. (i) Quia paucorum est. (k) Amici, ac sequi gaudet. (l) Te comitem non aspernatur; una ire non recusat. (m) Quandocumque. (n) Fortuna felix, albis; adversa, nigris vestibus induitur. (o) Florentes, opulentas. (p) Per Fortunam abentem, & avosantem, significatur adversa; per manentem, secunda. (q) Fideles amici domus a Fortuna relictas, & amicos infelices, non deserunt: sed populus, qui solam utilitatem suam spectat, &c. discedit. (r) Ubi vident exhaustos ad imam usque fecem cadidos, nihil superesse quod rapiant, & liguriant. (s) Adversam fortunam prementem. (t) Dolosi in ferendo jugo, & societate bonarum rerum, & maliarum; quia socii, & participes bonarum volunt esse, non maliarum. (u) Serva igitur, o Fortuna, Cæsarem. (x) Angliam, & vicinas quasdam Angliæ insulas, esse orbis finem a Septentrione veteres putaverunt. (y) Exercitum e recentibus copiis collectum; ab apibus ducta metaphora. (z) Orientalibus. Parthos, & Medos intelligit, qui exercitum hunc ducendum in Orientem contra se arbitraban-

Partibus, Oceanoque rubro ^a.
 Eheu ^b! cicatricum, & sceleris ^c pudet,
 Fratrumque ^d. Qui nos ^e, dura refugimus
 Ætas? Quid intactum nefasti ^f
 Liquimus? Unde manus juventus ^g
 Metu ^h Deorum continuit? Quibus
 Pepercit aris? O utinam nova
 Incude diffingas ⁱ retusum ^k in
 Massagetas ^l, Arabasque ferrum!

tur, ob Crassum a se ante annos aliquot interfectum. Non ivit Augustus in Angliam; quia legatos Angli miserè ad illum de pace. Vide 2. Indicem, in libri limine. (a) Erythræo, Arabico. Meditabatur enim Augustus bellum in Arabes, quod iis anno post tertio intulit. (b) Ex eo quod Cæsar ducat exercitum in Barbaros, & disjunctos populos, occasionem sumit belli civilis defendi, & externi belli laudandi. (c) Belli civilis scelerati; quod ante annos 12. ortum sub Julio Cæsare,

vix tum bene sopitum erat. (d) In civili bello a fratribus occisorum. (e) Quid sceleris non suscepimus, nos ætate hac dira, & prope ferrea nati? (f) Nefarii. (g) Milites; a quo scelere nostros exercitus religio deterruit? (h) Pietate, ac religione adversus Deos. (i) Recudas, reformes; vel, destruas, ut novos enses, & sanctiores facias; quibus in Massagetas utamur. (k) Hebetatos enses in bello civili, & attritos. (l) Sunt Scythiæ populi; Arabes vero Asiæ.

O D E XXX.

*Pomponio Numida felicem ex Hispania reditum
 gratulatur.*

Et thure, & fidibus ^a juvat
 Placare ^b, & vituli sanguine debito ^c
 Custodes Numidæ Deos;
 Qui nunc Hesperia ^d sospes ^e ab ultima
 Charis multa ^f sodalibus,

(a) Carminibus lyricis. (b) Diis satisfacere, quibus sacrificium vovi, si amicus rediret. (c) Votivo. (d) Hispania; quæ appellatur ultima Hesperia, id est, in ultimo orbe posita; ad Occidentem versa; ut distinguitur ab Italia, quæ vocatur etiam Hesperia; sic autem vocatur, vel ab Hespero Atlantis

filio, vel ab Hespero stella, quæ occidente Sole apparet. (e) Reversus incolumis. (f) Quamvis amicos de ejus reditu lætos amplectatur omnes suavissime, ac deosculetur, nullum ex iis tamen suavius quam Lamiam; quippe meminisse se eodem rege pueritiam egisse, sub quo eam egit Lamia.

Nulli plura tamen dividit oscula,
 Quam dulci Lamiae, memor
 Actae non alio rege a puertiae,
 Mutataeque b simul togae.
 Cressa c ne careat pulchra dies nota d:
 Neu e promptae f modus amphorae,
 Neu morem in Saliu g sit requies pedum:
 Neu multi Damalis meri h
 Bassum i Threicia vincat amystide k:
 Neu desint epulis rosae:
 Neu vivax apium l, neu breve m lilium.

(a) Moderatore, magistro, gubernatore. (b) Togam praetextam, id est, purpureo cinctam limbo, exuebant anno aetatis 17. quo sumebant virilem togam, ac moderatores puertiae dimittebant. (c) Cretensi, hoc est, alba. Cress, vir Cretensis. Cressa Cretensis femina; ut Phoenix, Phoenissa. Effoditur autem in Creta insula terra candida. (d) Lappillo albo. Thraeces notabant felices dies albis calensis, infanctos nigris. Juret igitur hanc diem Horatius albo lappillo, ut fortunatam, notari. (e) Id est, bibatur sine modo, saltem sine requie, large utrumque & assatum fiat. (f) Quae cito & sine mora petenti detur; vel, depromptae & eductae e cella vinaria. (g) Ut solent saltare Salii, Martis Sacerdotes; qui certis diebus saltationem quandam exercebant in honorem Martis, ter pede terram percutientes agilitate summa. (h) Ebriosa mulier. (i) Potorem egregium. (k) Amystis poculum est capax, ita dictum Graeco voce, quod sine interspiratione hauriendum erat. Sententia est: caveat Bassus, ne ipsum vincat Damalis potans amystidem totam. Threiciam vocat, vel quia revera erat Threissa, vel quia Thraeces ebriosi ferebantur, & ejusmodi calices uno haustu siccabant. (l) Herba diu virens & vivens. (m) Cito marcescens.

O D E XXXI.

Mors Cleopatrae ab Augusto victae navali bello.

Nunc est bibendum, nunc pede a libero
 Pulsanda tellus: nunc Saliaribus b
 Ornare pulvinar c Deorum

(a) Saltandum est libere, ac temere. (b) Quas nempe apponat, & instruant Salii Sacerdotes, de quibus dictum est Ode superiori: vel, exquisitis dapibus, qualibus isti Salii solebant vesci, qui magnifice & opipare epulabantur. (c) Est sacculus piuma vel tomento factus, qui capitibus, aut cubitis, adcumbentium in lectulis subiciebatur. Post victoriam insignem aliquam, solebant Romani, Diis suis quasi epulum praebere. Itaque mensas in templis struebant, ac dapibus cumulabant; circa mensas sternebant lectulos cum pulvinaribus, usque Deorum, quasi convivarum, statuas imponebant.

Tempus erat ^a dapibus, sodales.
 Antehac ^b nefas depromere Cæcubum ^c
 Cellis avitis ^d, dum ^e Capitolio ^f
 Regina dementes ruinas,
 Funus & Imperio parabat,
 Contaminato cum grege turpium
 Morbo virorum ^g, quidlibet impotens ^h
 Sperare, fortunaque dulci
 Ebria. Sed minuit ⁱ furorem
 Vix una sospes navis ab ignibus:
 Mentemque lymphatam ^k Mareotico ^l
 Redegit in veros timores
 Cæsar, ab Italia volantem ^m
 Remis adurgens ⁿ (accipiter velut
 Molles columbas, aut leporem citus
 Venator in campis nivalis
 Æmonia ^o), daret ut catenis

(a) Tempus est; imperfectum pro præsentis; Græco more. (b) Antequam victa, imo extincta fuisset Cleopatra. (c) Vinum generosum, natum in Cæcubo, Campaniæ monte. (d) In quibus illud avi majoresque nostri condiderant. (e) Interea dum Regina Cleopatra dementi, & invito conatu pararet evertere Capitolium, & Imperium Rom. extinguere. (f) Templum erat Jovis, in clivo Tarpejo, ita dictum ab hominis capite ibi invento, dum fundamenta effoderentur. (g) Eunuchorum, qui solent fœdis morbis laborare, & contaminati, olentesque esse. (h) Adeo demens & vecors, ut auderet omnia sperare, etiam illa quæ fieri nulla ratione poterant, v. gr. Romanorum Imperium delere. Impotens proprie est ille, qui effrænatæ animi motibus imperare non potest, qui fræna laxat iræ, libidini, &c. Impotens autem sperare, Græca locutio est: in eo impotens, quod speraret, &c. quæ se equinere

non poterat; quin speraret quidlibet. (i) Ejus potentiam & audaciam fregit accepta claudes ab Augusto, qui vix unam ex ejus navibus ab incendio sospitem reliquit, & ejus apertum furiosum, & vino ebrium Mareotico, quod in convivio cum Antonio celebratis sæpè hauserat, veris timoribus implevit, non falsis, ut ejus spes erant falsæ. Porro Cleopatræ naves, aliæ statim post Actiæcam victoriam sunt a Casarianis incensæ, aliæ ab Arabibus, qui in Erythræo sinu erant. Vid. 2. Indicem Odarum ad annum 722. ab U. C. 723. (k) Furiosam. Quos canis rabiosus momordit, ii lymphas fugiunt, & horrent: hinc lymphatus pro furioso ponitur. (l) Mareotis est palus, & regio Ægypti ubi optimum vinum nascebatur. (m) Fugientem ab Græcia, quæ non longe abest ab Italia. (n) Celerrime persequens. (o) Thessaliæ, ita dicta est ab Rege quodam suo Æmone.

Fatale monstrum ^a: quæ generosius ^b
 Perire quærens, nec muliebriter
 Expavit ensem ^c, nec ^d latentes
 Classe cita reparavit oras ^e.
 Ausa & jacentem ^f visere Regiam
 Vultu sereno fortis, & asperas
 Tractare serpentes, ut atrum
 Corpore combiberet venenum,
 Deliberata ^g morte ferocior:
 Sævis Liburnis ^h scilicet invidens ⁱ,
 Privata deduci ^k superbo
 Non humilis mulier triumpho.

(a) Cleopatram furentem instar belluæ. Fatale vocat, id est, fato quodam, & ira Superum exortum. Exitiale. (b) Quam in catenis, & in triumpho. (c) Voluit sibi ferro vitam adimere, neque dedit vires enses nudos sibi custodum petere, qui mortem illi tamen negarunt. (d) Non iit Cleopatra classe cita, & properante in oras Ægypti latentes, & ultimos Regni sui fines, ut eos repararet, ac muniret, ad bellum instaurandum. (e) Ægypti recessus, & urbes intimas. (f) Profligatam, & mœrentem. (g) Quam sibi inferre statuerat: ideo ferox, quia mori certa. (h) Navibus angustioribus, in Liburnia, Illyrici regione factis; quales erant illæ, quibus Augustus in prælio navali contra Antonium usus erat. Vid. Od. l. libri Epodon. (i) Indignata, & nolens, ob superbiam, hunc honorem navibus Liburnis, a quibus victa erat, & quæ ideo sævæ appellantur, tribuere, nisi in iis Romam duceretur. (k) Duci ex Ægypto in Italiam, ut privata mulier, ipsa quæ non obscura, & infimo loco nata, sed nobilis, & Regina erat. Explicat etiam Lambinus: non humilis, non parvo animo, & fracto. Est autem ordo: scilicet invidens, hanc Cesari gloriam, ut ipsa, tanti nominis, tantæ dignitatis mulier, capta, & Regno spoliata, instar scæminæ privatæ, in Liburnis navibus, tanquam in triumpho, deduceretur.

O D E XXXII.

Apparatum convivii frugalem, & minime sumptuosum, sibi placere.

Persicos ^a odi puer ^b apparatus;
 Displicent nexæ philyra ^c coronæ:

(a) Magnificos: quales a Persis adhibebantur; v. g. odores, unguenta, &c. Persæ in conviviiis erant in primis sumptuosissimi, & multarum deliciarum. (b) Servule. (c) Est cortex interior, ac tenuissimus, ex arbore tilia decerptus, qui ductus in ténias, noctendis floribus servit.

Mitte a sectari, rosa quo locorum

Sera moretur.

Simplici b myrto nihil allabores

Sedulus curo: neque te ministrum

Dedecet myrtus, neque me sub arcta e

Vite bibentem.

(a) Omitte, noli instigare, myrto volo. Myrtus adhibebatur in conviviis; boni odoris causa, & quia fumos vini discutere credebatur. (b) Densa, vivii apparatus ad simplicem myrtam; nihil nisi coronas e-



O D A R U M

LIBER SECUNDUS.

O D E I.

C. Asinium Pollionem monet, ut omisso, quam scribebat, de bello civili tragædia, vel historia, in Rempub. potius ordinandam incumbat. Bellum civile deplorat.

Motum a ex Metello Consule civicum,
 Bellique causas, & vitia b, & modos c,
 Ludumque Fortunæ d, gravesque
 Principum e amicitias, & arma f
 Nondum expiatis uncta cruoribus
 Periculosæ plenum opus g aleæ,

(a) Ordo est: o Pollio, insigne mæstis præsidium reis, &c. tractas, sive, scribis motum civilem, belli civilis varios ac turbidos eventus, ex Metello Consule, id est, ab eo tempore quo Q. Cæcilius Metellus Celer fuit Consul, qui est annus ab U. C. 694. quo Cæsar, Crassus, & Pompeius, inter se de invadenda Republica fœdus inierunt. (b) Simultatem ortam Cæsarem inter & Pompejum, multorum ambitionem, odia, libidines, nimiam, ut ait belle Florus, felicitatem, &c. Vide Svet. c. 29. & 30. in Julio Cesare. (c) Seditiones, pugnas, deliberationes partium. (d) Varios casus, quibus Romanam rem, ut pilam, jactare Fortuna videbatur. (e) Cæsaris, Pompeii, & Crassi, qui societatem junxerant, Reipublicæ funestam. Florum lege, lib. 4. c. 2. 3. & seq. (f) Arma uncta, id est, desibuta & adhuc stillantia civium cruo-

re, qui nondum expiatus est: Proprie non expiatur cruor, sed arma expiantur, cruore per scelus infecta, vel miles gestans hæc arma. Expiare, autem est, rem aliquam, aut personam, ex impia, & contaminata, piam & scelere solutam efficere, aliqua religiosa cæremonia. Ejusmodi cæremoniam usurpabant Romani certis temporibus, & armilustrum vocabant; eamque adhibuit Augustus, confecto civili bello, cum lustrum solemni ritu condidit, populumque expiavit. (g) Quæ tragædia a te suscepta, opus est aleæ, & periculi plenum: de multorum enim sceleribus, qui jam rerum potiuntur, scribi tuto & impune vix potest. Alea, est proprie ludus talorum, qui periculosus, & incertus vulgo est: unde ad significandum casum quemlibet periculosum, ea vox adhibetur.

Tractas : & incedis a per ignes ,
 Suppositos cineri doloso .
 Paulum b severæ Musa tragœdiæ
 Desit thêatris : mox , ubi publicas c
 Res ordinariæ , grande munus d
 Cecropio repetes coturno e ,
 Insigne mœstis præsidium reis f ,
 Et consulenti , Pollio , Curiaë g ;
 Cui laurus h æternos honores
 Dalmatico peperit triumpho .
 Jam nunc i minaci murmure cornuum k
 Perstringis l aures ; jam litui strepunt ;
 Jam fulgor armorum fugaces
 Terret equos , equitumque vultus .
 Audire magnos jam videor Duces ,
 Non indecoro m pulvere sordidos ,
 Et cuncta terrarum n subacta o ,
 Præter atrocem animum Catonis p .

(a) Idem facis , ac si incederes per cineres , qui tegerent ignem suppositum : quod nempe sine gravi periculo fieri nequit .

(b) Omitte paululum res adeo tragicas theatro , & scenæ committere . Erat Pollio poeta optimus , teste Virgilio : & hoc de tragœdia aliqua , a Pollione inchoata , rectius quam de historia intelligas . (c) Erat enim tum Pollio Consul : cujus Magistratus munus est ordinare Rempublicam ; quæ bello civili erat admodum perturbata . (d) Grande opus tragœdiæ faciendæ . (e) Tragico more , ac stylo . Cothurnus erat genus calceamenti altioris , quo actores tragœdiarum utebantur . Cecropius appellatur , id est . Atheniensis , a Cecrope Rege Athenarum primo ; quia tragœdia maxime Athenis vixit , ubi Sophocles , Euripides , &c. floruerunt . (f) Reus , illum significat , qui eumque causam dicit , sive sit nocens , sive innocens . (g) Senatus . (h) Qui de Dalmatis triumphasti . Sunt autem Dal-

matæ in Illyrico ; quæ regio est in ora maris Adriatici , contra Italiam . Dalmatiæ urbs erat primaria Salonæ , quam Pollio cepit . (i) Laudat Horatius carmina Pollionis de bello civili , tam graphice , & ornate ab eo scribi cœpta , ut in iis res ipsæ geri , & cerni , non narrari & audiri viderentur . (k) Buccinarum , quæ olim e cornu , postea ex ære factæ sunt . Proprie cornua sunt buccinæ breviores , & intortæ : litui vere sunt buccinæ longiores & parum incurvæ . (l) Feris , tundis . (m) Glorioso pulvere ; quem scilicet in militari campo collegerunt . (n) Cunctas terras . Sic alio loco dixit , *amara curarum* , pro , *amaras curas* , Græco more . (o) A Casare domita . (p) Dicitur est ille Caro Uticensis ab Utica urbe Africa , in quam cum se post pugnam Pharsalicam coniecisset , audiretque appropinquare Casarem , mortem afferre sibi maluit , quam se illi dedere .

Juno ^a, & Deorum quisquis amicior
 Afris, inulta cesserat impotens
 Tellure: victorum nepotes
 Rettulit inferias ^b Jugurthæ ^c,
 Quis non Latino sanguine pinguior
 Campus sepulchris impia prælia
 Testatur ^d, auditumque Medis ^e
 Hesperiaë sonitum ruinæ?
 Quis gurges ^f, aut quæ flumina lugubris
 Ignara belli? quod mare Dauniaë ^g
 Non decoloravere ^h cædes?
 Quæ caret ora cruore nostro?
 Sed ne ⁱ, relictis, Musa procax ^k jocis,
 Cææ retractes munera næniæ ^l:
 Mecum Dionæo ^m sub antro

(a) Sententia hujus loci hæc est. Juno, et e Diis alii, qui-
 tumque Afris olim fuerant ami-
 ciores in bello Jugurthino, co-
 actique tamen Romanorum viri-
 bus, & fato fuerant ex Africa
 inulta discedere impotentes,
 id est, quia non potuerant
 ulcisci Afrorum cladem, &
 pœnas a Romanis sumere, illi,
 inquam, Dii Romanos, nepotes
 & posteros illorum Romano-
 rum, a quibus victi olim erant
 Afri, vicissim immolarunt in
 bello civili, tanquam victimas
 placandis Jugurthæ Manibus,
 & Afrorum umbris; atque ita
 pœnas Romanis retulerunt, ac
 reposuerunt, Afros ulti sunt.
 Juno Carthagini, & Africaë im-
 pense favebat, Virg. 1. Æneid.
 (b) Erant inferiæ, sacrificia quæ
 fiebant mortuis, & Inferorum
 umbris. Solebant autem præcis
 temporibus immolari aliquot e
 captivis hostibus, ad placandas
 cæsorum ducium umbras, & ad
 eorum tumulos mactari. (c)
 Fuit Jugurtha Rex Numidiaë in
 Africa. Is grave bellum gessit
 cum Metello primum, mox cum
 Mario; demum a Boecho Mau-
 ritaniaë Rege, ad quem confu-
 gerat, proditus, in Marii pote-
 statem venit, a quo Roman

ductus, & ostentatus in trium-
 pho, in carcere necatus est,
 anno U.C. 648. Sallustium adi.
 (d) Ostendit, sepulchrorum mul-
 titudine, quam sæva fuerint
 illa bella, impietatis, & cru-
 delitatis plena, nempe civilia.
 (e) Cladem, & ruinam Italiaë,
 quæ olim Hesperia magna dicta
 est, tantam, ut a Medis, re-
 motissimis videlicet Orientis po-
 pulis, & Romanorum hosti-
 bus, audita cum gaudio sit.
 (f) Qui lacus, quæ freta? (g)
 Italorum. Dammus Rex fuit A-
 puliaë, quæ Italiaë pars est.
 (h) Sanguine infecerunt. (i)
 Sed, o mea Musa, noli refri-
 care veteres illas querelas, reli-
 ctis, quæ te decent, amœniori-
 bus argumentis. (k) Audacior.
 (l) Versus lugubres; qui olim a
 Simonide, lyrico poeta, vel in-
 venti, vel præcipua cum laude
 facti sunt. Dicuntur Illi næ-
 niæ Cææ; quia Simonides natus
 est in Cæo insula maris Ægei,
 prope Eubœam. Est autem,
 Nænia carmen in funeribus ca-
 mi solitum: interdum sumitur
 pro puerili cantilena. (m) Ve-
 neri sacro. Venus dicta est Dio-
 ne: quo nomine appellata est
 quoque Veneris mater, Oceani,
 et Tethyos filia.

Quære modos a leviore b pleuro c.

(a) Carmina. (b) Jocosæ nempe argumenta levioribus modis & numeris canenda; tragica, severioribus, & fortioribus. (c) Instrumento, quo fides lyræ percutiuntur; quod nunc ex equinis vulgo setis fit; alias, instar pectinis, ex ebore, aut buxo constabat.

Hanc totam Oden eruditi quidam ita explicant, ut velint ab Horatio invitari Pollionem ad absolvendam, quam inchoarat, belli civilis historiam,

omittendasque tragædias, quas intermissa tantisper historia, scriptitabat. Hæc porro verba, *mox ubi publicas res ordinarias,* exponunt cum Turnebo, & aliis, postquam Reipublicæ historiam, & bellorum civilium, ordinaveris, digesseris, & ordine conscripseris. Favet huic expositioni ultima pars Odæ, in qua Pollionis scripta laudat; non eum igitur deterret a scribendo.

O D E II.

Contemptus pecuniæ, laus liberalitatis.

Nullus a argento color b est, avaris c
Abditæ d terris inimice e laminæ,
Crispe Sallusti f, nisi temperato
Splendeat usu.

Vivet extento g Proculejus h ævo,
Notus i in fratres animi k paterni:

(a) Ordo est: o Crispe Sallusti, inimice laminæ abditæ in avaris terris, nullus est argento color, nisi usu temperato splendeat. (b) Dignitas, pulchritudo: nihil juvat pecunia, nisi utaris. (c) Avara terra dicitur ea in qua argentum defoditur, quia illud celat, ut avari faciliant. (d) Qui es inimicus laminæ defossæ in terra; qui non amas laminam, seu aurum, abdere & furtim terræ deponere; qui ab avaritia es alienus. Legendum potius, *abditæ*, quam *abdito*, nempe, *argento*: quæ vos est in primo versiculo Odæ: hæc enim duo verba, *inimicæ laminæ*, nec bonam, nec sat Latinam efficiunt sententiam, se legantur sola: quæ laus enim est, si quis inimicus laminæ dicatur esse. (e) Pro laminæ. Est autem lamina, bractea metalli: sumitur hic pro ipso argento,

vel auro. (f) Fuit iste Crispi Sallustii historici ex sorore nepos; de quo agit Cornelius Tacitus, *Annalium lib. 3.* paulo ante medium: quem ab historico adoptatum, & magna potentia, summisque opibus modestissime usum ait. (g) Longo tempore producto, usque ad seram posteritatem: immortalis erit Proculeji fama, & memoria. (h) Fuit Eques Romanus, Augusto carus; ejus fratres, Scipio, & Muræna, cum ob arma in bello civili contra Augustum gesta, patrimonio suo spoliati fuissent, Proculejus bona sua de integro æquis partibus cum ipsis divisit, instar patris amantissimi. (i) Nobilis, celebris. (k) Propter animum: Græca locutio. Subaudiunt Græci particulam propter, quæ apud illos gignendi casum postulat.

Illum aget a penna metuente solvi b
 Fama superstes c.
 Latius regnes d, avidum domando
 Spiritum e, quam si Lybiam f remotis g
 Gadibus h iungas: & uterque Pœnus i
 Serviat uni.
 Crescit k indulgens sibi dirus hydrops:
 Nec sitim pellit, nisi causa morbi l
 Fugerit venis, & aquosus albo
 Corpore languor.
 Redditum m Cyri solio Phraaten n
 Dissidens plebi, numero beato-
 rum o eximit virtus; populumque falsis
 Dedocet uti p
 Vocibus, regnum & diadema tutum

(a) Vehet, tollit. (b) Defatigari nescia; semper volante, & vigente. (c) Post illius mortem adhuc vivens, & superans. (d) Regnabis, regnare possis. Rex est, qui sibi imperat. (e) Avaritiam, cupiditatem majorum opum. (f) Regionem Africae. (g) A Lybia dissitis. (h) Gades insula & urbs est, in ultima Hispania ad meridiem, Cadice; unde nomen freti Gaditano, per quod mare Mediterraneum in terras influit; quodque patrio sermone, ab loco vicino vocant Hispani, de Gibilterra. (i) Tum qui est in Africa, tum qui in Hispania. Nam Carthaginenses Hispania partem diu obtinuerunt, urbemque nomine Carthaginem in ea condiderunt, quæ Carthago nova dicta est. (k) Morbum auget. *Indulgens sibi*: obsequens bibendi cupiditati. *Hydrops*. Ita vocatur morbus, quo alimenta, imo ipsæ aliquando carnes in aquam resolvuntur; unde intumescit corpus, & pallet: hic pro ipso hydropico ea vox ponitur. (l) Aqua intercus. (m) Ordo est: virtus dissidens, plebi, eximit numero beatorum

Phraatem redditum Cyri solio. Sententia est: homines virtute præditi, ab stolidi vulgi opinione dissentientes, excerpunt e numero beatorum, felicem non putant ideo Phraaten, quod in solium Cyri fuerit restitutus. (n) Phraates, Rex Parthorum, ob mores barbaros, ob patrem, & triginta fratres, cum filio suo natu maximo interfectos, in exilium a suis pulsus est, substituto illi Tigridate; postea tamen Scytharum ope in Regnum est restitutus. Consule Indicem 11. Odarum, ad ann. U. C. 731. Vide etiam Justinum, lib. 42. cap. 5. Dicitur autem, *Cyri solium*; quia Regnum Persarum, a Cyro fundatum, a Parthis postea occupatum fuit; non quod Phraates Cyri esset filius, aut hæres; Orodis enim filius fuit. (o) In hac dictione ultima syllaba eliditur ob vocalem positam in sequenti versu ad quem ista syllaba pertinet: idem observare est in Ode 3. (p) Docet non nisi falsis vocibus, cum felicem vocando, qui felix revera non sit.

Deferens uni ^a, propriamque laurum ^b,
 Quisquis ingentes oculo irretorto ^c
 Spectat acervos.

(a) Illi nomen Regis, felicitatem, & gloriam tribuens uni, quisquis &c. (b) Coronam, laudem, victoriam. (c) Qui cumulos auri, atque argenti ita prætereundo aspectat, ut ne oculos quidem reflectat ac re-

torqueat; id est, qui nulla cupiditate illorum ac desiderio commovetur. Rursum irretortus oculus dici potest, non invidus; invidi enim obliquis & limis oculis ea solent aspectare, quibus invident.

O D E III.

*Montis æquabilitas ubique servanda.
 Mortis Necessitas.*

Æquam ^a memento rebus in arduis
 Servare mentem; non secus in bonis
 Ab insolenti temperatam
 Lætitia, moriture ^b Deli ^c;
 Seu mæstus omni tempore vixeris;
 Seu te in remoto gramine per dies
 Festos reclinatum ^d bearis ^e
 Interiore ^f nota Falerni ^g;
 Qua ^h pinus ingens, albaque ⁱ populus,

(a) Ordo est. O Deli, memento servare in asperis, & arduis rebus mentem æquam, id est, moderatam, & æquabilem; eandemque in rebus secundis ab insolenti lætitia temperatam. (b) Siquidem aliquando es moriturus; sive semper vixeris mæstus, sive aliquando genio indulseris, maxime festis diebus. (c) Delius fuit historicus, & orator insignis: a Dolabella ad Cassium; a Cassio deinde transivit ad Antonium; novissime ab Antonio transfugit ad Cæsarem. (d) Jacentem, resupinatum. (e) Te exhibitaveris, genium curaveris. (f) Falerno optimo, & vetustissimo. Amphoris vini, quas ser-

vatas Romani vellent, notam apponebant in operculo, quæ indicaret, quod vinum esset; quo anno, & Consule conditum. Quo vinum erat generosius, & servari dignius, eo interiore loco cellæ vinarie condebatur, utpotè frigidiore, & ad servandum vinum aptiore. Rursum quia primæ quæque amphoræ bibebantur, ultimæ interiori loco positæ erant vetustissimæ. (g) Falernus mons Campaniæ Italæ, ab eo vinum Falernum nomen invenit. (h) Id est, in qua parte horti tui, aut villæ. Legitur etiam, quo, id est, quo gramine, loco. (i) Populi fiondes, aversa parte, albicant; adversa, virent.

Umbram ^a hospitalem consociare amant
 Ramis, & obliquo laborat ^b
 Lymphæ fugax trepidare rivo.
 Huc vina, & unguenta, & nimium breves
 Flores amœnæ ferre jube rosæ ^c;
 Dum res ^d, & ætas, & sororum ^e
 Fila trium patiuntur atra ^f.
 Cedet ^g coemptis ^h saltibus, & domo,
 Villaque, flavus ⁱ quam Tiberis lavit ^k,
 Cedet; & extructis in altum ^l
 Divitiis potietur hæres.
 Divesne ^m prisco natus ab Inacho ⁿ
 Nil interest, an pauper, & infima
 De gente ^o sub dio ^p moreris ^q,
 Victima nil miserantis Orci.
 Omnes eodem cogimur ^r; omnium
 Versatur ^s urna ^t serius, ocyus
 Sors exitura, & nos in æter-
 num ^u exilium impositura cymbæ.

(a) Gaudent consociatis ramis umbram efficere, quæ gratum epulantibus hospitium præbeat, (b) Cum labore trepidat, propter lapillos nimirum obstantes. Trepidare autem, est agitare se huc illuc, & anxie commovere; festinare ægre, (c) Rosas, quæ nimis cito maurescunt. (d) Opes, vel; idoneum tempus, opportunitas, occasio. (e) Parcarum. Dum vita tibi suppeditat. (f) Funesta: quibus videlicet prescctis, mors obeunda necessario sit. (g) Discedes, demigrabis. (h) Undique, aut, simul a te emptis. (i) Pulcher, vel, flavas arenas volvens. (k) Est in indicativo, a verbo, *lavere*, quod olim usurpabatur, pro *lavare*. (l) In cumulum congestis. (m) Ordo est: nihil interest an sis dives, & ortus ab Inacho, an pauper & obscuro loco natus ne rectum quidem, & domum, quo te recipias, habeas: quippe futurus es perinde victima Orci nil miserantis; divites æque, ac pau-

peres damnantis letho. (n) Fuit Inachus Rex Argivorum, Abrahami æqualis, aut etiam illo superior; cujus filia Jo fabulis celebrata est. Floruit circa annum mundi 2200. (o) Stirpe, familia. (p) Sub nudo, & aperto Cælo. (q) Habites, degas. (r) Eundem in locum compellimur, Orcum nempe, ac tumulum. (s) Agitur. (t) Suadet metri ratio vocem hanc in ablativo positam, ordinemque hunc esse: sors omnium, idest, moriendi fatalis hora, serius ocyus exitura, versatur, & movetur in urna; nempe Jovis, aut judicum trium apud Inferos; qui finguntur a Poetis tabellas nominibus omnium hominum inscriptas movere in urna, sive cista; itaut ii moriantur primi, quorum nomina priora educta sint. (u) Et quæ nos impositura est cymbæ Charontis: ut in æternum exilium ab eo deportemur, nempe ultra Stygem, in Inferos.

O D E IV.

Tiburтинæ, & Tarentinæ regionis amœnitatem
laudat.

Septimi^a, Gades^b aditure^c mecum, &
Cantabrum^d indoctum^e juga ferre nostra, &
Barbaras Syrtes^f, udi Maura^g semper

Æstuat unda:

Tibur^h, Argeoⁱ positam colono^k,
Sit meæ sedes utinam senectæ!

Sit modus lasso maris^l, & viarum,
Militiæque.

Unde^m si Parcæ prohibent iniquæ,

Dulce pellitis ovibusⁿ Galesi

Flumen, & regnata petam Laconi

Rura Phalanto^o.

(a) Fuit ille Romanus Eques, idemque poeta bonus, Augusto carus, amicus Horatii. (b) V. Od. 2. hujus libri. (c) Qui mecum iturus es in Gades; nempe cum Augusto, qui anno U. C. 728. bellum Hispanis intulit; quo secuturi cum erant Septimius, & Horatius. Vel; qui paratus es me amicum tuum sequi in ultimas terrarum oras, etiam usque ad Gades, Syrtesque, &c. Et vero Augustus, Cantabros petens, non videtur in Lybiam, aut Gades iturus fuisse. (d) Cantabri sunt Hispaniæ populi, ubi nunc Biscaya, Hispanorum ultimi a Romanis domiti: eos Augustus debellavit, anno U. C. 741. Vide II. Indicem Odarum. (e) Qui parere Romanis nondum didicit. (f) Loca sunt arenosa, & periculosa, in Africæ littore. (g) Proprie dicendum esset, Lybica; quia Syrtes duæ, major & minor, præcul absunt a Mauritaniam. (h) Est urbs Italiæ amœna, condita olim a Tibure, homine Græco, qui Argis profectus

in Italiam venit. (i) Argivo. Argos est urbs primaria Peloponnesi. (k) Colonus interdum est, qui agrum colit, agricola alias, ut hic, enim significat, qui ex urbe quapiam commigrat, ad aliam habitandam. (l) Fatigato maritimis itineribus; quando me satietas belli, & itinerum cepit. Erat itaque tunc id ætatis Horatius, ut adhuc gerere bella, & itinera longiora posset suscipere; nempe annos admodum 40. natus. (m) Quo ex loco, id est, a Tibure, si me Parcæ prohibent, acentque, petam flumen Galesum. celebre ob oves pellitas; petam agros, ubi Phalantus Laton regnavit. Tarentum describit, prope Galesum flumen situm, in Calabria. (n) Oves Tarentinæ, propter lanæ bonitatem, pellibus & quasi vestibus integebantur, ne ipsurum lana inquinaretur. (o) Lacedæmonius dux fuit, qui cum Spartanis Italiam petens, Tarentum occupavit.

Ille terrarum mihi præter omnes
 Angulus ridet ^a, ubi non Hymetto ^b
 Mella decedunt ^c, viridique certat
 Bacca ^d Venafro:
 Ver ubi longum, tepidasque præbet
 Jupiter brumas: & amicus Aulon ^e
 Fertili Baccho, minimum ^f Falernis
 Invidet uvis.
 Ille te mecum locus, & beatæ
 Postulant arces ^g: ibi tu calentem ^h
 Debita ⁱ sparges lachryma favillam
 Vatis amici.

(a) Placet. (b) Mons est Græciæ, prope Athenas, ubi mel optimum, apes lætissimæ. (c) Inferiora, deteriora sunt, nihil cedunt melli Hymetrio. Decedere, est locum alteri, ut nobiliori, cedere, inferiorem se fateri. (d) Oliva: ubi olivæ nascuntur pares Venafrans. Est Venafrum Campaniæ in Italia oppidum, ubi olivæ præstantes. (e) Mons est vini ferax, in Calabria. (f) Id est, uvas fert non deteriores illis, quæ nascuntur in Falerno, monte Campaniæ: invidetur enim melioribus. (g) Colles, quibus Tibur est impositum. (h) Meos cineres, cadaver recenti rogo ustum. (i) Mihi propter amicitiam.

O D E V.

Tompejo Varo, in patriam post bellum civile redeunti, gratulatur.

O sæpe mecum tempus ^a in ultimum
 Deducte, Bruto militiæ duce,
 Quis te redonavit Quiritem ^b
 Diis patriis, Italoque cælo,

(a) Qui sæpe adductus es mecum in ultimum vitæ diem, & periculum, quando, Bruto & Cassio ducibus, contra Augustum arma ferebamus. (b) Civem Romanum, Veniam ab Augusto impetraverat ille Varus; quam nisi exoravisset, exul, privatus iure civitatis, & hostis patriæ vixisset. Merito igitur illi gratulatur Horatius, quod civitati & patriæ redditus fuerit, & præclarum illud Quiritis, seu Romani civis, nomen reconperaverit. Quirites olim vocabantur Sabini, a Quiribus eorum urbe primaria: mox, ubi cum Romanis fœdus icere, & in unum utriusque populum coaluere, Quiritium nomen Romanis datum est. Liv.

Pompei, meorum prime sodalium?
 Cum quo morantem ^a sæpe diem mero ^b
 Fregi, coronatus ^c nitentes
 Malobathro ^d Syrio capillos.
 Tecum ^e Philippos, & celerem fugam
 Sensi, relicta non bene parmula;
 Cum fracta virtus ^f, & minaces ^g
 Turpe solum tetigere mento.
 Sed me per hostes Mercurius ^h celer
 Denso paventem sustulit aere ⁱ:
 Te rursus ^k in bellum resorbens
 Unda fretis tulit æstuosis.
 Ergo obligatam redde Jovi dapem ^l;
 Longaque fessum militia latus ^m
 Depone sub lauru mea ⁿ: nec
 Parce cadis tibi destinatis.
 Oblivioso lævia ^o Massico ^p

(a) Longiorem, ut dies æstivi sunt: vel, qui mihi tecum epulari cupienti longus videbatur. (b) Ita divisi, ut meliorem partem vino tecum, & poculis darem. Vide Oden 1. lib. 1. *Nec partem solido*, &c. (c) Subauditur, secundum, ut sæpe fit apud poetas, Græco more: habens caput floribus coronatum, & nitens, sive delibatum unguento Syrio. (d) Est Malobathrum, folium quoddam, sive frutex, referens nardi odorem, cujus magna copia in Syria: exprimitur ex eo liquor, seu oleum odoratissimum. (e) Interfui tecum pugnae commissæ ad Philippos, urbem Thessaliæ: tecum e prælio fugi, clypeo turpiter abjecto. Vide II. Indicent Odarum ad annum Urbis conditæ 712. (f) Quando nostri exercitus vires fractæ fuerunt. (g) Cum duces nostri, qui minas in Octavium, & Cæsarianos iactabant, cæsi fuere, ac in terram proni cecidere. Milites generosi, cum cadunt solent humum dentibus mandere; vel, præ dolore & rabie; vel, nequam gemitum sua ne forti-

tudine indignum edant. (h) Virorum doctorum patronus. Horatius eruditionis suæ fama, carminibusque acceptam retulit veniam, quam illi ab Augusto Mæcenas impetravit. (i) Circumfusa nube tectum. Sic Homerus fingit servatum Æneam ab Apolline. Paridem a Venere &c. (k) Tu casis Bruto, & Cassio, ad Pompejum filium in Siciliam perrexisti, reliquias belli civilis persequens. Metaphora ducitur a Carybdi, quæ naves ejectas resorbet; vel, a tempestate, quæ naves, in litore tranquillo & vado positas, aliquando in altum abripit. (l) Epulum, Jovi, si redires in patriam, promissum sacrificium. (m) Corpus: pars pro toto. (n) Aliquam sui horti arborem indicat; vel, patrocinium Mæcenas significat, quo protectus, ut lauru salutari, fulmen, id est, iram Augusti effugerat. (o) Attrita sæpe bibendo: terrea & nitida. (p) Vino Campaniæ generoso; obliviosum appellat: quia malorum oblivionem affert vinum.

Ciboria a exple b; funde capacibus
 Unguenta de conchis c. Quis udo
 Deproperare d apio coronas,
 Curatve myrto? Quem Venus e arbitrum
 Dicit f bibendi? Non ego sanius s
 Bacchaber h Edenis i: recepto.
 Dulce mihi furere k est amico.

(a) Pecula capaciora. Ciborium nomen Ægyptium est, significans proprie florem, aut folium fabæ Ægyptiæ, quod fossium instar galeri capax est, & ad cuius similitudinem pecula quædam facta, ciboria sunt appellata. (b) Exhausti; vel, imple; utrumque enim vox ea significat. (c) Vasculis e concha, vel in merem conchæ factis. (d) Cito contexere. Quis ex humido apio, vel e myrto, nobis coronas conficere properat, quibus utamur in conviviis? Vocat apium udum; vel, quia nascitur commodius in paludibus; vel, quia vini fumos caloremque mitigat. (e) Quis nostrum erit, quem iactus Venere magistrum convivi creabit, qui regna vini tesseris fortiatur? Nam id moris erat, ut fortirentur tesseris, quis bibendi esset arbiter. Venus vocabatur tes-

serarum iactus felicissimus, ac tesseræ tres, singulas punctis sex notatas, ponebat; infelicissimus contra, quæ notatas afferebat singulas unico puncto & canis vocabatur. In talis (quæ ossicula vocant Galli) Venus, seu iactus ille felix, tum erat; cum tali quatuor, (totidem enim vulgo mittebantur) singuli diversis notati punctis jaciebantur. Vid. lib. 1. Od. 4. Porro Romani sorte eligebant aliquem in conviviis, qui compotoribus veluti præsideret, qui quid, quoties, quomodo biberetur, ediceret; & ille arbiter bibendi dicebatur. (f) Designabit, constituet. (g) Moderatus. (h) Bibam. (i) Thracibus, qui bibaciores erant. Edon mons est Thraciæ; unde vicini populi Edoni sunt vocati. (k) largius potare.

O D E V.

Monet amicum suum Valgium, ut mortem filii sui deslere aliquando desinat.

Non semper imbres nubibus a hispidos b
 Manant in agros, aut mare Caspium c
 Vexant inæquales d procellæ
 Usque e, nec Armeniis f in oris

(a) E nubibus funduntur. (b) Squallentes, tristes, pluviis deformatos. (c) Supra Persidem est, in Asia ad Septentrionem. (d) Inconstantes, modo atro-

ciores, modo leniores: vel, quæ maris æquabilitatem turbant. (e) Semper. (f) Armenia est regio Asiæ, circa Taurum montem.

Amice Valgi, stat glacies iners ^a
 Menses per omnes; aut Aquilonibus
 Querceta ^b Gargani ^c laborant ^d,
 Et foliis viduantur ^e orni.
 Tu semper urges ^f flebilibus modis
 Mysten ^g ademptum; nec tibi ^h vespero ⁱ
 Surgente decedunt amores,
 Nec rapidum fugiente Solem.
 At non ter ævo ^k functus amabilem
 Ploravit omnes Antilochum ^l senex
 Annos; nec impubem ^m parentes ⁿ
 Troilon, aut Phrygiæ sorores ^o
 Flevere semper: desine mollium
 Tandem querelarum ^p; & potius nova ^q
 Cantemus Augusti trophæa ^r
 Cæsaris; & rigidum Niphaten ^s;

(a) Vel, quia glacies stat immobilis; & concreta; vel, quia frigus facit inertes. (b) Loca quercubus consita. (c) Mons est Apuliæ. (d) Vexantur, agitantur. (e) Spoliantur, orbantur. (f) Prosequeris, defles Ingubri carmine. Erat enim iste T. Valgius poeta insignis, de quo Tibullus ita canit: *Valgius, æterno propior non alter Homero*. (g) Proprium est nomen pueri. (h) Nec tuus luctus, ab amore pueri profectus, decedit, cessat, quiescit, sero, nec mane; neque cum primum apparere Vesper incipit, neque cum apparere desinit, & fugit. (i) Vesper, sive, Vesperus, aut, Hesperus, Venus dicitur ab astrologis. Ea stella, cum circa Solem in urbem vertatur; modo illum sequitur, idest, post Solem apparet, nempe Vesper, & tum proprie Vesperus dicitur; modo antecedit, nempe mane; tumque mutat nomen, & Eous, sive Lucifer, & Phosphorus, appellatur. Fugere Solem dicitur hic ab Horatio, quia brevi obscuratur, Sole surgente, cui

semper vicinus est. (k) Nestor, qui tres hominum ætates vixit: nempe annos trecentos, ut quidam volunt; vel nonaginta, ut alii, qui ætatem definiunt spatio annorum 30. vel 33. (l) Filium suum a Memnore interfectum, in bello Troiano. (m) Juvenem, imberbem. (n) Priamus, & Hecuba. (o) Cassandra, Polyxena, Trojanæ, Sorores Troili. (p) Verba desinendi, apud Græcos, genitivo junguntur, quo more, vocem, *desino*, hic Horatius posuit. (q) Augustus, circa annum U.C. 733. Armeniam a Parthis vindicavit; qui eidem signa militaria, Marco Crasso, & Antonio, olim adempta reddiderunt. Paulo post hunc annum scripta est hæc Ode. (r) Trophæum, seu Trophæum erat monumentum victoriæ, collocatum in eo loco ubi hostes fugere cœperant, quanam esset eius forma docet Virgil. initio lib. xi. Æneid. (s) Armeniæ fluvium, & montem: rigidus vocatur, idest gelo constrictus, nivibus abundans..

Medumque ^a flumen, gentibus ^b additum
 Victis, minores volvere ^c vortices;
 Intraque præscriptum ^d Gelonos.
 Exiguis equitare campis.

(a) Medus est flumen Mediæ: quæ regio Persidi vicina est. Alii volunt Euphratem hac voce significari, qui Medus quoque dictus fuit proprio nomine; fortasse quia apud Medos, sive Babylonios, & Perfas, erat celeberrimus. (b) Victum & domitam pariter cum Parthis, Scythiis, Armenis. (c) Refer ad vocem quæ præcessit, *cantemus*. Dicamus illud flumen, quasi pudore suæ eladis, & dolore affectum, lenius, & minori cum pompa fluere, nec tantos undarum vortices volvere. (d) Subaudi, spatium. Dicamus Gelonos, intra terminos sibi ab Augusto definitos se continere, neque ultra campos exiguos excurrere & equitare; quos ne præterirent, vetuit. Geloni autem sunt Scythiæ populi, qui se in Armeniam effuderant.

O D E VII.

*Diligenda medicritas: animi æquitas ubique
 retinenda.*

Rectius ^a vives, Licini ^b, neque altam
 Semper urgendo ^c, neque dum procellas ^d
 Cautus horrescis, nimium premendo ^e
 Littus iniquum ^f.
 Auream ^g quisquis medioeritatem
 Diligit, tutus caret obsoleti ^h
 Sordibus tecti, caret invidenda
 Sobrius aula.

(a) Tutius, tranquillius. (b) Scripta fuit hæc Ode ad Licinium Varronem Marænam, ut habent optimi codices. Is fuit frater Terentiæ, uxoris Mæcenatis, & Proculii, de quo metio fit Ode 2. huius libri. Licinii bona fisco addicta fuerant; quod partes Reip. contra Augustum secutus fuisset: cum Horatius prudenter consolatur. Idem postea in Augustum cum Fannio Capione conjuravit, anno U.C. 731. Itaque circa hunc annum Oden istam fuisse scriptam apparet, paulo ante initiam ab eo conjurationem. (c) Si navim in medium, & profundum mare propellas: id est, excelsa & magnifica conseceris, honores ambias, &c. (d) Id est, periculis quibus honores obsepti sunt. (e) Legendò, stringendo. (f) Asperum, periculosum, ob vada & saxa: id est, non amplectendo semper humilia, & abjecta, cum detrimento dignitatis; metu periculorum, quæ magnis opibus, & honoribus adjuncta sunt. (g) Pulchram, pretiosam. (h) Ille domum non habet sordidam, & neglectam, neque altam, & magnificam, cui invideri possit: sic ista sua sobrietate ac temperantia, tutum se & ab invidiæ periculis, & ab avaritiæ sordibus, incommodisque præstat.

Sæpius ventis agitatur ingens
Pinus: & celsæ graviore casu
Decidunt turres: feriuntque summos
Fulmina montes.

Sperat ^a infestis, metuit secundis,
Alteram sortem bene præparatum
Pectus: informes hyemes reducit
Jupiter, idem

Summovet ^b. Non ^c, si male nunc, & olim
Sic erit. Quondam ^d cithara tacentem
Suscitat Musam ^e, neque semper arcum
Tendit Apollo.

Rebus angustis animosus, atque
Fortis appare: sapienter idem
Contrahe ^f vento nimium secundo
Turgida vela.

(a) Pectus bene præparatum, id est, animus, sive homo, ad utramque fortunam comparatus, moderatus, & sapiens, in rebus infestis, & adversis, sperat alteram fortem, hoc est, fortunam prosperam; & in secundis, metuit alteram sortem; nempe fortunam adversam; eoque se metu ab insolenti lætitia temperat. (b) Abigit, abducit, succedente vere. (c) Si est tibi male nunc; non sic, id est, non eodem modo, non item male erit olim, id est, postea, in posterum. (d) Apollo non semper exitialem arcum tendit, ut homines interficiat; sed interdum cithara canit, & feriat eum Musis. Sol, in modico calore pestem, & perniciem afferens terris, arcu lethali uti dicitur ab Homero. (e) Excitantes Musas, & quasi dormientes excitat, & ad canendam exemplum provocat. (f) Debes contrahere, & colligere. Nantæ; quando ventum, licet secundum, & faventem, vehementiorem tamen vident, contrahunt vela: sic tu, si sapis, te comprimes in rebus secundis, ne plus justo intumescas, ac faventi fortunæ non nimis credes.

O D E VIII.

*Omittendæ curæ inutiles: genio tantisper
indulgendum.*

Quid bellicosus Cantaber ^a, & Scythes,
Hupine Quincti, cogitet ^b, Adria

(a) Hispaniæ populus, ab Agrippa domitus, anno ab U.C. 734. Octo post annis circiter, Scythæ bellum agitarunt. Vide Oden 4. hujus libri. Scythæ sunt populi Europæ, ad Septentrionem, ubi nunc est Polonia, Moscovia, &c. (b) Meditatur in Romanos; quæ bella meditatur.

Divisus objecto ^a remittas ^b

Quærere nec trepides ^c in usum ^d

Poscentis ævi pauca. Fugit retro

Levis ^e juvenus, & decor ^g, arida

Pellente lascivos amores

Canitie ^f, facilemque somnum.

Non semper idem floribus est honos ^g

Vernis; neque uno Luna rubens nitet

Vultu. Quid æternis ^h minorem

Consiliis animum fatigas?

Cur non sub alta vel plátano, vel hac

Pinu jacentes sic temere ⁱ, & rosa

Canos ^k odorati ^l capillos,

Dum licet ^m, Assyriaque nardo ⁿ,

Potamus uncti? Dissipat Evius ^o

Curas edaces. Quis puer ocyus

Restinguet ^p ardentis Falerni

Pocula prætereunte ^q lympba?

(a) Mare Adriaticum, quasi vallum est objectum Scythis, ne impetum faciant in Italiam. Est Adria, sive Hædria, sinus maritimus inter Dalmatiam, & Italiam; ita dictus ab urbe eiusdem nominis, in intimo sinu, prope Venetias posita. (b) Parcas, fugias: noli quærere. (c) Ne trepide, & anxie sis sollicitus. (d) Id est, ad comparandas res utiles, & necessarias vitæ, & naturæ, quæ pauca poscit, exiguo contenta est. (e) Inconstans, stare diu ac durare nescia. (f) Senectute; quæ quia siccior est, somnum difficiliorem facit: is enim humidis vaporibus maxime alitur, & fovetur. (g) Pulchritudo. (h) Ordo est: quid fatigas, & vexas animum, tum æternis consiliis, quibus minor & impar est? Vocat æterna consilia, ea quibus in futurum tempus infinitum prospiciunt homines, quasi semper victuri; cum vita & mens humana illis impar & minor sit: vita enim brevis est; animi vero consilia morte disturbantur. (i) Ut casus tulerit, ut cuique libuerit. (k) Erat enim jam senior Horatius, cum hæc scriberet; annos natus iam 70. aut amplius. (l) Habentes capillos rosas odoriferis coronatos. (m) Per valetudinem, per ætatem. (n) Unguenti pretiosi genus est; confectum e nardo planta Indica, quæ in Syriam advecta, inde Romam deferrebat. (o) Bacchus: vide lib. 1. Od. 16. (p) Vinum Falernum temperabit, aqua admixta. (q) Petita e vicino fonte, vel fluvio.

O D E IX.

Mæcenatis Uxorem laudat.

Nolis ^a longa ^b feræ bella Numantiæ ^c
 Nec durum Hannibalem ^d, nec Siculum ^e mare-
 Pæno purpureum sanguine, mollibus

Aptari citharæ modis:

Nec sævos Lapithas ^f, & nimium mero ^g
 Hyleum; domitosque Herculeæ manu
 Telluris juvenes ^h, unde ⁱ periculum

Fulgens contremuit domus ^k

Saturni veteris. Tuque pedestribus ^l

Dicas historiis prælia Cæsaris,

Mæcenas, melius, ductaque per vias ^m

Regum colla minacium.

(a) Ne me iubeas aptare modis citharæ, id est, lyricis modis & versibus canere, bellum Numantinum, &c. (b) Quæ 9. annos tenuere. (c) Urbs erat Hispaniæ, a Scipione Africano excisa, postquam omnes eius ciues, nullo superstite, sibi necem conceivissent, an. U. C. 621. ab eversa per eundem Scipionem Cartagine, 14. (d) Qui causam & initium dedit bello Punico secundo, anno U. C. 536. ac post varias clades Romanis illatas, redire coactus est in Africam, quo bellum Scipio transportaverat: ibi ab eodem victus, ad Antiochum Syriæ, tum ad Prusiam Bithyniæ Regem fugit; apud quem cum ne se quidem tutum putaret, sibi veneno mortem attulit, anno U. C. 571. (e) Siculi a Romanis sæpe, imprimis bello primo Punico, victi navalibus præliis fuere. (f) Thessaliæ populos; de quibus visæ libri primi Oden 16. (g) Vino largius hauto ferum, & imotentem: erat Hyleus unus e Centauris.

(h) Gigantes, maxime vero duos, Othum, & Ephialten, cæteris audaciores. Videtur Brutum, & Cassium istis verbis adumbrare: de quibus iterum agit fusius, eadem allegoria in lib. 3. Ode 4. de Gigantibus, & Saturno vide lib. 1. Metamorph. (i) A quibus Gigantibus. (k) Cælum. Vetus dicitur Saturnus; quia Deorum antiquissimas. (l) Prosa scriptis. Oratio soluta pedestris dicitur; quia, licet suos quoque numeros & pedes habeat, non tamen habet ita sonantes, ac distinctos, ut Poetica; quæ non tam ire pedibus, quam cothurnis uti, & persultare quodam modo videtur. (m) Romæ: maxime per viam sacram, per quam in Capitolium triumphantes veherantur. Hinc intelligas hæc: Oden non nisi post annum ab U. C. 724. fuisse scriptam: quo anno ter tribus deinceps diebus Augustus triumphavit; prima die, de Dalmatis; altera, de Antonio, & Cleopatra; tertia, de Ægypto.

Me ^a dulcis dominæ ^b Musa Lycimniæ
Cantus, me voluit dicere lucidum ^c
Fulgentes oculos, & bene mutais.

Fidum pectus amoribus:

Quam ^d nec ferre pedem dedecuit choris;
Nec certare joco, nec dare brachia
Ludentem ^e nitidis virginibus, sacro
Dianæ celebris die.

Num tu ^f, quæ tenuit dives Achæmenes,
Aut pinguis Phrygiæ Mygdonias opes,
Permutare velis crine Lycimniæ,
Plenas aut Arabum domos?

(a) Ordo est: Musa me voluit dicere, & omissis bellicis argumentis, celebrate potius Lycimniæ canoram vocem, formam, fidelitatem. (b) Uxores vocari solebant dominæ: ut e sexcentis Ovidii, & aliorum locis patet. Fuit illa Lycimnia uxor Mæcenatis, Proculeii, & Murænæ soror. (c) Pro, lucide: neutra enim adjectivorum apud Latinos, itidem ut apud Græcos, sæpe usurpantur pro adverbis; sic, dulce ridens, pro dulseiter: torva tuens, pro torve &c. (d) Quæ maxima cum

dignitate saltat in choris, jocatur in circulis, cum virginibus movetur ad numerum, consentis in orbem brachiis, in Dianæ festis. (e) Saltantem. Sic Virgilius dixit, ludere in numerum, pro, saltare. (f) An velles dare, & permutare omnia, quæ Achæmenes (Rex Persarum ditissimus) olim obtinuit, & possedit, aut opes Mygdonis Regis Phrygiæ, aut Arabum divitias, pro uno Lycimniæ crine? Certe multes unum eius crinem, quam illa omnia. Phrygia. Arabia, regiones Asiæ.

O D E X.

Diræ in arborem, cujus casu pane oppressus fuerat.

Ille ^a & nefasto ^b te posuit die,
Quicumque primum sacrilega manu
Produxit, ^c arbos, in nepotum
Perniciem, opprobriumque pagi:

(a) O arbos, quicumque te sacrilega manu plantavit, in exitium, & opprobrium pagi, ille & te infausto die posuit, &, ut opinor, parentis sui cervicem fregit, &c. (b) Infelici, funesto. Apud Romanos alii dies fasti dicebantur, ii scilicet

quibus lites agi fas erat, alii nefasti, quibus forum clausum, nec Prætor, seu Judex Urbanus fieri poterat, & uti suis illis solemnibus verbis, *do, dico, addico*. Nefastus dies sæpe accipiebatur pro funesto. (c) Servit, educavit, protulit.

Illum & parentis crediderim sui
 Fregisse cervicem ^a, & penetralia ^b
 Sparsisse nocturno cruore
 Hospitis: ille ^c venena Colchi-
 ca ^d, & quicquid usquam concipitur nefas,
 Tractavit, agro qui statuit meo
 Te, triste lignum, te caducum ^e
 In domini caput immerentis.
 Quid quisque vitet, numquam homini satis
 Cautum ^f est in horas ^g. Navita Bosphorum ^h
 Pœnus ⁱ perhorrescit, neque ultra ^k
 Cæca ^l timet aliunde fata:
 Miles sagittas, & celerem fugam ^m
 Parthi; catenas Parthus, & Italum
 Robur: sed improvisa ⁿ lethi
 Vis rapuit, rapietque gentes.
 Quam pœne ^o furvæ regna Proserpinæ ^p,
 Et judicantem vidimus Æacum ^q!
 Sedesque ^r descriptas ^s piorum, &
 Æoliis ^t fidibus querentem ^u

(a) Gulam fregisse, strangulasse. (b) Interiorem partem domus nocta inquinasse sanguine hospitis a se occisi. Jus hospitii maxime sanctum habebatur: itaque gravissimum erat scelus necare hospitem. (c) Istud, & refertur ad primum, & positum in primo versu primum strophæ. Duo dicit Horatius: satam arborem die infansto; deinde satam ab homine scelerato, parricida, venefico. (d) Colchis est Asiæ regio, prope Pontum, ubi venena præsentissima nascuntur. (e) Quod cecidisti. (f) Provisum est. (g) Horis singulis. (h) Est fretum angustum, & periculosum, inter Mare Ægæum, & Propontidem, Hellespontus alio nomine. Non procul abest alius inter Propontidem, & Pontum Euxinum, Bosphorus Thracius dicitur. Denique est Bosphorus Cimmericus, inter Pontum Euxinum, & Meotidem paludem. (i) Cartaginensis: pro quodlibet ponitur navita. (k) Præterea.

(l) Inexpectata, ignota. (m) Simulabant fugam Parthi & inter fugiendum, arcu converso in hostem, ex humeris tela jaculabantur, quibus persequentes enecabant. (n) Quam nemo certe potest providere, & prospicere. (o) Nihil propius factum est, quam ut istius aëboris casu interirem. (p) Uxor Plutonis, Cereris filia. (q) Tres erant apud Inferos noti iudices; Minos, Æacus, & Radamanthus. (r) Campos Elysios. (s) Illis a Plutone attributas. Legitur etiam, discretas, idest, distinctas, & separatas ab impiorum sedibus. (t) Sappho fuit Poëtrisa, oriunda e Lesbo insula, in qua urbes quædam Æolicæ ditioris erant: Itaque idem est hic, Æollis, atque Lesbii. Æoles autem Græciæ populi fuerunt, qui relicta patria, transierunt in Mysiam, regionem Asiæ minoris, inter Troadem, & Joniam, ibique 12. urbes condidere. (u) Ab iis enim multa in Sappho dicta erant contumeliose

Sappho a puellis de popularibus b!

Et te sonantem c plenius d aureo,

Alcæe e, plectro, dura navis.

Dura fugæ mala f, dura belli!

Utrumque g sacro h digna silentio

Mirantur umbræ dicere: sed magis

Pugnas, & exactos i tyrannos,

Densum humeris k bibit aure l vulgus.

Quid mirum m, ubi illis carminibus stupens

Demittit atras bellua centiceps n

Aures, & intorti capillis

Eumenidum o recreantur angues?

Quin & Prometheus p, & Pelopis parens q,

Dulci r laborum decipitur sono:

Nec curat Orion s leones,

Aut timidus agitare lyncas t.

- (a) Est accusativus Græcus: Sapphonem. (b) Eiusdem populii, & loci. (c) Canentem. (d) Alcæus habet stylum grandiorum, & pleniorum quam Sappho; agit enim de rebus bellicis: & ipse gravia cum patria suæ tyrannis bella gesserat, interdum victor, interdum coactus fugere, &c. (e) Fuit Alcæus Poeta Lyricus, eiusdem insulæ ac Sappho, & urbis Mytilenes civis, in eadem insula. (f) Quæ ipse vivus pertulerat. (g) Sapphonem, & Alcæum. (h) Religioso, quali divinæ res & sacræ audiuntur. (i) Pulsos. Attentius audiunt Alcæum, propter argumenti quod canit, gravitatem, cum describit pulsos e Lesbo Tyrannos, &c. (k) Habens humeros densatos, & pressos, ut sit in conserta multitudine. (l) Audit avidè. (m) Non est mirum illos audiri tam attente ab umbris Inferorum, siquidem ipse Cerberus, &c. (n) Tria vulgò capita Cerbero effingunt Poetæ, interdum centena. (o) Furiarum. Græca dictio Eumenides sonat propitias, placabiles, & per antiphrasim de furiis dicitur, quæ minime tales sunt, sed infestæ & implacabiles. (p) Japeti filius; qui quod ignem hominibus a Diis iratis creptum restituisset, admota ad currum Solis tæda, detrusus est ad Inferos; ubi vultur eius securi immortale rodit. (q) Tantalus, qui mediis in aquis sicut. Od. 3. lib. 1. (r) Ordo est: laborum decipitur, id est, obliviscitur, seu illo suarum pœnarum sensu afficitur, dulci sono; hoc est, ob dulcia Alcæi carmina. *Decipi laborum.* Græca locutio est: apud Græcos enim verbum, falli, decipi, sumitur pro, oblivisci, & genitivo jungitur. (s) Venator, dum viveret, insignis, eandem artem apud Inferos agitare dicitur; quam tamen libenter omittit, ut Alcæum audiat. (t) Lyncæ, fera est cervo similis, varia & maculosa pelle, oculis acutissimis.

Brevitas vitæ; mortis necessitas.

Eheu, fugaces, Posthume, Posthume,
 Labuntur anni: nec pietas a^r moram.
 Rugis, & instanti senectæ
 Afferet, indomitæque morti.
 Non si b^r trecentis, quotquot eunt dies,
 Amice, plâces illacrymabilem c^r
 Plutona tauris; qui ter amplum a^r
 Geryonem, Tityumque tristi e^r
 Compescit f^r unda s^r, scilicet omnibus
 Quicumque terræ munere h^r vescimur;
 Enaviganda i: sive Reges,
 Sive inopes erimus coloni k.
 Frustra cruento Marte h^r carebimus,
 Fractisque m^r rauci fluctibus Adriæ:
 Frustra per autumnos nocentem n^r
 Corporibus metuemus o^r Austrum.
 Visendus ater flumine languido p^r
 Cocytus q^r errans, & Danaï genus r^r

(a) Tria virtus & pietas senectutem, & mortem non retardabit. (b) Non effugies mortem, vel si placare coneris Plutonem sacrificio quotidiano trecentorum bouum. Legendum autem, *trecentis*, non *tricens*: nam in, *tricens*, prima syllaba est longa, ut in voce, *triginta*, ex qua adiectivum, *tricens*, formatum est. (c) Activam ista vox habet hic significationem: nempe lacrymari nescium, indocilem flecti lacrymis. (d) Tricorporem: Fuit Geryon Hispaniæ Rex, ut aiunt; qui, quod insulas tres, aut tres provincias obtineret, fictus est a poetis habere tria corpora inter se juncta: ab Hercule occisum ferunt. (e) Fuit Tityus unus e Gigantibus, de quo Virg. lib. 6. Eius præcordia semper renascentia aquila lancinare fingitur. (f) Inclusos tenet, prohibetque ne ad Superos emergant. (g) Nempe

Styge, & aliis Inferorum fluvii. (h) Pane, frugibus. (i) Quam undam omnes debemus enavigare. (k) Agricola. (l) A bello abstinēbimus, & a navigatione: (m) Agitati fluctus alliduntur, & franguntur ad littora; unde ingens marmor. De Adria, vidē Oden 8: huius libri. (n) Morbos enim humido calore, & febres affert. (o) Et quantum fieri potest, cavēbimus ne noceat. (p) Idest fluctus, motu lento. (q) Inferorum fluvius. (r) Danaides, filia Danaï; quæ, quod suos sponso, Ægypti patris sui filios, interemissent, ea damnati poena sunt, ut aquam immittant in dolium pertusum. Danaus, & Ægyptus, fratres frere Beli Regis Ægypti. Danao 50. erant filia, Ægypto filii totidem; qui filias Danaï duxerunt, & ab iis omnes prima nuptiarum nocte sunt cæsi præter Lynceum, cui peperit Hypermetra. Vid. Oden 8. lib. 3.

Infame, damnatusque longi
 Sisyphus a Æolides laboris b.
 Linquenda tellus, & domus, & placens
 Uxor: neque harum, quas colis, arborum
 Te, præter invisas cupressos c,
 Ulla brevem d dominum sequetur.
 Absumet hæres Cæcuba e dignior f,
 Servata centum clavibus: & mero
 Tinget g pavementum superbum h,
 Pontificum potiore cœnis i.

(a) Æoli filius; atrocissimi infamis, in Tartaro saxum in cacumen montis propellit, quod semper sua sponte devolvitur, longo labore, & irritò. (b) Verba accusandi, & damnandi, eum genitivo etiam ponuntur: damnari labore, & laboris. (c) Cupressini rami figebantur pro foribus eius domus, in qua quis diem obisset: eodem ligno cadavera eremabantur. Cæsa cupressus non revirescit, aut repullulat: ita mortuus homo non reviviscit. Hinc exhibita hæc arbor in funeribus. (d) Brevi tempore viventem.

(e) Vina generosa, nata in Cæcubis agris Campaniæ Italiæ. (f) Te dignior, quippe qui vocatur bonis, quibus tu male particeps. (g) Effundet in pavementum, & disperdet. (h) E tessellis, marmore, &c. compositum. Malim legere, *superbum*, quam, *superbo*; ne duplex epithetum vino addatur. (i) Præstantiore vino quam quod in cœnis pontificum apponitur. Salios intelligit, qui laute admodum, certis præsertim diebus, epulabantur. Vide Od. 30. lib. 1.

O D E XII.

In sæculi sui luxum.

Jam pauca a aratro jugera reg:æ
 Moles relinquent: undique latius
 Extenta visentur Lucrino b
 Stagna lacu; platanusque cætebs c
 Evincet d ulmos: tum violaria e, &

(a) Ædificia superba, & magnis molibus ac substructionibus, Regiarum instar ædiam, extracta, relinquent brevi pauca, quæ arati possint, jugera. (b) Erat in sinu Bajano, prope lacum Avernum. (c) Quæ vitibus non maritatur, sterilis.

(d) Emovebit, loco cedere coget: honore ac numero superabit ulmos; quæ quia sæcundis vitibus sociantur, utiliores sunt platanis, quæ opacitati & umbræ tantum serviunt. (e) Læcæ violis consita.

Myrtus ^a, & omnis copia narium,
 Spargens olivæ ^c odorem,
 Fertilibus domino priori.
 Tum spissa ramis laurea ^d fervidos
 Excludet ictus ^e. Non ita Romuli
 Præscriptum, & intonsi ^f Catonis
 Auspiciis ^g, veterumque norma ^h.
 Privatus illis census ⁱ erat brevis,
 Commune ^k magnum ^l: nulla decempedis ^m
 Metata ⁿ privatis, opacam ^o
 Porticus excipiebat Arcton ^p:
 Nec fortuitum ^q spernere cespitem
 Leges sinebant: oppida publico
 Sumptu jubentes, & Deorum
 Tempia ^r novo decorare saxo.

(a) Est in plurali nominativo, quartæ declinationis: eadem vox alias secundæ quoque declinationis est. Hic autem ultima produci debet: atque adeo est quartæ. Legitur tamen in multis codicibus: *tum violaria, myrtusque, & omnis &c.* (b) Opes, ac divitiæ narium, nempe flores, quæ nares juvant, beantque: unde recte & pulchre dici possunt, more ac jure poetico, opes narium. (c) In locis, quæ prius oleis erant consita, et fertilia, ac proinde utilia domino priori, nempe agricolæ cupiam, aut civi, qui ea consererat oleis. (d) Laurus. (e) Solis radios ardentes. (f) Impexi, barbari, et inculti, alieni ab omni luxu. (g) Legibus, quæ captis prius auspiciis ferebantur: vel, consiliis, et auctoritate: auspex enim is dicebatur, cujus ductu, et auctoritate fiebat aliquid. (h) Consuetudine veterum, et moribus, qui recta nobis vivendi norma, et regula esse debent. (i) Opes, res familiaris. (k) Publica res, redēs, opes publicæ et communes. (l) Erat

splendidum, & amplum. (m) Decempeda, est pertica, seu mensura 10. pedum: vocat illas privata, quasi diceret, non habebant privati, ut nunc fit, porticus appositæ Septentrioni, & decempedis metatas. (n) Emensa, mensurata. (o) Id est umbrosam; quia porticus Septentrioni obversa erat, unde Sol meridianus illam porticum non videbat. (p) Significat ea vox proprie ursam, signum Septentrionale: in hoc vero loco significat ventum frigidum, a Septentrione, & Arcto flantem, quo æstivi calores lenirentur, & cui obversa erat porticus, ut exciperet auram frigidam. (q) Leges jubebant non spernere cespitem fortuitum; id est, jubebant adhiberi, & præferri sumptuosius lectis, ac sedilibus, cespitem forte oblatum, humum nudam, et graminicam, in qua jaceres, vel sederes, dormires, etc. (r) Nitido, recens secto saxo templa extruere; vel, jam extructis novum decus saxeis ornamentis, v. g. marmoreis, addere.

O D E XIII.

*Animi tranquillitatem, non opibus aut honoribus,
sed eorum contemptu comparari.*

Otium divos rogat in patenti
Prensus a Ægæo^b; simul^c atra nubes
Condedit Lunam, nèque certa^d fulgent
Sidera nautis:

Otium^e bello furiosa Thrace;
Otium Medi^f pharetra decori,
Grosphæ, non gemmis, neque purpura venale,
Nec auro.

Non enim gazæ^g, neque Consularis
Summovet lictor^h miseros tumultus
Mentisⁱ, & curas laqueata^k circum
Tecta volantes.

Vivitur^l parvo bene, cui paternum
Splendet^m in mensa tenui salinumⁿ:
Nec leves somnos, aut cupido^o
Sordidus aufert.

(a) Homo, nauta, tempestate subita deprehensus, in vasto mari. (b) Mare Ægæum est inter Græciam, & minorem Asiam. (c) Simulatque, postquam. (d) Quæ illius cursum certo regere possint, quæ certo, & constanter appareant. (e) Subaudi, rogat Deos. Thrace autem idem est, ac Thracia. Europæ regio, supra Græciam, & Ægæum mare sita, belli artibus clara. Sensus est: Thraces otium pariter expetunt. (f) Prope Persidem habitabant in Asia. (g) Quod otium emi non potest gemmis, auro, &c. (h) Opes. Proprie vox ea significat Persarum thesauros. (i) Erat publicus minister, qui Magistratibus præibat, ac fasces præferebat, &c. Illius manus erat submovere populum,

ut eunti Consuli via pateret, tumultum cohibere, &c. (k) Metus; sollicitudines. (l) Laquearibus pictis, aureis, ornata; idest, domos divitum. (m) Ordo est: ab illo vivitur bene, seu beate, in modica re familiari, & parvo sumptu, cui est salinum paternum mundum, & nitidum, in tenui, & frugali mensa. Ille vivit felix, qui contentus est parvis opibus a parentibus acceptis, quisobrius ac temperans est. (n) Significat ea vox hominem ita frugalem, ut sordidus, & immundus non sit. (o) Vasculum salis. In mensis veterum præcipua quadam religione sal apponebatur, & sacer esse putabatur. Ponitur hic salinum, pro cætera suppellectile. (p) Avaritia.

Quid brevi a fortes jaculamur ævo
 Multa? Quid b terras alio calentes
 Solē mutamus? Patriæ quis exul c.

Se quoque fugit?

Scandit æratas d vitiosa e naves
 Cura: nec turmas f equitum relinquit,
 Ocyor cervis, & agente s nimbos.

Ocyor Euro.

Lætus h in præsens animus, quod ultra est i,
 Oderit k curare: & amara læto
 Temperet risu: nihil est ab omni.

Parte beatum.

Abstulit clarum cita mors Achillem l;
 Longa Tithonum m minuit senectus:
 Et mihi forsā, tibi quod negarit,
 Porriget hora n.

Te greges o centum, Siculæque p circum
 Mugiant vaccæ; tibi q tollit hinni-
 tum apta quadrigis r equa; te bis Afro.

(a) Cur in tanta vitæ brevitate, multa fortiter, & animose, quasi diu victuri, molimur, & destinamus? Cur cogitationes ac desideria, ut jácula, in multas res intendimus? (b) Cur quæstus, & lucti scilicet causa, migramus in longinquas oras, calidiores, aut frigidiores, ubi Sol proinde alius videtur esse, atque est in patria nostra, quam relinquimus? Quis patriam fugiens, & voluntarium quodammodo exilium suscipiens, se quoque, suas cupiditates, & curas fugere potest? Nemo certe. Cum patriam quis relinquit, sequuntur eum curæ, & in eandem cum eo navim scandunt, &c. (d) Rostra navium, seu proræ, & anteriores partes; ære & ferro muniebantur. (e) Vitiorum, & malarum cupiditatum proles, & comes: (f) Nam, ut ait alibi, *Post equitem sedet atra cura*. (g) Nubes propellente. Est Euro, ventus flans ab Oriente. (h) Animus sit contentus præsentibus, &

lætus sua sorte, quæcumque obtigerit. (i) Quod futurum est. (k) Fugiat, caveat. (l) Vide lib. 1: Od. 57. 9. 13. (m) Fuit Tithonus, Auroræ maritus: cui cum vitam longissimam, imo ipsam immortalitatem, uxor a Jove exorasset; gravi, & molesta senectute confectus est; ita ut, exsiccato corpore, membrisque contractis, ab eodem Jove petierit ut in cicadâ mutaretur. (n) Occasio, tempus. Data occasione, fortunas, & commoda forte consequar, quæ tu frustra speraveris, & quæsieris. (o) Ordo est: circum te mugiant centum greges. (p) Pingues: quia in Sicilia erant læta pascua; vel, quia Grosphus ipse agros in Sicilia habebat. (q) In tua commoda hinni equa: vel, equa plurima in tuis gregibus tibi hinni: quippe quæ tua sit. (r) Quadriga est currus quem trahunt quatuor equi: Quadrigis vulgo utebantur in Circo, ad certamina curulia.

Murice ^a tinctæ
 Vestiunt lanæ : mihi parva rura ^b, &
 Spiritum Grajæ ^c tenuem Camœnæ
 Parca non mendax ^d dedit, & malignum
 Spernere vulgus.

(a) Pisciculo, cuius e sanguine, aut tabo, fit purpureus color; qui ut esset vividior, & diuturnior bis eo lanæ tingebantur. In Africa autem litore, murices optimi capiebantur, ut in Tyrio. (b) Villam in agro Sabino. (c) Ingenium aptum ad lyricos versus, Græcorum exemplo faciendos. Alceus enim, & alii, quos imitatus est Horatius, Græci erant. Est autem hic ordo: mihi Parca dedit parva rura, & spiritum Grajæ Canænae. Eadem mihi dedit spernere vulgus, hoc est hanc mihi facultatem, & laudem tribuit, ut a vulgo dissentiam, ejus de me opinionem spernam. (d) Quæ meis votis respondet: vel, quæ falli non potest, si quid statuerit: ita ut tali sit quisque indole, ac ingenio, quali eum esse Parca voluerint, neque aliò esse possit, quam ille statuerint.

O D E XIV.

Mæcenatem, de morborum, & senectutis incommodis querentem, consolatur: eiq; te se superstitem fore negat.

Cur me querelis ^a exanimas tuis?
 Nec Dis amictum est ^b, nec mihi, te prius
 Obire, Mæcenas, mearum
 Grande decus columenque rerum.
 Ah! te meæ si partem animæ ^c rapit
 Maturior vis ^d, quidquid moror ^e altera ^f,
 Nec carus æque, nec superstes ^g
 Integer? Ille dies utramque ^h

(a) Mæcenas, cum incommoda tereretur valetudine, queri solitus erat de morbi, vel etiam de vitæ diuturnitate, quæ molesta ægrotis, aut parum valentibus esse solet. (b) Gratum est. (c) Virgilium alibi vocat animæ dimidium suæ. (d) Mors maturior, quam mea; vel, semper maturior, quam Reipublicæ utilitas postulet. (e) Cur vivere diutius amem, ego, qui non ero deinceps, postquam scilicet vivere desieris, æque carus Augusto, & Romanis, ac sum, dum vivis, tu qui es praesidium, & dulce decus meum; vel, qui non sum mihi ipsi æque carus, atque tu mihi es. (f) Ego altera pars animæ meæ, cum tu altera sis. (g) Et qui non sum futurus integer, si superstes sum, si, te extincto, pergam vivere, siquidem dimidiam animæ meæ partem, te mortuo, perdam. (h) Utrunque, te & me, sternet, obruet, sepeliet.

Ducet ruinam. Non ego ^a perfidum
 Dixi sacramentum ^b: ibimus, ibimus,
 Utcumque ^c præcedes ^d, supremum
 Carpere iter comites parati.
 Me nec Chimæaræ ^e spiritus ^f igneæ,
 Nec si resurgat centimanus Gyges ^g,
 Divellet ^h unquam: sic potenti
 Justitiæ ⁱ, placitumque Parcis.
 Seu Libra ^k, seu me Scorpius aspicit ^l
 Formidolosus ^m, pars violentior ⁿ
 Natalis horæ, seu tyrannus
 Hesperia Capricornus ^o undæ:
 Utrumque ^p nostrum incredibili modo
 Consentit astrum. Te Jovis ^q impio
 Tutela Saturno refulgens ^r
 Eripuit, volucrisque fati ^s
 Tardavit alas, quum populus frequens
 Lætum theatri ter crepuit sonum:

(a) Non temere juravi, non animo perfido, & pejerare volens promisi, nos una ituros ad tumulum. (b) Proprie est juramenti formula, quam dicunt milites, cum nomen militiæ dant. (c) Quandocumque. (d) Prior e vita migrabis. (e) Fuit mons in Lycia flammam evomens: monstrum finxerunt Poetæ, capite leonino, caprino ventre, draconis cauda. (f) Halitus, flatus. (g) Unus e Gigantibus, quem centum habuisse manus fingunt Poetæ. (h) A te separabit. (i) Quasi postulare æquitas ac iustitia, ut duo amici conjunctissimi non nisi eodem tempore morerentur. (k) Sunt duo signa Cœlestia, septimum, & octavum in Zodiaco. (l) Mihi nascenti præfuit. (m) Metuendus, gravis. (n) Qui Scorpius, ex omnibus astris, quæ locum in meo habent horoscopo, (id enim sonat *hora natalis*) est inimicissimum sidus. (o) Signum decimum Zodiaci, Putant astro-

logi Capricornum Occidentali terrarum parti maxime dominari, vinque in ea suam impietatis exercere, tempestates excitando, &c. unde dicitur hic tyrannus maris Hesperii, idest, Occidentalis, ab Hespero, stella vespertina. (p) Orda est: sive ego sub Libra, sive sub Scorpio, natus sim; certe astra, quæ nostræ nativitati præfuerunt, valde inter se consentiant. Probat hoc a gemino eventu. (q) Te patrocinium Jovis, oppositi Saturno, eripuit morti. (r) Contra fulgens; radios Saturni radiis oppositos emittens, ejusque vim impiam, & malignam refringens, ac retundens. Impius Saturnus vocatur quia liberos devorabat, ut Poetæ canunt. (s) Mortis. Ereptus e gravi morbo Mœcenas fuerat; idemque paulo post, cum in theatrum prodisset, læta gratulantium civium acclamatione acceptus est. Valentudinem ejus tribuit Horatius propitio Jovi.

Me truncus ^a illapsus cerebro
 Sustulerat ^b, nisi Faunus ^c i^{ctum}
 Dextra levasset, Mercurialium ^d
 Custos virorum. Reddere victimas,
 Ædemque ^e votivam memento:
 Nos humilem ^f feriemus agnam ^g.

(a) Vide Oden 10. huius libri. (b) Procul dubio occidisset. (c) Horatius suam salutem ita Fauno tribuit, ut astrorum vi benigna factum esse velit, quod servatus a Fauno fuerit: quemadmodum Mæcænat's valetudinem medicorum ac remediorum ope quasitam, Jovi tribuit. Mentionem porro Fausi facit hoc in loco, quia casus ille arboris contigit ruri. (d) Eruditorum, qui sunt in tutela Mercurii, eloquentiæ præsidis. Faunus autem Mercurii est amicissimus, ac Bacchi; cui Baccho cari etiam Poetæ sunt. (e) Templum voto, si convalesceres, promissum. (f) Tenuem victimam meis fortunis congruentem. (g) Quæ hostia Fauno immolari solita erat.

O D E XV.

Se parvo contentum vivere: alios, mortis instantis oblitos, nullum ædificandi, agros continuandi, &c. finem facere.

Non ebur, neque aureum
 Mea renidet ^a in domo lacunar ^b,
 Non trabes Hymettia ^c
 Premunt columnas ultima recisas
 Africa ^d: neque Attali ^e,
 Ignotus hæres Regiam occupavi:
 Nec Laconicas ^f mihi
 Trahunt ^g honestæ purpuræ clientæ ^h.

(a) Splendet, ridet. Sic alibi dixit, ridet argento domus. (b) Idem est quod laquear. (c) Cæsæ in sylvis montis Hymetti, in Attica. (d) in Numidia, ubi marmor eximium. (e) Fuit ille Pergami in Asia Rex, Eumenis filius; qui cum sine liberis moriens Romanum populum heredem suum instituisset, Aristonicus, Eumenis ex pellice filius, invasit Asiam, & Regiam Attali, licet hæres ab eo non dictus; unde ignotus hic ab Horatio vocatur. Sed eam Perpenna Consul profulgavit, anno U. C. 624. Nonnulli hoc interpretantur de ipso populo Romano, qui Attali hereditatem adiit, ignotus hæres, id est, non propinquus, non affinis. (f) Lanæ tinctas apud Tænarum, Laconia in Peloponneso promontoriam, ubi eximius capiebatur murex. (g) Nent, ducunt. (h) Fœminæ honesto loco natæ, quarum ego patronus sim.

At fides, & ingeni

Benigna vena ^a est: pauperemque dives

Me petit ^b: nihil supra

Deos lacesso ^c: nec potentem amicum ^d

Largiora flagito;

Satis beatus unicus Sabinis ^e.

Truditur ^f dies die,

Novæque pergunt interire Lunæ:

Tu secunda ^g marmora

Locas sub ipsum funus: & sepulchri

Immemor struis domos,

Marisque, Bajas obstrepentis ^h urges ⁱ

Summovere ^k littora,

Parum ^l locuples continente ripa.

Quid quod usque proximos

Revellis agri terminos, & ultra

Limites clientium

Salis avarus? Pellitur ^m paternos

In sinu ferens Deos

Et uxor, & vir, sordidosque ⁿ natos.

Nulla ^o certior tamen

Rapacis Orci fine destinata

(a) Copia non pœnitenda. Ducitur metaphora a fontibus, qui, si uberiores sunt, benigna & divite vena fluere dicuntur: vel, a metallis, quorum venæ aliæ latiores, & ampliores, aliæ angustiores. (b) Me ambit, consulit, colit; ego pauper, ob fidem, & ingenium, divitibus in honore, & pretio sum. (c) Flagito. (d) Mæcenatem v.g. (e) Villa mea, in agro Sabino. (f) Expellitur & decedit, alio die ipsi succedente. (g) Tu, o quisquis es, sub ipsam mortem, paulo ante obitum qui tibi imminet, conducis homines, qui secent tibi marmora, struendis novis domibus. (h) Bajas alluentis. Ad sinum Bajanum, non procul Neapoli, propter amœnitatem loci, ædes multæ visebantur, a nobilibus extructæ. Potest etiam dici mare obstrepere Bajas, idest, conq̄ueri & infremere, quod sua sibi cri-

piantur littora, & angustiores termini dentur. (i) Festinas. (k) Uterius protendere, iactis molibus, quæ Mare arceant, & removeant, littus vero promoveant, & proferant. Proprie non summoventur littora, sed mare in littore positum, quod propellitur. (l) Non satis habes si ripam continentem possideas: occupas etiam littus excluso, & emoto mari. Terra continens ea vocatur, quæ insula non est; terra firma, ut vulgus loquitur. (m) A te vicinorum & clientium agros invadente, pellitur paterna domo, &c. (n) Inopes & pannoſos, quippe a te spoliatos: vel, pædore, & illuvie fædos, ut agrestium pueruli sunt. (o) Ordo est: tamen aula nulla, domus nulla manet, hoc est, expectat divitem herum, certior sede, & aula Orci, seu Plutonis rapacis, ipsi destinata.

Aula divitem manet

Herum. Quid ultra tendis ^a? æqua tellus
Pauperi recluditur ^b,

Regumque pueris: nec satelles Orci ^c
Callidum ^d Promethea

Revexit auro captus. Hic superbum
Tantalum ^e, atque Tantali ^f

Genus coercet ^g: hic levare ^h functum
Pauperem laboribus

Vocatus atque non vocatus audit.

Quamlibet magnificas, & amplas domos ædificet ille dives clientium vexator, tamen nulla domus illi certius obventura est, quam domus Orci, qui omnes ad se rapit; quæ domus finis est, & postrema omnium domorum. Pro, *sede*, legunt aliqui, *fine*; eodem tamen sensu: nempe quia tumulus & Orci domus, est finis ultimus, & domus postrema mortalibus destinata. (a) Moliris: vel, cur agros aliis alios adjicere pergis? (b) Aperitur. Tumulus Reges, ac pauperes perinde accipit. (c) Charon Inferorum custos, & portitor, ac Plutonius quasi satelles. (d) Prometheus callidus dicitur; quia Cœlestem ignem astu e Cœlo in terras detulit, inscio Jove: a quo eam ob rem detrusus est in Inferos, & vulturi traditus, fœcunda in penas viscera devoranti. Vide Oden 7. lib. 1.

(e) Is, præ superbia, Deos, quos ad convivium vocaverat, falli a se posse speravit, illique Pelopem filiam suam-cæsum coctumque apposuit: id revera Cererem latuit, quæ illius humerum comedit: sed Jupiter Pelopem luci redonavit, & loco humeri a Cerete comesi, eburneum ipsi humerum indidit. (f) Atreum, Thyestem, Agamemnonem. Od. 5. lib. 1. (g) Continet ne fugiant. (h) Charon, vel Mors, audit levare, id est, audit ut levet, Græca phrasi, vel, vocatus levare, id est, rogatus levare, audit pauperem, &c. præsto est ad levandos pauperes, & liberandos ab ærumnis, quas perferunt in vita, sive ab iis vocetur, sive non vocetur: cum contra divites ad graviore tantum penas abripiat inviros, & ab iis profecto non vocatus.

O D E XVI.

Bacchi laudes.

Bacchum in remotis carmina rupibus
 Vidi docentem (credite posteris),
 Nymphasque discentes, & aures
 Capripedum Satyrorum acutas ^a.
 Evoe ^b, recenti mens ^c trepidat metu,
 Plenoque ^d Bacchi pectore turbidum
 Lætatur; Evoe, parce ^e Liber ^f,
 Parce gravi metuende thyrsos ^g.
 Fas ^h pervicaces ⁱ est mihi Thyadas ^k,
 Vinique fontem ^l, lactis & uberes
 Cantare rivos, atque truncis
 Lapsa cavis iterare ^m mella.
 Fas & beatæ conjugis ⁿ additum

(a) Ad audiendum erectas: pinguntur Satyri cum auriculis grandioribus, et in acamen desinentibus. (b) O Bacche: dictus est Evius, vel Evæus, a Jove, cum rem in Gigantes strenue gereret. Vide lib. v. Oden 16. (c) Adhuc attonitus sum, et sacro quodam horrore percitus, nempe ob visum Numen. (d) Ordo est: et mens turbidum (est hic neutrum, adverbii loco positum) lætatur, pectore pleno Bacchi, quia pectus plenum est Bacchi, seu Baccho; idest: meum pectus insidet, implet Bacchus, et mentem non satis sui competentem, metu lætitiæque perfundit. (e) Veniam petit, metuens ne quid in Bacchum peccaverit, quem aspiceret cum Satyris, et audire tam fidenter sit ausus, vel; rogat ne ab eo agatur in furorem, ac dementiam; quædam enim Numina, ut Diana, Bacchus, Nymphæ, etc. furorem immittere putabantur, si quis ea videret. Porro ut Bacchum iratum quasi demulceat,

Part 1.

promittit se illius laudes cantaturum. (f) Sic vocatur Bacchus, quia magna est in vino libertas, et licentia. (g) Est hasta pampinis involuta, qua Bacchus armatur. (h) Quoniam impube Bacchum vidi, et eius Numine sum afflatus, licet mihi, tuto possum, ejus laudes canere, sacra describere. (i) Protervas, petulantes. (k) Bacchas, Mænadas, a voce Græca, quæ significat, currite fueritis in morem. (l) Hæc omnia Bacchus fecisse dicebatur, cum ex Indiis rediret, in triumphantis morem; nempe vini fontes in siccis agris elicuisse, et lactis rivos, etc. (m) Iterum atque iterum canere, dicendo ingeminare. (n) Coronam nuptialem Ariadnes, quam stellis inseruisti, cum illam a Theseo desertam duxisti. Erat Ariadne filia Minois, et Pasiphaes: cuius ope Theseus evasit e Labyrintho Cretensi. Is eam abductam postmodum in insula Naxo destituit: mox a Baccho in uxorem ducta est.

E

Stellis honorem, tectaque Penthei *

Disiecta non levi ruina,

Thracis & exitium Lycurgi b.

Tu flectis amnes c, tu mare Barbarum d;

Tu separatis e uvidus f in jugis

Nodo g coerces viperino

Bistonidum sine fraude h crines:

Tu, cum parentis i regna per arduum k

Cohors Gigantum scanderet impia,

Rhœcum l retorsisti m leonis

Unguibus, horribilique mala n;

Quamquam o choreis aptior, & jocis,

Ludoque dictus, non sat idoneus

Pugnæ ferebaris: sed idem

Pacis eras mediusque belli.

Te vidit insons p Cerberus aureo

Cornu decorum q, leniter atterens r

Caudam, & recedentis s trilingui t

Ore pedes tetigitque crura.

(a) Pentheus, Rex Thebarum, quia Bacchum spreverat, a matre, per Bacchum in furorem acta, disceptus est, et eius Regia eversa. (b) Rex Thraciæ fuit: qui, cum vites tota regione jussisset excindi, a Baccho in furorem actus, et oculis privatus est. (c) Indum, et Gangem, Anvios Indiæ, (de qua Bacchus triumphavit) domas, et servire tibi cogis. (d) Indicum. (e) Remotis, secretis. (f) Vino madidus. (g) Crines Baccharum, (quæ Bistonides dicuntur) Bistonis mulierem Thraciam significat: Bistones sunt populi Thraciæ vino, et Baccho dediti. Religas serpentibus, et in nodum colligis. Mænades, et ipse Bacchus, pingebantur anguibus coronatæ. (h) Ita ut illi angues nihil nocent Bistonidibus. Fraus, etiam apud Ciceronem, sæpe pro periculo, et damno ponitur. (i) Jovis. (k) Subaudi, iter:

per montes alios aliis aggestos.

(l) Unum e Gigantibus. (m)

Tu, in leonem conversus, repulisti, et defecisti Cælo, redire ac fugere coegisti Rhœcum, etc. (n) Maxilla, dentibus leonis, quibus cum Jacerasti.

(o) Etsi vulgo existimatus aptior choreis, et jecis, dicebaris non adeo esse ad pugnam idoneus; tamen tu idem medius inter bellum, et pacem eras, idest, æque ad utrumque comparatus, et pace et bello bonum te esse ostendebas. Vinum nunc feroces mitigat, nunc mites efferratos reddit. (p) Tibi innoxius. Bacchus Inferos petivit, ut Ariadnem uxorem eriperet. (q) Baccho dantur cornua: quia vinum robustos, et pugnaces facit. (r) Humum identidem cænda terens, et verberans; ut canes dominis blandientes solent. (s) Ex inferis. (t) Quia Cerberus est triceps.

O D E XVII.

Horatii in cygnum Metamorphosis,
& Immortalitas.

Non usitata^a, nec tenui ferar
Penna biformis^b per liquidum æthera
Vates; neque in terris morabor
Longius; invidiaque major^c
Urbes relinquam^d. Non ego, pauperum
Sanguis^e parentum, non ego quem vocas
Dilecte, Mœcenas, obibo,
Nec Stygia^g cohibebor unda.
Jam jam residunt^h cruribus asperæⁱ
Pelles: & album rator in alitem^k
Superna^l; nascunturque læves
Per digitos humerosque plumæ.
Jam Dædaleo^m ocyor Icaro,
Visamⁿ gementis^o littora Bosphori,

(a) Non mutabor in Cygnum vulgarem, ut plebei Poetæ, non induam breves, et humiles pennas, quibus illi solent volare. His verbis innuit se gloria et fama ipsos superaturum. Ordo autem est: ego, vates biformis ferar per æthera, non usitata, aut tenui penna. (b) Ex homine mutatus in Cygnum; qui duplicem formam, seu naturam habuerim, hominis antea, jam alius, et cygni. (c) Superans invidiam. Illis porro solis non invidetur, quorum virtus et gloria, omnium consensu, extra communem sortem, et aleam est. (d) Æthera petens. (e) Proles, genus. (f) Quem ita compellere soles; O dilecte Horati. Vel; non ego, quem vocas, et familiariter appellas pauperum sanguinem parentum, et libertinum patre natum; ita enim per jocum, et amicitiam a dilecto Mœcenate vocabatur aliquando, vel quem

vocas, idest, quem domum tuam sæpe vocas, quem adhibes familiariter. (g) Non petam Inferos, non moriar. Styx novies interfusa cohibet, seu coeret Manes, ne ad Superos regredi possint. (h) Adhærescant. (i) Instar squamularum, quibus cygnorum crura integuntur. (k) Cygnum. (l) Id est, circa superiores partes: alas, et tertium albis decorum plumis, induo. Legi voluit quidam, superna, ita ut neutrum sit plurale, pro adverbio positum, Græco more; sed minus commode; tum ob asperiores pronunciationem, quæ oriretur ex prima syllaba sequentis vocis; tum quod ultima syllaba in superne, sit brevis, teste Lucretio. (m) Filio Dædali, qui pennis sibi aptavit, etc. (n) Volando petam. (o) Ob procelas, quæ in eo frequentes excitantur. De Bosphoro, vide Oden 10. hujus libri; de Syrtibus, Od. 4.

Syrtesque Getulas canorus

Ales, Hyperboreosque ^a campos.

Me Colchus ^b, & qui dissimulat metum

Marsæ cohortis ^c Dacus ^d, & ultimi

Noscent Geloni ^e; me peritus

Discet Iber ^f, Rhodanique potor ^g.

Absint ^h inani ⁱ funere nœniæ,

Luctusque turpes ^k, & querimonix:

Compesce clamorem ^l, ac sepulchri

Mitte ^m supervacuos honores.

- (a) Septentrionales: Boreæ Septentrionem. (f) Hispanus; subjectos. (b) Populus Asiæ, ab fluvio Ibero sic dictus. (g) juxta Pontum, ad quem Jason Galli. Rhodanus fluvius est cum Argonautis navigavit. (c) Gallix Lugdunensis. (h) Noli, Marsi erant Italiæ populi, qui o Mæcenas, tristibus nœniis pedestri pugna imprimis vale- mentum funus prosequi. Nœnia- bant. Cohors est pars legionis: est cantus lugubris. (i) Quia legio sex fere militum habebat mihi, mutato in cyenum, inu- millia; in ea cohortes erant tile funus erit, ubi nullum decem. (d) Europæ populus ad cadaver, nullus mortuus; ero enim immortalis. (k) Indigni Septentrionem: ea regio con- tinet nunc Bulgariam, Vala- me, qui semper victurus sum. chiam, Moldaviam, Serviam, etc. (l) Magna voce mortuos valere (e) Scythis erant vicini, ad extremum jubebant. (m) Omitte.

Q. HORATII FLACCI
O D A R U M

LIBER TERTIUS.

O D E I.

Hæc Ode varia morum præcepta continet, atque illud in primis, vitam beatam non opibus, & honoribus parari, sed sola virtute.

Odi profanum a vulgus, & arceo.
Favete linguis b; carmina non prius c
Audita, Musarum sacerdos d,
Virginibus e, puerisque canto.
Regum f timendorum in proprios greges,
Reges in ipsos imperium est Jovis
Clari g Giganteo triumpho,
Cuncta supercilio moventis.

(a) Mystéria veræ virtutis, ac philosophiæ explicaturus, homines pravis opinionibus imbutos, & ad hæc audienda minus idoneos arceo, & facessere jubeo. Profanus proprie dicitur, qui a fano, & sacris arcendus est, non sacer, non religiosus, non initiatus. (b) Audite cum silentio quæ sum dicturus, vos qui non estis profani. Porro hæc verba, *favete linguis*, usurpabantur in sacrificiis; & iis homines jubebantur silere, & attendere, nihil dicere obscænum, profanum, mali ominis. (c) Propter rerum, quas continent, dignitatem, & utilitatem. Sic attentio conciliatur. (d) Dicuntur poetæ Musarum

esse sacerdotes, & æditui. (e) Vel, a virginibus, & pueris recitanda, ut eorum animis, adhuc teneris, & mollibus, altius inhæreant: vel, ab iisdem audienda diligentius, quibus esse possunt utiliora, et quorum ætas facile ad virtutem fingi, et erudiri potest. (f) En illa, quæ promisit, præcepta et mysteria. Quorum primum spectat pietatem erga Superos, et Reges: alterum, moriendi necessitatem; etc. Ordo est imperium Regum est in proprios greges, idest, in populos ipsi subditos, Jovis in Reges: imperant hominibus Reges, Regibus Deus. (g) Qui Jupiter insignem gloriam retulit, Gigantibus debellatis.

Est, ut a viro vir b latius c ordinet
 Arbusta sulcis; hic d generosior e
 Descendat in campum f petitor g;
 Moribus hic h meliorque fama.
 Contendat: illi i turba clientium.
 Sit major. Æqua k lege necessitas l
 Sortitur m insignes, & imos n:
 Omne capax o movet p urna nomen.
 Districtus q ensis cui super impia
 Cervice r pendet, non Siculæ s dapes.
 Dulcem elaborabunt t saporem;
 Non avium, citharæque cantus.
 Somnum reducent u. Somnus agrestium x.
 Lenis virorum non humiles domos
 Fastidit, umbrosamque ripam:

(a) Contingit ut etc. (b) Alius alio, hic illo. (c) Agros latiores, prædia lautiora possideat, in quibus, per sulcos, et scrobes humi factas, arbores in quinquecuncem, v. g. digerat, ac describat. Vites maxime intelliguntur; quæ fulcis, et fossis deponuntur. (d) Alius quispiam. (e) Nobilior clarioris generis, quam sui competitores. (f) Martium, prope Romam ad Tiberim. Eo populus conveniebat, ad ferenda suffragia, et creandos Magistratus. Porro eam Roma, in collibus, et loco editiore esset posita, descendendum erat in campum Martium, in declivi et plano loco, ad ripam Tiberis, positum. (g) Honorum: candidatus. (h) Alter quispiam contendat cum æmali suis, et rivalibus candidatis, melior, id est, præstantior, ob mores, et famam. (i) Ut alius plures alio habeat clientes. Quinam sint clientes, qui patroni, sæpe antea dictum. (k) Æquali. (l) Fatum, mors omnibus obœnda. (m) Sorte quasi jacta deligit, et letho destinat: ex urna quasi educit eorum nomina. Vide lib. 2. Od. 3. (n) Ignobiles, obscuro loco, et humili natos. (o) Ampla. (p) Vide lib. 2. Ode 3. (q) Nudatus.

Ordo est, non dapes Siculæ gustum, et edendi appetentiam afferent, aut somnum conciliabunt ei, cui super capite pendebit ensis nudus. Respicit historiam Damoclis. Erat ille Dionysii, Siciliæ Tyranni, aulicus, et assentator: cuius cum felicitatem, et conditionem præter modum laudaret, Dionysius, ut eum dedoceret, jussit hominem accumbere ad Regiam mensam, et ut Regem tractari; sed supra illius caput ense nudum, equina seta appensum, demitti voluit: quomodo Damocles ita exanimatus est, ut ne cibos quidem attigerit. Vide Ciceronem 5. libro Quæst. Tusc. (r) Vel, de Damocle ipso loquitur, vel, de scelerato, et impio quolibet; qui si videret imminentem capiti gladium, non secus, ac Damocles perturbaretur. (s) Instructæ a Dionysio, Rege Siciliæ: vel, exquisitæ; et magnificæ; erant enim Siculi in conviviiis lautissimi. (t) Efficient, provocabant. Difficultatem et molentiam rei vox ea indicat. (u) Quem metus abstulit. (x) Ordo est; lenis somnus non humiles domos virorum agrestium fastidit ac spernit, id est, ultro illas subit ac visit.

Non Zephyris agitata Tempe a.
 Desiderantem quod satis est, neque
 Tumultuosum sollicitat b mare,
 Nec sævus Arcturi c cadentis
 Impetus, aut orientis Hædi d:
 Non verberatæ grandine vineæ,
 Fundusque mendax e, arbore f nunc aquas
 Culpante, nunc torrentia agros
 Sidera, nunc hyemes iniquas.
 Contracta g pisces æquora sentiunt,
 Jactis in altum molibus: huc h frequens
 Cæmenta i dimittit redemptor k
 Cum famulis, dominusque l terræ
 Fastidiosus m: sed timor, & minæ n
 Scandunt o eodem, quo dominus; neque
 Decedit p ærata q triremi, &
 Post equitem r sedet atra cura.
 Quod si dolentem s nec Phrygius lapis t,

(a) Amcenæ valles erant, et sylvæ, in Thessalia. (b) Sententia est: eum, qui desiderat quod ad vivendum satis est, qui parvo contentus est, non sollicitat, non anxium, et sollicitum reddit mare procellosum, non terrent procellæ; quia non se committit periculosæ navigationi, læri causa. (c) Est Arcturus signum Ursam consequens, et quasi eius custos; quod Græca vox ipsa significat: dicitur etiam Arctophylax. (d) Hædus gemina stella est, in sinistra manu Aurigæ, sive Erichthonii. Cum Hædi oriuntur, magnas cient procellas, ut Arcturus, cum occidit. (e) Sterilis: qui spem agricolæ fallit. (f) Arboribus sterilitatis suæ culpam conferentibus, modo in aquas & imbres nimios, modo in calores, ab sideribus agros torrentibus, id est urentibus, profectos, modo in hyemes asperas. Hoc autem arboribus Poeta tribuit, quasi essent sensu, & intelligentia præditæ: quod magnam habet in elocutione dignitatem.

(g) Quæ ob jactas in mare moles, angustiora facta sunt. Queruntur pisces, quod sua regna homines usurpent, &c. Est autem moles, pila saxea. (h) In altum mare. (i) Lapidum cærorum fragmenta, rudia & imposita: sic vocatur materia illa omnis, quæ ad substructiones, operumque fundamenta, e rudi saxo plerumque adhibetur. (k) Qui opus aliquod faciendum, v. g. domum, aggerem, suo periculo, certa mercede facta, conducit, & in se recipit. (l) Hærus aliquis, homo nobilis. (m) Qui fastidit terram continentem: & in littore, in mari, ædes extruit, terris non contentus. Vide Oden 15. lib. 2. (n) Forte oblatrantis conscientia. (o) Eundem in locum ascendunt: in mari non minus quam in terris adsunt. (p) Demigrat, abscedit. (q) Habente rostrum æreum. (r) In eodem equo cum equite, a tergo equitis, hæret. (s) Me aliquo, vel corporis, vel animi, dolore affectum. (t) Columnæ marmoreæ, advectæ e Phrygia.

Nec purpurarum ^a sidere clarior
 Delenit ^b usus, nec Falerna
 Vitis, Achæmeniumque ^c Costum ^d;
 Cur invidendis ^e postibus, & novo
 Sublime ritu moliar atrium ^f?
 Cur valle ^g permutem Sabina.
 Divitias operosiores?

(a) Nec usus vestium purpurarum, sideribus micantium. (b) Dolores, & morbos levat. (c) Persicum, ab Rege Persarum Achæmene. (d) Aromatis genus. (e) Invidiæ obnoxiiis. Postes sunt januæ latera; pro tota domo accipiuntur. (f) Primus erat locus ædium, & quasi aditus ad reliquam domum, arcam in medio positam interdum & circum addita ædificia; continens: pro tota domo hic sumitur. (g) Idest; cur vallem, & agrum meum Sabinam permutem divitiis molestioribus, in quibus conservandis operam multam, & curæ consumam? Mutam enim quæ adsunt, cum iis quæ absunt. Est igitur hyppallage Poëtis usitata.

O D E II.

*Bellicæ fortitudinis, probitatis, & religiosi silentii
 commendatio.*

Angustam, amici, pauperiem pati:
 Robustus acri militia ^a puer
 Condiscat; & Parthos feroces
 Vexet eques metuendus hasta;
 Vitamque sub dio ^b, & trepidis agat ^c
 In rebus. Illum ex mœnibus hosticis
 Matrôna ^d bellantis tyranni
 Prospiciens, & adulta ^e virgo,
 Suspiret: Eheu ^f, ne rudis agminum ^g
 Sponsus lacessat regius asperum.

(a) In militia: vel qui fiat robustus acri militia, & difficulti. Vocat paupertatem angustam, idest, molestam, laboriosam. Parthos vero pro quibuslibet hostibus ponit; vel quia, quo tempore scripta est hæc Ode, instabat bellum Parthicum. Vide Indicem 2. Odarum. (b) Extra domum, in campo, in castris, &c. Dium, Divum, sumitur pro aperto et patenti aere. (c) Inter metas, et media pericula. (d) Uxor alicujus Regis Barbari, qui bellum cum Romanis gerat. (e) Ætate provectior, nubilis. (f) Verba sunt illius virginis, sponso suo metuents a Romano juvene; vel matrônæ, suo viro timentis. (g) Imperitus: rei militaris.

Tactu leonem ^a, quem cruenta
 Per medias rapit ira cædes!
 Dulce, & decorum est pro patria mori.
 Mors & fugacem ^b persequitur virum,
 Nec parcat ^c imbellis juventæ
 Poplitibus, timidoque tergo.
 Virtus ^d, repulsæ nescia ^e sordidæ,
 Intaminatis ^f fulget honoribus;
 Nec sumit ^g, aut ponit secures ^h,
 Arbitrio popularis auræ ⁱ.
 Virtus recludens immeritis mori ^k
 Cœlum, negata ^l tentat iter ^m via:
 Cœtusque vulgares ⁿ, & udam ^o
 Spernit humum fugiente penna.
 Est & fideli ^p tuta silentio
 Merces ^q: vetabo ^r, qui Cereris sacrum
 Vulgarit arcana, sub iisdem
 Sit trabibus ^s, fragilemque mecum

(a) Militem Romanum, instar leonis furentem in acie. (b) Non tantum quemlibet obvium, non eos tantum qui fortiter dimicant, sed illos etiam qui fugiunt. (c) Interficit etiam imbelles juvenes, qui terga, & poplites vertunt hosti. Est poples genu aversum. Præstat igitur mori fortiter pugnando, quam turpiter fugiendo. (d) Est secunda pars Odæ, laudem virtutis quasi privatæ continens; cum prima commendationem habeat virtutis bellicæ. (e) Quæ nunquam novit turpem repulsam pati: etsi enim viri prohi petitos honores non assequantur, sua tamen se virtute consolantur, eaque sola satis honorati sunt. (f) Neque Consulatum, aut Præturam, ad arbitrium populi gerit, idest, honores consuetos, qui populi suffragiis, & favore deferuntur, spernit; gloriam suam a populo non emendicat. (g) Puris, incorruptis, non obnoxiiis invidiæ, petitionum indignitati, & molestiæ: nam gloria vera semper virtutem comitatur. (h)

Insignia Consulatus, & Præturæ. Erant illæ secures in medio virgarum fasciculo: duodecim fascies Consuli, sex Prætori præferebantur. (i) Favoris, suffragii. (k) Indignis qui moriantur, merentibus non mori. (l) A: dua, difficili, non omnibus concessa: perumpit obices omnes, ut viam sibi faciat. (m) Ad cœlam. (n) Vulgi. (o) Cœnosam, crassam. (p) Hæc tertia pars Odæ est, ad religionem pertinens. Laudat partem unam pietatis, maxime apud Græcos notam & insignem, nempe silentium; quod præsertim servabatur, in sacris Cereris, quæ Eleusina vocabatur, a pago, ubi hæc sacra fiebant: quod silentium si quis rupisset, aperiendo & alteri explicando arcana sacra, capitale scelus erat. (q) Quænam illa sit, non exponit: conjici potest ex opposita pœna, esse peculiarem quandam gratiam apud Superos, & patrocinium, quo pios prosequantur. (r) Carvebo, non committam ut, &c. (s) Tecto, domo.

Solvat phaselum ^a. Sæpe Diespiter ^b.
 Neglectus ^c incesto ^d addidit ^e integrum ^f.
 Raro ^g antecedentem scelestum
 Deseruit pede pœna claudo.

(a) Pelago mecum se committat, soluto navis fune, quo littoni alligari solet. Phaselus est cymba, navicula. (b) Jupiter, dei pater. (c) Patum pieculus, violatus aliquo scelere. (d) Non casto, scelerato. (e) Pœnæ comitem. (f) Innocentem, purum sceleris. (g) Et quamvis pœna impiorum differatur interdum, & claudo eos pede sequi videatur, tamen raro eos abire inultos patitur, illos aliquando tandem assequitur.

O D E III.

Iustitia, & constantia, homines impavidos gravissimis in periculis reddunt: eædem heroes exehunt Cælo, & veteres Romanos orbis dominos effecerunt.

Justum, & tenacem propositi ^a virum,
 Non civium ardor ^b prava jubentium,
 Non vultus instantis ^c tyranni
 Mente quatit solida ^d, neque Auster ^e,
 Dux inquieti turbidus Adriæ,
 Nec fulminantis magna Jovis manus.
 Si fractus illabatur ^f orbis,
 Impavidum ferient ruinæ.
 Hac arte ^g Pullux ^h, & vagus ⁱ Hercules:
 Innixus, arces ^k attigit igneas:

(a) Constantem. (b) Tumulus, seditio civium, leges iniquas ferentium. Prava jubere, est, leges pravas ferre: quia, cum leges Romæ ferebantur, Magistratus populum rogabat e suggestu, istis verbis, *Velitis jubebatis, Quirites, ut Ec.* Si populus legem probaret, respondebat, *Uti rogas.* (c) Minitantis. (d) A proposito, & consilio dimovet. (e) Non procelles, quæ gravissimæ excitantur ab Austro, Meridionali vento, in Adriatico Mari, quod Italiani ab Oriente claudit. (f) In ejus caput illabatur. (g) Justitia & constantia fretus. (h) Jovis, & Ledaë filius, Castoris frater, qui ob multas res præclare gestas maxime in fugandis piratis, relatus est inter sidera. (i) Qui orbem fere totum domandis monstris peragravit. Hercules porro fuit Jovis, & Alemenæ filius, Junonis odio, domitisque monstris famosus. (k) Cælum stellis ornatum.

Quos inter Augustos recumbens ^a
 Purpureo ^b bibit ore nectar .
 Hac te merentem ^c, Bacche pater, tuæ
 Vexere tigres ^d, indocili jugum
 Collo trahentes: hac Quirinus ^e
 Martis ^f equis Acheronta ^g fugit;
 Gratum ^h elocuta consiliantibus ⁱ
 Junone Divis: Ilion, Ilion
 Fatalis, incestusque ^k judex ^l,
 Et mulier peregrina ^m vertit
 In pulverem, ex quo ⁿ destituit ^o Deos
 Mercede pacta ^p Laomedon ^q, mihi
 Castæque damnatum ^r Minervæ,
 Cum populo, & duce ^s fraudulento .
 Jam nec Lacænae splendet ^t adulteræ ^u
 Famosus ^x hospes ^y, nec Priami domus

(a) Ad mensam accumbens .
 (b) Pulchro . Augusto adhuc
 viventi divinos honores Roma-
 ni detulerunt; eumque Deum,
 ac Cælo delapsurum putavere .
 (c) Promerentem adscribi Cælo,
 ob egregia tua facinora . (d)
 Carrum Bacchi trahere dicuntur
 tigres, animal natura fer-
 rum, & indocile; ad signifi-
 candam vini vim, & impoten-
 tiam, (e) Romulus; sic dictus a
 Quiri; quæ vox, lingua Sabinorum,
 hastam significat. (f) Ex quo
 genitus ferebatur: fretus
 virtute bellica. (g) Inferos
 effugiens. Cælum perivit: idest
 immortalitatem est adeptus.
 Acheron flumen inferorum.
 Od. 7. lib. 1. (h) Postquam
 Juno, in Deorum consessu,
 & concilio, rem ipsis gratam
 fuisset locuta; nempe se
 permissuram, ut Romulus
 inter Divos referretur, ut Romani,
 ope virtutis, & justitiæ,
 domini orbis evaderent; Trojanorum
 exemplo admoniti, qui propter
 perfidiam, & alia vitia perierant.
 Quod Horatius in hac Ode spectat.
 (i) Inter se consultantibus, forte de

Romulo, & Roma. Consiliati, est inire consilium, in medium consulere. (k) Non castus, impudicus. (l) Paris; qui electus judex inter Junonem, Venerem, & Minervam, palmam Veneri adjudicavit, & sententiam patriæ suæ fatalem, id est, exitialem tulit. (m) Helena, quam e Græcia raptam, Paris Trojam vexit. (n) Ex quo tempore. Jam tum, inquit, destinatum & certum Trojæ fuit exitium: jam tum dici Troja potuit in pulverem redacta. (o) Fraudavit. (p) Promissa. (q) Priami pater. Is cum Trojæ muros extrueret, Neptunus & Apollo suam illi operam ad eos cadendos certa mercede locaverunt. Ope confecto, promissum pretium solvere Laomedon recusavit: hinc Deorum ira in Troianos. (r) Nempe Ilium invisum, detestatum: vel, a me & Minerva damnatum excidio. (s) Laomedonte perfido. (t) Vivit opibus formaque præstans. (u) Helenæ Lacedæmonia. (x) Infamis. Ea vox in peiorem vulgo partem accipitur. (y) Paris.

Perjura a pugnaces Achivos
 Hecloreis opibus b refringit c :
 Nostrisque ductum d seditionibus e
 Bellum resedit f. Protinus s & graves
 Iras h, & invisum nepotem,
 Troica quem peperit sacerdos,
 Marti redonabo. Illum ego lucidas
 Inire i sedes, ducere k nectaris
 Succos, & adscribi quietis
 Ordinibus patiar Deorum;
 Dum l longus inter sæviat Ilion
 Romanque pontus: qualibet exules m
 In parte regnanto n beati:
 Dum Priami, Paridisque busto
 Insultet o armentum, & catulos feræ
 Celent inultæ p: stet Capitolium q
 Fulgens; triumphatisque possit
 Roma ferox dare jura Medis r.
 Horrenda s late nomen in ultimas
 Extendat oras, qua medius t liquor u,

(a) Ob Laomedontem, qui promissam Neptuno, & Apollini juramento pecuniam denegavit. (b) Hectoris virtute, & fortitudine. (c) Retundit, repellit. (d) Productum, continuatum ad decem annos. (e) Deorum inter se, ac Dearum dissensionibus. (f) Sublatam est, confectum est. (g) Haud mora; jam porro, in posterum. (h) In gratiam, & honorem. Martis, iras meas deponam; & quamvis Romulus, meus nepos, nempe Martis filii maji proles, sit mihi invisus, quia est genitus Ilia, seu Ænea Sylvia, Vestæ sacerdote Troica, id est, a Trojanis oriunda, nempe filia Numitoris, unius ex Æneæ posteris; tamen illum reddam suo patri, ut ejus curru in Cælum evehatnr. (i) Ingredi. (k) Bibere. (l) Modo, ea lege, ut Roma, & Troja interposito mari longo separentur. (m) Romani, ab Ænea civi, qui venit Italiam fœto profugus &c. Virg. (n) Imperativus: regnent ubilibet, or-

bem obtineant. (o) Greges impune premant sepulchra Priami & Paridis; adeoque Troja tota vastata sit ac deserta. (p) Illæ: impune, ob arborum densitatem, & solitudinem loci. (q) Præcipuum Romæ templum, Jovi sacrum. Arx Imperii. (r) Parthos intelligit, qui Persarum Imperium invaserant, ut Persæ Medorum olim. Vide lib. 1. Od. 2. &c. (s) Metuenda, & terribilis hostibus Roma. Recte observat Torrentius hoc epitheto sæpe significari admirationem quandam ex veneratione ortam: ita Sibyllam a Virgilio dici horrendam, &c. (t) Imperet Roma, & qua mare medium, id est, Mediterraneum, in medias terras influens, separat Europam ab Africa, & qua Nilus Ægyptum rigat tumidus, hoc est, intumescens, & exundans: id est, ab uno maris Mediterranei littore nempe Occidentali & Atlantico, ad alterum littus, Nilo vicinum, & Orientale. (u) Aqua, mare.

Secernit Europen ab Afro,
 Qua tumidus rigat arva Nilus;
 Aurum ^a irrepertum, & sic melius situm,
 Cum terra celat, spernere fortior,
 Quam cogere humanos in usus,
 Omne sacrum rapiente dextra.
 Quicumque ^b mundi terminus obstitit,
 Hunc tangat armis, visere gestiens,
 Qua parte debacchentur ignes;
 Qua nebulæ, pluviique rores.
 Sed ^c bellicosus fata Quiritibus
 Hac lege dico, ne nimium pii ^d,
 Rebusque ^e fidentes, avitæ ^f
 Tecta velint reparare Trojæ.
 Trojæ renascens ^g alite ^h lugubri
 Fortuna, tristi clade iterabitur,
 Ducente victrices catervas
 Conjuge me Jovis, & sorore.
 Ter si resurgat murus aeneus ⁱ,
 Auctore ^k Phœbo, ter pereat ^l meis ^m.
 Excisus Argivis: ter uxor
 Capta virum, puerosque ploret.

(a) Sententia est: fortior sit Roma ad aspernendum aurum; ita ut illud reperate non curet atque eruere, sed illud abdutum esse patiat, & celatum in terræ visceribus, ubi profecto melius later, quam si indidem extrahatur: sit, inquam, Roma fortior in auro spernendo, quam in eo cogendo, id est, coacervando, & congerendo in usus humanos; quippe cum auri cupiditas, & sacra fames impellat hominum manus ad rapienda, & spolianda omnia sacra, ad res sanctissimas violandas. (b) Quæcumque regio, etiam orbis ultimi, obstat armis Romæ victricibus, ejusque triumphos morari voluerit, hanc debellet, eo perveniat armata, & victrix: etiam in illas oras pertingat, ubi calores & fulmina debacchantur (nempe in torridam mundi Zonam) aut illas, ubi glacies, & nebulæ

rigent: indicatur Zona frigida. (c) Hæc tamen felicia Romanis fata denuncio, & prædico, ea tantum conditione, &c. (d) Nimio arga patriam suam amore capti. Existimari potest Horatius his verbis Cæsarem notare voluisse: cui ferunt in animo fuisse, Roma relicta, migrare Alexandriam, aut Ilium, translatis opibus Imperii. Svet. c. 79. (e) Secundis rebus; opibus, gloria. (f) Roma enim Trojanorum, quasi colonia fuit. (g) Ordo est; fortuna, seu, infortunium Trojæ, renascenti malis ominibus, & reparatæ, iterabitur tristi clade. Troja, si repararetur, iterum, ut antea concideret; ac ejus fortuna cladesque renovabitur. (h) Omne. Od. 5. lib. 1. (i) Firmissimus; quamvis ipso ex ære compactus. (k) Structore, ædificante. (l) Peribit, periret, rueret. (m) Græcis enim præcipue favebat Juno.

Non hæc jocosæ ^a conveniunt lyræ.
 Quo Musa tendis? desine pervicax ^b
 Referre sermones Deorum, &
 Magna modis ^c tenuare parvis.

(a) Lyricæ; quæ jocis, & ludo gaudet. (b) Audax, proterva. (c) Cantibus.

O D E IV.

Musarum in se beneficia commemorat: iisdem acceptas refert Augusti victorias, quibus hostes Reip., ut Jupiter Titanas, debellavit.

Descende Cælo ^a, & dic, age, tibia.
 Regina ^b longum, Calliope, melos,
 Seu voce nunc mavis acuta,
 Seu fidibus, citharave Phœbi ^c.
 Auditis ^d? an me ludit amabilis
 Insania? audire, & videor pios ^e
 Errare per lucos, amœnæ
 Quos & aquæ ^f subeunt, & auræ,
 Me ^g fabulosæ, Vulture in Appulo,
 Altricis ^h extra limen Apuliæ,

(a) De Musis dicturus, earum principem invocat. Habebant porro Musæ quoque sedem in Cælo, ut Jovis filia: habebant & montes sacros, & templa in terris, ut Parnassum, &c. (b) Vesp̄ eam, sic honoris tantum causa, nominat; vel, quia Musarum primaria esse dicitur. (c) Phœbo consecrata. Dicuntur Musæ voce canere; Phœbus vero cithara. (d) O amici, nomen eam canentem auditis? An me furor Pœticius grato errore decipit? Ego quidem certe videor mihi illam polo delapsam audire, & spartuari in amœnis saltibus, &c. (e) Sacros, Musis consecratos. (f) Alluant aquæ, perfiant auræ. (g) Primum beneficium a Musis acceptum. Ordo est: me pœturum, ludo fatigatum, & somno

victum, palambes, idest, sylvestres columbæ, fabulosæ, sive, de quibus multa dici solent mira, texere nova, id est, viridi fronde, in Vulture Appulo (est mons Apuliæ) extra limen patriæ meæ Apuliæ. (h) Paulo ante dixerat Vulturem montem esse Apulum: quomodo nunc dicit eundem esse extra limen Apuliæ? Duplex Apulia est: altera Daunia, altera Peuceetia: in illa est Venusium oppidum, Horatii patria: in hac Vultur, qui proinde est extra Apuliam Dauniam, Horatii altricem, & natalem terram. Sunt qui dicant Vulturem in limite ipso Apuliæ Peuceetiae fuisse: ita ut pars eius esset in Apulia, pars in Lucania: adeoque aliqua sui parte esset extra limen, seu limitem Apuliæ.

Ludo, fatigatumque somno ^a,
 Fronde nova puerum palumbes
 Texere; mirum quod foret ^b omnibus,
 Quicumque celsæ nidum Acherontiae ^c,
 Saltusque Bantinos ^d, & arvum
 Pingue tenent humilis Ferenti:
 Ut tuto ab atris corpore viperis
 Dormirem, & ursis; ut premerer sacra
 Lauroque, collataque ^e Myrto,
 Non sine Dis ^f animosus ^g infans.
 Vester ^h, Camoænæ, vester in arduos
 Tollor Sabinos; seu mihi frigidum
 Præneste, seu Tibur supinum,
 Seu liquidæ placuere Bajæ.
 Vestris ⁱ amicum fontibus, & choris,
 Non me Philippis ^k versa acies retro,
 Devota ^l non extinxit arbor,
 Nec Sicula Palinurus ^m unda.
 Utcumque ⁿ mecum vos eritis, libens
 Insanientem navita Bosphorum
 Tentabo ^o, & arentes arenas.

(a) Somni amore, dormiendi desiderio, vexatum & oppressum. (b) Ita ut mirarentur omnes Acherontini, Bantini, & Ferentini, quo pacto dormirem tutus a viperis, &c. (c) Ubs exigua erat, in limine Apuliæ, & Lucaniæ, in monte posita, instar niduli: aves enim in summis montibus nidificant. (d) Bantia, Ferentum, oppida erant in Apuliæ finibus. (e) Comportata a palumbibus. (f) Certo Deorum patrocinio: Musas intelligit. (g) Impavidus, qui nihil a viperis & ursis timerem. (h) Vestro patrocinio tutus sum, sive petam Sabinos (quæ regio montibus ardua & aspera est), sive urbem Prænestinam, frigido in monte sitam, sive Tiburtinam, quæ in declivi colle sedet; seu denique adeam Bajas, liquidis & parvis aquis celebres. (i) Sententia est: me, quia eram amicus vestris fontibus & choris,

non extinxit acies Ernti & Cassii, ab Augusto fugata in campis Philippiis; non arbor execranda, dirisque devota; non factum a me naufragium ad Palinurum, promontorium Lucaniæ, prope Siciliam. (k) Philippi, urbs Thessaliæ, ad quam devicti anno U. C. 712. Brutus & Cassius: quorum in exercitu Tribunus militum Horatius erat. Vide ejus vitam, & Indicem 2. Odarum. (l) Diris devota, execranda. Vide Od. 10. lib. 2. (m) Ad hoc Siciliæ promontorium, ut Acon scribit, e Macedonia rediens post Philippensem fugam, pene extinctus est, fracta navi, anno ætatis 24. Est etiam oppidum Lucaniæ, ejusdem nominis, prope Veliam; quæ loca Siculi ante Lucanos tenuere: ad quod oppidum navim fregisse Horatium plures volunt. (n) Utcumque. (o) Visam, adibo. De Bosphoro, vide librum 2. Od. 10.

Littoris ^a Assyrii viator:
 Visam Britannos ^b, hospitibus feros,
 Et lætum ^c equino sanguine Concanum:
 Visam pharetratos Gelonos ^d,
 Et Scythicum ^e inviolatus ^f amnem.
 Vos Cæsarem altum ^g, militia simul ^h
 Fessas cohortes abdidit ⁱ oppidis,
 Finire quærentem labores,
 Pierio ^k recreatis antro.
 Vos lene consilium ^l & datis, & dato
 Gaudetis almæ. Scimus ^m, ut impios ⁿ
 Titanas, immamemque turmam,
 Fulmine sustulerit caduco ^o,
 Qui terram inertem ^p, qui mare temperat
 Ventosum, & urbes, Regnaque tristia ^q:
 Divosque, mortalesque turbas
 Imperio regit unus æquo.
 Magnum illa terrorem intulerat Jovi
 Fidens juvenus ^r horrida brachiis ^s,

(a) Assyria, Strabone teste, complectitur Babyloniam, & magnam partem adjacentium regionum. Itaque per litus Assyrium, intellige littus maris Persici, vel Caspii, vel etiam Syrii; nam Syria dicta quoque olim est Assyrias: sive, campos arenosos & æstuanes, circa litus positos. (b) Anglos, qui tunc hospites suos immolabant Superis. (c) Concani, gens quædam Scythica, equorum sanguinem, lacti mixtum, adhibebant in potum, instat vini suavissimi. (d) Erant Concanis & Scythis affines, boni jaculatores. (e) Tanaim, quo Europa ab Asia distinguitur, versus Scythas, & Septentrionem. (f) Incolamis, salvus. (g) Ingentem, invictum. (h) Simulatque, postquam. (i) In lyberna misit. (k) Pieria, fuit Atticæ regio, Musis sacra. Significat Cæsarem Musis & versibus delectari. (l) Vos affatis Cæsari elementiam & lenitatem; mita illi consilia suggeritis, & suggestisse gaudetis. In hac porro voce, *consilium*, duæ ultimæ syllabæ in unam coalescunt; aut potius legendum, *consilium*, ut constet versus. (m) Sententia videtur hæc esse: injecta est a Musis ea mens Cæsari, ut lenitate summa utatur adversus hostes: nam scimus & vidimus quam facile armatus eos vicerit, & vincere adhuc possit; ut scimus quam facile Jupiter Gigantes profligaverit. Comparat Brutum & Cassiam, cæterosque conjuratos, cum Gigantibus; Augustum, eum Jove. (n) Ordo est: scimus ut, id est, quem admodum, qui terram & mare temperat, & gubernat, Divosque, mortalesque regit (nempe Jupiter, quem istis quatuor totis versibus describit) sustulerit fulmine impios Titanas. (o) In Titanas cadente. (p) Brutam, infimam. (q) Inferos. (r) Titanum; quos pro Gigantibus, eorum fratribus, ponit. (s) Erant enim centimani. Ovid. 1. *Metamorph.*

Fratresque ^a tendentes ^b opaco
 Pelion ^c imposuisse Olympo.
 Sed quid Typhœus ^d, & validus Mimas,
 Aut quid Minaci Porphyriion statu ^e,
 Quid Rhœcus, evulsisque truncis
 Enceladus jaculator audax,
 Contra sonantem Palladis Ægida ^f
 Possent ruentes? Hinc ^g avidus ^h stetit
 Vulcanus; hinc matrona Juno, &
 Nunquam ⁱ humeris positurus arcum,
 Qui rore ⁱ puro Castaliæ lavit ^k
 Crines solutos, qui Lyciæ ^l tenet
 Dumeta, natalemque ^m sylvam,
 Delius & Patareus Apollo.
 Vis ⁿ consili expers mole ruit sua,
 Vim temperatam ^o Di quoque provehunt
 In majus ^p: iidem odere vires
 Omne nefas ^q animo moventes.
 Testis ^r mearum centimanus Gyas
 Sententiarum notus, & integræ ^s
 Tentator ^t Orion Dianæ,
 Virginea domitus sagitta.
 Injuncta ^u monstris ^x Terra dolet suis;
 Mœretque partus fulmine luridum.

(a) Titanes, vel Gigantes.
 (b) Contendentes, laborantes.
 Imposuisse, pro, imponere: id est, molitos imponere. (c) Montes sunt Thessaliæ. (d) Typhœus, Mimas, Porphyriion, Rhœcus, Enceladus, Gigantum sunt nomina. (e) Statura, habitu corporis. (f) Clypeum: de quo vide Oden 13. libri 1. (g) Ex parte Jovis. (h) Epithetum ignis proprium. (i) Qui semper arcum gestat: vel, certus arcum non deponere, donec profiligati Gigantes perirent. (k) Apollo: Castalia fons est Parnassi. (l) Ab antiquo, lavare, tertiæ conjug. pro, lavare. (m) Est in Asia minori; ejus urbs præcipua Patara, ubi Apollo colebatur: hinc Patareus dici-

tur: quæ vox, in ultimo versu hujus strophæ posita, est trissyllaba. (n) Deliam: natus est Apollo in Delo, insula maris Ægæi. (o) Vires prudentiæ destitutæ, per se, nullo impellente, ruunt. Clementia, & consilio. (p) Augent. (q) Vires, quæ ad perficienda scelera conferuntur. (r) Gyas, unus e Gigantibus, testis est notus & idoneus eorum effatorum, quæ hic seribo. (s) Castæ, intactæ. (t) Qui ejus pudicitiam attentavit; & ab ea sagittis confosus est. (u) Imposita. Jupiter enim montes, a Gigantibus vibratos, in eosdem retorsit, eosque illis obruit. (x) Gigantibus ex se genitis: erant enim Terræ filii.

Missos ad Orcum: nec peredit^a
 Impositam celer ignis Ætnam:
 Incontinentis^b nec Tityr jecur
 Relinquit ales^c, nequitia^d additus
 Custos: amatorem trecentæ
 Pirithoum^e cohibent catenæ.

(a) Quamvis Ætna injecta illi affixus & appositus. (e) Encelado, ignes assidue vomat, Thesei amicum, qui cum eo non tamen illis ipsa consumitur, adortus est rapere ex Inferi- nec miserum Enceladum Proserpinam: sed Pluto admonitus eos in vineula coniecit. isto pondere levat. (b) Qui Latonam temerare tentarat. (c) Theseum tamen postea Hercules solvisse dicitur, manente Vultur. (d) Impudicitia: hominis impuri custos & tortor, in Inferis Pirithoo.

O D E V.

Augustum laudat, quod a Parthis Romanorum vexilla receperit. Invehitur in Romanos milites, qui se Parthis olim dederant: hinc sumit occasionem Reguli celebrandi.

Cælo^a tonantem credidimus Jovem
 Regnare: præsens Divus habebitur^b
 Augustus, adjectis^c Britannis
 Imperio, gravibusque Persis.
 Milesne^d Crassi conjuge^e barbara

(a) Quæmadmodum, quando tonantem audimus Jovem, cum credimus regnare Cælo: ita, cum Augustum videmus Persas & Britannos adiecisse Imperio Romano, nemo dubitare poterit, quin revera Deus sit, etiam præsens & vivens. Potest etiam ea vox, præsens, significare idem quod, favens, propitius. (b) Id est, habendus erit, est censendus. (c) Nec Persas Augustus, sive Parthos, nec Anglos per sese debellaverat; sed utrosque tantum nominis sui fama pacem petere cogerat: cum in utrosque tamen bellum ag- paraverit. Vide Od. 29. libri 1. Quo id anno contigerit, docebit te Index 2. Odarum Chronologiens. Quam Augusti victoriam incrementam Horatius amplificat, exponendo gravitatem, & ignominiam cladis olim a Parthis acceptæ. (d) Quis crederet Crassi milites duxisse Barbaras conjuges, & cum illis vivere potuisse? Crassus a Parthis cæsus fuit, anno U. C. 702. Eius milites, magnam partem capti, in Perside manserunt, ubi duxere Persicas uxores. (e) Cum conjuge: vel, turpis maritus, ob Barbaram conjugem.

Turpis a maritus vixit? & hostium b
 (Proh Curia c, inversique mores!)
 Consenuit socerorum in armis,
 Sub rege Medo d, Marsus, & Appulus,
 Anciliorum e nominis f, & togæ g.
 Oblitus, æternæque Vestæ h,
 Incolumi Jove i, & urbe Roma?
 Hoc caverat k mens provida Reguli l
 Dissidentis m conditionibus.
 Fœdis, & exemplo n trahenti
 Perniciem veniens in ævum,
 Si non periret immiserabilis o.

(a) Erat enim turpe Romano-
 Barbaram, & captivo hostis fi-
 liam conjugem accipere. Sti-
 pendia fecit in castris ipsorum
 Parthorum, usque ad senectu-
 tem. Est autem ordo: & Mar-
 sus, atque Apulus, oblitus an-
 ciliorum, nominis, & togæ,
 Jove incolumi & Roma, con-
 senuit, sub Rege Medo, in
 armis hostium, socerorum suo-
 rum, nempe Parthorum, quo-
 rum filias duxerat. (b) O, di-
 gnitas & prudentia. Senatus
 Romani! o morum antiquorum
 sanctitas! quantum eo tempore
 detrimentum accepistis! quantum
 ab illis priscis mutati tunc era-
 tis? (c) Partho. (d) Italiæ po-
 puli, ac milites in primis for-
 tes & insignes ea tempestate.
 (e) Erant Ancilia clypeoli 12.
 sacri. Eorum unus e Cælo de-
 cidisse ferebatur: editumque
 fuisse oraculum, fore ut tandiu
 Roma staret, quamdiu ille ser-
 varetur. Is igitur ne facile sur-
 ripi posset, ad ejus formam &
 modum alii undecim facti erant,
 qui in templo Martis servaban-
 tur. (f) Romani. (g) Toga Ro-
 manorum erat propria: unde
 illos, *gentem togatam*, Virgilius
 vocat, lib. 1. Æn. Imponeba-
 tur tunicæ, eratque instar pallii.
 (h). In templo Vestæ ignis ser-
 vabatur, & nutriebatur a Ve-
 stalibus. (i) Capitolio, ubi tem-
 plum Jovis. Sententia est: Re-

rine potuit ut Marsi, & Apuli,
 egregii milites, oblitum sint tam
 facile sui nominis, vestis, Ur-
 bis, idque stante & florente
 Roma & Capitolio? itane se
 turpiter hosti deditisse! (k)
 Id prospexerat Regulus, ac im-
 pedire conatus erat: ne scilicet
 reperirentur tam ignavi mi-
 lites, qui idem facerent ali-
 quando, quod isti Crassiani:
 nempe dum auctor fuit ne re-
 dimerentur captivi, sed peri-
 rent potius apud Carthaginens-
 es; cæterique, eo exemplo
 territi, fortiter mori in acie,
 quam capi turpiter malletent.
 (l) M. Attilius Regulus foruit
 circa ann. U. C. 500. Is captus
 a Carthaginensibus, ne milites
 Romani in pugna capti redime-
 rentur, vetuit. Vide Ciceronem
 lib. 3. de Off. & Aulum Gel.
 lib. 6. cap. 4. (m) Repudiantis
 fœdas condiciones. Ea conditio
 proponebatur a Pœnis, ut red-
 derent Romanos captivos; ac
 suos vicissim ipsi, facta per-
 mutatione, reciperent. (n) A-
 versantis exemplum, id est,
 fœdus, seu pactionem pro cap-
 tivorum redemptione, quæ in
 posterum tempus exitialis fu-
 tura esset. Reip. occasionem
 dando militibus pugnandi se-
 gnus, ea spe, fore ut redime-
 rentur. (o) Cujus nemo mise-
 resceret.

Captiva ^a pubes. Signa ^b ego ^c Punicis
 Affixa delubris, & arma
 Militibus sine cæde ^d, dixit,
 Direpta vidi: vidi ego civium
 Retorta ^e tergo brachia libero,
 Portasque non clausas ^f, & arva
 Marte coli populata nostro.
 Auro repensus ^g scilicet acrior
 Miles redibit, flagitio additis
 Damnum: neque amissos ^h colores
 Lana refert medicata fuce ⁱ;
 Nec vera virtus, cum semel excidit,
 Curat ^k reponi ^l deterioribus ^m:
 Si pugnat ⁿ extricata ^o densis
 Cervâ plagis ^p, erit ille fortis,
 Qui perfidis se credidit ^q hostibus:
 Et Marte ^r Pœnos proteret altero,
 Qui lora ^s restrictis lacertis
 Sensit iners, timuitque mortem.

(a) Jvenes Romani, a Pœnis capti. (b) Vexilla nostra. (c) Oratio Reguli in Senatu. (d) Nostris militibus crepta, sine vulnere, & pugna. (e) Vidi cives nostros & milites, qui antea erant liberi, quorum præcipua laus & gloria libertas esse debuit, retortis in tergum manibus ligatos, instar servorum. (f) Quæ res indicat quam securi sint Pœni, qui portas urbium suarum apertas, & patentes habeant, qui colant arva, prius a nobis populata bello & vastata. (g) Redemptus; veteres enim aurum non numerabant, sed appendebant. An creditis militem redemptum, pugnaturum acrius? Generosiorum ad bellum rediturum? Non ita est; erit ille segnior; & additis flagitio quod admisit, dum se capi passus est turpiter, damnum quod ignave pugnando afferet Republicæ: vel damnum pecuniæ, quæ peribit ignavum redimendo. (h) Ut lana candi- dum & nativum colorem, quem amisit fuce medicata, id est, tincta, nunquam refert postea, hoc est, repræsentat, resumit; sed semper illum posteriorem retinet: sic animus iners & timidus, ignavia semel imbutus; amissam fortitudinem (quam veram virtutem Vates hic appellat) non recipit; semper ignavus restat. (i) Est fucus herba quædam, qua utuntur infectores: pro colore quolibet, coque maxime adscititio, in primis pro minio & cerussa, usurpatur. (k) Solet, amat. (l) Restitui, redire. (m) Ignavis, victis: est in dandi casu. (n) Ironice hæc omnia dicuntur; estque hic sensus: ut cervâ, retibus semel extricata, non pugnat; sic emissus e servitutis vinculis captivus non potest rem strenue in bello gerere. (o) Expedita, liberata. (p) Retibus arctioribus. (q) Permisit, dedit. (r) Prælio. (s) Vincula.

Hic ^a, unde vitam sumeret inscius,
 Pacem duello miscuit: o pudor!
 O magna Carthago, probrosis
 Altior Italiæ ruinis!
 Fertur ^b pudicæ conjugis osculum,
 Parvosque natos, ut capitis minor ^c,
 A se removisse, & virilem ^d
 Torvus humi posuisse ^e vultum;
 Donec labantes ^f consilio ^g Patres
 Firmaret ^h auctor ⁱ nunquam alias dato;
 Interque mœrentes amicos,
 Egregius properaret exul.
 Atqui ^k sciebat, quæ sibi barbarus
 Tortor ^l pararet: non aliter tamen
 Dimovit ^m obstantes propinquos,
 Et populum reditus morantem,
 Quam si clientum longa negotia
 Djudicata ⁿ lite relinqueret;
 Tendens ^o Venafranos in agros,
 Aut Lacedæmonium Tarentum.

(a) Captivus ille ignavus, nesciens vitam ac salutem non esse precibus, aut fuga quærendam, sed manu, & victoria retinendam, in ipsa acie, cum pugnandum foret, pacem ac vitam ab hoste petere maluit; resque disjunctissimas ita confudit, ac miscuit, pacem & duellum, idest, bellum: in bello enim cum hoste acriter pugnandum; in pace, ab armis recedendum: neque ista temere confundenda. (b) Dicitur Regulus. (c) Ut capite diminutus. Caput apud Romanos statum significabat, qui perfectus erat, cum quis & liber, & civis esset: si alterutrum, idest, aut libertatem, ut jus civitatis amitteret, minui capite, minor esse capite, vel capitis, dicebatur. Utramque Regulus perdiderat: itaque se ut addictum hostibus, ac damnatum, nec jam ut Romanum civem aspiciens, sed ut servum, removet conjugem ac liberos, quasi alienos, nec amplius suos. Servus enim amittebat jus co-

gnationis, &c. Porro, *capitis minor*, dictum est, eadem ratione, qua, *maturus ævi, integer vitæ*, & alia id genus dicuntur. (d) Immobilem suorum lacrymis, civium precibus, &c. (e) Fixisse. (f) Dubitantes, & in eam inelinantes sententiam, ut disciplinæ militaris dignitati, ac severitati salutem Reguli præferendam, captivosque cum eo redimendo, censerent. (g) Ut nullus captivorum, ac ne ipse quidem, redimeretur. (h) Persuaderet; a dubitatione incertam, & suam sententiam adduceret. (i) Auctor appellatur is qui aliquid suadet, consulit, præstat, & in se recipit. (k) Attamen. (l) Pœni crudelēs, qui eum illigatum in machina, vigilando necaverunt, resectis palpebris. (m) Repulit: viam sibi per obstantes aperuit. (n) Judicium sententiis finita, & composita; quorum unus erat antea, utpote Senator. (o) Ad oblectationem, & rusticationem scilicet. De Venafro, & Tarento, vide lib. 2. Od. 4.

O D E VI.

Romanorum sui temporis vitia, maxime impietatem, & impudicitiam detestatur: priscorum mores celebrat.

Delicta majorum ^a immeritus lues,
 Romane, donec templa refeceris,
 Aedesque labentes Deorum, &
 Fœda nigro simulacra fumo ^b.
Dis te minorem quod geris, imperas ^c.
 Hinc ^d omne principium, huc refer exitum.
 Di multa neglecti dederunt
 Hesperix ^e mala luctuosæ.
 Jam bis Monæses ^f, & Pacori ^g manus
 Non auspicatos ^h contudit impetus
 Nostros; & adjecisse ⁱ prædam
 Torquibus exiguis renidet.
 Pene occupatam seditionibus ^k

(a) Ob majorum flagitia, dabis pœnas; ac licet eorum scelera non admiseris, atque adeo immeritus, & innocens videare, iuste tamen plecteris, ob tam in rebus sacris, in templis, v. g. reficiendis, negligentiam, & impietatem. (b) Quo templa olim incensa fuere, & deformata. (c) Orbis imperium obtines, quia Deos precolis, iis inferiorem te fateris. (d) A Diis, & eorum cultu, initium ducito rerum omnium agendarum: huc, idest, ad eodẽdem, refer, iis refer acceptum exitum, & felicitatem tuam, in rebus bene gerendis. Nota porro vocem hanc, principium, esse trisyllabam, quasi esset principium. (e) Od. 30. lib. 1. (f) Parthorum dux; qui Regi suo Phraati insensus, contulit se ad M. Antonium, eique auctor fuit belli contra Parthos suscipiendi; sed postea Phraati reconciliatus, diras clades Romanis intulit, circa annum ab U. C. 718. Vide Dionem, lib. 49. & Justinum, l. 42. (g) Exercitus Pacori: qui filius fuit Orodis Parthorum Regis, & a patre, post M. Crassum cæsum, missus contra Romanos, eosdem aliquot præliis fudit, anno U. C. 702. (h) Auspiciis neglectis, aut vitiose sumptis, factos. Quid essent auspicia, dictum alias. Vide lib. 2. Od. 12. (i) Gessit, triumphat, quod suos torques (torquibus enim gaudebant Parthi, ut olim Galli) ampliores, & ornatiores fecerit, adiecto auro, gemmisque, & cætera, quam nobis eripuerunt, præda. (k) Bellis civilibus, & privatis dissidiis.

Delevit Urbem Dacus ^a, & Æthiops ^b;
 Hic ^c classe formidatus, ille ^d
 Missilibus melior sagittis.
 Fœcunda culpæ sæcula, nuptias
 Primum inquinavere ^e, & genus ^f, & domos:
 Hoc fonte ^g derivata clades
 In patriam, populumque fluxit.
 Motus doceri gaudet Ionicos ^h
 Matura ⁱ virgo, & fingitur artibus ^k
 Jam nunc, & incestos amores
 De tenero meditatur ungui. ^l
 Non his ^m juvenus orta parentibus
 Infecit æquor sanguine Punico;
 Pyrrhumque ⁿ, & ingentem cecidit
 Antiochum ^o, Hannibalemque ^p dirum:
 Sed rusticorum mascula militum
 Proles, Sabellis ^q docta ligonibus
 Versare glebas, & severæ ^r
 Matris ad arbitrium recisos
 Portare ^s fustes, Sol ^t ubi montium
 Mutaret umbras, & juga demeret
 Bobus fatigatis, amicum ^u

(a) Populus Europæ Septentrionalis, ubi nunc Transylvani, Moldavi, Hungari, &c. Appellabantur etiam Davi, & Dæ. Illorum incursiones Augustus repressit, tribus eorum ducibus cæsis. Svet. August. cap. 21. (b) Populus Africæ; qui Antonio contra Augustum pugnantem favit, ut ipsi etiam Daci, Æthiops, eorumque Reginam Candacem, subinde Petronius Augusti auspiciis vicit. Dion. lib. 51. 54. (c) Æthiopes, sive Ægyptii, qui Antonio classem & maritimum exercitum paraverant. (d) Dacus. (e) Adulteris. (f) Familias. (g) Ex hac nequitia ortæ sunt clades publicæ. (h) Lascivos: Jones enim, Græciæ populus, erant nequissimi. (i) Nubilis, adulta. (k) Fingit pedes ad istos motus, & componit. Per motus, saltationem intellige:

utebantur enim Latini verbo, *moveri*, pro, saltare. Quidam legunt, *fingitur artibus*; nempe, ad malas istas artes informatur. (l) A puero; ab ipsa iam tum pueritia. (m) Impiis, mollibus, & effœminat. (n) Regem Epirotarum, victum a Fabricio, & Curio, anno U.C. 480. Eius vitam scripsit Plutarchus. (o) Regem Syriæ, quem vicit Lucius Scipio, anno U.C. 567. (p) Vide Oden 9. lib. 2. (q) Sabinis. Erant illi Italiæ populi, labori assueti, & malo; olim Samnites etiam dicti, teste Plin. lib. 3. cap. 12. (r) Quæ oneri non parebat. (s) Domum ex agro. (t) Vesperi, cadente Sole, qui umbras montium projicit in aliam partem, atque illam, in quam oriens eas projiciebat. (u) Gratum agricolis, ob noctem, & quietem.

Tempus agens abeunte curru.
 Damnosa ^a quid non imminuit ^b dies ^c?
 Ætas ^d parentum, pejor avis, tulit
 Nos nequiores, mox daturos
 Progeniem vitiosiore.

(a) Quæ omnia consumit. (b) erant avis nequiores, nos parentibus sumus, nostri liberi
 Deterit, corrumpit. (c) Temporis diuturnitas. (d) Gradatio nobis erunt.
 pulcherrima: nostri parentes

O D E VII.

Mæcenatem ad sacrificium, & epulas data occasione, invitat.

Martius ^a cælebs quid agam Calendis,
 Quid velint flores, & acerra ^b thuris
 Plena, miraris, positusque carbo in
 Cespite ^c vivo,
 Docte sermone utriusque linguæ:
 Voveram ^d dulces equulas, & album ^e
 Libero ^f caprum ^g, prope funeratus
 Arboris ictu.
 Hic dies, annos edeunte, festus ^h,

(a) Martii Calendis. Solebant matronæ sacrificia Junonis eximio apparatus facere, ipsarum vero mariti Jano; qui suis etiam uxoribus munera tunc floresque missitabant. Id ob eam fiebat causam, quod isto die olim Sabinæ pacem & concordiam inter viros & patres suos conciliaverant. Quod beneficium a feminis profectum, anno recurrente, Romani istis muneribus, sacrisque recolebant, ut docet Servius, Æn. 8. Audierat Mæcenat ab Horatio sacrificium quoque fieri domi; miratus fuerat, quippe cælebs erat, id est, carebat uxore Horatius. Respondet illi Vates hac ode; cuius initium est du-

endum ab 7. versu, *Docte sermone* &c. O Mæcenat, qui Latinam & Græcam linguam egregie doctus es, qui utramque præclare calles, miraris quid agam, quid mihi velim cum isto sacrificio &c. (b) Thuris vasculum. (c) Ara graminea id est, facta e congesto cespite viridi. (d) En causa sacrificii, quod Horatius faciebat, istis Martii Kalendis. (e) Hostiæ candidæ Diis superis immolabantur, atræ Inferis. (f) Baccho; cuius in tutela sunt poetæ. (g) Vites arrodere caper solet; hinc Baccho immolabatur. (h) Ob memoriam accepti a Baccho, qui me servavit, beneficii, Oden 14. lib. 11.

Corticem ^a astrictam pice dimovebit ^b
 Amphoræ fumum ^c bibere institutæ,
 Consule Tullo.

Sume ^d, Mæcnas, cyathos amici
 Sospitis ^e centum; & vigiles lucernas
 Profer ^f in lucem: procul omnis esto
 Clamor ^g & ira.

Mitthe ^h civiles ⁱ super Urbe curas:
 Occidit Daci Cotisonis ^k agmen;
 Medus infestus ^l sibi, luctuosis
 Dissidet armis.

Servit Hispanæ vetus hostis oræ
 Cantaber ^m, sera domitus catena:
 Jam Scythæ laxo ⁿ meditantur arcu
 Cedere campis ^o.

Negligens ^p, ne qua populus laboret,
 Parce privatus nimium cavere; ac

(a) Quo obstructa est & clausa vini amphora: suber adhibebatur vulgo. (b) Relinet, tollet. (c) Quæ amphora mea instituta est, id est, cœpit, docta est, assuevit, fumum bibere; in horreo, seu camino, posita est, ut crudus austerioris vini succus fumo mitesceret, ab eo tempore quo Tullus Consul est factus. L. Volcatius Tullus gessit Consulatum, anno U. C. 688, & 721. (d) Invitat illum ad epulas. (e) In gratiam amici, gravissimo periculo liberati. (f) Extende, protrahe. Sensus est: producito convivium nocturnum usque ad diem: compotemus, lucernis accensis, & vigilemus in lucem. (g) Quo sæpe compotores debacchantur. (h) Omitte. (i) Quas sumis pro civium incoñmitate. Fuerat enim Præfectus Urbis: sed reverso in Urbem, post confectum bellam Cantabricum, Augusto, poterat esse solutior, ac tranquillior. (k) Dux erat Dacorum, sive Getarum, partes Antonii contra Augustum secutus. Getas a Romanis Dacos fuisse appel-

lato tradit Plin. l. 4. c. 14. (l) Sibi exidiales, sibi ipsis invicem infensi, dissident Medi, bellis civilibus in seipsos armati. Vide lib. 2. Od. 2. Justinum. lib. 42. (m) Domiti fuerunt penitus Cantabri, anno U. C. 736. cum per annos ferme ducentos bella cum Romanis gessissent. Vide Indicem 2. Odarum. (n) Laxato, & inutili. (o) Ex Armenia discedere. Vide lib. 2. Ode 6. (p) Ita sententiam compone. Negligens, id est, negligentior & remissior factus, parce, fuge nimium cavere & sollicitus esse, ne quid populus detrimenti capiat, ne qua parte laboret, privatus, id est, cum tu privatus sis, cum nullum Magistratum geras. Urbis enim Præfecturam sibi demandatam Mæcnas, reverso in Urbem Augusto, & confecto bello, videtur deposuisse. Adde quod, illa neque Magistratus erat, neque, presentibus Imperatoribus, nisi forte ad honorarium officium & titulum, servabatur. Ita cavere civitati parce, ut in eo sis quodammodo negligens.

Dona ^a præsentis rape lætus horæ, &
Linque severa ^b.

(a) Vitam, valetudinem, epulas. (b) Seria, curas.

O D E VIII.

*Mercurium, ac suam testudinem rogat, ut Lyden
sibi placatam reddant. Danaidum apud Infe-
ros supplicium, & causam ejus narrat.*

Mercuri (nam te docilis magistro
Movit Amphion ^a lapides canendo)
Tuque, testudo ^b, resonare septem
Callida nervis,
(Nec loquax olim ^c, neque grata, nunc &
Divitum mensis, & amica templis ^d)
Dic modos ^e, Lyde quibus obstinatas
Applicet aures.
Tu potes ^f tigres, comitesque sylvas
Ducere ^g, & rivos celeres morari:
Cessit immanis ^h tibi blandienti
Janitor aulæ
Cerberus, quamvis Furiale ⁱ centum
Muniant angues caput ejus, atque
Spiritus ^k teter, saniesque ^l manet
Ore trilingui.
Quin & Ixion ^m, Tityosque ⁿ, vultu
Risit ^o invito; stetit urna ^p paulum

(a) Jovis & Antiopes filius, Urbis Thebæarum muros, saxi ad lyrae sonum sua sponte se componentibus, extruxit. (b) Lyram invenit Mercurius, cumque primo compegit e testudinis tergo & tegmine, quod cavum est, additis 7. chordis &c. (c) Quæ non eras apta ad canendum, prius quam te Mercurius fidibus instruxisset. (d) Ubi Deorum laudes canuntur. (e) O Mercuri, o testudo seu lyra mea, doce me carmina, quæ Lyde libenter audiat. (f) Suam lyram alloquitur. (g) Ut fecit Orpheus. (h) Inferorum: cum idem Orpheus descendisset ad Inferos, Eurydicen repeti-

turus. Vide Virgil. Georg. l. 4. (i) Anguibus hirsutum, ut caput Furiarum. (k) Anhelitus. (l) Tabum, venenum. (m) Is cum Junonem temerare voluisset, dejectus in Inferos fuit, & totæ, quæ perpetuo circumagitur, affixus. (n) Pro, Tityus. Vide Od. 4. hujus libri. Propter lyrae, cantusque dulcedinem. (o) Propter pœnarum, quibus interim cruciabantur, acerbitatem. (p) Urnae Danaidum, quibus aquam hauritam in dolium pertusum & rimosum infundunt, siccæ aliquandiu manserunt, illis te audientibus, & laborem omittentibus.

Sicca, dum grato Danaï puellas
 Carmin^a mulces^a.
 Audiat Lyde scelus, atque notas
 Virginum^b pœnas, & inane^c lymphæ^d
 Dolium fundo pereuntis imo,
 Seraque fata^e,
 Quæ manent culpas^f etiam sub Orco.
 Impiæ (nam quid potuere majus^g?)
 Impiæ sponso potuere duro
 Perdere ferro!
 Una de multis, face^h nuptiali
 Digna, perjurumⁱ fuit in parentem
 Splendide^k mendax^l, & in omne virgo
 Nobilis ævum:
 Surge, (quæ dixit juveni marito^m;)
 Surge, ne longus tibi somnusⁿ, unde
 Non times^o, detur; sœcerum^p, & scelestas
 Falle^q sorores^r:
 Quæ, velut^s noctæ vitulos lænæ,
 Singulos^t, eheu! lacerant: ego illis
 Mollior, nec te feriam, nec intra
 Claustra^u teneto.

(a) Orpheo canente. (b) Danaïdum; sic vocantur a Patre Danao Argivorum Rege: appellantur etiam Belides, ab avo suo Belo. Ægyptus & Danaus fratres fuere, Beli filii: Ægyptus filios habebat 30. quibus uxores a fratre Danao petiit totidem ejusdem, Danaï filias: annuit Danaus, sed, cum accepisset se ab uno e suis generis necandum esse, filiabus suis imperavit ut suos singulæ sponso mactarent noctu: quod omnes, præter Hypermenestram, fecere. (c) Ordo est: & audiat dolium inane lymphæ, pereuntis, seu effluentis, in imo ejusdem dolii fundo, pertuso scilicet. (d) Pro, vacuum aqua, nunquam aqua plenum. (e) Pœnas a fatis destinatas. Sera vocat; quia post mortem inferuntur sceleratis sub Orco, quæ viventibus inferri jam tum de-

buerant; vel, quia nullo exitu terminanda sunt. (f) Quæ fata, quæ pœnæ eos expectant, sceleribus destinatae sunt. (g) Crudelitas, subaudi, facere. (h) Digna honore matrimonii. Sponsæ ducebantur noctu, facibus accensis, in virorum domum. (i) Quia Danaus, Danaïdum pareus, promiserat suorum filiarum sponso omnia læta & fortunata. (k) Gloriosa, pulchre. (l) Pollicita erat suo parenti se sponsum necaturam. (m) Lynceus vocabatur. (n) Mors. (o) Ab ea manu, quæ tibi suspecta non est; a Danao, si te vitium offendat; a me. (p) Danaum. (q) Effuge late. (r) Meas. (s) Tanquam lænæ vitulos, quos invenerent, contrucidant. (t) Suos singulæ maritos, suum unaquæque. (u) Carcerem.

Me pater sævis oneret catenis,
 Quod viro clemens misero peperci:
 Me vel extremos Numidarum ^a in agros
 Classe ^b releget ^c:
 I, pedes quo te rapiunt, & auræ ^d,
 Dum favet nox, & Venus ^e; I, secundo ^f
 Omine: & nostri ^g memorem sepulchro
 Sculpe querelam.

(a) In Africa. (b) Navi. (c) ego mortua fuero, tu meo sepulchro insculpe carmen lugubre, quo significes te nostri, te mei amoris, & vitæ meo beneficio acceptæ, meminisse, pietatem. (f) Fausto. (g) Cum

O D E IX.

Fonti Blandusiæ sacrificium, et a versibus suis nobilitatem promittit.

O fons Blandusiæ ^a, splendidior vitro ^b,
 Dulci digne mero ^c, non sine floribus,
 Cras donaberis hædo ^d,
 Cui frons turgida cornibus
 Primis ^e & Venerem & prælia ^f destinat ^g
 Frustra; nam gelidos inficiet ^h tibi ⁱ
 Rubro sanguine rivos,
 Lascivi soboles gregis ^k.
 Te flagrantis atrox hora ^l Caniculæ
 Nescit ^m tangere: tu frigus amabile

(a) Erat ille fons, prope villam Horatii, in agro Sabino. (b) Crystallo pellucidior. (c) Qui dignus es, cui fiat sacrificium, fontium Numini fieri solitum, sparsis floribus, & mero. (d) Qui tibi immolabitur, seu Numini, quod tibi præsidet. Sua enim esse singulis fontibus credebant Numina: unde sacri sæpe fontes appellantur. (e) Recentibus, primum emergentibus. (f) Solent hædi adversis cornibus inter se pugnare. (g) Frons illi destinat: idest, qui hædius, sentiens crumpere sibi cornua, jam se accingit ad prælia, sed frustra: nam &c. (h) Tinget. (i) In honorem tuum, tibi immolatus. (k) Hædus ille. Capra est animal lascivum. (l) Calida tempestas, æstivum tempus, quo sævire Canicula solet. Canicula est sydus, quo circa medium Julium exoriente, maximi calores excitantur. (m) Nequit.

Fessis vomere tauris
 Præbes, & pecori vago.
 Fies nobilium tu quoque fontium ^a,
 Me dicente ^b cavis impositam ilicem
 Saxis, unde ^c loquaces
 Lymphæ desiliunt ^d tuæ.

(a) Subandi, unus, Græca e qua fluis. (c) Quibus e saxis.
 locutio. (b) Cum ego laudabo (d) Defluunt, decurrunt.
 quercum, quæ imminet rupi,

O D E X.

*Augusti reditum ex Hispania, post Cantabricum
 bellum, celebrat.*

Herculis ^a ritu ^b modo dictus, o plebs.
 Morte ^c venalem petiisse laurum
 Cæsar Hispana repetit Penates ^d
 Victor ^e ab ora.
 Unico ^f gaudens mulier marito
 Prodeat, justis operata Divis;
 Ut soror ^g clari Ducis, & decoræ ^h
 Supplice vitta

(a) Ordo est: o plebs, o
 Quirites, Cæsar Augustus, qui
 modo, qui nuper vobis dictus
 est laurum & victoriam de Can-
 tabris morte venalem petiisse,
 instar Herculis, repetit victor
 domum ab Hispania. In hoc
 bello periculosus morbus Au-
 gustum vexaverat: hinc que-
 relæ, & luctus populi Rom.
 quem Vates hac ode consolatur.
 (b) More, & exemplo Herculis:
 quia Hercules olim, in eadem
 Hispania versatus, multos la-
 bores. & vitæ pericula adierat.
 (c) Victoriam sanguine, & pe-
 riculo sui capitis emendam.
 (d) Erant dii domestici: pro
 ipsa domo pomuntur. (e) De
 Cantabris. Vide 2. Indicem
 Odarum, anno U. C. 728. 736.

(f) Matronæ caste, unico viro
 addictæ, domo prodeant obviam
 Cæsari, postquam sacrificia ob-
 tulerint Diis justis, qui Angu-
 stam, id merentem, & belli,
 & morbi periculo liberaverunt.
 Operari, facere, significant,
 sacrificare. Quidam volunt hic
 unam quandam designari mu-
 lierem, nempe Liviam, uxorem
 Augusti: quo sensu si versicu-
 lum hunc accipias, ita explica
 voces illas, unico gaudens, &c.
 nempe quæ unice gauderet re-
 ditu, & salute sui viri: vel,
 unico, id est, singulari, egregio.
 (g) Octavia, Antonii nuper de-
 mortui uxor, soror Augusti.
 (h) Solebant, in publicis supplica-
 tionibus, caput & manus tænio-
 lis quibusdam sacris adoperire.

Virginum matres ^a, juvenumque nupes
 Sospitum: vos o pueri, & puellæ
 Jam virum expertæ ^b, male ominatis.
 Parcite verbis.

Hic dies, vere mihi festus, atras
 Eximet curas: ego nec tumultum ^c,
 Nec mori per vim ^d metuam, tenente ^e
 Cæsare terras.

I, pete ^f unguentum puer ^g, & coronas ^h,
 Et cadum ⁱ Marsi memorem duelli ^k;
 Spartacum ^l si qua potuit vagantem
 Fallere testa.

Dic & argutæ ^m properet Neæræ
 Myrrheum ⁿ nodo cohibere ^o crinem:
 Si per invisum mora janitorem
 Fiet, abito.

Lenit ^p albescens animos capillus,

(a) Antea matronas omnes erat alloentus; jam eas compellat proprie, quarum erat præcipua pars in ista lætitia, ob liberos sospites, & cum Augusto redeuntes. (b) Nuptæ. Juniores fœminas alloquitur, & pueros, quibus, ob innatam ætati garrulitatem, præsertim præcipiendum erat, ne verbis petulantioribus, profanis, turpibus, infaustis, diem sacram inquinarent, ut linguis faverent, abstinerent a verbis mali omnis. Vide notam in Ode prima huius libri, ad hæc verba, *Favete linguis*. Porro legendum potius, *male ominatis*, quam, *male nominatis*, ut habent codices nonnulli. (c) Civile bellum hoc nomine proprie intelligitur. (d) Per externum, & hostile bellum. (e) Regente. (f) Para, affer. (g) Servum alloquitur. (h) Coronati floribus, & unguentis delibuti, accumbebant. (i) Cujus vinum conditum sit, bello Marso, seu Marsico. Solebant enim ut sæpe dictum antea, inscribere in operculo eadi, seu doli, quo anno vinum diffusum foret.

Porro bellum illud vocatum etiam fuit sociale; quia fuerat constatum a sociis Italiæ populis & fœderatis; qui, cum jus civitatis sibi promissum obtinere non possent, arma ceperunt. Hos inter quia præcipui Marsi erat, Marsicum est vocatum. Incidit in annum U.C. 663. Vide *Florum* lib. 3. cap. 18. (k) Belli. (l) Si qua ratione, vel, si forte aliqua testa potuit fallere, id est, latere Spartacum vagantem tota Italia, & eam devastantem. Fuit Spartacus gladiator, qui servos & gladiatores in Rempublicam armavit, bellumque servile conflagavit, anno U. C. 681. Lege *Florum* lib. 3. cap. 20. (m) Scite & eleganter canenti. Erat fiddicina, quales sæpe in conviviis adhibebant: eam Horatius per servulum accersiri jubet. (n) Myrrheo unguento nitentem. (o) Religare, colligere. (p) Ordo & sensus est: capillus albescens, id est, ætas jam in senectutem vergens, lenit, temperat animos meos, hoc est, iracundiam rixa amantem.

Litium & rixæ cupidos protervæ:
 Non ego a hoc ferrem calidus juvena,
 Consule Planco b.

⁂ (a) Repulsam a Janitore non tulissem. (b) Consul fuit anno U. C. 711. quo anno Horatius natus erat annos admodum 24. legit Lambinus *Consule Tullo*; de isto consule dictum supra. Od. 7.

O D E XI.

Aurum vincit, ac perrumpit omnia. Nihil cupere, parvo contentum esse, summa felicitatis est.

Inclusam Danaen a turris ahenea,
 Robustæque fores, & vigilum canum
 Tristes excubiæ, munierant satis
 Nocturnis ab adulteris:
 Si non Acrisium, virginis abditæ
 Custodem pavidum, Jupiter & Venus
 Risissent: fore enim b tutum iter, & patens,
 Converso in pretium c deo d.
 Aurum per medios ire satellites,
 Et perrumpere amat e saxa f potentius
 Ictu fulmineo. Concidit auguris g
 Argivi domus, ob lucrum

a) Erat Acrisii filia, Regis Argivorum. Audierat Acrisius se a nepote vita & solio privatum iri: quare filiam, ne quis ex ea nasceretur, ahenea turri incluserat. Jupiter, in pluviam auream conversus, Persenem ex ea suscepit, a quo Acrisius est interfectus. Huic fabulæ occasionem dedit Prætus, Acrisii frater, qui corruptis auro custodibus, aditum ad Danaen invenit. (b) Subaudi, sciebant, aiebant. (c) In aurum. (d) Jovi. (e) Solet. (f) Arces, oppida munitissima. (g) Amphiarai familia: qui cum (ut erat angur optimus) intellexisset periturum se in bello Thebano, quod

agitabant Polynices, & Adrastus, cuius sororem Eriphylem Amphiarus duxerat, adduci non poterat ut ad illud proficisceretur; donec Adrastus monile auro & gemmis præstans Eriphylæ dedit; quo illecta. persuasit viro ut bellum peteret: in quo ipse, terra discedente haustus est. Eriphyle subinde fuit ab Alcæone filio interempta. Alcæon ab Adrasto, & Polynice: Amphilochnus etiam, Alcæonis frater, in bello Thebano periit. Ita ob unius mulieris avaritiam, tota domus Amphiarai exitio demersa est, id est, extincta, ever-
sa.

Demersa excidio: diffidit a urbium
 Portas vir Macedo b, & subruit æmulos
 Reges muneribus: munera navium
 Sævos illaqueant c duces d.

Crescentem sequitur cura e pecuniam,
 Majorumque fames f. Jure g perhorru
 Late conspicuum tollere verticem,
 Mæcenas, Equitum decus.

Quanto quisque sibi plura negaverit h,
 A Dis plura feret i: nil cupientium
 Nudus castra peto k; & transfuga, divitum
 Partes linquere gestio,

Contemptæ l dominus m splendidior rei,
 Quam si, quicquid arat non piger Appulus n,
 Occultare meis dicerer horreis,
 Magnas inter opes inops.

Puræ rivus aquæ, sylvaque jugerum
 Paucorum, & segetis certa fides o meæ,
 Fulgentem p imperio fertilis Africæ.
 Fallit sorte beatior.

(a) Perfregit, disscenit. Arie-
 tis, & tormenti muralis loco
 ei munera fuere. (b) Philippus,
 Alexandri pater; Macedoniæ
 Rex. (c) Corruptant. (d) Gu-
 bernatores: vel, munera na-
 vium, id est, merces peregrinæ,
 quæ navibus advehuntur, duces
 exercituum capiunt. (e) Ser-
 vandæ pecuniæ, metus amit-
 tendæ. (f) Majorum opum, ma-
 joris pecuniæ cupiditas. (g) O
 Mæcenas, qui Equitum & Eque-
 stris ordinis (in eo enim ille
 constiterat præ modestia) decus
 es, ego jure pertinui magnas
 opes possidere, & honores;
 cæteris eminere nolui. (h) Cu-
 piditati suæ, & avaritiæ detra-
 xerit. (i) Obtinebit, a Diis
 scilicet. (k) Metaphora ducitur
 a re bellica: ego partes relin-
 quo avarorum, & amplector
 partes illorum, qui nihil desi-
 derant, pauper, & nihil ipse
 possidens aut cupiens, præter
 id quod satis est. (l) Opum exi-
 guarum, quas ipse contemno,

& quas ob parvitatem alii me-
 rito spernant. (m) Sapiens e-
 nim, sua sorte, ac tenui re
 contentus, ita se gerit, ut non
 ipsi pecunia, sed pecuniæ ipse
 imperet. Sane avarus, pecuniæ,
 quam tangere non audet, qua
 timet uti, dominus dici non
 debet. (n) Apulia solum ferax,
 & agricolæ laboriosi erant.
 Supra Od. 4: (o) Fundus fidelis,
 reddens semper cum fœnore
 sementem commissam. (p)
 Phrasis Græca est: ita est or-
 dinanda: rivus aquæ puræ,
 sylva paucis constans jugeribus
 & prædium non mendax, fallit;
 id est, latet, cum qui fulget
 Africæ imperio, hoc est Impe-
 ratorem, Regem Africæ; latet,
 inquam, illum, ab eo ignoran-
 tur esse hic rivus, hæc sylva
 mea, beatior sorte ac opibus
 suis, & Regum omnium. Ne-
 scit Africæ Rex exiguas meas
 opes, rivum, & sylvulam, esse
 feliciorum sorte sua, Regis
 opibus suis.

Quaquam nec Calabræ ^a mella ferunt apes,
 Nec Lestrygonia ^b Bacchus in amphora
 Languescit ^c mihi, nec pingua Gallicis ^d
 Crescunt vellera pascuis :

Importuna tamen pauperies abest ;
 Nec , si plura velim , tu dare deneges .
 Contracto ^e melius parva cupidine
 Vestigalia ^f porrigam ;

Quam si Mygdoniis ^g Regnum Halyattici ^h
 Campis continuem ⁱ . Multa petentibus
 Desunt multa : bene est ^k , cui Deus obtulit
 Parca , quod satis est , manu .

(a) Calabria, pars est extrema Italiae, prope Siciliam, ubi mel optimum. (b) Formiana. Formiae, oppidum est Campaniae Italiae, ad quod olim Lestrygones, Siciliae populi, commigrarunt: in ejus agro vites optimae, ut flores, & mel in Calabria. (c) Senescit, mitescit. (d) Nempe in Gallia Cisalpina, ad Padum, ubi laeta pascua. (e) Imminuto, refrænato amore divitiarum. (f) Extendam proventus meos latius, & agros,

si nihil cupiam, quam si &c. Nam qui nihil cupit, ditior est, quam qui, multa cum habeat, plura cupit. Vestigal porro saepe sumitur pro fundo & praedio. Vel, vestigalia facillius pendam. (g) Phrygiis. Mygdon fuit Rex Phrygiae, in Asia. (h) Croesi; qui filius fuit Halyattis, & Rex Lydiae ditissimus. Legunt aliqui, *Halyattii*. (i) Continuum, & aliis adiectum, possideam. (k) Illi bene est, cum illo praecclare agitur, cui &c.

O D E XII.

Aelium Lamiam rusticantem admonet de imminente in posterum diem tempestate, quae ipsi occasionem genio indulgendi offeret.

Aeli, vetusto nobilis ab Lamo,
 (Quando ^a & priores hinc ^b Lamias ferunt
 Denominatos, & nepotum
 Per memores genus omne fastos ^c)

(a) Siquidem. (b) Ab isto vetusto Lamo, Lestrygonum Rege, Formiarum conditore. Fuit Aeliorum gens Romae in primis nobilis, omnes honores, ac tandem Imperium ipsum adempta. Q. Aelius Lamia interfuit bello Cantabrico, & Augusto

raris extitit: ad eum scriptam hanc Oden apparet. (c) Fasti erant libri & tabulae publicae, in quas referebatur quid quoque die gestum esset ad Rempublicam spectans, virorum Principum nomina, & res gestae &c.

Auctore ^a ab illo ducis originem,
 Qui Formiarum mœnia dicitur
 Princeps ^b, & innantem ^c Maricæ
 Littoribus tenuisse Lirim,
 Late tyrannus ^d. Cras ^e foliis nemus
 Multis, & alga littus inutili,
 Demissa tempestas ab Euro
 Sternet: aquæ nisi fallit augur
 Annosa cornix ^f. Dum potes ^g, aridum
 Componere ^h lignum: cras genium ⁱ mero
 Curabis, & porco ^k bimestri,
 Cum famulis operum ^l solutis ^m.

(a) Familia principe. (b) Pri-
 mus. (c) Qui dicitur tenuisse,
 id est, obtinuisse, possedisse,
 Formias, & Lirim fluvium, qui
 innatat Maricæ littoribus, si-
 ve, qui alluit littora Maricæ.
 Vocat autem Maricæ littora,
 maritimam oram, in qua sunt
 Cajeta, Formiæ, Minturnæ;
 ubi Eiris, prope Minturnas,
 effundit se in mare: in isto
 enim tractu Dea Marica, Fauni
 uxor, eadem quæ Circe, olim
 colebatur. Est Liris fluvius Ita-
 liæ, dividens Latium a Cam-
 pania; nunc *Carigliano*, vel
Scafati, vocatur. (d) Late Rex:
 amplam ditionem obtineas. (e)
 Ordo est: cras tempestas im-
 missa ab Euro, nisi fallit me
 cornix, quæ est augur & divi-
 na imbrum imminentium, ster-
 net, consternet, sylvas, foliis
 excussis vento, & littora, inu-

tili alga. Est alga, herba quæ-
 dam marina, junco & spuma
 mixta, quam fluctus in ripam
 proficiunt: hinc proverbium,
alga vilis, de re inutili. (f)
 Virgil. 1. Georg. *Cornix rauca
 pluviam vocat improba voce*.
 (g) Nempe antequam imbre &
 tempestate madescat lignum.
 (h) Collige, comporta, imponi
 foco jube. (i) Genio & epulis
 indulgebis. (k) Immolabatur
 porcus Lari & Genio; quia hæc
 pecus ad escam tantum utilis
 est, ac proinde alendæ familiæ
 maxime servit, cui præsent
 Lares, & vitæ tutandæ, ejus
 potens est Genius, & quasi ar-
 biter. (l) Genitivus, Græco
 more, pro ablativo. (m) Qui
 propter tempestatem, labore &
 opere soluti erunt, vacabunt
 ab opere rustico.

O D E XIII.

*Faunum abeuntem precatur, ut agro pecorique
sit innoxius.*

Faune, Nympharum fugientum amator,
Per meos ^a fines, & aprica rura
Lenis incedas; abeasque ^b parvis
Æquus ^c alumnis ^d:
Si tener pleno ^e cadit ^f hœdus anno;
Larga nec desunt Veneris sodali
Vina crateræ ^g; vetus ara multo
Fumat odore ^h.
Ludit herboso pecus omne campo,
Dum tibi Nonæ ⁱ redeunt Decembres;
Festus in pratis vacat otioso
Cum bove pagus.
Inter ^k audaces lupus errat agnos:
Spargit ^l agrestes tibi sylvæ frondes:
Gaudet invisam ^m pepulisse ⁿ fossor ^o.
Ter pede terram.

(a) In agro Sabino villam habebat. (b) Faunus, idem qui Pan, partem anni degere dicebatur in Arcadia sua, partem in Italia: in eam veniebat Idib. Februarii, abibat Nonis Decemb. Hoc ideo finxere, quod Faunus agris ac telluri præsit, quæ, in Italia, mense Februario, solet, hyeme depulsa, refflorescere; Decembri, silere & quiescere. (c) Mitis, innoxius. (d) Ovium, & aliis id genus fœtibus, qui aluntur in villa: ruris vernulis. (e) Tibi a me sacrificatur. (f) Exacto, absoluto. Ut Faunum sibi conciliet, commemorat ea, quæ in eius honorem solebat præstare. (g) A nominativo, cratera, crateræ: dicitur & cra-

ter crateris. Vocatur autem cratera sodalis, idest, socia & amica Veneris, quia sine Baccho & Cerere, ut fert præmia, friget Venus. (h) Thure. (i) Die 5. Decembris, fiebat sacrificium istud Fauno. (k) Ita freti sunt præsidio tuo agni, ut lupos non curent, interque ipsos lupi erent sine fraude. (l) Sylvæ spoliant se frondibus, non tam hyemis adventu, quam pietate erga te; ut nempe tibi humum sternant foliis suis, & sic abeuntem cohonestent & colant. (m) Invisam vocat, quia in ea colenda & exercenda sudat. (n) Vinitor, colonus. (o) Saltando ad numerum.

O D E XIV.

*Telephum hortatur ut, omissis litteris,
et historiis, de vino et epu-
lis cogitet.*

Quantum ^a distet ^b ab Inacho
Codrus, pro patria non timidus mori,
Narras, & genus Æaci ^c,
Et pugnata sacro bella sub Ilio ^d.
Quo Chium ^e pretio cadum
Mercesur; quis aquam ^f temperet ^g ignibus,
Quo præbente ^h domum, & quota,
Pelignis caream frigoribus, taces.

(a) Ordo est. O Telephe, tu mihi narra odiose quantum sit intervallum temporis inter duos Reges Græcos, Inachum, & Codrum &c. taces interim, nihil dicis, quemadmodum mercesur optimum vinum &c.
(b) Quanto post tempore vixit. Inachus Argivorum Regno initium dedit, circa annum mundi 2197. Codrus, Atheniensium Rex ultimus, circa 2980. Is pro patria se devovit, in bello quod inter Dorienses & Athenienses erat. Cum enim oraculum respondisset, eos fore superiores, quorum dux in acie occidisset, pastorali sumpto habitu, hostium agmen ingressus, dum temere iurgium ciet, ab gregario milite interfectus est. (c) Fuit Æacus, Jovis filius, Pelei pater, Achillis avus. Per Æaci genus, possunt significari Æacidae, Peleus, A-

chilles, Pyrrhus &c. Sic Danaides appellat Danaï genus, lib. 1. (d) Troja, sic dicta ab Ilo, Trojano Rege. Sacrum dicitur, ob templorum in ea urbe celebritatem ac multitudinem; vel, quia Neptunus et Apollo ejus mœnia condiderant. (e) Chios insula est maris Ægæi, inter Samum, et Lesbum, vino suo inclyta. (f) Balnei, quo utebantur ante cœnam. Interdum etiam calida vinum temperant; ut vini frigiditas, nive, aut glacie quesita, non noceret. (g) Tepidam faciat. (h) Cujus in domo, quota hora, mensæ accumbam, ad focum, et propulsem hybernum frigus: quod Pelignum vocat, ab regione Pelignorum, nota Horatio, quia Peligni erant vicini Sabinis: eorum regio, propter montes, frigida.

Da lunæ ^a propere novæ ^b,
 Da ^c noctis mediæ, da, puer auguris ^d
 Murænæ: tribus ^e, aut novem,
 Miscentur cyathis pocula commodis.
 Qui Musas amat impares ^f,
 Ternos ter cyathos attonitus ^g petet
 Vates. Tres ^h prohibet supra,
 Rixarum metuens, tangere Gratia,
 Nudis juncta sororibus.
 Insanire juvat ⁱ. Cur Berecynthiæ ^k

(a) Subaudi, poculum, nempe quod hauriam in honorem Lunæ novæ. Sic Ode 7. vocat cyathos amici sospitis, eos qui in amici gratiam siccantur. Cedo pateram; propinare placet Lunæ novæ, nocti mediæ, Licinio Murænæ, auguri recens creato. Erat ille frater uxoris Mæcenatis, & in ejus gratiam scripta hæc Ode videtur. Vide l. 2. Oden 7. Forte per hæc verba. *Auguris Murænæ*, significatur tempus matutinum, quo fere auguria captabantur ab auguribus, quorum unus erat Muræna. Sic tria quædam tempora notare videretur, quod totam noctem vellet portando transigere. (b) Per Lunam novam, quidam suspicantur Lunam vesperi surgentem indicari; ut ver novum dicitur, quod incipit, & Sol novus, Sol oriens; adeoque hæc voce significari initium noctis & cœnæ, quam Horatius productam velit ad mediam noctem, cui se quoque propinaturum ait. Alii per Lunam novam, intelligunt crescentem, nondum plenam. (c) Vocat servum, & quasi arrepto calice, infundi sibi jubet. (d) Augures illi erant, qui ex avium cantu, pastu, volatu, futura prædicebant, ac Deorum voluntatem renunciabant. (e) Id est: commode, convenienter Musis, aut Gratiis bibitur, cum tria pocula ebibuntur, vel cum novem. Pocula erant vasa majora, e quibus vinum propinabatur, & cum aqua miscebatur in cyathis, qui erant minora vasa, seu pateræ.

Funduntur ergo pocula in cyathos, vel tres in honorem Gratiarum, vel novem, in honorem Musarum. (f) Novem. (g) Entheco, quem afflant Musæ, furore percitus; vel subebrius. (h) Ordo est: Gratia, sororibus juncta, id est, tres Gratiæ, prohibent tangi pocula & ebibi supra tria, plura tribus; quia si bibantur plura periculum est rixarum, quas Gratiæ fugiunt. (i) Citra modum, & liberalius bibere certum est: Itaque novem cyathos hauriam, Musarum memor, Gratiis invitis. (k) Phrygiæ. Berecynthus est mons Phrygiæ. Tibiæ Phrygiæ, sive impares dicebantur, cum duæ adhibebantur, altera dextra, altera sinistra, quæ junctæ sonum efficiebant mixtum ex acuto & gravi. Dextra enim tibia (ita dicta, quia dextra oris parte inflabatur) erat unico foramine, eoque apertiori; unde sonus gravior exibat: sinistra vero duplex habebat foramen. & utrumque angustius; unde sonus acutior. Si duæ dextræ tibiæ inflarentur, modus Lydius dicebatur; si duæ sinistrae, Sarranus, sive Tyrius: & tunc pares tibiæ esse dicebantur, quando scilicet duæ erant dextræ, vel duæ sinistrae. Modus porro Phrygius, de quo hic agit Horatius, erat joci et conviviis accomodatior: ita forte dictus, quia inventus a Phrygiis. Ad Comœdias Terentii expurgatas, et a nobis illustratas, in Andriæ limine, Phormionis, etc.

Cessant flamina tibiæ?

Cur pendet ^a tacita fistula cum lyra
Parcentes ^b ego dexteras

Odi: sparge rosas audiat invidus
Dementem ^c strepitum Lycus ^d,
Et vicina ^e seni non habilis Lyco.

(a) E pariete. (b) Parcas. O puer, sparge affatim & large rosas; liberalis esto & prodigus: tales nunc amo. (c) Inconditum, vehementem, ut ab ebriosis tollitur. (d) Vicinus aliquis, Horatio infensus. (e) Uxor Lyci; cuius mores discrepant a mariti moribus, cuium marito non convenit.

O D E XV.

Amphoram suam hortatur, ut, in Corvini gratiam, vinum vetustum, cuius laudes prosequitur, depromat.

O nata ^a mecum, Console Manlio,
Seu tu querelas, sive geris ^b jocos,
Seu rixam, & insanos amores,
Seu facilem pia ^c testa somnum:
Quocumque ^d lectum nomine Massicum ^e
Servas, moveri ^f digna bono die ^g;

(a) Recte illi, meo iudicio, sentiunt, qui negant designari ætatem amphoræ vino vacuæ; quia non laudabatur vetustas vasis, sed vini. Itaque nata dicitur amphora, quo tempore impleta vino fuit; nempe eodem anno, & Consule, quo natus erat Horatius, Urbis 689. L. Manlio Torquato, & L. Anrel. Cotta Cos. (b) Quasi gravida esset amphora querelis, jocis, somno; quia hæc omnia parturire vinum solet. (c) Vox amorem, & venerationem sonans. (d) Non hic designatur nomen Consulis: illud enim disertis verbis jam attulit Horatius: hæc igitur est sententia; qua-

eumque fuerit causa & ratio, cur vinum in te conderetur. Varia enim erit vini bonitas, ob quam servabatur: aliud lenitate, aliud robore, aliud subtilitate, aliud alio nomine præstabat. (e) Est mons in Campania, unde vinum optimam. (f) Ut res sacra; ex apotheca deripi & proferri. Statuæ Deorum, cum ad aliquam supplicationem efferebantur e templis, moveri propria voce dicebantur. Vide Oden 16. lib. 1. (g) Quo, vel Corvinus Consul creatus erat, anno U. C. 722. aut triumphum de Gallis idem retulerat anno 736.

Descende ^a, Corvino ^b jubente ^c
 Promere ^d languidiora ^e vina.
 Non ille, quanquam Socraticis ^f madet ^g
 Sermonibus, te negliget horridus:
 Narratur & prisci Catonis ^h
 Sæpe mero caluisse virtus.
 Tu Iene ⁱ tormentum ingenio admoves
 Plerumque duro: tu sapientium
 Curas, & arcanum jocoso
 Consilium retegis Lyæo.
 Tu spem reducis mentibus anxiiis,
 Viresque, & addis cornua ^k pauperi;
 Post te ^l neque iratos trementi
 Regum apices ^m, neque militum arma.
 Te ⁿ Liber ^o, & si læta aderit Venus,
 Segnesque ^p nodum solvere Gratæ,
 Vivæque ^q producent ^r lucernæ,
 Dum ^s rediens fugat astra Phœbus.

(a) Ex apotheca, ex horreo.
 (b) M. Valerio Messala Corvino
 qui, & consulatum gessit, &
 de Gallia triumphavit. Vide
 Svet. Aug. cap. 58. (c) Quia
 forte se ad cœnam ipse invita-
 verat apud Horatium. (d) De-
 scende ut promas. (e) Vetusta,
 & proinde mitiora. (f) Etsi
 Corvinus austeriori philosophia,
 quam Socrates docuit, & quæ
 sobrietatem maxime commen-
 dat, totus imbutus sit, non
 erit ille tamen adeo tetricus
 & austerus, ut te negligat, ac
 respuat. (g) Imbutus est ad ple-
 num, delibutus. (h) Censorii,
 qui, Plutarcho teste, modera-
 tas epulas non spernebat. Pri-
 scus vocatur, sive senior; nam
 Cato Uticensis erat illius ne-
 pos: Catonis virtute, pro Ca-
 tone virtute prædico. (i) Tu
 expugnas severitatem ac duri-

tiam ingenii asperioris; velut
 admota bellica machina expu-
 gnantur arcus. (k) Vires, au-
 daciam. (l) Ubi plus adhibet.
 (m) Diademata, potestatem, &
 iram. (n) Ordo est, Liber &
 Venus, si quidem læta aderit,
 & Gratæ, & lucernæ vivæ te
 producent, usque dum Phœbus
 rediens fugabit astra: id est,
 producent convivium, in quo
 tu vina nobis dabis, per totam
 noctem. (o) Bacchus; qui Lyæus
 etiam dicitur, quia liberos &
 solutos facit. (p) Quæ segnes
 & pigræ sunt, ad solvendum
 nodum, quo se invicem insertis
 dextris tenent: quæ mutuam
 concordiam arctissime retinent.
 (q) Tandiu lucerna vivere cen-
 setur, quandiu ardet. (r) Pro-
 ferent, protrahent. (s) In lu-
 cernam: tu continuabis epulas,
 per totam noctem.

O D E XVI.

Dianæ pinum consecrat; verrem pro victima pollicetur.

Montium custos ^a nemorumque virgo,
 Quæ laborantes utero puellas
 Ter ^b vocata audis, adimisque letho,
 Diva triformis ^c,
 Imminens ^d villæ tuæ ^e pinus esto:
 Quam per exactos ^f ego lætus annos,
 Verris ^g, obliquum ^h meditantis ⁱ ictum,
 Sanguinem donem.

(a) Diana, sive Luna: partibus eadem dicebatur præesse: tumque Lucina, & Ilithyia vocabatur. (b) Numerus ternarius religioni servit; ac vulgo in sacris adhibebatur. (c) Quia Luna tres maxime phases, ut vocant, seu species & formas habet, crescens, plena, decrescens: item tria nomina; in Cælo vocatur Luna; in terris, Diana; in Inferis, Hecate, sive Proserpina. (d) Incumbens. Significat villam in declivi loco sitam fuisse, & pinum illi velut impositam, in loco supe-

riori & vicino consitam. (e) Tibi sacra, cujus in tutela sunt sylvæ & arbores. (f) Absolutos: vertente anno quolibet, quotannis. (g) Porcelli. (h) Majores dentes, quibus porci utuntur, cum aliquem petunt, ita sunt dispositi ad malæ latus, ut ictum nisi obliquum inferre non possint. (i) Infligere parantis: se se ad obliquos ejusmodi morsus inferendos exercentis; sed frustra, quia prope sacram pinam imolabitur.

O D E XVII.

Phidilen monet, Decs rusticis et minime sumptuosus muneribus recte coli posse.

Cælo supinas ^a si tuleris manus,
 Nascente Luna ^b, rustica Phidile;

(a) Sublimes, porrectas Cælum versus, ita ut vola Cælum respiceret, qui gestus erat supplicantiū. Deos Cælestes precabantur, manibus in Cælum sublatis; marinos, ad mare por-

rectis; Manes & Inferos, terrâ manu vel pede percussa. (b) In noviluniis maxime sacrificia fiebant pro terræ frugibus; quibus augendis aut minuendis præcipua Lunæ vis est.

Si thure placaris ^a, & horna ^b
 Fruge ^c Lares ^d, avidaque porca;
 Nec pestilentem ^e sentiet Africum
 Fœcunda vitis, nec sterilem ^f seges
 Rubiginem, aut dulces alumni ^g
 Pomifero grave tempus ^h anno.
 Nam, quæ ⁱ nivali parcitur Algido
 Devota ^k, quercus inter & ilices,
 Aut crescit Albanis in herbis
 Victima, pontificum secures
 Cervice tinget. Te nihil attinet
 Tentare multa cæde bidentium ^l
 Parvos ^m coronantem marino
 Rore Deos, fragilique myrto
 Immunis ⁿ aram ^o si tetigit manus;

(a) Ultima syllaba longa est, ob cæsuram, vel ob syncopen, placaris enim est, pro placaveris. (b) Præsents anni: ab adjectivo, horna, horna, hornum. (c) Frumento. (d) Deos domesticos: Penates etiam dicuntur. (e) Ob calorem humidum. Est autem Africus, ventus meridionalis. (f) Quia steriles agros facit. Rubigo est vitium segetis, cum aristæ contrabescunt. (g) Pueri & vernulæ tui: vel, fœtus pecudum. (h) Subaudi, sentient: non sentient cœli & tempestatis gravitatem, in anno pomifero, id est, in autumnno; in qua parte anni fructus leguntur, & morbi ingravescent. (i) Sensus est: majores illæ victimæ, quæ, sacrificiis devotæ & destinatæ, pascuntur in Algido (mons est Italiæ) aut pascuis lætis, prope Albam (Urbs est Latii) illæ, inquam, securi ferientur a pontificibus, in majoribus videlicet publicisque sacrificiis. Te vero nihil opus est tentare Deos tuos Lares multa bidentium cæde; quæ coronare illos soles rore marino, & myrto. Deos tentare, est, in hoc loco, Deorum pacem & beneficia exposcere, placare Deos velle, experiri quid ab iis obtineri sacrificio possit. (k) Vota & promissa:

aris destinata. (l) Ovium, pecudum. Bidentes autem vocabantur; vel quia binos dentes hostiæ sic dictæ debebant habere, cæteris sex longiores; vel, quasi bidentes, pro, bienes; quia bimæ debebant esse. (m) Tuos Deos Penates, quorum statuæ parvæ sunt; vel, qui domui tuæ parvæ, & casulæ præsent. (n) Ita sententiam & voces compone. Si, id est; etsi tua manus immunis, hoc est, sine muneribus, aram tetigerit; tamen farre pio, nempe tenui mansuculo & piæ oblato, mollibit Penates; non blandior futura, id est, non aptior futura ad eos placandos, cum hostia sumptuosa, id est, si hostias ingentes & sumptuosa munera iisdem offerret. Vel, in hunc modum; si, dummodo, tua manus immunis culpæ, pura sceleris, aras tangat; tunc nulla hostia sumptuosa erit blandior & aptior ad placandos Deos, quam far pium & mica saliens. Eo sensu hostia nominativus casus erit: & in voce, sumptuosa, erit ultima syllaba producta, ob duas consonantes sequentes, in voce, blandior. (o) Solebant aras manu tangere, cum Diis supplicabant.

Non sumptuosa blandior hostia
 Mollibit ^a aversos ^b Penates
 Farre ^c pio, & saliente mica ^d.

(a) Molliet, placabit. (b) Iratos. (c) Hordeo molito, cui sal mixtus. Utrumque in ignem, (d) Salis mica, seu particula.

O D E XVIII.

Sæculi sui vitia insectatur, & eorum remedia proponit.

Intactis ^a opulentior
 Thesauris Arabum ^b, & divitis Indiæ ^c,
 Cæmentis ^d licet occupes
 Tyrrhenum omne tuis, & mare Apulicum ^e;
 Si figit ^f adamantinos ^g
 Summis verticibus dira necessitas
 Clavos; non animum metu,
 Non mortis laqueis expedies ^h caput.

(a) Ordo est: licet tu, opulentior Arabibus, & Indis, occupes & repleas domibus tuis littus maris Tyrrheni & Adriatici; tamen non expedies animum caris & metu, non corpus mortis necessitate. Avaros igitur primo loco exagitat. (b) Sunt in Asia, inter Ægyptum, & Judæam, latrocinii suis infames ac divites. Intacti appellantur hic, quia nondum in eos arma Romani verterant. Factum id postea, Augusto decimam Consulatum gerente, ab Ælio Largo. Vide 2. Indicem Odarum. (c) Regio Orientalis est, prope Sinam; quam mediis Ganges secat, gemmis & auro locuples. (d) Molibus, cæmento fartis, quibus in maris litore domos imponebant. Vide Oden 1. hujus libri. Sunt au-

tem cæmenta, lapides minutatim cæsi. (e) Adriaticum, in quo est Apulia, oppositum Tyrrheno. (f) Si te mors, si fati necessitas invadit, si clavos summo vertici, id est, capiti tuo, figit, quibus te attrahat, sibi que vindicet. Unco impacto Rei trahebantur in Gemonias. Vide lib. 1. Od. 29. Potest etiam ita explicari; siquidem necessitas, summorum virorum, puta, Regum & Principum, verticibus inficit manus suas clavos trabalibus armatas; tu, illis tanto inferior, non effugies, non vitabis mortis laqueos. (g) Duros instar adamantis. (h) Exolves, extricabis. Sumptum a gladiatore Retiario, qui conabatur caput Mirmillonis implicare reti. Vide Juvenalem a nobis expurgatum, Sat. 8.

Campestres ^a melius Scythæ ^b
 (Quorum plaustra vaga rite trahunt domos,)
 Vivunt, & rigidi Getæ,
 Immetata ^c quibus jugera liberas ^d.
 Fruges, & Cererem ferunt;
 Nec cultura ^e placet longior annua:
 Defunctumque laboribus
 Æquali recreat sorte vicarius.
 Illic ^f matre carentibus
 Priviginis mulier temperat innocens;
 Nec dotata ^g regit ^h virum
 Conjux, nec nitido fidit ⁱ adultero.
 Dos est ^k magna parentium
 Virtus, & metuens alterius viri
 Certo fœdere castitas:
 Et peccare ^l nefas ^m, aut pretium ⁿ est mori,
 O quisquis ^o volet impias
 Cædes, & rabiem tollere civicam ^p,
 Si quæret ^q, Pater urbium,
 Subscribi statuis, indomitam audeat
 Refrænare licentiam ^r;
 Carus ^s postgenitis: quatenus (heu nefas)!

(a) Qui mediis in campis, ac identidem mutatis, degunt. (b) Populi Septentrionales, ubi nunc Moscovia & Tartaria. (c) Non distincta meris & limitibus. (d) Nullius proprias, omnibus communes. (e) Colendæ terræ labor. Terram nemo diutius uno anno colit; sed postquam annuo labore aliquis eorum est defunctus & liberatus, eum vicarius, id est, successor, qui vices ejus & locum accipit, recreat fatigatum & quiescere jubet, eadem sorte nimirum & lege, nempe ut post annum quoque laborem ipsi succedatur. (f) Apud illos noverca non nocet privignis, id est, sui viri filiis, ex alia conjuge susceptis; temperat sibi & abstinet ab eorum nece; in eo se innocentem præstat, quod ab illorum nece temperat. (g) Quæ dotem amplam viro attulit. (h) Illi imperat, viri est domina. (i) Credit, gaudet. (k) Apud Scythas, & Getas, hæc est dos virginum præcipua, quod probis ortæ sint parentibus; quod castæ & servantes certi, id est, conjugalis fœderis; quo ita se alligatas & obstrictas viro suo putant, ut alterum fugiant. (l) Fidem conjugalem violare. (m) Nefas est, non licet. (n) Pœna est. Nefas sibi esse putant peccate; aut si peccant, merces peccati mors est. (o) Hactenus de vitiiis dixit: avaritia & impudicitia: jam agit de remediis. (p) Seditiones, bella civilia; quorum causæ sunt vitia civium. (q) Optabit, ambiet ut statuis suis istud elogium subscribatur, Pater urbis, patriæ etc. (r) Auri & voluptatum cupiditatem, cædes, flagitia. (s) Celebris futurus apud posteros, non suo ævo; quatenus, id est, quia nos odio jam habe-

Virtutem incolumem odimus,
 Sublatam ex oculis quærimus invidi.
 Quid a tristes querimoniam,
 Si non supplicio culpa reciditur ^b?
 Quid leges sine moribus ^c,
 Vanæ proficiunt? si neque fervidis
 Pars ^d inclusa caloribus
 Mundi, nec Boreæ finitimum latus ^e,
 Duratæque solo ^f nives,
 Mercatorem abigunt ^g? Horrida ^h callidi
 Vincunt æquora navitæ:
 Magnum pauperies opprobrium ⁱ, jubet
 Quidvis & facere & pati:
 Virtutisque viam deserit arduæ.
 Vel nos in Capitolium ^k,
 Quo clamor ^l vocat, & turba faventium,
 Vel nos in mare proximum,
 Gemmas ^m, & lapides, aurum & inutile,
 Summi materiam ⁿ mali,
 Mittamus. Scelerum si bene pœnitet,
 Eradenda Cupidinis ^o.

mus homines virtute præditos;
 dum sunt incolumes, & vivunt;
 mortuos quærimus & amamus:
 quod fit ob invidiam. (a) Quo
 valent? quid juvant? (b) Am-
 putatur. (c) Virtutibus, studio
 & amore probitatis, sine pro-
 ba institutione: Non satis est
 hominum peccata legibus, &
 metu pœnæ coercere; sed etiam
 oportet cives ab ineunte ætate
 bene institui, atque ad virtu-
 tem informari. (d) Zona torri-
 da. (e) Zona frigida, hyperbo-
 rea. (f) In solo, in agris: vel,
 ita ut solum & solidum pav-
 imentum efficiant. (g) Deterrent
 a navigando. (h) Procellosa.
 (i) Quam probrosam & turpem
 falso avari putant. Est autem
 hic ordo: pauperies (quæ ma-
 gnum est opprobrium) cogit
 homines ad quidvis tarpe fa-
 ciendum & ferendum; eadem-
 que deserit, id est, in causa
 est cur deseratur virtutis via.

(k) Subaudi vocem infra posi-
 tam, mittamus; comportemus,
 nimirum in templum Jovis Ca-
 pitolini, gemmas, aurum &c.
 aurum Deo ac templis conse-
 cremus, ut a nobis repeti am-
 plius nequeat, tanquam res sa-
 cra, & Superis addicta; ibique
 religioni ac pietati serviat; vel
 projiciamus illud in mare. (l)
 Romani cives, interdum etiam
 Imperatores (id quod de Augu-
 sto Svetonius narrat) dona e-
 jusmodi Capitolio & Jovi offe-
 rebant; quod populus secundo
 favore & lætis acclamationibus
 spectabat, imo eos, qui hæc
 ferrent, in templum applaudens
 deducebat. (m) Gemma proprie
 est lapis quidem pretiosus, at
 pellucens, ut adamas &c. La-
 pis vero, alia quælibet gemma,
 non perspicua. (n) Omnium
 criminum occasionem & irrita-
 mentum. (o) Amoris divitiarum.

Pravi sunt elementa ^a; & teneræ ^b nimis
 Mentēs asperioribus
 Formandæ studiis ^c. Nescit equo rudis
 Hærere ingenuus puer;
 Venarique timet, ludere doctior,
 Seu Græco ^d jubeas trocho ^e,
 Seu malis ^f vetita legibus alea ^g:
 Cum ^h perjura patris fides
 Consortem ⁱ socium fallat, & hospitem:
 Indignoque pecuniam
 Hæredi properet ^k: scilicet improbæ ^l
 Crescunt divitiæ, tamen
 Curtæ ^m nescio quid semper abest rei.

(a) Primordia, radices, fibræ ipsæ extirpandæ. (b) Delicatæ. (c) Exercitationibus. (d) A Græcis invento. (e) Trochus, rota quædam erat, sive circulus ferreus, insertis annulis refertus, quem vicatim pueri non sine arte quadam & venustate, cum sonoro annulorum rinnitu, agitabant. (f) Seu malle, a verbo, malle. (g) Od. 4. lib. 1. Od. 1. & 3. lib. 11. (h) Neque id mirum; siquidem ipsius pater est perjurus, qui socium & hospitem fallere non

dubitet. Perjuram fidem vocat, quæ falso juramento firmata & perjuro fuerit, ad socium facilius decipiendum. (i) Cum quo iniit lueri & damni societatem. (k) Propere ac sedulo quærat, augere festinet. (l) Vel, quæ improbos efficiunt: vel, quæ improbo labore, summo studio colliguntur. (m) Opibus exiguis. Avato suæ opes, etsi crescant semper, tamen videntur brevès, & spe sua minores ac votis.

O D E XIX.

*Se, Bacchi Numine afflatum, laudes Cæsaris
 non humili modo cantaturum.*

Quo me, Bacche, rapis tui ^a
 Plenum? quæ nemora, aut quos agor ^b in specus,
 Velox mente nova ^c? quibus
 Antris, egregii Cæsaris audiar
 Æternum meditans decus ^d

(a) Tuo afflatum Numine: latus, & velox factus. (b) Entheco furore percitum. (c) Canens. Sic Virgil. *Sylvestri Ducor: rapi mihi videor.* (d) *meditatur arundine Musam.* Novo afflatu, quasi pennis sub-

Stellis inserere ^a, & consilio Jovis?
 Dicam insigne ^b, recens, adhuc
 Indictum ore alio. Non secus ^c in jugis ^d
 Exsommis ^e stupet Evias ^f,
 Hebrum ^g prospiciens, & nive candidam
 Thracen ^h, ac pede Barbaro ⁱ
 Lustratam Rhodopen. Ut mihi ^k devio
 Rupes, & vacuum nemus
 Mirari libet! O Najadum potens ^l,
 Baccharumque, valentium ^m
 Proceras manibus vertere fraxinos;
 Nil parvum, aut humili modo;
 Nil mortale loquar: dulce periculum ⁿ est,
 O Lenæe ^o, sequi Deum ^p,
 Cingentem viridi tempora pampino.

(a) Ordo & sententia est: quibusnam in antris cantabo, & audiar canere decus æternam, laudes immortales, facinora præclara, Cæsaris, eaque inserere stellis, hoc est, ad Cœlum tollere, & ipsum Cæsarem cœtui Deorum, e quibus consilium Jovis constat, adscribere? Augustus adhuc superstes, inter Divos relatus, & Deus appellatus est. (b) Aliquid eximium de Cæsare cantabo, res novas, nulli antea dictas. (c) Non alio furore Manades corripiantur, quam quomæ periculum nunc sentio. (d) In montibus Baccho sacris, qualis est Parnassus, Rhodope. (e) Sine somno, Virgil. Orgia, sive sacra Bacchi, noctu agitabantur. Vel, soluta somno, postquam furorem quasi edormivit, & ad se rediit. (f) Bacchi sacerdos mulier & comes, ab Evius, id est, Bacchus. De qua voce dictum sæpe antea. (g) Thraciæ fluvium. (h) Thraciam. (i) Pedibus Thracum, qui ad tua, o Bacche, festa celebranda, in Rhodopen conveniunt, eamque pervagantur, Græci cæteros omnes populos vocabant Barbaros. Adde quod Thraces, ob asperitatem regionis, erant in primis barbari & inculti. (k) Quam ego libens & lætus aspicio, mirorque illas rupes, illud solitarium & vacuum hominibus nemus! Quam libenter devius huc illic aberro & spatior! (l) Ut Venerem Cypri potentem lib. i. dixit; sic Bacchum Najadum potentem, id est, dominum, ducem, vocat. Najades sunt Nymphæ fontium, dantur illæ comites Baccho, quia vinum aqua temperandum. (m) Id est, quæ Bacchæ valent, possunt, fraxinos altas evertere. Furi-pides, in Bacchis, aut Pentheum insequente Agave, & Manadibus, in fraxinum, seu abietem, ascendisse; eamque arborem statim a Bacchis eradicatam, & dejectam cum Pentheo fuisse. Vide Oden 16. lib. III. (n) Periculosum ea polliceri quæ præstare vix possim; atdum est ista magna, & sublimi modo, de Cæsare dicere: sed hæc difficultas est dulcis illi, qui Bacchum ducem & auctorem sequitur. (o) Bacche, a voce Græca, quæ torcular significat. (p) Te Bacchum. Pampinus est vitis folium.

O D E XX.

Se nuncium rebus ludicris remittere.

Vixi choreis nuper ^a idoneus,
 Et militavi ^b non sine gloria:
 Nunc arma ^c, defunctumque bello ^d
 Barbiton, hic paries habebit,
 Lævum ^e marinæ ^f qui Veneris latus
 Custodit. Hic, hic ponite lucida
 Funalia ^g, & vectes & arcus
 Oppositis foribus minaces.
 O, quæ beatam Diva ^h tenes ⁱ Cyprum, &
 Memphim ^k carentem Sithonia nive,
 Regina, sublimi ^l flagello
 Tange Chloen ^m semel ⁿ arrogantem.

(a) Dum essem junior. (b) Lusi, genio indulsi: habet enim sua castra, & arma Cupidæ, ut ait Ovidius. (c) Versus, lyram Solebant milites emeriti, ense; artifices qui deponebant artem aliquam, instrumenta suæ artis, Deo illius artis præsidii consecrare, & suspendere. Itaque Horatius barbitum, sive lyram suam, qua versus olim amatorios scripserat, Veneri consecrat, ac suspendit e pariete ad lævum latus statuæ Veneris, quam in eodem pariete domi suæ habebat. (d) Cessantem a bello, nempe a ludicris carminibus. Defunctus opere aliquo dicitur, quid illud absolvit; bello, qui bello jam caret, in quo versatus antea fuit, emeritus. (e) Læva, seu, sinistra pars minus est honorata; itaque, in Veneris honorem, ad ejus sinistram latus lyram ponit. Custodire, tegere latus est lateri

adstare. Lege Satyram 7. lib. 11. Sat. (f) Venus e mari nata dicitur a poetis: unde illam Græci Pontiam, & Pelagiam vocant. (g) Juvenes protervi, & petulantibus solebant urbem noctu circumcursare cum lampadibus, vectibus, arcubus, &c. illisque armis fores evertent: unde illos arcus vocat minaces foribus oppositis, seu clausis. (h) Venus. (i) Obtines, regis. Vide Oden libri 1. (k) Urbem Ægypti primariam, ubi calores sunt maximi. Quare illam carere dicit nive Sithonia, idest, frigore aspero, quale est in Thracia, regione Europæ frigida, & Septentrionali, quæ olim dicta est Sithonia. (l) In altum sublato, ut ictus sit vehementior. (m) Mulierem superbam, & ferocem: eam a Venere puniri orat. (n) Saltem semel tange; sed ita, ut plagam probe sentiat.

Galatæam, mari se commissuram, faustis omnibus prosequitur; simulque deterrere ab itinere conatur, Europæ exemplo.

Impios a parræ recinentis omen b
 Ducat, & prægnans canis, aut ab agro
 Rava c decurrens lupa Lanuvino d,
 Fœtaque vulpes:
 Rumpat & serpens iter institutum e,
 Si per f obliquum similis sagittæ
 Terruit mannos g: ego cui h timebo
 Providus auspex.
 Antequam stantes i repetat paludes
 Imbrium divina k avis imminentum,
 Oscinem l corvum prece suscitabo
 Solis ab ortu m.
 Sis licet n felix, ubicumque mavis o,

(a) Homines impios, iter aggressuros, ducant sane, ac prosequantur mala omnia, quale est, vox parræ (est avis sinistra) recinentis, id est, iterum atque iterum canentis, occursum canis fœtæ, aut lupæ ravæ, hoc est, rufæ, descendens ab agro Lanuvino, &c. vel serpentis transversæ, & instar jaculi jacentis humi, & equos territantis. (b) Proprie vox est hominum ore prolata, Divino tamen nutu, quæ aliquid faciendum significat. (c) Ravus color est inter flavum, & casium. (d) Lanuvium est vicus in via Appia, per quam iter factura erat Galatea, Brundisium versus (ubi portus erat maris Adriatici celeberrimus) & inde in Græciam solutura. (e) Inceptum. (f) Istud, Si, ponitur pro, cum: ita Catul. *Si luxerit*, id est, cum lucebit. (g) Manni sunt equi exigui. (h) Legendum est hoc sine interrogationis nota, hoc sensu: ego cui

timebo, id est, si quem tarum habebō, cui omnia secunda cupiam evenire; in illius gratiam, precibus meis conabor obtinere a Diis, ut appareat illi corvus oscen ab Oriente; idque faciam auspex, augur providus, antequam cornix repetat paludes, ibique crocians pluviam provocet, ac præsiat. Auguria enim capi non poterant, nisi sereno cælo. (i) Pigras, desides, stagnantes. (k) Prænuicia, præsiaga. (l) Illæ aves oscines dicebantur, quæ auguriam præbebant cantu, quasi, oricines; præpetes, quæ volatu. (m) Corvus ab Ortu volans erat felix omniis. Qui captabant auguria, Orientem Solem spectabant, ut Cæli partem auspiciatissimam. (n) Per me licet sis felix, cupio tibi omnia bene evenire: sed tamen vide, quæso, quid agas &c. (o) Subaudi esse: ubicumque ubi sis, felix esto.

Et memor nostri Galatea vivas:

Teque nec lævus ^a vetet ire picus,

Nec vaga cornix.

Sed vides quanto trepidet ^b tumultu ^c

Pronus ^d Orion? ego, quid sit ater ^e

Adriæ novi sinus; & quid albus ^f

Peccet Japyx ^g.

Hostium ^h uxores, puerique cæcos ⁱ

Sentiant motus orientis Hædi ^k, &

Æquoris nigri fremitum, & trementes

Verbere ^l ripas.

Sic ^m & Europe ⁿ niveum doloso ^o

Credidit ^p tauro latus, & scatentem ^q

Belluis pontum, mediasque ^r fraudes

Palluit audax.

Nuper ^s in pratis studiosa florum, &

Debitæ Nymphis opifex coronæ,

Nocte sublustri, nihil astra præter

Vidit, & undas.

(a) A sinistra volans, quæ pars mali ominis censebatur. Ficus Martius avis quædam est, arborum corticem tundens rostro.

(b) Agitet omnia, & perturbare incipiat. (c) Mugitu ventorum, & maris motu. (d) Vergens in occasum, devexus: tunc enim tempestates excitat gravissimas.

(e) Quam periculosis tempestatibus scateat. (f) Nubilus, frigidus. (g) Ventus ex Apulia flans, commodus Græciam petentibus ille quidem, ac proinde Galatææ optandus, sed infidus tamen, ut Horatius ait, & qui peccare, id est, tempestates interdum soleret excitare. (h) Hostibus imprecari solebant mala, quæ ab amicis vellent amoliri. (i) Improvisos, ignotos. (k) Vide Od. 1. hujus libri. (l) Fluctuum, ripas tudentium in tempestate. (m) Ut te, o Galatæa, nihil vides quod metuas; sic Europe tauro se credidit, ac ponto, nihil periculi metuens, quod experta tamen est gravissimum. (n) No-

ta fabula de Jove in tauro mutato, & Europam vehente; hinc orta, quod Europe, Agenoris Phœnicum Regis filia; rapta fuerit a quodam Rege Græcæ, qui, vel Taurus vocaretur, vel navi, Tauro dicta, veheretur. (o) Qui Deum tegebat. (p) Commisit: imposuit se tauri tergo, a quo est abrepta medias in undas. (q) Plenum portentosis piscibus. (r) Media pericula expalluit, quamvis esset audax. Fraus sæpe pro periculo sumitur. Vel se tantum deceptam sensit, cum in media fraude esset, cum nihil opis aut remediî superesset. (s) Ordo est: quæ nuper, quæ paulo ante, in pratis erat opifex studiosa florum, quæ flores legebat, ut ex iis texeret coronam Nymphis debitam, id est, promissam, eadem Europa nocte sublustri, hoc est, suboscure, nihil vidit præter astra, & undas; subaudi, nempe a tauro rapta, per medium mare.

Quæ simul a centum tetigit potentem
Oppidis Creten; Pater b, o relictum
Filiæ nomen, pietasque, dixit,

Victa furore.

Impudens liqui patrios Penates:
Impudens Orcum moror c. O Deorum
Si quis hæc audis, utinam inter d errem
Nuda leones!

Vilis Europe e, pater urget absens;
Quid mori cessas? potes hac ab orno f
Pendulum, zona bene te secuta g,
Lædere collum.

Sive te rupes, & acuta letho h
Saxa delectant; age, te procellæ i
Crede veloci; nisi herile k mavis
Carpere pensum,

Regius sanguis, dominæque tradi
Barbaræ pellex. Aderat querenti
Perfidum l ridens Venus, & remisso m
Filius n arcu.

Mox ubi lusit o satis; Abstineto,

(a) Simulatque pervenit in Cretam, in qua olim Urbes centum fuisse ferunt. (b) Ordo est: dixit hæc anens & furore victa, furenti similis: O pater, quod nomen rejectum & violatum est a me tua filia! o pietas, quam sprevi, patrem ac patriam deserendo. (c) Maneo invita, superstes sum, Plutonen demoror, qui me ut sibi debitam expectat. Orcum videtur is morari, qui non moriturum, cum mori debet. (d) Errem inter leones, ut ab iis discepar. (e) Seipsam compellat: O vilis, id est, infelix & perdita Europa, quæ patriam & patrem deseruisti, quibus rebus nihil tibi carius debebat esse, en tuus te pater, quamvis absens, urget, tibi scelus exprobrat. Audisne illum increpantem; Quid præterea cessas mori, quid cunctaris? (f) Vicinam arborem aspicit. (g) Forte cæ-

terarum vestium partem amiserat. Bene est, inquit, quod relicta tibi zona sit, cui collum inseras, faucesque tibi frangas. (h) Prærupta & opportuna ad mortem oppetendam facilius. (i) Mari procelloso. Projice te in atros fluctus, qui te confestim hauriant. (k) Lanæ portionem quandam, tibi ab hera Barbara datam, quam trahere cogaris tu quæ Regio sanguine es nata, & tradi illius hære marito, ut sis ejus pellex. (l) Perfidiose, improbe. (m) Soluto. (n) Veneris: Cupido. (o) Ubi Venus satis risit Europam gementem: Noli, inquit, adeo in illum, qui te rapuit, taurum crudelis esse, cum tibi afferet sua cornua discerpenda. An ignoras te uxorem esse Jovis, qui in taurum illum mutatus est? Nescis furor esse Jovis; Græca locutio, pro nescis te esse uxorem Jovis.

Dixit, irarum, calidæque rixæ:
 Quum tibi invisus laceranda reddet
 Cornua taurus.

Uxor inviæ Jovis esse nescis?
 Mitte a singultus; bene ferre magnam
 Disce fortunam: tua sectus orbis b
 Nomina ducet.

(a) Omitte. (b) Pars una ex Europa, quam ab hac Europeis, in quas divisus est orbis, dicta volunt. tuam nomen accipit: nempe

O D E XXII.

*Hortatur Lyden, ut festum Neptuni diem
 bibendo, & canendo transigat.*

Festo a quid b potius die
 Neptuni faciam? Prome c reconditum
 Lyde strenua d Cæcubum;
 Munitæque e adhibe vim sapientiæ:
 Inclinare f meridiem
 Sentis; ac veluti stet volucris dies,
 Parcis g deripere h horreo
 Cessantem i Bibuli Consulis k amphoram.
 Nos cantabimus invicem l
 Neptunum, & virides Nereidum m comas:
 Tu curva n recines lyra
 Latonam, & celeris spicula Cynthiæ o:

(a) Istud Neptuni festum celebrabatur Kalendis Septembr. (b) Quid potius faciam, & melius, quam bibam? (c) Profer ex apotheca. (d) Confestim, propere. (e) Expugna tuam illam sapientiam & modestiam, quæ contra iocos & hilaritatem videtur munita esse. (f) In occasum vergere. (g) Cessare, morari? (h) Cito detrahare: e superiori loco deducere; nam horrea vinaria erant fere in summa ædium parte, ubi vina in amphoris condita, cælo in-

terdam sereno supposita, vel fumo excocta, veterascebant. (i) Jam diu otiosam. (k) Abditam anno U. C. 794. in horreum, sive cellam vinariam, nomine Bibuli inscriptam in operculo, pro more. (l) Alternis. (m) Sunt Nerei filia, Dæmaris. (n) Cava, e curvo ligno & excavato facta. (o) Dianæ: sic dicta a Cyntho, monte Deli. Celerem vocat, quia venatrix; vel, quia Luna suum orbem celerrime perficit.

Summo ^a carmine, quæ Cnidon ^b

Fulgentesque tenet Cycladas ^c, & Paphon
Junctis ^d visit oloribus.

Dicetur merita ^e Nox quoque nænia ^f.

(a) Extremo; post cœtera carmina. (b) Venerem. Cnidus est urbs Caria: Paphus, Cypri; quibus in locis præcipue Venus colebatur. (c) Insulas Ægæi maris. Fulgentes vocat, quia eminus apparent, ob scopulos quibus abundant, & spumam quam efficit mare ad ipsas allisum. (d) Suo currui. (e) Quia per noctem compotaturi erant. (f) Carmine iocoso. Nænia enim pro ejusmodi cantilena interdum sumitur: vel, pro carmine subitisti, quod nocti ac tenebris conyeniat.

O D E XXIII.

*Mecenatem invitât ad frugalem cœnam, Et ut
severiores curas Fortunæ Superisque permit-
tat, monet.*

Tyrrena ^a Regum progenies, tibi,
Non ante verso lene merum cado,
Cum flore, Mœcenas, rosarum, &
Pressa tuis balanus ^b capillis
Jamdudum apud me est. Eripe te moræ ^c;
Ne semper ^d udum ^e Tibur, & Æsulæ
Declive ^f contempleris arvom, &
Telegoni ^g juga parricidæ.
Fastidiosam ^h desere copiam ⁱ, &

(a) O Mœcenas, qui es Regum Tyrrenorum progenies, pro-
genitus ab Etruscis Regibus,
tibi est apud me, tibi servatur
domi meæ, lene merum in cado
nondum inverso, id est, ex quo
nondum haustum est vinum:
os enim dolii erat in superiori
ejus parte; quæ circa inverti,
& versus humum inclinati do-
lium necesse erat, cum ex eo
vinum hauriretur. (b) Glans
quædam odorifera, ex qua ex-
primebatur oleum, sive un-
guentum primæ notæ. Sensus
est: habeo etiam apud me ba-
lanum, ex qua oleum ductum
est, ad capillos tuos ungendos.
(c) Eripe te, ac subducito iis
rebus, quæ te morantur, &
impediunt quominus ad nos ve-
nias, genium cures. (d) Desere
aliquando tuam domum, magna
mole usque ad nubes eductam,
ex qua soles contemplari Ti-
bur, Æsulam, & Tusculum,
vicinas Romæ urbes. (e) Propter
aquarum copiam. (f) In colle
positum. (g) Telegonus, filius
Ulyssis e Cice, patrem im-
prudens interfecit; Tusculum
condidit. (h) Quæ fastidium
& satietatem parit. (i) Luxum,
lautitias mensarum &c.

Molem a propinquam nubibus arduis;
 Omitte mirari beatæ
 Fumum b, & opes, strepitumque Romæ.
 Plerumque c gratæ divitibus vices,
 Mundæque d parvo sub lare pauperum
 Cœnæ, sine aulæis e & ostro f,
 Sollicitam g explicuere frontem.
 Jam clarus h occultum Andromedes pater
 Ostendit ignem; jam Procyon i furit,
 Et stella k vesani Leonis,
 Sole dies referente siccos l.
 Jam pastor umbras cum grege languido m,
 Rivumque fessus quærit, & horridi
 Dumeta Sylvani n; caretque o
 Ripa vagis taciturna ventis.
 Tu, civitatem quis deceat status,
 Curas: & Urbi sollicitus p, times
 Quid Seres q, & regnata Cyro
 Bactra r parent, Tanaisque s discors t.

(a) Domum tuam. (b) Pom- constat, una est præcipua, quæ
 pam, spectacula, gloriam. (c) cor Leonis vocatur. (l) Æstuo-
 Grata sunt sæpe divitibus vi- sos. (m) Ob æstum. (n) Syl-
 ces, id est, vicissitudo & mu- vanus, Deus sylvarum, e Saty-
 ratio, cum dapes opiparas, ac rorum erat gente, caprinis pe-
 mensas, mutant frugalibus & dibus, prolixa & birsuta barba:
 parcis. (d) Nec sordidæ, nec unde hic vocatur horridus; vel,
 sumptuosæ. (e) Aulæa sunt horridi explica, asperi ob ve-
 vela, quibus lacunar desuper pres, & sylvas, quibus gaudet.
 integritur, ne quid in mensam (o) Significatur æstus maximus,
 suppositam decidat. (f) Vesti- qui nullo vento leniatur, ne
 bus purpureis, quibus lectuli in ipso quidem littore, ubi sunt
 insternebantur. (g) Curas di- frequentiores venti. (p) Anxius
 vitibus ademere, eos exhila- ne quid Roma detrimenti ca-
 rarunt. Tristitia frontem in- piat. Erat Mæcenas tum Præ-
 rugas contrahit; explicat læ- fectus Urbis. (q) Asiæ populi,
 titia & exporrigit. (h) Jam si- prope Indos. (r) Pluralis mi-
 gnum Cœleste, Cephens, (Æ- meri, & neutrius generis ea
 thiopum olim Rex, & Andro- vox est. Urbem primariam si-
 medes pater, inter sidera be- gnificat regionis Asiaticæ, pro-
 neficio Minervæ repositus) ori- pe Scythiam, quam Cyrus, Per-
 tur, & suas stellas antea oc- sarum Rex, olim domuit. (s)
 cultas ostendit. Oriri dicitur Fluvius est, in finibus minoris
 septimo Idus Jul. Est istud si- Tartariæ, Europam ab Asia di-
 dus, ad caudam minoris Ursæ. videns, olim Scytharum regio-
 (i) Signum cœleste, Canis mi- nem alluens. (t) Quia Scythæ,
 nor; sive canicula, ut quidam Parthi, & alii circa fluvium
 volunt. (k) Signum Leonis; hunc positi Orientis populi,
 quod ingreditur Sol exeunte sibi dissidebant, domesticis bel-
 Julio. Inter stellas q quibus lis agitati.

Prudens ^a, futuri temporis exitum
 Caliginosa nocte premit Deus;
 Ridetque, si mortalis ultra
 Fas trepidat. Quod adest ^b, memento
 Componere æquus: cætera fluminis
 Ritu feruntur, nunc medio alveo
 Cum pace delabentis Etruscum ^c
 In mare, nunc lapides adesos ^d,
 Stirpesque ^e raptas, & pecus, & domos
 Volventis una ^f, non sine montium
 Clamore, vicinæque sylvæ;
 Quum fera diluvies ^g quietos
 Irritat ^h amnes. Ille potens sui ⁱ,
 Lætusque deget ^k, cui licet ^l in diem
 Dixisse, Vixi. Cras vel atra
 Nube polum pater ^m occupato ⁿ,
 Vel Sole puro; non tamen irritum
 Quodcumque retro est, efficiet; neque
 Diffinget ^o, infectumque reddet,
 Quod fugiens ^p semel hora vexit.

(a) Certo consilio. Sensus est: consulto Deus futurarum rerum eventus nobis ignotos esse voluit; ridetque homines cum trepidant, id est, solliciti sunt, ultra id quod ipsis licet, quod commode possunt; nempe si de futuris, quæ in ipsorum potestate non sunt, nimis anxii sunt. (b) Da operam ut componas, id est, recte ordines, & æquo animo constituas ea quæ præsentia sunt: nam cætera, id est, futura, modo pacata sunt, modo turbida & inquieta; more fluminis &c. (c) Alluit Italiam, ab Occidente, & Meridie. (d) Vetustate, vel aquis, corrosos & comminutos. (e) Arbotes ab radicibus evulsas. (f) Simul. (g) Aquarum subita vis & inundatio. (h) Quasi provoeat ad stragem agris inferendam, & in furorē agit. (i) Sui compos & dominus. (k) Vivet. (l) Qui hoc poterit vere pronunciare;

Ego vixi in diem, id est, præsentem tantum diem, curo, de crastino non laboro; præsentibus rebus acquiesco, & contentus sum. (m) Deus. Jupiter. Sententia est: cras Deus statuat quod libuerit; vel clarā & serenā diem, vel obscurā & nubilā orbi donet; non tamen efficiet ut quod est retro, id est, quod est præteritum, & factum sit irritum, hoc est, infectum sit, & non præteritum. His verbis innuit, id solum esse nostrum quod viximus; nullum in præterita Jus esse Fortune. (n) Tertia persona imperativi. (o) Destruet, mutabit. Fingere proprie, est ex argilla vas formare: diffingere, est, vel destruere quod factum & formatum est, vel reformare quod est fractum, & quassatum. (p) Quod tempus secum abstulit, quod semel præterit.

Fortuna ^a sævo læta negotio, &
 Ludum insolentem ^b ludere pertinax,
 Transmutat ^c incertos honores,
 Nunc mihi, nunc aliis benigna.
 Laudo manentem ^d: si celeres quatit
 Pennas ^e, resigno ^f quæ dedit, & mea
 Virtute me involvo ^g, probamque
 Pauperiem sine dote ^h quæro.
 Non est meum ⁱ, si mugiat Africis
 Malus procellis, ad miseræ preces
 Decurrere, & votis pacisci,
 Ne Cypriæ Tyriæque merces
 Addant avaro divitias mari.
 Tunc me biremis ^k præsidio scaphæ ^l
 Tutum per Ægæos tumultus
 Aura feret, geminusque ^m Pollux,

(a) Quæ seivire gaudet, hominesque ut pilas exercere ac factare adversis rebus: cuius negotium & occupatio videtur una esse, ut negotium nobis facessat, nos ludat. (b) Inexpectatum; vel, odiosum & superbum. (c) Huc illuc crebra mutatione transfert. (d) Apud me constanter habitantem; mihi faventem. (e) Si avolat, si me deserit. Solent enim aves avolantes pennas concutere. (f) Reddo illi & restituo. Sumitur ea vox a re nummaria: qui enim pecuniam reddebant, quam acceptam significaverant in argentarii aut creditoris tabulis, illi redditam demonstrabant suo signo & nomine, vel deleto & inducto, vel iterum scripto, & signato: qua etiam significatione accipiebatur verbum, *rescribo*; de quo vide Satyram 3. libri 2. (g) Ut veste, quæ nos a frigore defendit; ita mea me virtute contra Fortunæ vim & injuriam munio. (h) Sine Fortunæ muneribus. Contentus sum probitate paupere; & illam tanquam uxorem indotam non respuo. (i) Sententia est: non is ergo sum, ut velim augere meas

opes navigatione & commercio, & vota facere Superis, dum tempestas sæviet, malusque navis meæ, procellis a vento Africo excitatis verberatus, stridebit ac ingemiscet; votisque illis quasi pacisci cum Diis, & ab illis emere, ut ne meæ merces, quas e Tyro aut Cypro advexerim, demergantur in mare, quod multorum iam opes hausit, servatque instar avarorum. Nunquam ego peregrinis mercibus pretiosis navim onerabo, quibus timeam, scilicet ne, ingruente tempestate, pereant; sed si tempestas sæviet, navigante me; tunc ego, de nulla re, præterquam de capite meo & salute sollicitus, descendam in scapham biremem, id est, naviculam exiguam, & tutus Deorum præsidio, per tumultuantes in Ægæo mari procellas, leni vento a Polluce immisso, in portum vehar. (k) Quæ duobus remis tantum agatur. (l) Solent ejusmodi scaphæ adjungi majoribus navigiis, ut, si periculum ingruat, in ea vectores possint se recipere. (m) Coniunctus cum suo fratre Castore, vel, gemellus, qui eodem partu

*Immortalem sibi ab lyricis versibus gloriam
adpromittit.*

Exegi ^a monumentum ære perennius,
Regalique situ ^b Pyramidum ^c altius;
Quod non imber edax, non Aquilo impotens ^d,
Possit diruere, aut innumerabilis
Annorum series, & fuga temporum.
Non omnis ^e moriar: multa que pars mei ^f
Vitabit Libitinam ^g: usque ego ^h postera
Crescam laude recens, dum ⁱ Capitolium
Scandet cum tacita virgine pontifex.
Dicar ^k, qua violens ^l obstrepit Aufidus ^m,

editus est a Leda cum fratre suo Castore. Ignis quidam, & erraticæ exhalationes, seu vapores, instar stellarum apparent interdum in mari, & serenitatis indicium faciunt. Vocantur Castor, & Pollux; ac tantis favere dicuntur, maxime si duo simul appareant.

(a) Perfeci carmina, quæ ingenii mei & eruditionis monumentum erunt durabilius omnibus ex ære monumentis & operibus. Potest hoc loco monumentum accipi proprie pro sepulchro; quasi diceret: Reges Ægypti sibi Pyramides olim pro sepulchris erexerunt; ego illustris mihi sepulchrum condidi &c. (b) Basi, substructione. (c) Erant Pyramides, saxæ quædam moles, e basi quadrata in acumen surgentes, mira altitudine & amplitudine; ab Ægyptiis Regibus ædificatæ: ut in iis, morte obita, conderentur. (d) Vehementer sæviens. (e) Totus. (f) Ingenium, mens, fama. (g) Mortem effugiet. Erat Libitina, Dea funertum. (h) Semper ego nova & recenti, id est, non senescenti laude apud posteros vigebo;

& in dies magis magisque celebrabor. (i) Donec Romanum Imperium (quod æternum credebant fore) durabit: donec sacra fient in Capitolio, & in illud ascendent Pontifices maximi cum Vestali virgine. Singulis Idibus fiebant a Pontificibus in Arce sacrificia; quæ idcirco Idualia vocabantur. Aliqua e Vestalibus semper aderat cum Pontifice maximo, in omnibus sacrificiis; neque tamen sacrorum verba ulla pronuntiabat, sed solus Pontifex: atque ideo dicitur *tacita*. Porro centum gradibus in Capitolium ascendebatur. (k) Ordo est ac sententia. Omnes in Italia (in qua est fluvius Aufidus, & in qua Daunus regnavit) dicent ac prædicabunt me, ex humili potentem, id est, clarum ex obscureo & ignobili factum, Æolium carmen, nempe lyricum, deduxisse ad Italos modos, id est, in Eatum, in Latinam linguam invexisse, principem, primum omnium. Nemo enim ante Horatium lyricos versus Latinos fecerat. Vide l. 2. Odarum, Od. 10. (l) Antiquæ, pro violentus. (m) Fluvius Apuliæ.

Et qua pauper aquæ Daunus ^a agrestium
 Regnavit populorum ^b, ex humili ^c potens,
 Princeps Æolium carmen ad Italos
 Deduxisse modos ^d. Sume ^e superbiam,
 Quæsitam meritis, & mihi Delphica ^f
 Lauro cinge volens, Melpomene, comam.

(a) In Apulia regnavit. Dicitur aquæ pauper; quia totus Apuliæ tractus maxime siccus est, et aquarum inopia laborat. Fuit etiam in eadem Apulia fluvius Daunus, a Rege Dauno dictus; de quo isti versiculi possunt intelligi: fluvii quippe regionibus imperitate dicuntur apud Poetas. (b) Verbum *regno*, apud Græcos, cum gignendi casu ponitur; quod hic Horacius est imitatus, ut alia pleraque. Agrestes dicuntur Apuli; quia incultiores aliis Italiæ populis erant. (c) Qui prius eram humilis et ignotus, nempe li-

bertini patris filius etc. (d) Cantus, numeros. (e) O Melpomene, accipe in bonam partem hanc qualemcumque meam arrogantiam, qui mihi tam fidenter immortalem gloriam ausim polliceri: est illa meritis quæsitæ, et mihi jure concedenda, atque ignoscenda. Erat Melpomene una e Musis, Rhetoricæ præses. Vel Melpomene, sume spiritus majores, gloriare merito, et superba esto, me vate. (f) Apollinea. Delphis (quæ civitas est Bœotiæ, juxta Parnassum) Apollo in primis colebatur, ac edebat oracula.

Q. HORATII FLACCI

O D A R U M

LIBER QUARTUS.

ODE I.

*Julus Antonius rogaverat Horatium, ut Pindarum
imitatus Augusti victoriam caneret.
Illi respondet.*

Pindarum ^a quisquis studet æmulari,
Jule ^b, ceratis ^c ope Dædalea
Nomina ponto.

Monte decurrens velut amnis, imbres
Quem super notas aluere ^d ripas,
Fervet ^e, immensusque ruit profundo. ^f
Pindarus ore:

Laurea ^g donandus Apollinari,

(a) Fuit Pindarus poeta Thebanus, Lyricorum apud Græcos princeps: floruit Olympiade 75. ante Christum, annis 440. (b) Julius Antonius, filius Marci Antonii Triumviri, post necem patris, veniam ab Augusto & eximios honores adeptus, cum nihilominus in eum conjurasset, ejusdem jussu est interfectus. (c) Sensus est: quicumque studet Pindarum imitari, ille alis utitur ceratis ope Dædalea, id est, cera compactis a Dædalo: idem facit quod Icarus, qui alas humeris aptavit, confectas a patre suo Dædalo; sed ejus fatum idem erit

atque Icarus, qui solutis penis, Sole ceram liquefaciente, in mare decidit; cui nomen suum dedit. Icarium mare, pars est Ægæi maris: vitreum vocatur, id est, cæruleum, vel pellucidum, instar vitri. (d) Auxere, ita ut supra ripas exundet. (e) Stylus Pindari est incitatus, uberrimus, & sentiarum gravitate præstans; itaque recte cum fluvio æstuante, immenso ac profundo comparatur. (f) Carmine, stylo, amplo, vasto, sublimi, copioso. (g) Corona, e lauro, qua solet Apollo coronari, & vates suos coronare.

Notas pennis albes dactylis

Seu per audaces nova^a dithyrambos^b
 Verba devolvit^c, numerisque^d fertur.

Lege solutis^e:

Seu Deos, Regesque canit, Deorum
 Sanguinem^f; per quos^g cecidere justa
 Morte Centauri^h; cecidit tremendæ

Flamma Chimæaræⁱ:

Sive^k quos Elea domum reducit,
 Palma cœlestes; pugilemve^l, equumve^m

(a) Novata, a Pindaro facta; non ante usitata. (b) Versus erant liberiores, primo in Bacchi, deinde heroum honorem facti; in quibus metaphora, sententiæ, omnia erant grandiora & sonantiora: hinc audaces vocat, nempe ob rerum & verborum copiam, licentiam, ampullas. Vocati sunt autem Dithyrambi, vel, quia Bacchus ipse Dithyrambus est appellatus, quasi bis in vitam missus; vel ab eo, qui primus genus illud carminis invenit. Vide Turneb. lib. 1. c. 4. (c) Vox a fluvio sumpta, qui magna vi e superiore loco delabitur ac præcipitat. (d) Numeri, sive modi in versibus, proprie pertinent ad cantum, cujus mensuræ sunt: pedes, ad syllabarum quantitatem & mensuram. Sæpe inter se ista duo confunduntur. (e) Dithyrambi sunt versus liberiores. (f) Reges, Deorum filios appellabant. (g) Pirithoum & Theseum significat. (h) Tauri quidam in Thessalia, furore correpti, montem Pelion occupaverant; unde obvios impetebant, & totam circum vastabant regionem: eos domuere, & jaculis confecere juvenes quidam e vicino pago, cui nomen Nephele, equis adhibitis; quorum in tergo sedentes cum primum sunt aspecti, quod antea nondum visum erat, ab eminus intuentibus monstra ex hominibus & equis composita esse credita sunt, quos centauros appellaverunt,

a jaculis, quibus tauros interfecerant. Illi cum in Hippodamiae & Pirithoi nuptiis, matronas quasdam pulsassent, & pirithoum ipsum tractassent contumeliosius, ab eo cæsi sunt. Od. 16. l. 1. Ovid. l. 13. Metam. (i) Mons Lyciæ fuit; cujus in vertice leones stabulabantur; in radice, serpentes; in medio, capræ pascebant: unde nata fabula, monstrum esse leonino capite, alvo caprina serpentina cauda, flammam vomens ore, &c. Hoc monstrum Bellerophon domuit. (k) Subaudi, canit; seu canit Pindarus eos quos Elea palma, id est, corona rælata in ludis Olympiis, apud Elidem, Græciæ civitatem, celebrari solitis, reducit domum Cælestes, id est, Superis æquales, Cælestibus, ob rælata cum victoria gloriam, comparandos. (l) Sive dicit, sive laudat pugilem, id est, aliquem qui pugno vicerit: quod certaminis genus unum erat e quinque certandi modis, in celeberrimis illis ludis usurpatis solitis, saltu, disco, cursu, lucta, & pugilatu. Pugiles igitur proprie nudis pugnibus decertabant inter re; quos interdum tamen armabant cæstibus. Erant autem cæstus, involucre e corio bubulo facta, quibus extremam brachii partem, ad validiores ictus infligendos, tegebant armabantque. (m) Aut aliquem laudat, qui curuli vicit certamini. Imo equi victorum coronabantur & laudabantur.

Dicit, & centum potiore signis ^a

Munere ^b donat:

Flebili ^c sponsæ juvenemve raptum
~~Piscat~~; & vires, animumque, mores-
 que aureos deducit in astra ^d, nigro-
 que invidet ^e Orco.

Multa ^f Dircaëum levat aura cygnum ^g,
 Tendit, Antoni, quoties in altos

Nubium tractus ^h: ego, apud Matinæ ⁱ

More, modoque,

Grata carpentis thyma per laborem

Plurimum, circa nemus, uvidique ^k

Tiburis ripas, operosa ^l parvus

Carmina fingo ^m.

Concines majore ⁿ Poeta ^o plectro

Cæsarem, quandoque ^p trahet feroces

Per sacrum clivum ^q, merita decorus

Fronde, Sicambros ^r;

Quo nihil majus, meliusve terris

Fata donavere, bonique Divi:

Nec dabunt, quamvis redeant in aurum

Tempora priscum.

Concines lætosque dies, & Urbis

Publicum ludum super ^s impetrato

(a) Statuis. (b) Versibus; (h) Aeris vasta spatia, ubi nu-
 qui potiores & pluri æstimandi bes pendent ac trahuntur. Tra-
 sunt, quam centum statuar. (c) ctus de terra pariter & mari
 Dignæ fletu ac lachrymis. (d) dicitur, pro regione, æquore.
 Laudibus in Cælum tollit. (e) (i) Martinus est mons Italiæ, in
 Vindicat ab Orco; morti quasi Calabria. (k) Humidi. Tiburis
 oblivioni ereptam, immortalitate autem ripas dicit, pro ripis
 donat. Quæ enim aliis fluminum, quibus Tibur allui-
 invidemus, adimimus, aut certe tur. (l) Elaborata, laboriosa.
 adimere illis volumus. (n) Pin- (m) Elaboro. (o) quam ego
 daras, cygnus ille Dircaëus, scilicet. De plectro, vide Od. l.
 id est, vates Thebanus, (a Dirce, lib. 2. sub finem. (p) Tu, &
 fonte vicino Thebis, quæ urbs Antoni, poeta præstantissime.
 est Græciæ in Bæotia) multo (q) Quando. (r) Viam Sacram,
 vento, aura favente; & secunda, in altis nubes tollitur;
 id est, utitur in his omnibus (s) Germaniæ
 dicendis, sive Deos, sive Re- populos, ubi est nunc Gueldria.
 ges & victores canat, stylo Bellum in eos gestum est, circa
 sublimi, & humum spernit fu- annum 738. Vide 2. Indicem
 giente penna. (g) Poetæ, cum Odaram, ad hunc annum. Ab
 Cygnis, qui suavissime canere ea regione orti sunt Franci, &
 feruntur, comparari solent. in eas, quas obtinent modo,
 Gallias effusi. (s) Propter.

Fortis Augusti reditu ^a, forumque
Litibus orbum ^b.

Tum meæ ^c (si quid loquar audiendum ^d)

Vocis accedet bona pars, & O Sol
Pulcher, o laudande, canam, recepto ^e
Cæsare felix ^f.

Tuque ^g dum procedis: Io ^h triumphe,
Non semel dicemus: Io triumphe,
Civitas omnis; dabimusque Divis
Thura benignis.

Te decem tauri, totidemque vaccæ,
Me tener solvet ⁱ vitulus, relicta ^k
Matre, qui largis juvenescit ^l herbis
In mea vota,
Fronte ^m curvatos imitatus ignes
Tertium Lunæ referentis ortum,
Qua notam ⁿ duxit, niveus videri ^o,
Cætera fulvus.

(a) E Germania, quo se con-
tulerat, bello Sicambrico; ex
quo cum in Gallias esset pro-
fectus, inde rediit Romam anno
U. C. 741., ubi tunc Julius An-
tonius Præturam gerebat. (b)
In publica lætitia, vel luctu,
silebat forum, id est, lites nul-
læ agebantur: idque appellabant
justitiam. (c) Tum addam vocis
meæ bonam partem, ad augen-
dam publicam gratulationem:
contendam vocent, & excla-
mabo; O Sol, O dies pulcher &c.
(d) Audiri dignum, quod tanti
sit. (e) Ego, felix ob Cæsarem
reducem, canam &c. (f) Recu-
perato, qui videbatur amissus:
vel, cujus salus in dubium ve-
niebat, propter incertos belli
eventus. (g) Ipsum triumphum,
pro more, tanquam si esset
persona, compellat. Vel, ipsum
Antonium alloquitur; qui, ut
erat Prætor, processurus erat;
id est, insigni quadam pompa
cultuque incessurus, ad ordi-
nandum triumphum, & coho-
nestandum. (h) Vox lætitiæ in-
dex; alias doloris & fletus.
(i) Voto. Damnari dicuntur
voto, quibus id quod optave-
runt, quod voverunt, contigit;
& ita obligantur: solvuntur
isto quasi vinculo, cum id,
quod Superis promiserant, red-
dunt. (k) A lacte depulsus. (l)
Crescit, adolescit. (m) Habens
cornua in fronte curvata, in-
star Lunæ crescentis & tertio
die apparentis. (n) Certa cor-
poris parte (fortasse in fronte,
ubi pecudes solent notari, ut
agnoscantur cuius sint) nota
candida insignis, cætero cor-
pore, quod spectat reliquas
partes corporis, fulvus. (o)
Hellenismus, pro niveus visu.

O D E II.

*Gratias agit Melpomenæ, pro beneficio lyricæ poe-
seos, sibi ab ea concesso.*

Quem tu ^a Melpomene ^b semel
Nascentem placido lumine videris
Illum non labor Isthmius ^c
Clarabit ^d pugilem ^e; non equus impiger
Curru ^f ducet Achaico
Victorem: neque res ^g bellica Deliis
Ornatum foliis ducem,
Quod Regum tumidas contuderit minas,
Ostendet Capitolio:
Sed, quæ Tibur ^h aquæ fertile perfluunt ⁱ,
Et spissæ nemorum comæ,
Fingent ^k Æolio ^l carmine nobilem.
Romæ ^m, principis urbium,
Dignatur soboles inter amabiles

(a) Cui nascenti favere dignata sis. (b) Una c Musis. (c) Certamina Isthmica. Isthmus est angusta pars terræ, interjacens inter duo maria. Celeberrimus est Corinthiacus in Græcia, in faucibus Peloponnesi, inter Ægæum & Jonium mare. In eo Isthmo est Corinthus; cuius urbis Rex olim Sisiphus certamina quædam instituit, in honorem Melicertæ. Eadem postea Theseus Neptuno dedicavit; celebrabantur quinto quoque anno, ut vult Plin. lib. 4. vel, ut docet Pindarus, tertio. (d) Clarum efficiet. (e) Vide Oden superiorem. (f) Id est: non sedebit in curru Achaico victor, ob equorum suorum pernicitatem. Achaicum vocat currum; quia Corinthus, & Isthmus, in quo fiebant certamina Isthmica, de quibus agit, sunt in Achaja, Peloponnesi parte. (g) Ordo est: Neque res bellica, res præclare in bello gesta, eum ostendet

Capitolio ducem & imperatorem triumphantem, ornatumque foliis Deli, id est, laurea Apollinari (a Delo insula, Apollini sacra) quod Reges superbos minacesque confuderit, profligaverit. Non ibit Romam, post hostes victos, gratias acturus Jovi in Capitolio. (h) De illa urbe, vide librum 2. Oden. 4. (i) Præterfluunt, allaunt, magna ubertate & copia: nam sæpe auget verbi, cui jungitur, significationem vocula ista, præ. (k) Reddent idoneum: ut Æolia carmina conficiat, quibus nobilitetur, & famam insignem sibi comparet. Poetæ sylvarum amænitate ac secessu maxime gaudent. (l) Lyrico: quia Alcaeus & Sappho, ejus carminis auctores, quos Horatius imitatus est, erant oriundi e Lesbo insula, & ex urbe Mitylene, quæ ditionis Æolicæ erat; ut dictum libro tertio. (m) Romani.

atum ponere me choros;

Et jam dente minus mordeor invido.

O testudinis ^a aureæ

Dulcem quæ strepitum ^b, Pieri ^c, temperas ^d!

O mutis quoque piscibus

Donatura cycni ^e, si libeat, sonum!

Totum muneris hoc tui est,

Quod monstror digito prætereuntium,

Romanæ fidicen ^f lyræ;

Quod spiro ^g, & placeo (si placeo) tuum est.

(a) Lyra testudo vocatur; quia imposita sunt fides, sive chordæ, ligno incurvo, in morem tegminis & tergi testudinei: vel, quia primam lyram compegit Mercurius ex ejusmodi concha & tergo testudinis. (b) Testudinis cantum. (c) Vocativus, a recto, Pieris. O Musa, o Melpomene. Musæ, vocatæ sunt Pierides, a Pierio fonte Macedoniae, ipsis sacro. (d) Moderaris: quæ lyram meam regis. (e) Cygneam vocem. In

dictione *Cygni*, prima syllaba est *cy*; secunda *gni*: unde prima syllaba est brevis. Sic Martialis secundam corripit in voce, *Smaragdus*, exemplo Græcorum. (f) Poeta Latinus lyricus. Fidicen is est, qui fidibus & lyra canit. Sæpe gloriatur Horatius se principem versus Latinos lyricos fecisse. (g) Vitam se acceptam referre Musis, non semel testatus est. Vide Oden 4. lib. 3. his verbis, *vestris amicam* &c.

ODE III.

Drusi laudes, post reportatam ab illo insignem de Rhætis, & Vindelicis victoriam.

Qualem ^a, ministrum fulminis ^b alitem,
Cui Rex Deorum in aves vagas
Permisit, expertus fidelem
Jupiter in Ganymede ^c flavo,
Olim ^d juventus, & patrius ^e vigor

(a) Ordo est. Qualem aquilam (quæ ministrat Jovi fulmina, & cui ille regnum in alias volucres dedit, postquam expertus est fidelem in Ganymede rapiendo) juvenile robur & innatus vigor exire nido cogit, insciam laborum, id est, adhuc imperitam volandi, pugnandi, &c. talem Drusum hostes sentire. (b) Jovis fulmina gestare aquila dicitur; vel quod, ut

Plinius auctor est, nunquam fulmine feriatur: vel, quod in altissimos nubium tractus evolet, ubi fulmina proceduntur, & unde in terras decidunt. (c) Fuit Ganymedes, filius Trois, Trojanorum Regis: raptus a Jove in aquilam mutato dicitur, ut Superis in Cælo nectar misceret (d). Aliquando: vulgo. (e) A patre acceptus.

Nido laborum p̄populit inscium;
 Vernique ^a, jam nimbis remotis,
 Insolitos ducere nisus
 Venti paventem; mox in ovilia ^b
 Demisit hostem ^c vividus impetus;
 Nunc in reluctantes ^d dracones
 Egit amor dapis, atque pugnæ:
 Qualemve ^e lætis caprea pascuis
 Intenta, fulvæ matris ^f ab ubere ^g
 Jam lacte depulsum leonem,
 Dente novo ^h peritura vidit:
 Videre Rhœti ⁱ bella sub Alpibus
 Drusum ^k gerentem & Vindelici ^l, quibus ^m
 Mos unde deductus per omne
 Tempus Amazonia securi
 Dextras obarmet, quærere distuli;
 Nec scire ⁿ fas est omnia. Sed diu
 Lateque victrices ^o catervæ,

(a) Ordo est: & venti verni, jam remotis nimbis, id est, jam depulsa & fugata hyeme, eandem aquilam, quam vis adhuc paventem, doerant nisus insolitos. Per *nisus*, intellige conatum & laborem junioris aquilæ, in volando, in librandis pennis; in quo utitur ope ventorum, a quibus defertur, & veluti docetur volare. (b) Ad agnos rapiendos. (c) Ruentem, hostili more & impetu. (d) Pugnaces, & contra aquilam se acriter defendentes. Mutuum enim inter se odium exercent, & natura insitum. (e) Qualis est leo, cum in capream, occupatam in herbis depascendis, & nihil de hoste ac periculo cogitantem, fertur &c. (f) Læonæ. (g) Recentem ab ubere, qui non ita pridem ubera sugere desiit; quod idem est ac, lacte depulsum, in sequenti versiculo. (h) Nondum ad prædam & eadem exercitatio, assuefacto. (i) In Germania sunt, ubi nunc Grisones, & Tirolensis Comitatus, ad Alpium radices. (k) Cl. Drusus,

filius Tiberii Neronis fuit, ac Livie Augustæ, quæ, relicto & annuente priori viro, Augusto nupsit, ac tertio quam nupsit mense, hunc Drusum peperit: de quo vide Vellejum Paterculum lib. 2. c. 97. 8. (l) Infra Rhætos, ad Danubium Baviaræ pars & Suabiæ nunc est. (m) Qui Vindelici eorum hunc morem habeant, & unde deductum, id est derivatum, ut arment dextras securi, quali Amazones olim usæ sunt, neglecti & in aliud tempus distuli diligentius investigare. Feruntur Amazones primæ securim in bello adhibuisse: erant illæ bellicosæ feminæ, quæ magnam partem Scythiæ circa Tanaim, & Asiæ circa Thermodoontem fluvium, occupaverunt. (n) Videtur hic jocari Horatius, & aliquem irridere, qui forte, cum Drusi victorias easdem celebraret, in ea re investiganda multus fuerat. (o) Rhætorum & Vindelicorum, qui magnas antea clades Romanis intulerant. Vide Paterc. lib. 2.

Consilii juvenis ^a revictæ ^b
 Sensere, quid mens ^c rite, quid indoles
 Nutrita faustis sub penetralibus ^d
 Posset, quid Augusti paternus
 In pueros ^e animus Neronēs.
 Fortes creantur ^f fortibus, & bonis.
 Est in juvenis, est in equis patrum
 Virtus; nec imbellem feroces
 Progenerant aquilæ columbam.
 Doctrina ^g sed vim ^h promovet insitam,
 Rectique cultus ⁱ pectora roborant:
 Utcumque ^k defecere mores,
 Dedecorant bene nata culpæ.
 Quid debeas, o Roma, Neronibus ^l,
 Testis Metaurum ^m flumen, & Asdrubal

(a) Drusi. (b) Vicissim victæ, quæ antea Romanos diu lateque vicerant. (c) Mens consilium & prudentiam indicat: indoles, virtutem & mores. Est autem hic ordo: sensere quid mens, quid indoles nutrita rite, id est sancte, & more institutoque majorum, posset. (d) In Augusti domo. Penetræ proprie est pars illa domus, ubi coluntur Penates, seu Dii domestici: pro tota domo sumitur. (e) Tiberium Neronem, & Cl. Drusum privignos suos, filios Tiberii Neronis, & Livie: quorum tutor Augustus, ipsis a parente Tiberio moriente dictus, & animo & benevolentia pater fuit. (f) Gignuntur. Vox ista, Nero, lingua Sabinorum, (quo ex populo erant oriundi Claudii) fortem significat; Laudat igitur Drusum a patre, nimirum Tiberio Nerone: sed eundem laudat magis ab Augusto, a quo recte fuerat educatus. (g) Institutio, educatio. (h) Indolem, virtutes a natura acceptas. (i) Nominativus pluralis est: rectæ educationes, disciplina, cura fingendæ ætatis teneræ, corroborant, augentque

mentes bene natas. Sic Od. 9. lib. 1. dixit feros cultus hominum recentium a Mercurio fuisse formatos. (k) Ubi cumque, quotiescumque mores, id est, bona illa institutio ac disciplina, defecit, negligitur, non adhibetur; ibi multa committuntur vitia, quæ dedecorant & corrumpunt bene nata, hoc est, indolem bonam a natura acceptam, naturæ præstantiam, ac nobilitatem. (l) Priscos intelligit Neronēs; unde orti Tiberius & Drusus. (m) Fluvius est Umbriæ, apud quem cæsus est, anno U. C. 546. Asdrubal, frater Hannibalis, cum validâ manu, quam, fratri suppetias ferens, in Italiam duxerat. Eum Claudius Nero, Consul, junctis cum Salinatore collega copiis, adortus delevit; ac statim in sua castra, quæ erant in conspectu Hannibalis in Lucania, rediens antequam ipsum abisset sensisset hostis, caput Asdrubalis in Hannibalis castra conjecit: quæ res una maxime salutis Romæ fuit, Hannibalemque Italia decedere coegit. Livius, lib. 27. 28.

Devictus, & pulcher fugatis ^a
 Ille dies Latio tenebris,
 Qui primus ^b alma risit adorea ^c,
 Dirus per urbes Afer ^e ut Italas,
 Ceu flamma per tædas ^e, vel Eurus
 Per Siculas equitavit ^f undas.
 Post hoc ^g secundis ^h usque ⁱ laboribus
 Romana ^k pubes crevit, & impio
 Vastata Pœnorum tumultu ^l
 Fana Deos habuere rectos ^m:
 Dixitque tandem perfidus ⁿ Hannibal:
 Cervi ^o, luporum præda rapacium,
 Sectamur ultro ^p, quos opimus ^q
 Fallere ^r & effugere est triumphus.
 Gens ^s, quæ cremato fortis ab Ilio,
 Jactata ^t Thuscis æquoribus, sacra ^u,

(a) Depulso metu & periculo, quod ab Hannibale victore certissimum imminabat, si suas copias cum Asdrubalis exercitu iunxisset. (b) Qui dies primus insigni gloria & felicitate clarus fuit. Asdrubale quippe cæso, Hannibal de receptu & fuga cogitavit. Livius, sub fin. lib. 27. (c) Est proprie adoris copia. Ador frumentum est: sumitur pro bellica felicitate, & gloria qualibet rei bene gestæ; quia antiquorum opes frumenti copia maxime continebantur. (d) Primus dies ille fuit auspiciatus & felix, posteaquam, ex quo, dirus Afer, id est, Hannibal, Italiam populandus peragravit. (e) Tæda hic, est arbor quædam, igni concipiendo aptissima, ex qua fieri solebant faces; quæ idcirco dictæ quoque sunt tædæ. (f) Omnia vastando peragravit, instar flammæ sylvam pervolantis, aut venti per mare Siculum properantis. Itaque hic ordo est. Ex quo, dirus Afer equitavit per urbes Italas, ut flamma per tædas, aut Eurus per Siculas undas; subaudi, equitat, vel aliud verbum: nam venti equitare quoque di-

cuntur a Poetis. (g) Post victoriam Cl. Neronis. (h) Fortunatis præliis. (i) Semper. (k) Romani. (l) Sic fere vocabant bella civilia & domestica; item ea quæ in ipsa Italia gererentur. (m) Quorum antea dejectæ iacebant statuæ. (n) Vel, quia Pœni erant insignes ob perfidiam; vel, quia primus Hannibal fœdus violavit, quod, post primum bellum Punicum, Romanos inter & Afros initum fuerat. (o) Est oratio Hannibalis, ad suos milites. Ordo est: nos Pœni, instar cervorum, sectamur, id est, agitamur bello Romanos, qui sunt instar luporum rapacium quorum prædæ sumus. (p) Quia tertium bellum Punicum Carthaginenses moverunt, non lacessiti a Romanis. (q) Amplius, magnificens. Opima proprie spolia dicebantur, quæ dux duci hostium detrahebat. (r) Latere: in triumpho loco ducere debemus, si eos salvi effugiamus. (s) Romani, a Trojanis oriundi. (t) Variis tempestatibus agitata, in mari Tyrreno. Vide initium libri 5. Æneid. (u) Religionem; sacrorum ritus.

Natosque, maturosque patres ^a,
 Pertulit Ausonias ^b ad urbes,
 Paris ut ilex tonsa ^c bipennibus,
 Nigræ feraci frondis in Algido,
 Per damna, per cædes, ab ipso
 Ducit opes ^d animumque ferro.
 Non hydra ^e fecto corpore firmior
 Vinci dolentem crevit ^f in Herculem;
 Monstrumve ^g summisere ^h Colchi ⁱ
 Majus, Echioniæve Thebæ ^k.
 Merses ^l profundo, pulchrior evenit:
 Luctere, multa proruet integrum
 Cum laude victorem, geretque
 Prælia conjugibus loquenda ^m.
 Carthagini jam non ego nuncios ⁿ
 Mittam superbos: occidit, occidit

(a) Senes. (b) Italas. Anson Rex Italiæ fuit, a quo nomen illi regioni factum. (c) Amputata: sensus est; ut ilex, id est quercus, in Algido feraci nigræ frondis, id est, fœcundo densis arboribus, (Algidas est mons prope Romam) si ejus rami aliquot amputentur, & quasi inutiles capilli tondeantur magis repullulat, & ab ipso vires ferro sumere videtur: sic Romani suis cladibus fortiores fiunt, &c. (d) Vires acquirit, comparat, (e) Serpens fuit in Lerna palude, prope Argos. Septem illi capita, aut etiam plura: quorum unum si secaretur, alia duo, vel tria, in ejus locum succrescebant: unde vocatur ab Horatio alibi, *numerosum malum*. Eam Hercules denique licet ægre, perdomuit, admoto igne, quo fœcunda capita extinxit. (f) Multiplicatis capitibus. (g) Draconem pervigilem, tauris ignivomos significat, armatos etiam homines, ex anguinis dentibus natos, &c. quos Jason ope Medæ profligavit ac domuit, vid. libr. Epodon, Od. 3. Ovid. 7. Met. (h) Quasi ex insidiis immisere: e terra edacere. Sic tellus di-

citur a Lucretio flores summit-
 tere, id est, producere; arbor
 se subicere dicitur a Virgilio,
 id est, se attollere ab humo,
 crescere. (i) Asiæ populi, prope
 mare Caspium. (k) Cadmus,
 antequam Thebas conderet,
 jussus est ab oraculo dentes
 serpentis serere: ex illis den-
 tibus armati milites nati sunt,
 & inter illos Echion, qui de-
 inde Cadmi gener fuit, & ejus
 adiutor in Thebis extruendis;
 unde vocat eas Horatius Echio-
 nias. Sententia igitur est: non
 majora fuere monstra, in Col-
 chide, aut Thebis olim nata,
 & mirabilia, quam ipsa Roma
 sit. (l) Si coneris Romanos
 mersare in profundum mare;
 hinc evenient, id est, emergent
 fortiores: si lucteris cum eis
 & pugnes, te, integrum hostem,
 & recentibus instructum copiis,
 antea victorem proruet, dele-
 bunt. Luctari proprie dicuntur,
 qui inter se manibus pedibusque
 certant uter utrum proruat, ac
 deficiat. (m) Deploranda, ob
 amissos maritos, laudanda, ob
 servatos: vel, quæ viri uxori-
 bus reparrent, domum reversi.
 (n) De meis in Italia victo-
 riis.

Spes omnis, & fortuna nostri
 Nominis, Asdrubale interempto.
 Nil Claudiæ ^a non perficient manus ^b;
 Quas & benigno numine Jupiter
 Defendit, & curæ sagaces ^c
 Expediunt ^d per acuta belli ^e.

(a) Jam Poeta loquitur; & consilioque junctæ. (d) Libe-
 est Odæ totius clausula. (b) rant, tutos præstant ac victo-
 Vires, consilia Neronum; quo- res. (e) Per bella periculosa:
 rum vulgo prænomen erat, sic; amara curarum, pro amara
 Claudius. (c) Cum prudentia, curæ.

O D E IV.

*Augustum, ut in Urbem e Galliis cito redeat,
 hortatur; & publicam sub eo felicitatem ce-
 lebrat.*

Divis orte bonis ^a, optime Romulæ ^b
 Custos gentis, abes ^c jam nimium diu:
 Maturum reditum pollicitus Patrum ^d
 Sancto concilio ^e, redi.
 Lucem reddæ tuæ, dux bone, patriæ:
 Instar ^f veris enim vultus ubi tuus
 Affulsit, populo gratior it dies,
 Et Soles melius nitent.
 Ut mater juvenem ^g, quem Notus invido ^h
 Flatu Carpathii ⁱ trans maris æquora ^k

(a) Propitiis: qui natus es rum. (e) Senatui, ordini. (f)
 singulari; Deorum beneficio: Postquam tuus vultus, verno
 vel, qui originem dulcis a Diis. tempore similis, nobis affulsit;
 Gens enim Julia per Æneam a dies amariiores sunt, & Sol
 Venere derivata erat; & Julius nova luce redimitus videtur.
 Cæsar, Augusti pater adoptio- (g) Filium. (h) Adverso: quasi
 ne, in Divos relatus fuerat; reditum filii invideret parenti.
 unde in nummis Augustus pas- Notum diximus alibi esse ven-
 sium *Divi filius* appellatur. (b) tum procellosum, a meridie
 Romanæ, pro, Romulæ. (c) flantem. (i) Carpathus insula
 Profectus erat in Gallias, anno est, inter Rhodum, & Cretam.
 718. rediit. anno 741. Vide In- (k) Vasta & æqua spatia.

Cunctantem a spatio longius annuo

Dulci detinet a domo,

Votis, ominibusque b, & precibus vocat;

Curvo c nec faciem littore dimovet d:

Sic desiderii ista e fidelibus

Quærit f patria Cæsarem.

Tutus bos etenim rura perambulat:

Nutrit g rura Ceres, almaque Faustitas h:

Pacatum volitant per mare navitæ:

Culpari i metuit fides:

Nullis polluitur casta domus stupris:

Mos, & lex k maculosum edomuit nefas l:

Laudantur m simili prole puerperæ:

Culpam n pœna premit comes.

Quis Parthum o paveat? quis gelidum Scythen?

Quis, Germania quos horrida parturit

Fœtus p, incolumi Cæsare? quis feræ

Bellum curet Iberiæ q?

Condit r quisque diem collibus in suis;

Et vitem s viduas ducit ad arbores:

Hinc ad vina redit lætus; & alteris t.

(a) Anno diutius morantem.

(b) Capiendo identidem auguria, & omina, quæ illi filii reditum adpromittant. Samebantur autem omnia interdum ab avibus, interdum a pœnidibus, &c.

(c) Prono, devexo. (d) Detrahit, dejecit. (e) Percussa, commota.

(f) Absentem requirit. (g) Saturat frumento, & implet. (h) Felicitas, frugum copia. (i)

Fides cavet ne culpetur, ne accusetur perfidiæ: omnes fidem aliis datam servant. (k)

Turpia, & obscœna flagitia domantur, comprimuntur bonis moribus, idest, disciplina &

studio virtutis, ac legibus. Legem tulit Augustus de adul-

teriis, & pudicitia. (l) Sic vocat frequentiam adulteriorum, quæ labem, & maculam clar-

issimis familiis intulerant. (m) Fœminæ partu levatæ laudantur ob filios similes parentibus: quæ similitudo arguit eos spurios non esse. (n) Pœnæ

sceleratos cito consequuntur,

& plectunt. (o) Parthi sunt in Asia, Persidem occuparunt.

Scythæ sunt Septentrionalis Asiæ populi. (p) Homines: olim Germani erant præcæra, &

immmani statura. Illi, Augusti adventu in Gallias territi, arma posuerant, ut Hispani, qui

nuper ab Agrippa domiti, non nihil deinde turbaverant. (q)

Hispaniæ, ab Ibero flumine. (r) Sepelit, id est, totum trans-

igit. Ita Virgilius dixit, *diem componi*, quæ vox etiam fin-

rum est: *Plantus comburi*. (s) Jungit, & maritat vitem quibusdam arboribus sterilibus,

& sine illa quasi viduis: tales sunt ulmus, populus, &c. (t) In

secundis mensis, te cum cæteris Divis jungit, invocatque. Sub-

lata mens prima, & majoribus ferculis, altera ponebatur; in

eaque vulgo poma, uvæ, ac præsertim vinum generosius: quo

Diis libabant, & agebant gratias.

Te mensis adhibet Deum:
 Te multa prece, te prosequitur mero
 Diffuso pateris ^a; & laribus ^b tuum
 Miscet Numen, uti Græcia ^c Castoris,
 Et magni memor Herculis.
 Longas o utinam, dux bone, ferias ^d
 Præstes Hesperia ^e: dicimus integro ^f
 Sicci ^g mane die; dicimus uvidi ^h,
 Cum Sol ⁱ Oceano subest.

(a) De pateris fuso: de cyatho enim fundebant in terram aliquid vini, antequam biberent, illudque Diis offerebant. (b) Privatis cujusque domus, & familiae Diis. (c) Ut Græcia, memor, & grata pro acceptis beneficiis, miscet Diis nomen Castoris, & Herculis; id est, laudibus Deorum, & Hymnis admiscet laudes Castoris, &c. De Castore. Vide lib. 1. Od. 3.

Sic te Diva, &c. (d) Otium, pacem: feriæ dies festi, seu vacui ab opere, dicuntur; per quos inferuntur epulæ, victimæ feriuntur. (e) Italia. (f) Recentis, novo, ex quo nondum quidquam decisum, & decerptum est ad laborem, & opus, id est, primo mane. (g) Jesum. (h) Humidi, id est, poti, coenati, vino madidi. (i) Vespere: cum Sol Oceano mergitur.

O D E V.

Precatur Apollinem, ut sæculare carmen a se compositum probet ac tueatur. Virgines ac pueros ut rite illud recitent, monet.

Dive ^a, quem proles Niobæa magnæ
 Vindicem linguæ, Tityosque ^b raptor
 Sensit, & Trojæ propè victor ^c altæ
 Phthius ^d Achilles,

(a) O Apollo, quem filii Niobes sensere vindicem linguæ magnæ, id est, arrogantis, ac superbæ, Niobe, Tantalii filia, uxor Amphionis Thebarum Regis, cum liberos 12. haberet, Latonam spernere ausa erat, quæ duos tantum edidisset. Ultri matrem, Apollo, & Diana, omnes liberos Niobes sagittis confecerunt: ipsa Niobe diviguit dolore, & in saxum est

mutata. Ovid. 6. Metamor. qui dat illi 14. liberos; cum alii, tantum 12. (b) Nominativus est Græcus, pro Tityus: de illo vide lib. 2. Od. 4. & lib. 3. Od. 4. Vocatur raptor; quia Latonam rapere voluerat ac temerare: inter Gigantes numeratur. (c) Hectore nimirum interfecto. (d) Oriundus Phthia, urbe Thessaliæ. Paris, juvante Apolline, Achillem in ejus templo sagitta interfecit.

Cæteris major, tibi miles impar;
 Filius quamvis Thetidis a marinæ,
 Dardanas b turres quateret tremenda
 Cuspide c pugnax.

Ille, mordaci d velut icla ferro
 Pinus, aut impulsa cupressus Euro,
 Procidit late, posuitque collum in
 Pulvere Teucro.

Ille non inclusus equo e Minervæ
 Sacra mentito, male feriatos f
 Troas, & lætam Priami choreis
 Falleret g aulam:

Sed h palam captis gravis i (heu nefas! heu!)
 Nescios fari k pueros Achivis
 Ureret flammis, etiam latentes
 Matris in alvo:

Ni tuis victus, Venerisque gratæ
 Vocibus, Divum pater annuisset l
 Rebus Æneæ potiore ductos
 Alite muros.

Doctor m argutæ fidicen Thaliæ
 Phœbe, qui Xantho n lavis amne crines o,

(a) Thetis, Dea marina, Nerei filia. (b) Pro, Dardanias; Trojanas: & postea Teucro, pro Teucro, id est, Trojano. Teucer Dux fuit Trojanorum; de quo vide Oden 6. libri 1., & 13. (c) Hasta immani. (d) Securi, vel serra. (e) Equo ligneo, qui fingebatur Minervæ dicatus a Græcis, pro reditu in patriam, equum hunc illia se promissum, quippe pugnaci & bellatrici Deæ, simulantibus. Hinc dicitur ab Horatio, equus mentitus sacra Minervæ. Vide Virg. 2. Æneid. (f) Male cessantes, otio intempestivo, choreis, & epulis indulgentes. (g) Fefellisset, latuisset: non se in equi latebras abdidisset, ut Priami aulam & proceres noctu invaderet. (h) Ordo est: sed captis & expugnatis palam ac luce, subaudi, Trojanis, uteret eorum infantes flammis Achivis, id est, Græcis, a se

accensis. (i) Durus, crudelis. (k) Nondum per ætatem loqui valentes. (l) Concessisset rebus, id est, fatis & fortunæ Æneæ, muros dictos felicioribus quam Troja auspiciis: hoc est, annuisset ut Æneas uteretur secundis rebus, & duceret, seu, conderet muros Romæ non evertendos olim; ut Trojani ceciderant. Ales: in ea locutione sumitur pro auspicio; quia auspicia proprie ex avium cantu, & volatu petebantur; ut sæpe antea dictum. (m) O Phœbe, qui fidicen peritissimus, doces Thaliæ argutam, id est, recte canentem, sonora voce præditam. Thalia una e Musis est. (n) Duo fluvii sic vocati sunt; alter in Trojæ; alter in Lycia; utraque regio nota fuit Apollini, & amica. (o) Solebant veteres in amnis crines lavare, ut melius niterent, crescerentque.

Dauriæ ^a defende decus Camœnæ,
Lævis ^b Agyeu ^c.

Spiritum ^d Phœbus mihi, Phœbus artem
Carminis, nomenque dedit poetæ.

Virginum primæ ^e, puerique claris
Patribus orti,

Delix tutela ^f Deæ, fugaces

Lyncas, & cervos cohibentis ^g arcu,

Lesbium ^h servate pedem, meique
Pollicis ictum:

Rite ⁱ Latonæ puerum ^k canentes,

Rite crescentem face ^l noctilucam ^m,

Prosperam ⁿ frugum, celeremque ^o procos ^p
Volvere menses.

Nupta ^q jam dices: Ego Dis amicum,

(a) Id est, Musæ Italæ, sive, meorum versuum: erat enim ortus ex Apulia, in qua regnavit olim Daunus, Turni pater. Sententia est: fac ut mei versus placeant; decus illis & gratiam apud omnes concilia. (b) Imberbis, qui malas habes læves. (c) Vocativus est Græcus, significans eum qui viis præest: id muneris dabant Apollini; statuasque illi in viis, pro foribus ædium, ponebant. (d) Ingenium ad poesim factum: impetum poeticum. (e) Primariæ, nobiliores. Sæculare carmen a lectissimis pueris, puellisque 27. patrimis, & matrimis, idest, quorum pater, & mater essent superstites, canebatur; idque magno ducebant honori parentes, quorum liberi eligerentur. (f) Id est, vos, qui estis in fide, ac tutela Dianæ, natæ in Delo. Pueri, & puellæ, antequam in matrimonium collocarentur, erant in Dianæ fide. Delos porto est insula Maris Ægæi, patria Dianæ, & Apollinis. (g) Sistensis, & interficientis. (h) Numeros, & modos Odæ lyricæ Sæcularis, quam vobis recitandam dabo, observate; & cantum vestrum moderamini e strepitum, & concentu lyæ, quam pollice per-

entiam, dum vos verba recitabitis. Vocat autem lyricos pueros, *pedes Lesbios*; quia primum sunt inventi ab Alceo, et Sapphone, qui nati erant in urbe Mytilene, primaria insulæ Lesbi. De eammine Sæculari, plura vide in ultima Ode libri Epodon. (i) Sancte, religiose. (k) Filium. (l) Cujus fax, seu, lumen crescit. (m) Eadem est ac Luna. Carmen autem Sæculare recitabatur, cum Luna crescere inciperet. (n) Quæ facit, ut lætæ sint fruges, quæ illarum copiam, et proventum impertit. Nihil autem subauditur: sed hoc adjectivum a Latinis ita cum gignendi casu ponitur. (o) Celerem in volvendis mensibus: Hellenismus, seu, Græca locutio. Luna Zodiacum diebus 27. emetitur, quem Sol uno tantum anno lastrat: id autem fit; non quia revera celerior est Sole; sed quia circulum minorem describit, quippe terræ propior. (p) Quasi cito, et sponte sua cadentes ac desinentes. (q) Tu, o Virgo, carmen meum recitatura (unam alloquitur, omnium nomine) cum cras olim nupta, dices, atque ita gloriaberis: Una eram ex iis, quæ recita-

Sæculo ^a festas referente luces ^b,
 Reddidi ^c carmen, docilis modorum ^d
 Vatis Horati.

bant carmen Sæculare, Dianæ & Apollini gratissimum, ab Horatio vate compositum.

(a) Exacto sæculo, & revehente dies festos ac solemnes, &c. Vide carmen Sæculare, in fine libri Eponon. (b) Fideliter

recitavi, cecini. (c) Per sex enim dies noctesque agebantur Sæculares illæ feriæ. (d) Postquam ab eodem Horatio didici, & memoriæ mandavi ejus modos, seu Oden.

O D E VI.

*L. Manlium Torquatum admonet
 de vitæ brevitate.*

Diffugere nives: redeunt jam gramina campis,
 Arboribusque comæ:
 Mutat terra vices ^a, & decrescentia ripas
 Flumina prætereunt ^b:
 Gratia ^c cum Nymphis, geminisque sororibus,
 audet ^d
 Ducere nuda choros.
 Immortalia ^e ne speres monet annus, & alium
 Quæ rapit ^f hora diem.
 Frigora mitescunt Zephyris; ver proterit ^g æstas
 Interitura, simul ^h

(a) Mutatur, errat grata vicissitudine: pro hyeme ver jam habet: antea iners & frigida, nunc læta, & aperta est. (b) Infra ripas solutas eunt ac descendunt; arctiori utuntur alveo. (c) Tres sunt Gratiæ, seu Charites, Aglaja, Thalia, Euphrosine; beneficiis, & amicitia præsumt: hinc sine vestibus pinguntur; quia sincera, & fuci ac simulationis experta, debet esse amicitia, & beneficentia: juvenes, quia beneficiorum memoria nunquam debet conse-

nescere: earum una a versa pingitur, duæ ad nos conversæ; quia duplicem pro accepto beneficio gratiam referre oportet; ac beneficium unum duobus compensare. Ab accipiente gratiam duplicem reverti decet. (d) Quæ hyeme prodire non audebat. (e) Ne rem ullam æternam putes: ne vitam semper duraturam confidas. (f) Finitis enim horis, dies quæque præterit, absolvitur. (g) Protudit, abigit. (h) Statim atque.

Pomifer autumnus fruges effuderit; & mox
 Bruma recurret iners.
 Damna ^a tamen celeres reparant Cœlestia Lunæ:
 Nos ubi decidimus,
 Quo pius ^b Æneas, quo Tullus dives & Ancus,
 Pulvis & umbra sumus.
 Quis scit, an adjiciant hodiernæ crastina summæ
 Tempora ^d Di Superi?
 Cuncta ^e manus avidas fugient hæredis, amico
 Quæ dederis animo.
 Quum semel occideris, & de te splendida Minos ^f
 Fecerit arbitria ^g,
 Non, Torquate ^h, genus ⁱ, non te facundia, non te
 Restituet ^k pietas.
 Infernis ^l neque enim tenebris Diana ^m pudicum

(a) Sensus est: tamen Luna, quæ celeriter menses evolvit, cito reparat damnum luminis sui Cœlestis, quod patitur, eam decrescit: brevi enim fit plena, & integram suam lucem recipit. Vel; tamen hæc damna temporum, & tempestatum vicissitudines, brumæ incommoda, &c. reparant ac resarciunt Luna, Sol, & ceteri Planetæ. Lunam autem præcipue nominat; quia vis ejus est maxima in ea omnia, quæ e terra gi-gnuntur. Ita Lambinus explicat. Damna potro tempestatum Horatius appellat Cœlestia; quia Cælum pro aere sæpe sumitur, & præcipua mutatio in aere fit. Porro singulæ tempestates aliquid videntur accipere, & afferre damni, cum mutantur; ver enim desinens amittit temperiem suavissimam, æstas calorem & messes, autumnus fruges, &c. (b) In eum locum, in quem deciderunt Æneas, Tullus, & Ancus: nempe ad Inferos. Tullus Hostilius fuit Rex Romanorum tertius: Ancus vero quartus. (c) Ad numerum & summum annorum, quos hæcenus vivimus, quos hodie numeramus. Bene Mar-

tialis: *Sera nimis vita est crastina; vive hodie.* (d) Diem crastinam. (e) Quæ animo & genio tuo dederis, ea subtrahes prudenter hæredi avaro: non venient in ejus manus illæ opes, quas in epulas, in ludam, impenderis. (f) Judex Inferorum notus. (g) Judicia: vocat splendida, id est, publica, superba: cum de te pro arbitrio statuerit. Vulgo *arbiter*, iudex privatus est, qui ex æquo & bono litem inter dissidentes ortam dirimit amice. (h) L. Manlius Torquatus, ad quem Horatius hæc scribit, Consulatum gessit, eodem anno, quo natus est Horatius. (i) Nobilitas: originem enim ducebat iste Manlius, ab illo Manlio, qui quod Gallum interemptum torque spoliasset, Torquati cognomen est adeptus. (k) Subaudi, vitæ, amicis. (l) Ipsi Di non possunt eos, quos habebant carissimos, ab Inferis revocare: quis mortalium id moliri aut sperare ausit? (m) Quamvis valgo diceretur Æsculapius Hippolytum revocasse ab Inferis; hoc tamen Horatius irridere hic videtur.

Liberat Hyppolytum ^a :
 Nec Lethæa ^b valet Theseus abrumpere charo
 Vincula Pyrithoo ^c .

(a) Thesei filius fuit, qui, cum amores impios Phædræ suæ novercæ respueret, accusatus ab ea est apud Theseum; qui filio male precatu, Neptunum rogavit, ut pœnas ab eo sumeret. Neptunus, immisis phocis, id est, marinis monstris, terruit equos, a quibus trahebatur in littore deambulans Hyppolytus; ita ut eum excussum curru, & iouis im-

plicatum, laceraverint. (b) Inferorum vincula, quibus homines ita detinentur in Inferis, ut evadere non possint. Lethe est Inferorum fluvius. (c) Fabulantur poëtæ descendisse Theseum ad Inferos cum Pyrithoo, ut Proserpinam raperet; utrumque a Dite, seu Plutone, captum; mansisse in vinculis Pyrithoom; soluto, Herculis ope, Theseo.

O D E VII.

*Amico mittit Carmina, & muneris
 pretium declarat.*

Donarem pateras, grataque commodus ^a,
 Censorine ^b, meis æra ^c sodalibus;
 Donarem tripodas ^d, præmia fortium
 Grajorum ^e; neque tu pessima munerum ^f
 Ferres ^g; divite me ^h scilicet artium,
 Quas aut Parrhasius protulit, aut Scopas,
 Hic ⁱ saxo, liquidis ille coloribus

(a) Liberalis, benignus. Solebant Romani Saturnalibus ad amicos munera missitare: Horatius pro munere mittit versiculos. (b) Cajus Marcius Censorinus. Consulatum gessit, anno U. C. 746. Cajum Cæsarem, Augusti nepotem, in Orientem secutus, ibi decessit, octavo post Horatii obitum anno, vir omni laude ornatissimus. (c) Lebetes, vasa, statuas æreas. (d) Erant isti tripodes, ingentes ollæ & cacabi, tribus fulti pedibus: iis utebantur ad coquendas igni carnes, vel ad mensæ ornatum & usum, ad aquam excipiendam &c. (e)

Homërum maxime istis muneribus suos heroas donat passim in Iliado. (f) Pessima munera: si ejusmodi munera donarem amicis, tibi omnium carissimo largiter optima. (g) Auferres, id est, obtineres, acciperes. (h) Si essem dives rerum, quas arte egregia excedit Parrhasius: si haberem artes, id est, opera, signa, vasa artefacta, quæ protulit, id est, in lucem edidit, elaboravit, vel palam spectanda proposuit, ut artifices egregii solent. Parrhasius (pictor celebris Ephesinus, æqualis Zeuxididis), aut Scopas, statuarius. (i) Scopas: ille, Parrhasius.

Solers ^a nunc hominem ponere ^b, nunc deum.
 Sed non hæc mihi vis ^c: non tibi talium
 Res ^d est, aut animus deliciarum egens.
 Gaudes carminibus; carmina possumus
 Donare, & pretium dicere ^e muneris.
 Non incisa notis ^f marmora publicis,
 Per quæ ^g spiritus & vita redivit bonis
 Post mortem ducibus, non celeres fugæ,
 Rejeclæque ^h retrorsum Hannibalis minæ,
 Non incendia ⁱ Carthaginis impiæ,
 Ejus ^k, qui domita nomen ab Africa
 Lucratus rediit, clarius indicant
 Laudes, quam Calabræ ^l Pierides ^m: neque ⁿ,
 Si chartæ sileant quod bene feceris,
 Mercedem tuleris. Quid foret Iliæ,

(a) Peritus. (b) Effingere, imitari pingendo, aut sculptendo. Solers ponere, pro, solers ad ponendum; more Græco. (c) Facultas, copia, opes. (d) Sententia est: nunc tu egens istis deliciis, id est, vasis, signis, tabellis delicatis, ad ornatum & delicias comparatis; neque porro eas res concupiscis: abundat domus tua ejusmodi rebus; et animus tuus eas non nimis amat. (e) Impone, statuere. (f) Elogiis, inscriptionibus. Notas vocabant, litteras maiusculas, aut verba, in compendium, certis notis, ut hodieque fit, impositis, redacta: qualia inscriptionibus visuntur. (g) Quæ efficiunt, ut egregii duces post mortem quasi reviviscant. (h) Et Hannibal a Scipione fugatus, & ab Italia rejectus, id est, in Africam retrocedere coactus, qui prius Romam se capturum minabatur. Livius lib. 28. 29. 30. (i) Scipio Africanus, minor dictus, Carthaginem cepit, & incendit. Impia dicitur; quia contra fidem promissam fœdus fregerat, quod, bello Punico secundo confecto, compositum

fuerat. (k) Scipionis Africani majoris; qui Carthaginem & Africam domuit; unde ipsi nomen. Major dicitur, id est superior, sive senior, ut distinguatur ab Africano altero, qui, cum esset Lucii Pauli filius, adoptatus fuit a filio Africani majoris, et ipse quoque Africanus dictus. (l) Ennii versus. Non statuæ, non ruina Carthaginis &c. laudem tantam Africano minori compararunt, quantum Ennii versus Africano majori. Ita explicari potest Horatius, ne dicatur fœde lapsus historiæ insectia, si Africano minorem diceret laudatum ab Ennio, qui, cum Carthago est incensa, jam obierat, nempe anno U. C. 586. Ennius, Poeta Latinus antiquus, Rudiis, in oppidulo Calabriae, natus Scipioni Africano majori carus fuit, ejusque res gestas scripsit. (m) Supra Oden II. (n) Ordo est; neque tu mercedem tuleris, si &c. id est, nullum fructum nullam mercedem quisquam e rebus præclare gestis consequetur, si libri sileant quod recte ab illo factum fuerit.

Mavortisque puer ^a, si taciturnitas ^b
 Obstaret meritis invida Romuli?
 Ereptum ^c Stygiis fluctibus Æacum
 Virtus ^d, & favor, & lingua potentium ^e
 Vatum divitibus consecrat ^f insulis ^g.
 Dignum laude virum Musa vetat mori,
 Cælo Musa beat ^h. Sic Jovis interest ⁱ
 Optatis epulis impiger Hercules:
 Clarum Tyndaridæ ^k sidus ^l ab infimis
 Quassas eripiunt æquoribus rates:
 Ornatus viridi tempora pampino
 Liber ^m vota ⁿ bonos duxit ad exitus.

(a) Romulus, filius Iliæ & Martis: Iliæ erat filia Numitoris. Vide Florum, lib. 1. (b) Si de illo scriptores tacerent, quod silentium ejus gloriæ inimicum & invidum foret. (c) Morti, & oblivioni ereptum. (d) Potestas, facundia. (e) Præstantium: qui possunt hæc edere miracula. (f) Campis Elysiis; quos multi ponebant in insulis Fortunatis, in mari Atlantico. (g) Immortalitate donat, & quasi Numen ponit in campis Elysiis. Volunt enim Poetæ Æacum, ob insignem justitiæ amorem, non solum in campos Elysiis delatum, sed præpositum etiam mortuis

judicandis. (h) Facit beatos homines, eos ad Cælum evahendo. Beare Cælo, ut, beare munere. (i) Præsens adest. (k) Castor & Pollux filii Ledæ, cujus maritus Tyndarus, lib. 1. Od. 3. 4. (l) Est appositio: Tyndaridæ, qui sunt clarum sidus. Nautis favere dicuntur illæ stellæ, sive erratici ignes, qui nubibus oberrant, quosque Dioscuros, seu, Castorem & Pollucem vocant. Vide lib. 1. Od. 3. (m) Bacchus; sic vocatus, quia curis animos liberat. Pampinus est folium vitis, quo Bacchus coronatur. (n) Præsto est invocantibus; reos votorum facit.

O D E VIII.

Suos primum versus, deinde poesim universe, postremo Lollium, ad quem scribit, commendat.

Ne forte credas ^a interitura, quæ
 Longe sonantem natus ad Aufidum ^b,
 Non ante vulgatas per artes ^c,

(a) Noli credere meos versus impetu & strepitu volvitur ex morituros. (b) Ego Horatius. Apennino in sinum Adriaticum. Aufidus est fluvius Appuliæ, quæ (c) Per Lyricos versus Latinos, Horatii patria fuit. Longe sonans dicitur, quia magno cum quorum primus artifex ego sum.

Verba loquor socianda chordis ^a.
 Non ^b, si priores Mœonius ^c tenet
 Sedes Homerus, Pindaricæ ^d latent,
 Cæque ^e, & Alcæi minaces,
 Stesichorique ^f graves Camœnæ:
 Nec, si quid olim lusit ^g Anacreon,
 Delevit ætas: spirat ^h adhuc amor,
 Vivuntque commissi calores ⁱ
 Æoliæ fidibus puellæ.
 Non sola ^k comptos arsit adulteri
 Crines ^l, & aurum ^m vestibus illitum
 Mirata, Regalesque cultus,
 Et comites, Helene Lacæna ⁿ:
 Primusve Teucer ^o tela Cydonio ^p
 Direxit arcus: non semel Ilios
 Vexata ^q: non pugnavit ingens

(a) Ad lyram canenda. Hinc isti versus lyrici vocantur. (b) Ordo est: etsi Homerus primas sedes, id est, primum inter Poetas locum obtinet; non ideo tamen Pindarus latet, nullo in honore est; non idcirco jacent alii Poetæ; inter quos ego etiam numerum aliquem & locum obtinebo. (c) Ita dictus est Homerus, vel a patre Mæone, vel a patria Mæonia, seu Lycia, minoris Asiæ regione. (d) Supra Od. 1. (e) Simonidis, e Cæa insula. Persarum bella, & Græcorum calamitates, lugubri carmine prosecutus est. De Alcæo sæpe dictum: minaces eius versus appellat: quia Tyrannos non armis tantum, sed versibus etiam acerrimis exagitavit. Vide Oden 10. lib. 2. (f) Fuit oriundus Himera, urbe Siciliæ; multa scripsit Epico carmine; laudat illum pluribus Quintil. l. 1. c. 10. (g) Scripsit. Anacreon, Poeta Lyricus, natus in Joniæ urbe Teo, usus est carmine admodum ierso & eleganti: floruit Polyeratis, Samiorum Tyranni, temporibus, circa Olympiadem 62. Eum acino uvæ passæ strangulatum obiisse Plinius tradit,

cap. 13. lib. 7. (h) Amor Æoliæ puellæ, id est, Sapphus, (quæ nata erat Mitylenæ, quæ urbs inter Æolias urbes numerabatur, ut ante passim dictum) adhuc spirat & quasi vivus extat in ejus versibus amatoris. (i) Amore Sapphus, sive amatoris querelæ, quas illa commisit, & quasi credidit suis carminibus. De Sappho, vide Od. 10. lib. 2. (k) Non sola Helena Paridem amavit. (l) Pro, amavit, deperit. Vel; non sola arsit amore Paridis, mirata ejus comites, comptos crines, & cultum, hoc est, vestes pretiosas, ornatum corporis. (m) Aurum intextum opere Phrygio, vestes acn pictas, & auro illusas. (n) Lacædemonia. (o) Hunc Homerus ait in torquendis arcu sagittis peritissimum fuisse. Non ille solus talis fuit, inquit Horatius. De Teucero, vide Oden 6. & 13. lib. 1. (p) Cretensi. Cydon urbs Cretæ fuit, ad quam optimæ sagittis faciendis nascebantur arundines. (q) Obsessa, oppugnata. Trojam primo Heroules obsedit, deinde Amazonas, demum Græci.

Idomeneus ^a, Sthenelusve solus,
 Dicenda Musis ^b prælia: non ferox
 Hector, vel acer Deiphobus ^c graves
 Excepit ictus pro pudicis ^d
 Conjugibus, puerisque primus.
 Vixere fortes ante Agamemnona ^e
 Multi; sed omnes illachrymabiles ^f
 Urgentur ^g, ignotique longa
 Nocte, carent quia vate sacro.
 Paulum sepultæ ^h distat inertia ⁱ
 Celata virtus. Non ego te meis
 Chartis inornatum silebo;
 Totve tuos patiar labores ^k
 Impune ^l, Lolli, carpere lividas
 Obliviones. Est animus tibi
 Rerumque prudens ^m, & secundis
 Temporibus dubiisque ⁿ rectus,
 Vindex ^o avaræ fraudis, & abstinens ^p
 Ducentis ad se cuncta pecuniæ;
 Consulque ^q non unius anni,
 Sed quoties bonus atque fidus

(a) Duces Græcorum fortissimi; de quibus sæpe Homerus meminit. (b) A vatibus celebranda. (c) Frater Hectoris, Priami filius. Vide Virgil. 6. Æneid. (d) Pro civibus suis, pro conjuge, & filiis. (e) Dux fuit præcipuus Græcorum ad Troiam, Rex Mycenarum. (f) Indefleti. (g) Obruuntur æterna morte, sepeliuntur oblivionis tenebris. (h) Ignorata & latenti. (i) Pro, ab inertia. Poetæ enim dativum crebro usurpant pro ablativo cum præpositione. Sic Horatius idem scripsit in suis Satyris: *distat sermone sermo merus*, pro, a sermone distat. Sententia est, inter viros fortes & ignavos parum esse discriminis, si de utrisque perinde sileatur: virtus nullis litteris illustrata, incognita, parum differt ab ignavia ignota & mortua; parum interest an alius vixerit ignavus & mortuus sit; alius fortis & generosus, si

non laudetur hic, si ille non vituperetur. (k) Lollius maxima bella gesserat in Thracia, & Galatia; semel a Germanis fusus (quæ clades Lolliana dicta est) eos sæpius profligavit: ab Augusto moderator & custos adhibitus est suo nepoti Caio Cæsari. Vide Vellejum, lib. 2. (l) Me non prohibente. Porro hic est ordo sententiæ: non patiar, ut lividæ obliviones carpant, obscurentque, impune, nemine injuriam vindicante, tot egregios tuos labores. (m) In rebus prospiciendis, in tractandis negotiis. (n) Adversis, duris. (o) Solitus eos graviter punire, qui fraudes moliantur, ut avaritiæ suæ sitim expleant. (p) Qui potest se abstinere a pecunia, quæ omnia ad se ducit trahitque. (q) Tuus non est unius anni Consulatus; id est, tu non tantum Consulatum unius anni spatio definitum geris, ut cæteri; sed toties es

Judex honestum prætulit utili, &
Rejecit alto dona nocentium ^a

Vultu ^b; & per obstantes ^c catervas

Explicuit sua victor arma ^d.

Non ^e possidentem multa vocaveris.

Recte beatum: rectius occupat

Nomen beati, qui Deorum

Muneribus sapienter uti,

Duramque callet pauperiem pati;

Pejusque letho ^f flagitium timet:

Non ille pro charis amicis,

Aut patria timidus perire.

Consul, & istius Magistratus officium ac munus geris, quoties tuus animus, bonus, & fidus iudex, id est, instar æqui iudicis, honestum bonum præfert utili, alto vultu &c. Fuit autem Lollius Consul, anno U. C. 733. (a) Erecto vultu, oculo irretorto. (b) Reorum: qui tuam integritatem student muneribus corrumpere. (c) Ad-

lationes, munera, largitiones: qui sunt iudicum hostes. (d) Æquitatem, constantiam, fidem; his enim pugnat iudex, his vincit, *Explicuit arma*, id est, viam sibi armatus aperuit, sine clade. (e) Non recte vocaveris beatum, qui multa possidet. (f) Magis morte: mori mavult quam peccare.

O D E IX.

*Ligurinum admonet, ejus pulchritudinem
brevis esse perituram.*

O formosus ^a adhuc, & Veneris muneribus
potens,

Inesperata tuæ cum veniet ^b pluma superbiæ,

Et, quæ nunc humeris involitant, deciderint ^c
comæ,

(a) O Ligurine, qui adhuc formosus es, & ferox ob Veneris munera, nempe pulchritudinem, gratiam &c. (b) Illis rebus dicuntur plumæ venire, quæ avolant ac fugiunt. Sensus igitur est; quando tua superbia,

sive tua illa forma, quæ te superbum facit, abierit, te deseruerit, &c. Vel, per plumam canos, aut barbam intellige, quibus forma deterritur, & flos ætatis obscuratur. (c) Senio avulsæ: senes vulgo sunt calvi.

Nunc ^a & qui color est pūnicæ flore prior rosæ,
Mutatus Ligurinum in faciem verterit hispidam;
Dices, heu! (quoties te in speculo videris ^b alterum)
Quæ mens ^c est hodie, cur eadem non puero fuit?
Vel cur ^d his animis incolumes non redeunt genæ?

(a) Ordo est: quando color tui vultus, qui est nunc prior, id est, potior, pulchrior, flore pūnicæ, hoc est, purpureæ rosæ, mutatus, te in aliam faciem, nempe hispidam, e pulchra, mutaverit. (b) Ita mutatum ab illo qui fueras olim, ut alterum te pene esse credas. (c) Dices: Cur eadem non fuit mihi puero mens, quæ est hodie mihi seni? cur voluptates & cætera ludicra non fugiebam tunc, ut modo fugio? (d) Vel quare non redit mihi forma pristina, & integer florensque vultus, mihi, inquam; his animis prædito, nempe, probitatem amanti, contemnti voluptates? Castos enim ornat forma, quæ improbos dedecorat.

O D E X.

Phyllidem invitât ad natalem Mæcenatis, domi suæ, festis epulis celebrandum.

Est mihi nonum superantis annum
Plenus Albani ^a cadus; est in horto,
Phylli, nectendis apium coronis;

Est hederæ vis ^b

Multa, qua crines religata fulges.

Ridet ^c argento domus: ara castis ^d

Vincta verbenis ^e avet ^f immolato

Spargier agno.

Cuncta festinat manus ^g; huc & illuc

Cursitant mixtæ pueris puellæ ^h;

Sordidum ⁱ flammæ trepidant rotantes

Vertice fumum.

(a) Visi generosi, quod in montibus prope Albam nascebatur. (b) Copia multa: est mihi vis hederæ; qua hedera crinem habens coronatum fulges, qua caput soles coronare cum dignitate. Apium & hederam valere credebant ad disentiendos vini fumos, & arcedam ebrietatem: sunt enim herbæ illæ humidiores. (c) Vas argenteis ornata splendet.

(d) Puris, religiosis, ex more sacrorum positis. (e) Verbena est herba, quam circum aras spargebant sacrificaturi; qua coronabant aras ipsas. (f) Imbui & respergi sanguine agni immolati cupit, gestit. (g) Famulorum turba. (h) Ancillæ, (i) Flammæ cum impetu evolvant in campum, rotantes sordidum & pinguem fumum in tecti vertice. Indicat lautam culinam.

Ut tamen noris, quibus ^a advoceris
 Gaudiis; Idus tibi sunt agendæ,
 Qui dies mensem ^b Veneris marinæ
 Findit ^c Aprilem;
 Jure ^d solemnis mihi, sanctiorque
 Pene natali proprio; quod ex hac
 Luce Mæcenas meus affluentes
 Ordinât annos.

(a) Quod festum tanto gaudio celebratura sis. (b) Mensem Veneris sacrum. Est autem Aprilis Veneri sacer; quia verna tempestas terræ sinum aperit; ac frugibus rebusque cæteris gignendis favet. Vocat marinam Venerem; quia Venus a poetis dicitur nata e maris spuma. (c) In duas partes prope æquales

dividit. Idus enim incidunt in diem mensis cuiuslibet 13, vel 17. (d) Est ille dies mihi merito solemnus, & prope sanctior meo die natali; quia ex illo die Mæcenas ordinat, numerat ordine suos annos, affluentes, id est, alios aliis accedentes: quia nimirum est dies ejus natalis, a quo anni inchoantur.

O D E XI.

Virgilium ad Canam vocat.

Jam veris comites, quæ mare temperant ^a,
 Impellunt animæ ^b lintea ^c Thrasciæ:
 Jam nec prata rigent ^d, nec fluvii strepunt
 Hyberna nive turgidi ^e.
 Nidum ponit, Ityn flebiliter gemens,
 Infelix avis ^f, & Cecropiæ domus ^g

(a) Mitius, & aptum navigationi, fugatis eum frigore procellis, reddunt. (b) Venti molliores, qui ab Oriente flant, ubi est Thracia, ut Italiæ opponitur. Anima sæpe pro flatu & spiritu ponitur; unde, *ventorum animæ*. Sin autem velis Zephyros hic significari, quia fere flant verno tempore, ac sunt mitissimi; dicentur Zephyri Thracii, respectu Orientalis maris, cuius ad Occidentem est Thracia; Zephyri enim sunt venti Occidentales: & sensus erit; Zephyri, ab Thracia flantes, impellunt naves sibi oppositas, nempe in Ponto v. g. Euxino, mari Caspio, & Carpathio; quæ maria Thraciam Occidentalem habent. Quid si

legamus, *animæ Thrasciæ*? Est enim Thracias, ventus Occidentalis, & Favonio vicinus. (c) Navium vela. (d) Gelu & frigore obsita. (e) Non sunt amplius hybernis nivibus turgidi; quare non strepunt. (f) Hirundo, Progne, filia Pandionis Atheniensium Regis, nupsit Tereo, Regi Thraciæ. Ille cum Philomelæ, sororis Prognæ, vim attulisset, Prognæ suum e Tereo filium Iyn epulandum ipsi Tereo apposuit: quo cognito, Tereus, cum stricto ferro in uxorem involaret, illa conversa est in hirundinem. (g) Atheniensium Regiæ familiæ: quia Cecrops fuit Rex Athenensium primus.

Æternum opprobrium, quod male a barbaras
Regum ^b est ultra libidines.

Dicunt, in tenero gramine, pinguium

Custodes ovium carmina fistula;

Delectantque Deum ^c, cui pecas, & nigri ^d

Colles Arcadiæ placent.

Adduxere sitim tempora ^e, Virgili ^f:

Sed pressum Calibus ^g ducere ^h Liberum

Si gestis, juvenum ⁱ nobilium cliens ^k,

Nardo ^l vina merebere ^m:

Nardi parvus onyx ⁿ eliciet ^o cadum,

Qui nunc Sulpitiis ^p accubat ^q horreis,

Spes ^r donare novas largus, amaraque ^s

Curarum eluere efficax.

Ad quæ ^t si properas gaudia, cum tua ^u

Velox merce veni. Non ego te meis

Immunem ^x meditor tingere ^y poculis,

Plena ^z dives ut in domo:

(a) Filium suum evocando: mollius ulcisci potuit. (b) Terei. (c) Pana, Faunum. Arcadia regio est Græciæ; in Peleponneso; ex qua in Italiam venire Pan, Februarii mense, dicebatur. Vide Oden 14. lib. 3. (d) Umbrosi. (e) Tempestas jam calidior. Ver, in Italia, interdum calore vehementi est infestum. Vel, tempus cœnæ, tempus serotinum, cum per diem totum abunde collecta sitis est. (f) Poetarum princeps fuit, Horatii amicus. (g) Cales, urbs Campaniæ; cuius ager vitibus felix: hinc vinum Calenum. (h) E patera haurire. (i) Drusi, & Tiberii, Liviæ filiorum, & Marcelli, ex Augusti sorore geniti, qui ejusdem Augusti postea filius adoptione fuit, cæterorumque nobilium & doctorum, qui Romæ frequentes erant, adolescentum; a quibus unguenta ejusmodi, numeris loco, data esse facile Virgilio poterant. (k) Qui te

illis dedisti, quos observas, colis &c. (l) Id est, dabo vinum, si tu nardum, hoc est, unguentum e nardo confectum afferas. Solebant enim, ut sæpe diximus, uncti, & delibuti accumbere. (m) Emes, obtinebis a me. (n) Vasculum ex onyche, lapide pretioso, factum. (o) Adducet; persuadet mihi, ut adduci jubeam cadum integrum &c. (p) Apothecis, quas Sulpitius Galba extruxerat, & locabat publicæ; ubi mercatores condebant, vina, merces, &c. (q) Quiescit, servatur. (r) Qui potest prolixè dare spes novas, & curas eluere. (s) Pro; amaras curas. (t) Si te cupiditas vini mei, & epularum tangit. (u) Onyche tuo & nardo, quo vinum meum quasi emere debes. (x) Nihil afferentem, nil contribuentem. Non dabo vina, nisi tu quid etiam des. (y) Madefacere, proluere. (z) Locuplete, lautissima.

Verum pone moras, & studium lucri ^a,
 Nigrorumque memor, dum licet, ignium ^b;
 Misce stultitiam ^c consiliis ^d brevem:
 Dulce est desipere in loco ^e.

(a) Virgilius non contemnendas opes suis versibus collegat; quæ res illum ad scribendum acuebat. Adde quod studium, & bonæ artes eruditorum luera dici possunt. Tamen ea vox occasionem quibusdam dedit suspicandi Virgilium hunc, ad quem scribit Horatius. non esse Maronem poetam satis notum, sed un-

guentarium quemdam, ejusdem, atque Virgilium, nominis. (b) Rogi; mortis. Nigros vocat ignes, id est, funestos, tristes. (c) Ita vocat hilaritatem solutionem, & liberiores, ut fit in vino, jocos. (d) Prudentiæ, rebus seriis, gravioribus occupationibus. (e) Tempestive, opportune.

O D E XII.

Tiberii de Rhetis victoriam celebrat, & Augusti, auspiciis ac felicitati acceptam refert.

Quæ cura ^a Patrâ ^b, quæve Quiritium ^c,
 Plenis ^d honorum muneribus, tuas,
 Auguste, virtutes in ævum
 Per titulos ^e, memoresque fastos ^f,
 Aternet ^g? O, quæ Sol habitabiles
 Illustrat oras, maxime Principum,
 Quem ^h legis expertes ⁱ Latinæ
 Vindelici ^k didicere nuper ^l

(a) Sententia est, Senatû, populumque Romanum, quantumvis curæ studique conferat, ad meritos honores Augusto decernendos, id præstare tamen pro dignitate nunquam posse. (b) Senatorum. (c) Cæterorum civium. (d) Statuis, triumphis, titulis, & fastis; quæ omnia plena sunt honoris ac dignitatis. (e) Elogia, inscriptiones subscriptas statuis, pilis, lapideis, &c. (f) Sunt commentarii; seu codices, qui memoriam rerum singulis annis gestarum continent. (g) In con-

sequentia sæcula propaget; æternitate donet. (h) Cujus fortitudinem in bello, & felicitatem sentire Vindelici. Est autem ista syntaxis Græca: nam Græci v. gr. pro, scio quænam sit illa urbs, dicunt, scio illam urbem, quænam sit; pro, didicere hostes quid Augustos Marte posset, ajant, didicere Augustum, quid posset. (i) Imperii, dominationis. (k) Vide Oden 3. hujus libri. (l) Anno U. C. 738. Consule 2. Indicem Odarum, qui est Chronologicus.

Quid Marte posses : milite nam tuo
 Drusus ^a Genaunos ^b, implacidum genus,
 Brennosque veloces, & arces
 Alpibus impositas tremendis ^c,
 Dejecit acer, plus vice simplici ^d:
 Major Neronum ^e mox grave prælium
 Commisit, immanesque Rhætos ^f
 Auspiciis ^g pepulit secundis ^h,
 Spectandus ⁱ in certamine Martio,
 Devota morti pectora liberæ
 Quantis fatigaret ruinis :
 (Indomitas prope qualis undas
 Exercet ^k Auster ^l, Plejadum ^m choro
 Scindente nubes) impiger hostium ⁿ
 Vexare turmas, & frementem
 Mittere equum medios per ignes ^o.

(a) Multa de Tiberio hic, paucula de Druso refert, quem Ode 3. pluribus laudat. Hæc tota pene victoria Drusi fuerat; qui contra Vindelicos & Rhætos cum exercitu ab Augusto missus, anno ab U. C. 739. bello jam prope confecto, adiutorem fratrem Tiberium, & gloriæ socium acceperat: is autem ne se præteritum doleret, modo laudatur. (b) Vicini erant Vindelicis, sub Alpibus. (c) Vel propter hostium, qui arces illas obtinebant, feritatem; vel propter montium altitudinem. (d) Plus quam semel, sæpius; multis præliis. (e) Cl. Tiberius Nero, qui Druso fratre major erat annis fere quatuor. De Neronibus, ac de istis duobus, præcipue dictum ante est, Ode 3. (f) Nunc Grisones, & vicinos quosdam populos, Heveltiis & Bavaris finitimos. (g) De illis dictum antea, Ode 12. lib. 2. (h) Felicitibus. Res prosperæ dicuntur secundæ, quasi quæ sequantur conatus nostros, quæ nobis obsequantur. (i) Dignus qui spectaretur. Juvabat, operæ præ-

tium erat, spectare illum in acri pugna, quibus ruinis, quantâ strage fatigaret, vexaret, debellaret, pectora devota, id est; homines, qui se devoverat morti liberæ, hoc est, qui voverant, deliberatum habebant, potius mori retinendo libertatem, quam, illa perditâ, vivere; hostes, qui se morti devovisse videbantur, modo ea esset libera, modo ne servirent. (k) Vexat, agitat. (l) Ventus Meridionalis, & sævus. (m) Plejades sunt stellæ 7. inter Arietem, & Taurum; alia voce Vergiliæ dicuntur, & Atlantides. Ita dispositæ sunt in orbem, ut choream agitare videantur. Procellas autem & imbres terris important, cum oriuntur, & occidunt: hinc nubes ab illis dicuntur scindi, & rumpi, cum nempe in pluvias solvuntur. (n) Est Hellenismus, pro; impiger, strenuus, in vexandis hostium turmis. De Cl. Tiberio Nerone loquitur. (o) Quos hostes in Romanos iaculabantur: pugnabant enim sæpe telis igne armatis ac missilibus,

Sic tauriformis a volvitur Aufidus,
 Qui regna Dauni b præfluit c Appuli,
 Quum sævit, horrendamque cultis
 Diluviem meditatur agris:
 Ut barbarorum d Claudius agmina
 Ferrata e vasto diruit impetu;
 Primosque & extremos metendo f,
 Stravit g humum sine clade h victor;
 Te copias, te consilium, & tuos i
 Præbente Divos. Nam tibi k, quo die l
 Portus Alexandria supplex,
 Et vacuum m patefecit aulam,
 Fortuna lustrò prospera tertio n
 Belli secundos reddidit exitus o,
 Laudemque p, & optatum peractis
 Imperiis decus arrogavit.

(a) Comparantur tantis flumina, ob impetum & quasi mugitum fluctuum: itaque cum taurinis cornibus pinguntur; forte quia olim Achelous sub tauri forma cum Heracle pugnavit. (b) Appulizæ partem unam, in qua regnavit Daunus: altera pars Peucecia dicitur. Supra Od. 4. (c) Id est, præterfluit. (d) Est altera pars comparationis: sic volvitur Aufidus, ut Claudius Tiberius Nero Barbaros diruit &c. (e) Quibus erat lorica, & galea e ferro. (f) Trucidando. Sic Virg. *Proxima quæque metit gladio*. (g) Hostium cadaveribus textit. (h) Snorum militum: impure. (i) Auxilium Deorum tibi faventium præbentem. Imperatores Legatis suis Deos præbere dicebantur; quia bellum non gerebatur auspiciis Legati, sed Imperatoris, seu, Ducis absentis. (k) Probat rem a Tiberio bene gestam auspiciis Augusti, & Numine Deorum illis faventium; quia eodem die, quo ante annos 15 ingressus erat Augustus Alexandriam, victis Antonio & Cleopatra, eodem

Tiberius felici bello Rhætorum profligavit; adeo ut iidem Dii huic duplici victoriæ præfuisse merito viderentur. (l) Anno U. C. 723. pridie Kal. Sept. (m) Mortuo Antonio, victa Cleopatra. (n) Anno post decimo quinto, id est, U. C. 738. Lusstrum, est spatium annorum quinque; quo spatio exacto, Censores lustrabant, & recensebant Urbem. (o) Quasi eadem & condita die representavit Tiberio, atque ideo tibi, victoriam de Rhæris. (p) Et arrogavit, id est, attribuit, ascripsit, concessit, laudem & optatum decus, hoc est victoriam, triumphum, imperiis peractis, id est, Tiberio, qui tua imperia & iussa feliciter peregerat: vel, Fortuna concessit Tiberio optatum decus, qui bellis gravissimis Dux ab Augusto constitutus, & a militibus Imperator de more appellatus, tandem summum triumphi honorem adeptus est. Imperia enim eo sensu possunt accipi, nempe pro bellis summo cum imperio administratis.

Te Cantaber ^a non ante ^b domabilis,
 Medusque ^c, & Indus ^d, te profugus Scythes ^e
 Miratur, o tutela præsens
 Italix, dominæque Romæ.
 Te fontium qui celat origines
 Nilusque ^f, & Ister, te rapidus Tigris ^g,
 Te belluosus ^h qui remotis
 Obstrepit ⁱ Oceanus Britannis ^k:
 Te non paventis funera Gallix ^l,
 Duræque tellus audit ^m Iberix ⁿ;
 Te cæde gaudentes Sicambri ^o
 Compositis ^p venerantur armis.

(a) Hispaniæ populus. Vide Oden 8. lib. 2. & 2. Indicem Odarum, ad annum 728. Eandem sub Augusto felicitatem publicam prædicat, Ode 4. hujus libri. (b) Qui a nullo, ante Cæsarem, vinci potuerat. (c) Parthi; quorum Rex Phraates Romana signa, Crasso quondam erepta, Augusto reddiderat, anno U. C. 734. (d) Porus, Indorum Rex, Augusti & Romanorum amicitiam, pacemque per legatos expetierat, anno U. C. 734. (e) Populus Europæ Septentrionalis incola. Scythæ, Daci, Sarmatæ, Geloni, alique multi populi Barbari, partim Augusti armis fuerant domiti, partim legatos illi miserant de pace. Profugos vocat Scythas, id est, errabundos. (f) Fontes Nili diu ignoti fuerunt, & adhuc forte latent. Alio nomine Danubius, maximus est Germaniæ fluvius, ab Occidente in Ortum fluens; erat Augusti tempestate, Septentrionalis li-

mes Romani Imperii. (g) Armeniæ fluvius, ab celeritate sic dictus. (h) Belluis, id est, balenis, & aliis id genus monstris, scatens. (i) Alluit cum strepitu. (k) Angli ultro ad Augustum legatos misere, qui eius in fide & potestate futuram Britanniam promitterent. Remoti appellantur; quia orbem Oceano Britannico finiri a Septentrione veteres putabant (l) Galli ab omni ævo periculi & necis contemptores fuere. (m) Veneratur, pareat. (n) Hispaniæ, sic dictæ ab Ibero flumine. Duram vocat, id est, patientem laboris, vinci difficilem. (o) Germaniæ populi, ad Rheni ostia. Illi Augusti in Galliam adventu, & virtutis ejus fama territi, arma posuere, & pacis leges ab eo acceperunt. Vide 2. Indicem Odarum. (p) Simul & uno consensu abiectis; vel, uno in loco positus, tranquillis & feriatis.

Augusti pacifici laudes.

Phœbus volentem prælia me loqui,
 Victas & urbes, increpuit a lyra,
 Ne parva b Tyrrenum per æquor
 Vela darem. Tua, Cæsar, ætas
 Fruges & agris rettulit uberes;
 Et signa nostro restituit Jovi c,
 Direpta d Parthorum superbis
 Postibus e: vacuum duellis f
 Janum g Quirini clausit: & ordinem h
 Rectum, & vaganti fræna licentiæ
 Injecit; amovitque i culpas,
 Et veteres revocavit artes k,
 Per quas Latinum nomen, & Italæ
 Crevere vires, famaue, & imperi l
 Porrecta m majestas ad ortum n
 Solis ab Hesperio cubili o.

(a) Leviter percutiendo me lyra, monuit ne &c. (b) Ne res meis viribus impares aggrederer; ne (instar pautæ, qui exigua scapha procelloso mari, quale est Tyrrenum seu Tuscum, se committeret) prælia, triumphosque, Cæsar, tuos canerem; sed potius ea, quæ pace confecisti, felicitatem, quam tua ætas omnibus attulit, &c. (c) Capitolino; cuius in templo vexilla hæc reposuit Cæsar. (d) Detracta. Vide Indicem Odarum Chronologicum, ad an. 731. (e) Templis. (f) Bellis: quasi bella in eo templo habitarent; quibus pulsus pax succederet. (g) Erant multa Jani templa Romæ; unum in primis, quod Janum Quirini, seu Romuli, vocabant, a Romulo ædificatum, quod flagrante bello apertum erat; confecto, clausum. Illud bis Augustus,

pace ubique constituta clausit. (h) Mores in deterius lapsos, & ab recta virtutis via velut aberrantes emendavit; ordinemque rectum rebus omnibus induxit; eamque licentiæ, velut frænum, injecit. Legit Lambinus, *evaganti*, & explicat, extra vaganti: licentiæ, extra ordinem rectum vaganti, ordinem non servanti. (i) Expulsi. Sic Virgil. 6. Æneid. *Arma omnia tectis emovet*: id est, subducit, aufert. (k) Frugalitatem, Justitiam, Fidem. (l) Pro, Imperii. (m) Producta, amplificata. (n) Ab Occidente, usque ad Orientem; orbe toto. (o) Sol enim occidens videtur dormitum consedere in Oceanum Hesperium, id est, Hispanum, sive Atlanticum; ab Hespero, stella serotina, aut ab Hespero Atlantis fratte, sic appellatum.

Custode rerum ^a Cæsare, non furor
 Civilis, aut vis eximet ^b otium:
 Non ira, quæ procudit ^c enses,
 Et miseram inimicat ^d urbes:
 Non qui ^e profundum Danubium bibunt,
 Edicta ^f rumpent Julia: non Getæ ^g,
 Non seres ^h, infidive ⁱ Persæ,
 Non Tenaim ^k prope flumen orti.
 Nosque & profestis ^l lucibus & sacris,
 Inter ^m jocosî munera Liberi,
 Cum prole, matronisque nostris,
 Rite Deos prius ⁿ apprecati,
 Virtute functos ^o more patrum, duces,
 Lydis ^p remisto carmine tibiis,
 Trojamque, & Anchisen, & almæ
 Progeneim Veneris ^q canemus.

(a) Orbis terrarum. (b) Tolle, perturbabit. (c) Fabricatur. (d) Reddit invicem inimicas. (e) Germani, Daci &c. Porro iste fluvius, prope fontem, Danubius vocatur: medio in cursu, usque ad ostia, Ister appellatur. (f) Leges ab Augusto latas. Augustus appellatus etiam est Julius; quia in nomen, & familiam C. Julii Cæsaris adoptione transierat. (g) Populi feroces in Scythia Europæa, prope Thraciam. Daci etiam dicti. (h) Populus Orientalis, prope Indiam. (i) Quia Crasum, per simulationem pacis, & colloquii deceptum, peremerant. (k) Dividit Tanais Europam, & Asiam: circa illum habitant Scythæ, & Tartari, qui minores, sive Preco-

penses, appellantur. (l) Diebus non sacris, qui festos præcedunt. (m) Inter vina. (n) In secundis mensis Deos precabantur, libabant vina, &c. Vide Oden 4. hujus libri. (o) Cum gloria, & virtute mortuos: vel virtutis officio probe functos. (p) Miscentes iterum atque iterum hymnos & carmina cum tibiis Lydis: alternis canentes, nunc voce, nunc tibia. Tibiæ. Lydæ, seu Lydiæ, quænam sint, vide Oden. 14. lib. 3. & octavam libri Epodon. Quidam suspicantur Lydias eadem esse, ac Phrygias, ob vicinitatem utriusque regionis. (q) Julium Cæsarem, Augustum, Tiberium, Neronem, Drusum, &c. qui omnes, per Æneam, a Venere originem ducebant.

Q. HORATII FLACCI

E P O D O N

L I B E R.

E P O D O N I.

*Offert se Mæcenati ad bellum Adriacum
profecturo.*

Ibis ^b Liburnis ^c inter alta navium ^d,
Amice, propugnacula,
Paratus omne Cæsaris periculum
Subire, Mæcenas, tuo?
Quid nos ^e? quibus te vita sit superstite
Jucunda; si contra ^f, gravis?
Utrumne ^g jussi persequemur otium,
Non dulce, ni tecum simul?
An hunc ^h laborem mente laturo, decet
Qua ferre non molles viros?

(a) Est genitivus pluralis, a voce, Epode, sive Epodus: sic vocatur versus minor, qui majori subjungitur, et quasi supercreantur, id quod Græca vox sonat; ita ut sententia non sit absoluta in majori versu, sed minori finiatur, quasi elausula. Hinc nomen huic libro factum, ut liber Epodorum, sive Epodon, diceretur; quia primæ illius Odæ constant alternis ejusmodi versibus brevioribus. (b) Ergone, o Mæcenas, iturus es ad bellum, & exiguis navibus cum vastis illis Antonii navigiis pugnaturus? (c) Subaudi, navibus. Naves Liburnæ erant naves celeriores, & ad cursum expeditæ, a Liburnis, Illyrici populis, aut inventæ, aut plurimum usurpata. (d) Tales vocat Antonii naves, quæ ut ait Florus lib. 4. cap. 11. turribus, & tabulatis allevatæ, castellorum, et urbium specie, non sine gemitu maris, et labore ventorum ferebantur. (e) Subaudi, faciemus: vel refer ad ea quæ sequuntur: quid nos? utrum ne otium persequemur? (f) Si tu superstes non sis. (g) An lentus hic, et otiosus manebo, ut iubes? (h) Ordo est: an laturo sumus hunc belli laborem, ea mente, qua ferre illum debet vir minimæ timidus? Videtur joculari; parum enim fortis habebatur. Statim respondet. Nos vero Almam feremus, etc.

Feremus: & te vel per Alpium ^a juga,
 Inhospitalem & Caucasum ^b,
 Vel Occidentis usque ad ultimum sinum ^c,
 Forti sequemur pectore:
 Roges ^d tuum laborem quid juvem meo,
 Imbellis, ac firmus parum?
 Comes ^e minore sum futurus in metu,
 Qui major absentes habet.
 Ut assidens ^f implumibus pullis avis
 Serpentium allapsus timet
 Magis relictis; non, ut adsit ^g, auxili
 Latura plus præsentiibus.
 Libenter hoc, & omne militabitur ^h
 Bellum, in tuæ ⁱ spem gratiæ:
 Non ut juvencis illigata pluribus
 Aratra nitantur meis;
 Pecusve Calabris ^k ante sidas fervidum,
 Lucana mutet pascua:
 Nec ^l, ut superni ^m villa candens ⁿ Tusculi
 Circæa tangat mœnia.
 Satis superque me benignitas tua

(a) Alpes Galliam ab Italia dirimunt. (b) Est mons Scythiæ: vocatur *inhospitalis*, id est, non habitabilis, nempe ob glaciem, & nives, &c. (c) Sinus est pars maris, in terras medias excurrens: hic significatur Hispaniæ littus, vel Africæ, circa montem Atlantem, quo terras finiri putabant Romani; neque enim alias ultra norant. (d) Forsan a me petes, cui tibi sim usui futurus, &c. Respondet: Equidem te parum juvabo præsens; at minus tibi timebo. (e) Si te comiter. (f) Ordo est: quemadmodum avis, quæ pullis incubat, timet illa quidem allapsus & incursiones serpentium: at eos tamen magis timet, relictis pullis, & absens; sic ego &c. (g) Quamquam sit præsens; licet incubet nido. (h) A me. (i) Tuæ erga me benevolentiae retinendæ & augendæ studio; non præmii aut mercedis consequendæ spe

ductus. (k) Calabria est Italiæ regio, magis vergens in Orientem & Meridiem, quam Lucania; solebant autem viri divites, gregum pascua mutare, & aliis uti hybernis, alii æstivis. Non ut mei greges transeant, ante æstatem, a Lucanis pascuis in Calabria: per sidas enim fervidum intelligit Caniculam; quæ, cum oritur, magnos calores affert. (l) Non militabo hoc bellum, ut villam in agro Tusculano possideam, quæ extendatur & continuetur usque ad mœnia ipsius urbis Tusculi. Vocat Tusculum Circæum; quia fuit ædificatum a Telegono Circæ & Ulyssis filio: quam Urbem alibi vocat eam ob rem Telegoni juga paricidæ. Circæa mœnia possunt exponi de Urbe in ora maris Tyrrheni posita, quam Circejos appellabant, a Circe condita. (m) In colle siti. (n) Candido & nitenti lapide structa.

Ditavit: haud paravero ^a,
 Quod aut, avarus ut Chremes ^b, terra premam ^c,
 Discinctus ^d aut perdam ut nepos ^e.

(a) Non eas opes mihi quaeram anxie & parabo. (b) Senex avarus, ab Terentio saepe inductus in scenam. (c) Defodiam, abdam. (d) Dissolutus, ganeo. Solebant antiqui zona vestem colligere & praecingere, ut ad agendum essent expediti: quod qui omittebant, aut negligentibus faciebant, ii suspi-

cione inertiae laborabant. (e) Significat ea vox aliquando libidinosum hominem & prodigum: quia pueri patre mortuo, cum in avi tutelam veniunt, evadunt dissoluti: sunt enim avi patribus indulgentiores, & a pueris metu paterno solutis facile contempuntur.

E P O D O N II.

Alphius fœnerator, quasi artis suæ pertæsus, laudat vitam rusticam, mox tamen ad ingenium, & institutum redit.

Beatus ille, qui procul negotiis,
 Ut prisca gens mortalium,
 Paterna ^a rura bobus exercet suis,
 Solutus ^b omni fœnore.
 Neque excitatur classico ^c miles truci:
 Neque horret iratum mare;
 Forumque vitat ^d, & superba civium
 Potentiorum limina ^e,
 Ergo aut adulta ^f vitium propagine
 Altas maritat ^g populos;

(a) Avita, non pretio conducta &c. (b) Qui nec usuram pro mutua pecunia exigit ab alio; nec eam cuiquam debet: qui neque dat fœnori, neque accipit; in quorum altero summa invidia est, in altero summa miseria. (c) Buccinarum ad arma vocantium sono, & signo. Classis exercitum significat aliquando, tum navalem, tum etiam terrestrem. (d) Et litibus caret. (e) Quæ a parasitis & adulatoribus teri solent. Non captat favorem divitum & no-

bilium, eos adeundo, salutari do &c. (f) Ramos vitium jam grandiores adjungit & sociat arboribus altis, a quibus sustineantur. Propago, est proprie vitis vetulæ palmes, qui patitur, id est, figitur & immittitur in scrobem, & actis radicibus aliam vitem producit novam ac recentem. (g) Ulmi, populi, & aliæ arbores cum vitem juvant & sustinent, fiunt quasi fœcundæ illius fructibus, quæ per se sunt steriles.

Inutilesque falce ramos amputans,
 Feliciores ^a inserit:
 Aut in reducta ^b valle mugientium
 Prospectat ^c errantes ^d greges;
 Aut pressa ^e puris ^f mella condit amphoris,
 Aut tondet infirmas ^g oves.
 Vel, quum decorum ^h mitibus pomis caput
 Autumnus arvis extulit
 Ut gaudet ⁱ insitiva ^k decerpens pyra,
 Certantem & uvam purpuræ ^l,
 Qua muneretur ^m te, Priape ⁿ, & te, pater
 Sylvane, tutor finium ^o!
 Libet jacere, modo sub antiqua ilice,
 Modo in tenaci ^p gramine.
 Labuntur altis interim ^q ripis aquæ:
 Queruntur ^r in sylvis aves;
 Fontesque lymphis obstrepunt ^s manantibus:
 Somnos quod invitet leves.
 At, quum tonantis ^t annus hybernus ^u Jovis ^x
 Imbres, nivesque comparat ^y:
 Aut trudit acres hinc & hinc multo cane
 Apros in obstantes plagas ^z:
 Aut amite ^{aa} levi rara ^{bb} tendit retia,
 Turdis edacibus dolos,

(a) Fertiliores ex arbore
 meliori decisos. (b) Semota,
 disjuncta. (c) Procul spectat.
 (d) Pascentes. (e) E favis ex-
 pressa. (f) Purgatis, sinceris.
 (g) Oves multis sunt morbis
 obnoxia, qui ingravescent, nisi
 tempestive tondeantur. (h)
 Maturis fructibus quasi corona-
 tum; sic enim pingebatur. (i)
 Quanta, voluptate afficitur!
 (k) Ex insitione nata, adeoque
 gratiora, quam quæ sua sponte
 nascuntur; quod videantur esse
 præmia & fructus laboris atque
 industriæ. (l) Est in dandi ca-
 su: uvam de colore contenden-
 tem cum purpura. (m) Quam
 tibi, pro munere, offerat. (n)
 Erat Priapus hortorum Deus;

Sylvanus vero, agrorum & syl-
 varum. (o) Limitum, quibus
 agri finiuntur, & ab aliis se-
 parantur. (p) Quia multis fibris
 & radicibus terræ firmiter ad-
 hæret. (q) Dum ipse jacet sub
 arbore, aut in gramine. (r)
 Canunt. (s) Strepitum edant,
 eorum aquis leniter fluentibus:
 quæ res, qui strepitus, & minus
 molles & lenes inducit, affert.
 (t) Procellosi. (u) Hyems, tem-
 pestas hyberna. (x) Acris. (y)
 Adducit, colligit. (z) Retia
 densiora, maculis arctioribus
 distincta. (aa) Est ames, furca
 quædam, bacillum teres & po-
 litum, quo retia sustentur.
 (bb) Laxioribus foraminibus
 texta.

Pavidumque leporem, & advenam a laqueo gruem,
 Jucunda captat præmia ^b.
 Quis non ^c malarum, quas amor curas habet,
 Hæc inter obliviscitur?
 Quod si pudica mulier in partem ^d juvet
 Domum, atque dulces liberos,
 (Sabina qualis, aut perusta solibus ^e
 Pernicis ^f uxor Appuli)
 Sacrum ^g vetustis extruat lignis focum,
 Lassi sub adventum ^h viri;
 Claudensque textis cratibus ⁱ lætum pecus,
 Distenta ^k siccet ^l ubera;
 Et horna ^m dulci vina promens dolio,
 Dapes inemptas ⁿ apparet:
 Non me ^o Lucrina ^p juverint conchylia,
 Magisve rhombus ^q, aut scari,
 Si quos ^r Eois intonata fluctibus
 Hyems ad hoc vertat mare.
 Non Afra avis ^s descendat in ventrem meum,
 Non Attagen ^t Jonicus ^u
 Jucundior, quam læta de pinguissimis

(a) Quæ ex alia regione, nempe frigidiori, in calidiorem Italiæ partem venit; peregrinam, transmarinam. (b) Appositio, qui turdi, lepores, grues, sunt dulcia laboris & aucupii præmia. (c) Quis inter istas occupationes, non obliviscatur facile malarum curarum, quas amor habet? (d) Pro sua parte: hæc est autem pars & cura mulieris, ut rem domesticam procuraret interim dum viri laborat foris. (e) Nigra, ob sudorem collectum ruri, dum opus facit sub dio. (f) Velocis, agilis, strenui. Laudat porro Sabinas, & Apulas mulieres, quia erant in primis laboriosæ & sedulæ. (g) Vestæ sacrum, vel Diis Penatibus, quorum statuae circa focum erant positæ. (h) Paulo antequam vie domum fatigatus redeat. (i) E vimine: septis vimineis. (k) Plena. (l) Mulgeat. (m) Eiusdem anni. (n) Natas

domi, non comparatas pecunia. (o) Ordo est: non magis me juverint, me delectaverint, non mihi profecto erunt gratiora conchylia, id est, pisces conchis inclusi, ut ostrea, &c. (p) Id est, capta in lacu Lucrino, qui est in sinu Bajano, contra Puteolos, prope lacum Avernum. (q) Piscis laus, & magni tunc pretii; ut & scarus. (r) Si quos scaros hyems, id est, aliqua procella, intonata, id est, cum tonitru, ingruens fluctibus Eois, hoc est; Orientali pelago, vertat, impellat, & recipere se ad mare Italum cogat. Nempe scarus, in Asia, Graciæque littoribus, (Columella teste lib. 8.) frequentissimus erat; nec inde in mare Tyrrhenum subibat, nisi tempestate propulsus. (s) Gallina Numidica. (t) Quidam gallinam sylvestrem Asiaticam, alii perdicem esse volent. (u) Et Jonia, Asia provincia advectus.

Oliva ramis arborum,
 Aut herba lapathi ^a prata amantis, & gravi ^b
 Malvæ salubres corpori:
 Vel agna festis cæsa Terminalibus ^c,
 Vel hœdus ereptus lupo.
 Has inter epulas, ut juvat pastas oves.
 Videre properantes domum!
 Videre fessos vomerem inversum ^d boves
 Collo trahentes languido,
 Positosque vernas ^e, ditis examen ^f domus,
 Circum ^g renidentes Lares!
 Hæc ubi loquutus fœnerator Alphius,
 Jam jam futurus rusticus;
 Omnem relegit ^h Idibus ⁱ pecuniam,
 Quærit ^k Calendis ponere.

(a) Lapathum, sive rumex, salubris herba. (b) Distento: alvo pigræ & moranti. (c) Erant Terminalia, festa Dei Terminali, qui limitibus agrorum præsidebat; celebrabantur IX. Kal. Martias. (d) Supinum. (e) Servos domi natos: *Positos*, accumbentes ad mensam vel assistentes foco: aut ministrantes. (f) Turbam. (g) Circa domum nitentem & mundam: vel, circa focum, ubi erant Lares. Erat focus in media culina; & circa focum erant statux Deorum Penatium; quas nitidas, id est, tersas & probe cultas vocat: circa focum autem rustici ordine positi vesci

solebant. (h) Collegit a debitoribus, apud quos eam magno fœnore collocaverat; ut scilicet agros & rusticam supellectilem compararet. Legitur etiam, *redegit*. (i) Idibus, & Calendis, id est, primo & medio mense, pecuniam colligere solebant a debitoribus. (k) Ostendit quam brevi pœnituerit hominem boni consilii; qui, pauculis diebus interjectis, sententiam mutaverit, & quæsierit Calendis, sive initio sequentis mensis, ponere, hoc est, rursum locare fœnori, redactam ante dies quindecim, nempe Idibus, pecuniam.

E P O D O N III.

*Allium detestatur, quod imprudens, cum apud
 Mæcenatem cænaret, gustaverat.*

Parentis olim si quis impia manu
 Senile guttur fregerit,
 Edat ^a cicutis allium nocentius.
 O dura messorum ^b ilia!

(a) Cicuta est herba frigidissimi succi, adeoque pestiferi. (b) Qui tali cibo vescantur im-
 Legunt aliqui, *edit*, pro *edat*, antique, ut *dim*, pro, *dem*.
 punç.

Quid hoc a venenum sævit in præcordiis?
 Num viperinus his cruor
 Incoctus herbis me fefellit b? an malas
 Canidia c traxavit d dapes?
 Ut e Argonautas f præter omnes candidum
 Medea mirata est g ducem,
 Ignota tauris h illigaturum juga i,
 Perunxit hoc Jasonem:
 Hoc k delibutis ulta donis l pellicem,
 Serpente fugit alite:
 Nec tantus unquam siderum m insedit vapor
 Siticulosæ Appuliæ:
 Nec munus n humeris efficacis o Herculis p
 Inarsit q æstuosius.

(a) Quid hoc veneni est, quod genus veneni, quod male me habet, & mea torquet viscera? Quasi allium venenum esset. (b) Latuit, fugit. (c) Venefica. (d) Ut illis aspergeret virus. (e) Postquam. (f) Erant illi viri fortissimi, Jason, Hercules, Theseus &c. qui ut vellus aureum exportarent e Colchide, navim Argo, a qua nomen traxere, conscenderunt. Dux totius expeditionis erat Jason; qui ab avunculo suo Pelia, juvenis gloriam ægre ferente, & ab eo sibi metuente, missus fuit in Colchidem, velut ibi periturus; Medæ tamen arte servatus est. (g) Unum præ cæteris Argonautis amavit. (h) Aureum vellus a tauris duobus ignivomis servabatur: quos ut Jason domaret, illum Medea certis herbis ac venenis perunxit: quæ ut vim haberent majorem & præsentiosem, addidit illis, ut ait Horatius, allium: est enim hæc eius natura, ut venena efficaciora & certiora efficiat. Ita illius diritatem ostendit, sine quo, etiam acerrima venena languidiora sunt. Est autem hic ordo; ut Medea mirata est candidum ducem, perunxit illum hoc allio, illigaturum, id est, sicut illigaret, ut imponeret juga tauris indo-

mitis. (i) Aratrum, quod nunquam passi fuerant. (k) Eadem Medea, pellicem Jasonis, nempe Creusam, sive, ut alii volunt, Glancam, Creontis regis Corinthi filiam (quam, spreta Medea Jason amare occæperat) ulta donis delibutis, id est, imbutis, tinctis hoc allio, fugit in curru tracto ab serpente alite, id est, ab alatis serpentibus, & avolavit. Non aliam ulciscendæ pellicis rationem invenit, quam si mitteret ei vestes allio tinctas. (l) Veste, corona, monilibus, quæ Creontis filia deferri Medea jusserrat. (m) Æstus creatus a vaporibus, quos Sol & alia sidera colligunt e terra. Vapor idem sæpe valet, quod calor. (n) Palla, indusium. (o) Laboriosi. (p) Nessus Centaurus Dejaniram, Herculis uxorem, abripere cum vellet, cum Hercules sagittis interemit: ille, ut ne inultus periret, vestem, suo sanguine, qui præsentissimi veneni erat instar, imbutam, Dejaniræ dedit; quasi valeret hoc munus ad Herculis amorem ita Dejaniræ adiungendum, ut nunquam aliam amaturus esset. Vix inderat pallam hanc Hercules, cum toto corpore deflagrare cepit; quo igne paulo post extinctus est. (q) In humeris arsit.

EPODON IV.

*Menam, Pompeii Magni libertum,
insectatur.*

Lupis & agnis quanta sortito ^a obtigit,
Tecum mihi discordia est,
Ibericis ^b peruste ^c funibus latus,
Et crura dura compede.
Licet superbus ambules pecunia,
Fortuna ^d non mutat genus.
Videsne, Sacram metiente ^e te viam
Cum bis ter ulnarum toga,
Ut ora vertat ^f huc & huc euntium
Liberrima indignatio ^g?
Sectus flagellis hic Triumviralibus ^h,
Præconis ⁱ ad fastidium,

(a) Fatali necessitate; natura. Quippe certas propensiones animalia singula nascendo sortiuntur. Adde quod sors ponitur sæpe pro fato, & certa rerum constitutione, quæ a nobis non pendet. (b) Quia spartum optimum, ex quo fiebant funes, ab Hispania petebatur: vel, quia Menas fuerat Ibericum mancipium. (c) Qui latus habes perustum, concisum locis. Servi enim sæpe vapulabant a dominis: iidem compedibus victi opus ruri faciebant. (d) Non facit fortuna felix, & potentium gratia, ut servus non fueris. Ille Menas, post obitum Pompeii Magni, a quo donatus fuerat libertate, Pompejum filium secutus est; mox ad Augustum, belli civilis reliquias persequentem, defecit; a quo Eques Romanus, deinde militum Tribunus creatus est. Idem tamen postea, Octavio relicto, rediit ad Pompejum: quo tempore videtur hæc Ode scripta. Consule 2. Indicem Odarum. (e) Ironice: incele lente

composito gradu per viam Sacram, cum toga, cuiussumma, (id est, cauda) sex ulnas longum est. Sacra via ita dicta est, a maximo Romæ templo, nempe Jovis Capitolini, quo ducebatur: item a sacris; supplicationibus, & triumphis qui per eam in Capitolium deducebantur. (f) Ut cives huc & huc euntes, ultro citroque commeantes, in te ora convertant, & suam indignationem præferant? ac palam dicant: Sectus flagellis &c. (g) Excitatur hic animi affectus in eos, quibus bene est immerentibus & indignis. (h) Triumviri Capitales, tres erant iudices, qui iudicia de servis & libertis exercebant: Prætor autem cognoscebat de criminibus civium alicujus nominis & loci. (i) Cum aliquis publice pœnam luebat, addebatur præco, qui supplicii causam ediceret, cæteros admoneret. Tam sæpe autem Menas sectus flagellis publice fuerat, ut præconem delassasset.

Pars I.

I

Arat Falerni ^a mille fundi jugera,
 Et Appiam ^b mannis ^c terit;
 Sedilibusque ^d magnus in primis Eques,
 Othone contempto ^e, sedet.
 Quid attinet ^f tot ora navium ^g gravi
 Rostrata duci pondere
 Contra latrones, atque servilem manum,
 Hoc hoc Tribuno militum?

(a) Ubi vites, & segetes optimæ, in Campania Romana. (b) Subaudi, viam, per quam in suum prædium Falernum itabat. Huic viæ Appius (qui postea cæcus est appellatus) nomen dedit, quod eam lapide stravisset. (c) Equis parvulis, & velocibus. (d) Amphiteatrum locus erat, in quo spectabantur Indi: ejus pars teatro proxima, Orchestra dicebatur, & addicta Senatoribus erat: ordines 14. sive gradus inde retro, sepositi erant Equitibus, eorumque duo primi Tribunis; quos inter Menas numerabatur. (e) Quia L. Roscius Otho lege sanxerat, ne quis libertus, aut libertinus, sede-

ret in 14. primis ordinibus. Tamen Augustus Menam in Equestrem ordinem cooptaverat, eique jus aureorum annulorum dederat: quod Horatius dissimulat; nisi forte hæc scripserit, antequam ille hunc honorem adeptus esset. (f) Quid convenit tot naves, rostris æreis instructas, tanta mole duci in latrones, & servos, (quos Sextus Pompejus, bellum instaurans in Sicilia, contra Augustum armaverat) si hic, hic Menas, piratarum ac servorum princeps, Tribunus est militum, & unus e primariis ducibus exercitus? Fuerat Menas pirata, & servus. (g) Pro-
 ras, anteriores partes.

E P O D O N V.

Puer a Canidia dire interfectus.

At ^a o Deorum quisquis in Cælo regis
 Terras, & humanum genus,
 Quid iste ^b fert tumultus? & quid omnium
 Vultus in unum me truces?

(a) Pueri voces. *At*, servit iræ undæ, & perturbationi significandæ. Sic Priamus, ubi filium interemptum vidit, *At tibi pro scelere, exclamat, &c.* Vir-g. lib. 2. Æn. O Diis, inquit

puer, quicumque in Cælo es, unde terras hominesque regitis, vos testor, vos appello. (b) Quid sibi vult tumultus iste? Videt veneficas tumultuantes puer, & in se unum irruentes.

Per liberos te ^a, si vocata ^b partibus ^c

Lucina veris affuit:

Per hoc inane purpuræ decus ^d precor,

Per improbatum hæc Jovem.

Quid ut noverca me intueris, aut uti

Petita ferro ^e bellua?

Ut hæc trementi questus ore constitit ^f

Insignibus raptis ^g puer,

Impube corpus ^h, quale posset impia

Mollire Thracum ⁱ pectora:

Canidia, brevibus implicata ^k viperis

Crines, & incomptum caput,

Jubet sepulchris caprificos ^l erutas,

Jubet cupressus funebres,

Et uncta ^m turpis ova ranæ sanguine,

Plumamque nocturnæ strigis ⁿ,

Herbasque, quas Jolcos ^o, atque Iberia ^p

(a) Canidiam alloquitur, ut principem cæterarum: Oro te, pro tuo erga tuos liberos amore, ut alterius quoque liberis parcas. (b) Si vere mater es: si quos filios aliquando peperisti. Juno Lucina invocabatur a parturientibus. (c) Legitimis, non adulterinis, & incestis: legitimi enim partus magis diliguntur. Adde quod veneficæ illæ sæpe simulabant partum; ut infantuli, quos ad veneficia domi enutriebant aliunde abreptos, ab iis editi putarentur; & ne Censores, aut vicini, requirerent unde essent illi pueri. (d) Togam prætextam purpura significat, hoc est, limbo purpureo insignem; quam pueri ferebant usque ad annum 17. quo sumebant virilem. Vocat inanem & inutilem, quia, quamvis esset nobilitatis, & innoxie ætatis nota, imo & custos (ut ait Persius Sat. 5.) ipsum tamen a veneficarum immunitate non servasset. (e) Percussa: feræ a venatoribus ictæ sæviunt. (f) In medio positus est. (g) Toga prætexta; & bulla detractis. Erat bulla, corculum quoddam, vel aliud

quidpiam id genus, puerorum collo appendi solitum, ad dignitatem & amuletum. Bulla dicebatur; quia figura cordis ad bullæ similitudinem intumescit. (h) Qui puer erat corpus impube, id est, qui nondum annos pubertatis, nempe 14. attigerat. (i) Traces felicitatis nomine male audiebant. (k) Habens crines implicatos viperis, ut Furia. (l) Caprificus est ficus sylvestris & sterilis, nunquam florens, nunquam fructu maturescens, adeoque merito inter infelices arbores numerata. Hæc ad veneficia & incantationes ut valeret, eruenda manu erat, non secanda ferro; item e sepulchretis erat petenda. (m) Ordo est; & ova strigis, uncta, delibuta, mersa, turpi sanguine ranæ. Rana illa rubetæ, & terrestres erant, quæ a veneficis maxime adhibebantur. (n) Strix est avis nocturna & mali ominis, sic dicta, quod per tenebras strideat. (o) Civitas Thessaliæ. Erat autem omnis Thessalia sagis, & veneficis infamis. (p) Regio prope Pontum Euxinum, in Asia, non procul a Colchide.

Mittit, venenorum ferax,
 Et ossa ab ore rapta jejunæ canis ^a,
 Flammis ^b aduri Colchicis.
 At expedita ^c Sagana ^d, per totam domum
 Spargens Avernales aquas ^e,
 Horret ^f capillis ut marinus asperis ^g
 Echinus, aut currens aper.
 Abacta ^h nulla Veja conscientia,
 Ligonibus duris humum
 Exhaustabat ⁱ, ingemens ^k laboribus:
 Quo posset infossus puer
 Longo die ^l bis terve mutatae dapis
 Inemori ^m spectaculo;
 Cum promineret ⁿ ore, quantum extant aqua
 Suspensa mento corpora:
 Exsucta ^o uti medulla, & aridum jecur,
 Amoris esset poculum ^p;
 Interminato ^q quum semel fixe cibo

(a) Salivæ animalium jejunorum, maxime canum, aiunt inesse virus quoddam, quo imbuatur, si quid ore tum attraxerint. (b) Flammis eorum paratis & accensis, quo magi solent, quo Medea solita olim erat, apud Colchos (ubi artem magicam exercebat) calesceri & simul concoqui. (c) Agilis, accincta. (d) Nomen sage & veneficæ, comitis Campania. (e) Petitas ex Averno, lacu Italiae, in Campania, per quem iter patere ad Inferos credebant, ob aquæ graveolentiam; & cuius aquas placandis Inferorum Diis adeo putabant necessarias, ut, si deessent veræ, adhiberentur simulatæ, & solo nomine Avernales. Vide Virg. l. 4. Æn. (f) Horrida est aspectu. (g) Subrectis; ut echinus marinus, setas & pilos instar jaculorum erigit. Est & echinus terrestris, sed pilos obtusiores, quam marinus, habet; vulgoque Erinaceus vocatur. (h) Veja, alia venefica, nulla sceleris tanti diritate percussa, & ab incæpto abacta, id

est, deterrita. (i) Ut scrobem faceret, in quam puer mento tenuis immitteretur. (k) Anhelans graviter, ob laborem, quem capiebat in humo egerenda. (l) Per diem totum, quam longus est: toto die: qui sane longus famelico videbatur. (m) Emori in spectaculo, in spectanda dape, quæ bis, terque mutata, apponeretur illi ob oculos; ita tamen ut ea vesci, eam attingere, non posset. (n) Extaret e fossa, quantum nitantes ex aqua, qui mento tenuis sub ea sunt, seque sic suspensos, & mento tenuis extantes sustinent. (o) Serviret conficiendo poculo, & veneficio ad amorem excitandum. (p) Fame exsiccata. (q) Vetito, prohibito; ab verbo, interminari, id est, vetare, interdicere. Ordo est: cum semel, id est, postquam populæ, hoc est, pupillæ sive oculi, fixæ cibo, defixæ in cibo interdicto, contabuissent: postquam puer perisset fame, ac desiderio cibi sæpius oblatis, semper negati.

Intabuissent pupulæ.
 Non defuisse ^a masculæ ^b libidinis
 Ariminensem ^c Foliam
 Et otiosa ^d credidit Neapolis,
 Et omne vicinum oppidum;
 Quæ sidera excantata ^e voce Thessala ^f,
 Lunamque Cælo deripit ^g.
 Hic ^h irresectum ⁱ sæva dente livido
 Canidia rodens pollicem ^k
 Quid dixit, aut quid tacuit ^l? O rebus ^m meis
 Non infideles arbitræ ⁿ,
 Nox, & Diana ^o, quæ silentium regis,
 Arcana ^p quum fiunt sacra,
 Nunc nunc adeste; nunc in hostiles domos ^q
 Iram, atque fulmen vertite.
 Formidolosæ ^r dum latent sylvis feræ,
 Dulci sopore languidæ,
 Senem ^s (quod omnes rideant) adulterum
 Latrent Suburrane canes,
 Nardo ^t perunctum, quale ^u nec perfectius
 Meæ laborarunt manus.
 Quid accidit ^x? cur dira ^y barbaræ minus

(a) Cum Canidia, Sagana, & Veia adfuisse. (b) Supra morem fœminarum libidinosarum, ad flagitia audaciorem ipsis viris. Est autem hic genitivus proprietatis, ut ajunt: sic dicitur, homo summi ingenii &c. Folia nomen est veneficæ. (c) Oriundam Arimino, urbe Italiæ, ad sinum Adriaticum, *Rimini*. (d) Neapolitani otio delectari jactabantur. (e) Certis incantationibus vexata & labefactata. (f) Magica. (g) Detrahit. (h) Tunc. (i) A longo tempore non sectum. (k) Unguem pollicis. (l) Quid non dixit? (m) Consiliis, veneficiis. (n) Testes, consciæ. Oratio Canidiæ: (o) Luna, quæ silenti nocti præsidet. (p) Sacra magica significat, quæ noctu fiunt. (q) In Varum hostem meum, a quo spernor, qui mea veneficia & maleficia ridet securus, & potentiori venefica fretus. (r)

Formidandæ. (s) Sententia est. Facite ut Varum senem libidinosum, quod merito omnes ridere debent, latrent canes Suburrane cum ad me properabit. Erat Suburra, vicus Romæ, in quo meretrices vulgo degerebant. (t) Unguento odorato delibutum confecto e Nardi succo. Nardus sive Nardum est arbuscula bene olens. Porro istas delicias sectari, turpe seni & merito ridendum. (u) Quale Nardum. Sententia est: tali Nardo perunctam, quale nullum perfectius meæ manus laborarunt. Sic idem Horatius scribit in Satyris: *animæ, quales neque candidiores terra tulit, neque queis sit me devinctior alter pro*, animæ, quibus, &c. vel, quales alias nullas, &c. (x) Quid in causa est cur veneficia quæ hætenus in Varum adhibui, fuerint irrita? (y) Cur mea venena, similia venenis

Venena Medæ valent,
 Quibus ^a superbam fugit ultra pellicem
 Magni Creontis filiam,
 Quum palla ^b, tabo ^c munus imbutum, novam
 Incendio nuptam ^d abstulit?
 Atqui nec herba, nec latens in asperis ^e
 Radix fefellit me ^f locis.
 Indormit ^g unctis omnium cubilibus
 Oblivione pellicum.
 Ah! ah! solutus ^h ambulat veneficæ
 Scientioris carmine.
 Non usitatis, Vare, potionibus ⁱ,
 (O multa ^k fleturum caput!)
 Ad me recurre ^l: nec vocata ^m mens tua
 Marsis reddidit vocibus.
 Majus parabo, majus infundam tibi
 Fastidienti ⁿ poculum;
 Priusque Cœlum sidet ^o inferius mari,
 Tellure ^p porrecta super:
 Quam non amore sic meo flagres, uti
 Bitumen atris ignibus.

& succis magicis, quibus olim
 usa est Medea, minus valent
 quam sperabam? vim expectatam
 non habent? vel, cur mea venena
 minus valent venenis Medæ?
 (a) Vide Oden 3. hujus libri.
 (b) Vestis, longo syrmate. (c)
 Veneno, succo magico. Tabum
 proprie est sanguis corruptus.
 (d) Creusam; quæ, ubi vestem
 induit dono sibi a Medea da-
 tam, subitis & extingui ne-
 scis ignibus deflagavit. (e)
 Montibus inaccessis. (f) Latuit,
 præterita & neglecta est. (g)
 Sensus est: Varus dormit in
 cubilibus omnium aliarum pel-
 licum, oblivione, unctis &
 circumlitis aliquo succo indu-
 cente & afferente illi oblivio-
 nem meretricum: ob carmen
 & incantationes alicujus ve-
 neficæ potentioris, quam ipsa
 sim: Vel, dormit securus &
 tutus ab amoribus omnium pel-

licum, utpote solutus austerius
 veneficæ opera. (h) Expeditus
 vinculis amoris nullam amans,
 me spernens. (i) Nempe con-
 fectis e medulla & jecore hujus
 pueri. (k) Quam graves mihi
 pœnas dabis? (l) Canidiam o-
 lim amaverat. (m) Neque ad
 mentem saniozem recipere te
 poteris, ac meum amorem ex-
 cutere, nullo carmine magico.
 Marsi artem magicam callese
 dicebantur: erant Italiæ populi.
 Turnebus ita explicat: non ad-
 hibeo solemnes Marsorum in-
 cantationes, ut te vocem, ac
 redire ad me cogam: majus &
 potentius veneficium paro. (n)
 Tibi, qui me aspernaris. (o)
 Subsudet, descendet infra ter-
 ras, ac mare. (p) Ita ut terra
 super Cœlum & mare porriga-
 tur, attollatur; & ita omnia
 confundantur.

Sub hæc ^a puer, jam non ut ante, mollibus
 Lenire verbis impias;
 Sed dubius ^b unde rumperet silentium,
 Misit Thyesteas ^c preces.
 Venena ^d, magnum fas nefasque, non valent
 Convertere humanam vicem.
 Diris ^e agam vos: dira detestatio
 Nulla expiatur victima.
 Quin, ubi perire jussus expiravero,
 Nocturnus occurram furor ^f:
 Petamque vultus ^g umbra curvis unguibus,
 Quæ vis ^h Deorum est Manium;
 Et inquietis ⁱ assidens præcordiis,
 Pavore somnos auferam.
 Vos turba ^k vicatim hinc, & hinc saxis petens
 Contundet obscœnas anus.

Post ^l insepulta membra different ^m lupi,

(a) Post hanc orationem Canidiæ, cum jam esset defossus puer, cœpit ille non jam lenibus verbis eas mollire &c. (b) Incertus unde ordiretur; tam multa occurrerant quæ diceret; vel, adeo erat perturbatus & inops animi. (c) Diras, plenas imprecationis & furoris; quales misit Thyestes, cum filium illi suum epulandum frater Atreus apposuisset. (d) Venena, id est, magicæ artes, valent quidem convertere, id est, pervertere & confundere, magnum fas & nefas, id est, æquum & iniquum, jus & injuriam; possunt omnia efficere scelera: sed non valent convertere & mutare humanam vicem, id est, efficere ut id quod debetur hominibus, & iis pro virtutis & vitii præmio & vice rependendum est, ipsis non eveniat: non possunt facere ut malis male non sit, impedire quin impii, ea quæ aliis intulere mala, vicissim ipsi patiantur: hanc humanam vicem Horatius vocat. Vide lib. I. Ode 23. *Te maris & terræ &c.* ad hæc verba, *Vicesque superbæ &c.* Ait igitur puer Canidiam, &

alias veneficas, miserabili morte, ut merentur, vicissim perituras. (e) Persequar vos mane diris imprecationibus; quæ imprecationes vim suam obtinent, neque ullo sacrificio expiantur, id est, impediuntur quominus valeant; putabant enim eam vim inesse ejusmodi imprecationibus, si vere & ex animo fuissent factæ. Et post meam necem, ego ipse, tristes umbra, vos agitabo &c. (f) Instar Furis nocturnæ, vobis occurram, vos vexabo. (g) Involabo in ora vestra. (h) Quod facere Dii manes possunt, nempe excitare & immittere ultrices umbras, ut illæ sceleratos persequantur. Vel, quod facere mortui possunt. Manes sæpe sumuntur pro animabus mortuorum, & vim quandam Divinam habere credebantur, maxime ut eos exagitarent, a quibus interfessi forent. (i) Et vestra præcordia vellicans, non secus ac ille additus Prometheo vultur. (k) Populus. *Vicatim*, per singulos vicos. (l) Postea, ad extremum, cum expiraveritis. (m) Dissipabunt, huc illuc spargent membra vestra: insepultæ jacebitis;

Et Esquilinæ alites ^a:
 Neque hoc parentes, heu ^b mihi superstites!
 Effugerit spectaculum.

quæ pœna censebatur apud veteres esse maxima. (a) Corvi, vultures; quæ aves convenire solebant in Esquilias unum e septem Romæ montibus, in quo supplicium de facinorosis sumebatur, & ubi eorum jacebant cadavera. (b) Erunt quidem

parentes mihi superstites; quo nihil eis gravius accidere potest (est enim grave parentibus, ipsos esse, liberis perentibus, salvos & incolumes): sed hoc solatio dolorem suum lenient, quod vos insepultas, videbunt.

E P O D O N VI.

In Cassium Severum, oratorem maledicum.

Quid immerentes hospites vexas, canis
 Ignavus adversus lupos?
 Quin huc ^a inanes, si potes, vertis minas;
 Et me remorsurum petis?
 Nam, qualis aut Molossus ^b, aut fulvus Lacon,
 (Amica vis ^c pastoribus),
 Agam ^d per altas aure sublata nives,
 Quæcumque præcedet fera.
 Tu, cum timenda voce complesti nemus,
 Projectum odoraris cibum ^e.
 Cave, cave: namque in malos asperrimus
 Parata tollo cornua ^f:
 Qualis ^g Lycambæ spretus infido gener;

(a) Quin me, ut cæteros accausas, aut insectaris? De illo Cassio Severo, vidè Tacit. 1. Annal. & 14. Plin. lib. 35. c. 12. Quintil. lib. 10. (b) Molossia regio est Epiri: Laconia, Peloponnesi; utraque bonis canibus abundans. (c) Qui canes amici & optati sunt pastoribus. Vis canum, pro, canes; Virg. *Et odora canum vis* Græca locutio. (d) Quæcumque fera præcedet, illam agam & sectabor &c. (e) Munera significat; quibus Cassius corruptus sæpe fuerat. (f) Sumitur a tauris metaphora.

Erecto sum capite, & ad pugnam semper instructo. (g) Ordo est; sum talis in maledicos, qualis fuit Archilochus in socerum suum Lycamben. Gener (nempe Archilochus) spretus infido Lycambæ, id est, ab infido Lycambæ. Lycambes, cum Archilochus filiam suam despondisset, eam alteri collocavit. Quo factò, Poeta Archilochus ita exarsit, ut carmina Jambica longe amarissima scripserit in Lycamben: quod Lycambes adeo ægre tulit, ut laqueo sibi guttam fregerit.

Aut acer a hostis Bubalo.

An, si quis atro dente b me petiverit,
Inultus ut c flebo puer?

(a) Hipponax Poeta, cum a Bubalo pictore pictus ridiculum in morem fuisset, in eum dirinxit stylum, & hominem eo adegit, ut sibi manus violentas afferret. (b) Maledicis versibus. (c) Transpositio: an flebo ut inultus puer?

E P O D O N VII.

Civile bellum, a Sexto Pompejo, Magni filio, instauratum, detestatur.

Quo, quo scelesti ruitis? aut cur dexteris
Aptantur enses conditi a?
Parumne campis atque Neptuno super
Fusum est Latini sanguinis?
Non ut superbas invidæ b Carthaginis
Romanus arces ureret:
Intactus c aut Britannus ut descenderet d
Sacra catenatus via;
Sed ut, secundum e vota Parthorum, sua
Urbs hæc periret dextera.
Neque hic f lupis mos, nec fuit leonibus
Unquam, nisi in dispar, feris.
Europe cæcus, an rapit vis acrior g?

(a) In vaginas jam abditæ, nempe confectis civilibus bellis duobus; primo, inter Cæsarem & Pompejum; altero, inter Augustum & Brutum Cassiumque. Vide z. Indicem Odarum. (b) Quia Romæ erat æmula. (c) Nondum Romanorum armis dominantis. Anglos quidem Cæsar tentaverat; sed eos nullus ante Claudium Imperatorem penitus, devicit. (d) Pars viæ Sacræ prior, quæ ad forum Romanum pertinebat, declivis erat ac pronâ: pars ea quæ a foro ad Capitolium ferebat, supina & ardua. (e) Ut maxime Parthi,

Romanis semper infensi, cupiunt. (f) Ordo & sensus est: neque lupis, neque leonibus feris, fuit usquam iste mos, nempe sæviendi, nisi in dispar, subaudi, genus: nunquam seviunt lupi in lupos &c. Vel, neque lupis, neque leonibus, fuit iste mos, nunquam feris nisi in dispar, id est, qui nunquam feri crudelesque sunt, nisi in dispar animal, nisi in feras dissimiles, alterius naturæ & speciei, lupi in oves, leones in tauros, &c. vos Cives Civibus necem intentatis. (g) Fatalis quædam necessitas.

An culpa a? responsum date.
 Tacent: & ora pallor albus inficit,
 Mentisque percussæ stupent.
 Sic est b; acerba fata Romanos agunt c,
 Scelusque fraternæ necis;
 Ut d immerentis fluxit in terram Remi
 Sacer e nepotibus cruor.

(a) Cujus pœna sit iste civilis furor. (b) Causam rejicit & in fata, & in cædem Remi; ejus sceleris pœnas Romani juvant. (c) Vexant, ad civile bellum instaurandum impel-

lunt. (d) Postquam. (e) Exitialis, funestas. Remus a fratre Romulo interfectus est, & Roma fratricidio quasi dedicata. Vide Flor. lib. II. cap. I.

E P O D O N VIII.

Victoriam Augusti de Antonio, & Cleopatra celebrat.

Quando repostum a Cæcubum ad festas dapes,
 Victore lærus Cæsare,
 Tecum sub alta (sic Jovi gratum) domo,
 Beate Mœcenas, bibam,
 Sonante b mistum tibiis carmen lyra,
 Hac c Dorium d, illis Barbarum?
 Ut nuper e, actus cum freto f Neptunius
 Dux g fugit ustis navibus,

(a) Servatum in secretiore loco, & sepositum ad celebrandum diem aliquem festum genialibus epulis. (b) Mixtis ad canendum cum lyra tibiis, ita tamen, ut in lyra pulsanda modus Dorius adhibeatur; in instandis tibiis, modus Phrygius. (c) Lyra. *Illis*, tibiis. (d) Diores habebant certam canendi rationem; Phryges, quos Græci Barbaros appellabant, suam etiam certam: Dorius modus erat gravior, & lentior; Phrygius ex acuto, & gravi mixtus, ac proinde lætior paulo, & sonantior, temperatus tamen; ita ut dux quæ hic adhibentur ab Horatio tibiis, non obruant

lyram, sed cum ea gravius lentiusque pulsata belle concinant. Præter duos illos modos, tertius erat Tyrius, sive Sarranus, plane acutus & vividus; quo utebantur, cum res plus hilaritatis postulabat. Vide Oden 14. libri 3: (e) Subaudi, tecum bibi, tecum epulatus sum. (f) Pulsus mari Siculo. (g) Sextus Pompejus; qui ab Augusto navali pugna victus, & oppressus est, in freto Siculo. Is Neptuni filium appellari se voluit; quia Pompejus magnus ipsius pater imperium maris tenuerat; vel, quia ipse præliis aliquot maritimis secundis usus fuerat.

Minatus Urbi vincla, quæ detraxerat
 Servis ^a amicus perfidis.
 Romanus ^b (eheu! posteri negabitis)
 Emancipatus fœminæ,
 Fert vallum ^c; & arma miles, & spadonibus ^d
 Servire rugosis potest!
 Interque signa (turpe!) militaria,
 Sol aspicit conopeum ^e!
 Ad hunc ^f frementes verterunt ^g bis mille equos
 Galli, canentes Cæsarem ^h:
 Hostiliumque ⁱ navium in portu latent
 Puppes sinistrorsum citæ ^k.
 Io triumphæ ^l; tu moraris aureos

(a) Pompejus filius exercitum
 e servis conflaverat. (b) Redi-
 ta ad Antonium. Ergone, in-
 quit, miles Romanus (sub duce
 Antonio, in ejus castris) eman-
 cipatus, quod idem est, ac man-
 cipatus, id est, addictus; ob-
 noxius, redactus in potestatem
 fœminæ (Cleopatram) fert val-
 lum &c. nam mancipium vete-
 res dicebant jus ipsum domi-
 niumque, seu proprietatem rei:
 hinc mancipare, sive emanci-
 pare, pro mancipio dare, in
 alterius manum ac potestatem
 tradere. Dici non incommode
 potest, hoc esse initium can-
 tilenæ, quam fidibus, ac tibia
 canendam paulo ante dixit.
 (c) Vallus est palus, seu stipes,
 quo utuntur ad munienda
 castra: vallum, est ipsa muni-
 tio. (d) Eunuchis Cleopatram
 comitibus, & ministris. (e)
 Muliebri tentorium, seu vel-
 lum oppansum lectulo, ad en-
 liceas arcendos, quos conopas
 Græci vocant. Hoc utebatur
 Cleopatra, & Ægyptiæ vulgo
 mulieres. (f) Contra Antonium.
 Sic Virg. 2. Æncid. *Clypeosque
 ad tela sinistris protecti obji-
 ciunt*, id est, adversus, contra
 tela. Vel; ad hunc Cæsarem,
 id est, ad exercitum, & copias
 Cæsaris, se suosque equos ver-
 terunt: Vel, ad hunc frementes;
 ad Antonii aspectum indignan-

tes, & frementes, equos ad
 Cæsarem verterunt. (g) Con-
 verterunt frementes equos,
 nempe ab eo ad Cæsarem trans-
 fugientes. Duo millia Gallo-
 rum e pedestri Antonii exer-
 citu, qui erat in littore, ad
 Cæsarem desciverunt; quæ res
 maximum ad Augusti victoriam
 momentum attulit. Porro pe-
 nultima in voce, *verterunt* cor-
 ripitur. (h) Cæsaris nomen ite-
 rantes festis vocibus; ut solent,
 qui Regem adeunt; *Vivat Cæ-
 sar*. (i) Et in Actiaco portu
 latent puppes hostilium na-
 vium, sitæ ad sinistram, id est,
 respicientes Ægyptum, quæ est
 ad sinistram portus Actiæ, ut
 Italia ad dextram. Cleopatra,
 paulo antequam Antonium na-
 valem pugnam committeret,
 naves sexaginta expeditas ad
 fugam ita composuerat post na-
 ves bellicas, ut puppes portum,
 proræ pelagus, & Ægyptum
 spectarent. (k) Veloces, &
 expeditæ ad fugam sinistro mari
 capiendam. (l) Triumphum qua-
 si personam alloquitur. Prope-
 ra, Triumphæ, expedi currus
 aureos, profer victimas: quid
 tandiu retardas, & moraris tuos
 illos aureos currus &c.? Est
 causa tibi justa festinandi: ne-
 que enim in bello Jugurthino
 parem Augusto Imperatorem
 Romam revexisti, &c.

Currus, & intactas boves ^a?
 Io triumphæ, nec Jugurthino parem
 Bello reportasti ducem ^b:
 Neque ^c Africano, cui super Carthaginensium
 Virtus sepulchrum condidit.
 Terra ^d marique victus hostis, Punico ^e
 Lugubre mutavit sagum.
 Aut ille centum nobilem Cretam ^f urbibus,
 Ventis iturus non suis ^g,
 Exercitatus ^h aut petit Syrtes ⁱ Noto,
 Aut fertur ^k incerto mari.
 Capaciores affer huc, puer, scyphos,
 Et Chia ^l vina, aut Lesbia;
 Vel quod ^m fluentem nauseam coerceat,
 Metire nobis cæcubum.
 Curam ⁿ metumque Cæsaris rerum iuvat
 Dulci Lyæo solvere.

(a) Nondum aratro subditas
 iuvenas. (b) Nempe Marium;
 qui de Jugurtha triumphavit.
 Vide Oden 1. lib. 2. (c) Neque
 ex Africano bello ducem parem
 Augusto reportasti; illum sci-
 licet, cui virtus &c. Intelligit
 Africanum minorem; qui, e-
 versa Carthagine, videtur in
 eius ruinis sepulchrum omni
 monumento gloriosius invenisse.
 Quod Poëta dicitur hoc
 in loco: non enim obiit revera
 Scipio Carthagine, aut in eius
 ruinis sepultus est; sed Romæ
 in majorum sepulchro condi-
 tus: conveniat illud forte me-
 lius Africano majori, qui do-
 mita Carthagine, Roma pulsus,
 obiit in exilio. (d) Terrestrem
 Antonii exercitum ducebat Ca-
 nidius: is ad Cæsarem, septi-
 mo post fugam Antonii die,
 defecit. (e) Est hypallage: ho-
 mis victus mutavit puniceum,

seu, purpureum, & coccineum
 sagum, lugubri, nigro, &c.
 deposuit militare paludamen-
 tum, vestem Imperatoriam (quæ
 coloris rubri erant, sive ad di-
 gnitatem, sive quia sio faci-
 lius agnoscebatur eminus) ut
 sumeret fanestam & pullatam,
 qualis in luctu sumebatur. (f)
 Non faventibus, inimicis. (g)
 Insulam e regione Maris Ægæi.
 (h) Vexatas. (i) Littoris Lybiæ
 vada; de quibus, vide lib. 2.
 (k) Errabundus. (l) Ex insulis
 Chio, Lesbo, in Ægæo mari.
 (m) Vel, affer Cæcubum, quod
 impediatur nauseam, id est, vo-
 mitum, seu ciborum fastidium:
 quia nempe Cæcubum erat acre
 vinum, & austerius. (n) Que-
 ros antea sollicitos habuit, cum
 in metu essemus, ob incertum
 belli exitum, & Cæsaris salu-
 tem fortunamque periculoso lo-
 co positam.

E P O D O N IX.

*Mævio Poetæ tempestatem, ac naufragium
imprecatur .*

Mala ^a soluta navis exit ^b alite,
 Ferens olentem ^c Mævium.
 Ut horridis utrumque verberes latus ^d,
 Auster, memento fluctibus.
 Niger rudentes Euris, inverso ^e mari,
 Fractosque remos differat ^f.
 Insurgat Aquilo, quantus ^g altis montibus
 Frangit trementes ilices.
 Nec sidus atra nocte amicū appareat;
 Qua tristis Orion ^h cadit:
 Quietiore nec feratur æquore,
 Quam Graja ⁱ victorum manus:
 Cum Pallas usto vertit iram ab Ilío ^k
 In impiam ^l Ajacis ratem.
 O quantus instat navitis sudor tuis,
 Tibique pallor luteus ^m
 Et illa non virilis ⁿ ejulatio,
 Preces & aversum ^o ad Jovem,
 Ionius ^p udo cum remugiens sinus
 Noto carinam ruperit!

(a) Malis omnibus. (b) E
 portu, solutis rudentibus. (c)
 Fetidum, grave olentem. (d)
 Navis. (e) Susque deque verso
 & agitato. (f) Dissipet, jactet.
 (g) Tam vehemens, quam esse
 solet, cum frangit ilices. (h)
 Signum procellosum, de quo
 sæpe antea. Vide Od. 1. lib. 3.
 (i) Græci, cum e bello Trojano
 victores patriam repeterent,
 sæva tempestate jactati sunt,
 prope Eubœam insulam, ac
 præter cæteros, Ajax Oilci fi-
 lius; quem Pallas fulmine per-
 cussit, irata quod in suo tem-
 plo Cassandram ille temerasset.
 (k) Irata erat Trojanis, ob ju-

dicium Paridis: itaque, Troja
 deleta, ulcisci Ajacem cogita-
 vit, cui privatim erat infensa,
 licet universe Græcis faveret
 contra Trojanos. Reliquias iræ
 qua exarserat in Throjam, con-
 vertit in Ajacem. De illo vide
 Oden 13. lib. 1. (l) Pro, impiæ
 Ajacis ratem. (m) Flavus, fla-
 vos efficiens. (n) Fœminea:
 ignavi gemitus, quos media in-
 tempestate mittes. (o) Tibi in-
 fensum, non auditurum. (p)
 Mare Jonium alluit Græciam ab
 Occasu, inter Siciliam, & Cre-
 tam. Sinus Noto remugiens,
 id est, mare procellosum, & a-
 ventis agitato.

Opima a quod si præda, curvo littore
 Porrecta, mergos juveris,
 Libidinosus immolabitur caper,
 Et agna tempestatibus.

(a) Quod si eveniat ut naufragio per eas, & cadaver tuum, in littore porrectum, mergis & piscibus opima, & lauta præda fiat; ego caprum foetidum, ac simile tibi animal, bonis Tempestatibus, pro re tam feliciter gesta, maestabo. Mergi sunt aves quædam marinæ.

E P O D O N X.

Ad amicos, ut per hyemem genio indulgeant.

Horrida tempestas Cœlum contraxit a, & imbres,
 Nivesque deducunt b Jovem:
 Nunc mare, nunc sylvæ c
 Threicio Aquilone sonant. Rapiamus, amici,
 Occasionem d de die e:
 Dumque virent genua f,
 Et decet, obducta solvatur fronte senectus g.
 Tu h vina Torquato move i
 Consule k pressa l meo:

(a) Frigus omnia contrahit, ac deformat. Ita de apibus Virgilius; *Contracto frigore pigræ*. Nubes igitur, & aer densantur, & quasi contrahuntur præ frigore. (b) In terram trahunt Jovem, aerem. Pluviæ enim nihil aliud sunt, quam aer concretus, & contractus; qui, cum pluit, solvitur; densatur, & cogitur, cum ningit, &c. (c) Trisyllabum est hoc in versu, & Anapæstum facit. (d) Comessandi. (e) Hoc ipso die oblatam: luce palam rapiamus, & ipsi diei extorqueamus. (f) Dum valetudo, & ætas juvenilis favet. Ægrotis, & senibus, tremunt, ac labant genua; stant yigentque valentibus. (g) Pro mœrore, & tristitia hic sumitur, ut sæpe: Sic Persius Sat. 1. *En pallor seniumque*. Sententia est: frontem explicemus, removeamus tristitiam obducta fronte, id est, quæ habet frontem obductam, tectam, & nube ac tenebris velut involutam. Vel, solvamus & removeamus tristitiam a fronte, quam obducit id est, tegit; frontem exporrigamus. (h) Unum aliquem ex amicis compellat. (i) Deripe ex horreo, vel apotheca. (k) Sub quo nempe sum natus, anno U. C. 689. Vide Horatii vitam, in libri hujus fronte positam. (l) Expressa ex uvis, fusa in amphoras.

Cætera mitte a loqui. Deus hæc b fortasse benigna
 Reducet in sedem c vice.

Nunc & Achæmenia d

Perfundi nardo juvat; & fide e Cyllenea f

Levare diris pectora

Sollicitudinibus:

Nobilis ut grandi cecinit Centaurus s alumno h:

Invicte mortalis, Dea

Nate puer Thetide.

Te manet i Assaraci tellus, quam frigida parvi

Findunt Scamandri k flumina,

Lubricus & Simois;

Unde tibi reditum certo subtemine i Parcæ

Rupere: nec mater domum

Cærula m te revehet.

Illic n omne malum vino, cantuque levato

Deformis ægrimonix

Dulcibus o alloquiis.

(a) Omitte sermones molestos de aliis rebus, quam de vino & hilaritate. (b) Damna Republicæ. (c) In pristinum statum. Loquitur de Republica; quæ tum forte, cum hæc scriberet, reliquiis bellorum civilium laborabat. (d) Persica: Achæmenes Rex Persarum fuit. (e) Lyra. Fides, fidis, proprie est nervus, seu chorda lyræ. (f) Mercuriali; quia invenit lyram, & ejus primus artifex fuit Mercurius, in Cyllene, monte Arcadiæ, natus. (g) Chiron, ejus præceptor & moderator. (h) Achilli. (i) Iturus es aliquando Trojam; in qua regnavit olim Assaracus. (k) Troadis flumina. (l) Certo fito, quod secare decreverunt,

prinsquam redeas. Proprie subtemen, sive subtegmen, est filium in tela, quod stamini, seu filis longioribus, hinc atque inde inseritur ope radii: hic usurpatur pro eo fito, quod e colu trahere finguntur Parcæ. (m) Thetis. (n) Ad Trojam in castris. (o) Est appositio: quod vinum, qui cantus, sunt dulcia alloquia, id est, solatia, deformis ægrimonix, hoc est, tristium curarum. *Allocutio*, pro consolatione apud Latinos interdum sumitur; *alloqui*, pro consolari, Varrone teste, & Catullo. Vel; Illic omne malum, omne incommodum deformis ægrimonix, levato cantu, vino, & dulcibus amicorum colloquiis.

E P O D O N XI.

*Romanos hortatur, ut Romam, bellis civilibus
semper æstuantem, relinquunt, & in imu-
las Fortunatas commigrent.*

Altera ^a jam teritur ^b bellis civilibus ætas;
Suis & ipsa Roma viribus ruit.
Quam neque ^c finitimi valuerunt perdere Marsi ^d,
Minacis aut Etrusca Porsenæ ^e manus,
Æmula ^f nec virtus Capuæ, nec Spartacus ^g acer,
Novisque rebus infidelis Allobrox ^h,
Nec fera cærulea domuit Germania ⁱ pube ^k,
Parentibusque ^l abominatus ^m Hannibal,
Impia perdemus devoti sanguinis ætas ⁿ:
Perisque rursus ^o occupabitur solum.

(a) Prima civilium bellorum ætas dici potest ea, quæ Mariam, Syllam &c. tulit: altera quæ Pompeium, ejus filios, & Antonium &c. Porro ætatem pro annorum circiter 30. spatio posuit, ut vulgo vox ea sumitur, licet annos interdum plures paucioresve significet. (b) Consumitur, traducitur. (c) Pendet hoc a versu 9. Nos perdemus Romam, quam neque Marsi &c. (d) Italiæ populi fuere: qui cum jus civitatis sibi promissum obtinere non possent, adjunctis sibi finitimis Romæ populis, bellum sociale, sive Marsicam, conflaverunt. Odè 10. lib. 13. (e) Porsena, Rex Etruscorum, conabatur Tarquinium Superbum, ejectum Roma, restituere: verum Romanorum fortitudine, ac Mutii Scævola factis deterritus, incepto destitit. Vide Flor. l. 1. cap. 10. (f) Capua Urbs erat nobilissima in Campania Romana, Romæ prope par. In eam, ipsa Roma capta & eversa, sedem Imperii orbis terrarum transferre Hannibal meditabatur: qua spe Capuanos sibi mirifice devinxerat. (g) Servile

bellum movit. Lege Odè 10. lib. 3. *Herculis ritu* &c. (h) Allobroges, populi Galliæ, qui nunc Sabandi & Delphinates vocantur, rebus novis & Catilinæ favebant: itaque merito inter hostes gravissimos Romanæ Reip. numerantur: quamvis postea detecti Ciceronis vigilantia, cui conjurationem omnem ultro patefecerunt, relictis Catilinæ partibus, in officio ac Reip. fide manserunt: unde infideles novis rebus dicuntur; quia fidem datam civibus, novarum rerum, id est, Reipublicæ mutandæ, aut potius, evertendæ cupidis, non servarunt. (i) Pene Romam deleverunt Cimbri & Teutones; eos Marius profligavit. (k) Juventute, militibus. Cæruleos fere oculos habebant Germani, Tacito teste. (l) Invisus, detestabilis. (m) Quorum liberos tam multos interemit. (n) Nos impii, & impio sæculo nati; quorum sanguis sacer ac devotus, id est, morti destinatus videtur esse, propter majorum scelera. (o) Tellurem hanc, ut ante Romam conditam, feræ habitabunt.

Barbarus^a, heu! cineres insistet victor, & Urbem
 Eques sonante verberabit ungula:
 Quæque^b carent ventis & solibus, ossa Quirini
 (Nefas^c videre) dissipabit insolens.
 Forte quid^d expediat, communiter aut melior pars,
 Malis carere quæritis laboribus?
 Nulla sit hac potior sententiâ; Phocæorum^e
 Velut profugit execrata^f civitas
 Agros, atque Lares patrios, habitandaque fana^g
 Apris reliquit, & rapacibus lupis;
 Ire, pedesh^h quocumque ferent, quocumque per undas
 Notus vocabit, aut protervus Africanus.
 Sic placet? an melius quis habet suadere? se-
 cunda^k

Ratem occupare quid moramur alite?

Sed jurêmus in hæc^l: simul imis saxa renarint

(a) Barbari, post victoriam de nobis partam, incensæ Urbis cineres calcabunt. (b) Et Romuli tumulum, tectum, et clausum, aperiet: cineres ejus in ventos dividet. (c) Quæ ossa nefas est, id est, non licet videre. Religio erat, apud veteres, tumulos effodere, ossa scrutari et dissipare. Vel, quod spectaculum triste visu, ac nefarium erit. (d) Forte quæritis, o cives, communiter, id est, omnes universe, aut melior, seu, major pars vestri, quid expediat, quid opus facto sit, carere, id est, ad carendum malis laboribus, ut careatis bellis civilibus? Iste infinitivus a Græcis ita ponitur pro gerundio cum præpositione. Legunt aliqui: forte (quod expediat) communiter etc. et sic ordinant: forte quæritis, et cupitis carere malis laboribus: quod quidem expediat, quod optimum est factu: quis enim remedium calamitati non quærat? Vel, quæritis communiter et omnes simul (quod quidem expediret, ac optimum esset) aut, si id non potest, major pars saltem quæritis carere, etc. (e) Phocæa civitas Joniæ fuit;

quam cum obsiderent Persæ Græcis infestis cives navibus Deos et conjuges imposuere, ac nunquam redituri, profugerunt in eam Galliæ partem, ubi nunc est Massilia. (f) Diris execrationibus et imprecationibus usa; vel, Lares et agros suos detestata, profugit. (g) Tempia: ea deseruit, a feris incolenda. (h) Redi ad quartum retro versum: nulla sit sententia potior hac; nempe, ire, cundi, quo nos pedes ferent etc. Phocæorum exemplo. (i) Quod suadeat. (k) Bonis omnibus: de voce, secundus, vide Od. 12. lib. 4. (l) In hæc verba. Ita juramentum concipiamus: nimirum ne sit nefas redire, id est, nos juramento solutum iri, et nefas nemini fore dare lintea domum conversa, hoc est, vela facere ac in patriam reverti, simul ac saxa, quæ sunt imo in mari, renaverint, emergerint imis vadis, id est, fluctibus. Simile quidpiam Phocæi factitarunt: massam enim plumbeam in mare projecerunt, se non ante redituros contestati, quam illa e fundo maris sponte emerisset.

Vadis levata, n e redire sit nefas;
 Neu conversa domum pigeat dare lintea, quando
 Padus a Matina laverit cacumina;
 In mare seu celsus procurrerit Apenninus,
 Novaque b monstra junxerit libidine
 Mirus amor; juvet ut tigres subsidere cervis,
 Adulteretur & columba milvio c:
 Credula nec fulvos timeant armenta leones,
 Ametque salsa lævis d hircus æquora.
 Hæc e, & quæ poterunt reditus abscindere dulces,
 Eamus omnis execrata civitas,
 Aut pars f indocili melior grege; mollis g & exspes
 Inominata h perprimat i cubilia.
 Vos, quibus est virtus, muliebrem tollite luctum,
 Etrusca k præter & volate l littora.
 Nos manet m Oceanus circumvagus; arva; beata n
 Petamus arva, divites & insulas,
 Reddit ubi Cererem tellus inarata quotannis;
 Et imputata o floret usque vinea;
 Germinat & nunquam fallentis tormes p olivæ;

(a) Italiæ Anvius, Galliam Cisalpinam ab Occidente in Orientem mediam secans, inter Liguriam, Ducatum Mediolanensem, & Venetam ditionem fluens: Matinus est mons Calabriae. Fieri autem nequit, ut Padus supra illum montem attollatur. (b) Et amor mirus junxerit nova & inaudita libidine monstra, id est, feras disparis generis, tigres cervis, eolumbas milvius. (c) A milvio adulteretur, ametur. Notat Torrentius legi, *milvio*, in omnibus manuscriptis, meritoque dubitari posse an, *milvius*, Latina vox sit. (d) Sine pilis sit hircus, qui natura pilosus & hirsutus est; idemque amet æquora, instar piscium natet, qui amat in montibus pasci. (e) Eamus, omnis civitas, omnes cives, postquam adhibuerimus istas jurandi, & execrandi reditum, formulas, aliasque consimiles, quæ nos a redeundo deterreant. (f) Omnis civitas, aut pars ejus

saltem sanior & melior, consultiorque indocili grege, id est, vulgo & plebecula, quæ, instar stupidi gregis, ratione duci nequit. (g) At quæ pars est mollis, delicata, quæ non tangitur spe fortunæ melioris, maneat in Urbe, ubi otiose in cubilibus jaceat. (h) Infausta, inauspicata. (i) Id est, valde premat. (k) Etruria est pars Italiæ, in medio, ad mare Tyrrhenum. (l) Navibus relinquite. Volare naves dicuntur, & aves vicissim, nare. (m) Expectat: Petamus Oceanum, qui circum terras vagatur, qui eas ambit, vel potius, insulas in Oceano positas: Italia est in mari Mediterraneo. (n) Fortunatas insulas. Sunt illæ in mari Atlantico, non procul ab Hispania: in iis aer purissimus, fertilis admodum terra, quidquid ad victum & delicias dederari potest, ibi abundare dicitur. (o) Non amputata. (p) Ramus semper feracis olivæ.

Suamque ^a pulla ^b ficus ornat arborem
 Mella cava manant ex ilice; montibus altis
 Levis crepante lympha desilit pede.
 Illic injussæ veniunt ad mulctra ^c capellæ,
 Refertque tenta ^d grex amicus ubera;
 Nec vespertinus circumgemit ursus ovile;
 Nec intumescit ^e alta viperis humus.
 Pluraque felices mirabimur, ut neque largis
 Aquosus Eurus arva radat imbridus;
 Pinguia ^f nec siccis urantur semina glebis,
 Utrumque ^g Rege temperante Cœlitum.
 Non huc ^h Argoo contendit remige pinus,
 Neque impudica Colchis intulit pedem:
 Non huc Sidonii ⁱ torserunt cornua ^k nautæ,
 Laboriosa ^l nec cohors Ulysssei ^m.
 Nulla nocent pecori contagia; nullius astri
 Gregem æstiosa torret impotentia ⁿ.
 Jupiter illa piæ secrevit littora genti,
 Ut ^o inquinavit ære ^p tempus aureum;
 Ære, dehinc ferro duravit ^q sæcula, quorum
 Piis ^r secunda ^s, vate me ^t, datur fuga.

- (a) Non insitam, naturalem. (b) Nigricans, matura. (c) Vasa, in quibus excipitur lac & pressis uberibus. (d) Distenta, plena. (e) Ob latebras serpentium, sub terra delitescentium. (f) Mirabimur quemadmodum, calor & siccitas nimia non urat pingua semina in sulcis arenibus, inter glebas siccas. (g) Aquas, & siccitatem. (h) Non hunc venerant Argonautæ, qui nempe, ut alienas opes raperent, navim Argo conscenderunt; non Medea, ob veneficia infamis: non nautæ Sidonii, id est, homines avari & iniusti, quales sunt nautæ & mercatores; quos inter eximii semper habitati sunt Sidonii; non socii Ulyssis, homines videlicet libidinosi, & voluptati servientes. (i) Sidon, urbs Phœnicæ, ad mare; emporium celeberrimum. (k) Antenarum extremas partes. (l) Quæ multos labores pertulit. (m) A nominativo, *Ulyseus* vulgo *Ulysses*. (n) Vis immodica, & potentia exitialis. (o) Ex quo. (p) Postquam ætatem auream mutavit ærea deteriori. (q) Dura fecit, & æri ferroque similia. (r) Hominibus probis. (s) Felix & auspicata. (t) Me prædicente, ac spondente secururam felicitatem.

E P O D O N XII.

Veniam petit a Canidia venefica, cujus artem spreverat.

Jam jam efficaci do manus ^a scientiæ ^b;
 Supplex & oro regna per Proserpinæ,
 Per & Dianæ non movenda ^c Numina,
 Per atque libros carminum valentium ^d
 Refixa ^e Cœlo devocare ^f sidera,
 Canidia, parce ^g vocibus tandem sacris;
 Citumque retro ^h solve, solve turbinem.
 Movit nepotem ⁱ Telephus ^k Nerejum,
 In quem superbus ordinarat agmina
 Mysorum, & in quem tela acuta torserat.
 Unxere ^l matres Iliæ addictum feris
 Alitibus, atque canibus homicidam Hectorem;
 Postquam relictis mœnibus rex ^m procidit,
 Heu! pervicacis ad pedes Achillei.
 Setosa ⁿ duris exuere pellibus

(a) Victum me fateor. Victi solent manus supplices porrigere. (b) Arti magicæ. (c) Non irritanda, non movenda ad iracundiam: erat enim Diana, sive Luna, gravis in peccantes & acerba; neque mortem solum et pestilentiam hominibus, sed etiam amentiam immittere credebatur. Hinc illi amentes, qui Lunatici appellantur. Quid sit movere, et quatere Numina, explicuimus, in Od. 16. lib. 1. (d) Quæ possuat. (e) Detracta. His verbis, libros magicos, et incantationes indicat. (f) E Cœlo in terras vocare et trahere. (g) Noli me persequi et vexare carminibus tuis sacris, id est, magicis, et diris. (h) Convertite in contrariam partem. Utebantur magi, in suis incantationibus, turbine, sive rhombo, quem filis et tæniolis involutum circumagebant: ut autem irrita esset incantatio, in-

hibebant motum; ut incantatio eadem valeret in contrariam partem, turbine aliam in partem convertebant. (i) Achillem, genitum Thetide, filia Nerei. (k) Mysorum Rex; qui cum Trojam petentes Græcos arceret Mysia, negaretque transitum, ab Achille vulneratus est: oraculo consulto, responsum fuit, cum ab eodem sanari tantum posse, a quo vulnus accepisset: supplex igitur Achillem adiit; qui decussa in vulnus Telephi hastæ suæ rubigine, hominem persanavit. (l) Matres, id est, Matrone Iliæ, Trojanæ, unxerunt balsamo, et aromatis delibutum tumularunt cadaver Hectoris, addictum, id est, destinatum ab Achille vulteribus feris. (m) Priamus: is corpus Hectoris ab Achille petiit, et exoravit. Lege Od. 9. lib. 1. (n) Porcinæ membra exuerunt.

Laboriosi remiges Ulyssæi,
 Volente Circe, membra; tunc mens & sonus ^a
 Relatus, atque notus in vultus honor ^b.
 Dedi ^c satis, superque pœnarum tibi,
 Amata nautis multum & institoribus.
 Fugit juvenas, & verecundus color ^d
 Reliquit ossa pelle amicta ^e lurida.
 Tuis capillus ^f albus est odoribus:
 Nullum a labore me reclinat ^g otium:
 Urget ^h diem nox, & dies noctem; neque est ⁱ
 Levare tenta spiritu præcordia.
 Ergo ^k negatum vincor ut credam miser,
 Sabella pectus increpare carmina,
 Caputque Marsa dissilire ^l nœnia ^m.
 Quid amplius vis? o mare, & terra! ardeo,
 Quantum ⁿ neque atro delibutus Hercules
 Nessi cruore, nec Sicana ^o fervida

(a) Vox ipsis fuit reddita. (b) Humana facies & dignitas. (c) Satis me vexasti tuis magicis carminibus, o tu, quæ amaris impense a nautis & mercatoribus, (qui institores ab instando vocantur). Incipit eam carpere, ut vulgarem mulierem; licet in speciem laudare videatur, perinde ac si eam omnes expeterent: nautæ enim pro navium magistris sæpe accipiuntur, qui vulgo sunt locupletes. (d) Rubicundus: rubor enim est verecundiæ & pudicitæ color. Color vividus deseruit ossa mea, quæ nunc sunt amicta lurida pelle & pallida. (e) Vestita. (f) Mei capilli jam canescunt, propter tuos odores. Sic vocat ironice pharmaca & venena Canidiæ; a qua immisam sibi ante tempus senectutem queritur. (g) Solvit, liberat: quiescere enim solemus reclinati. (h) Diem, molestiæ laborisque lenum, excipit laboriosa graviorque nox: vel interdum noctem desidero; & noctu, cum mihi sit inquieta quies, diem postulo: luce noctem, nocte lucem expecto. (i) Neque licet spiritum ducere;

libere respirare non possum, & pulmones fessos distentosque liberiori anhelitu relaxare. (k) Ordo est: ergo nunc miser vincor, id est, adducor ut credam negatum, hoc est, quod antea negabant: nempe carmina magica (quæ Sabella vocat, vel, quod Canidia Sabina esset, vel, quod in Sabinorum regione multum magi reperirentur) pectus increpare, id est, animos hominum perturbare, quatere, agitare. Sunt qui Sabelios alios a Sabinis faciant, ab illis quidem oriundos, sed Samnium incolentes, Marsis proximos. (l) Findi, frangi. (m) Magica incantatione. Vide Oden 5. hujus libri. (n) Vide hunc lib. Od. 3. (o) Ordo est. Ardeo, quantum non ardet Sicana, id est, Sicula flamma, virens in Ætna fervida. Ætna ignes intestinos alit, ac identidem vomit. Vide Virg. lib. 3. Virentem flammam appellat, quæ nunquam extinguitur & senescit. Quidam legunt *furens*, Virere dicuntur ea omnia, quæ firma sunt ac valida: hinc viridis juvenas, senectus, animus, &c.

Virens in Ætna flamma. Tu, donec ^a cinis
 Injuriis aridus ventis ferar,
 Cales venenis officina Colchicis.
 Quæ finis? aut quod me manet stipendium? ^b
 Effare: jussas ^c cum fide ^d pœnas luam;
 Paratus expiare ^e, seu poposceris
 Centum juvencos ^f, sive mendaci lyra
 Voles sonari ^g, Tu pudica, tu proba,
 Perambulabis ^h astra, sidus aureum.
 Infamis ⁱ Helenæ Castor offensus vice,
 Fraterque magni Castoris, victi prece
 Adempta vati reddidere lumina:
 Et tu (potes ^k nam) solve me dementia ^l:
 O nec ^m paternis obsoleta sordibus,
 Nec in ⁿ sepulchris pauperum ^o prudens anus
 Novendiales ^p dissipare pulveres;

(a) Tu o Canidia, (tanquam officin, in qua sunt igne multo venena Colchica) nova & efficaciora in dies adhibes quibus urere me miserum non cessas, donec in cineres solvar, & in ventos dissipar. (b) Pœna. Proprie est pecunia militibus in diem dari solita; stips, quæ illis penditur. Pro præmio quolibet usurpatur; præmium autem de supplicio & mercede dicitur. Quam jubes me pœnam pendere. Vel, quid tibi a me jubes persolvi, quo liberer, quo solvar dementia? (c) A te constitutas. (d) Fideliter. (e) Crimen: te placare. (f) Sacrificium, quam Hecatomben Græci vocant. (g) Laudari. (h) In Cælo a me collocaberis, instar eximii sideris: ad Cælum te laudibus meis tollam; dicam te pudicam esse, & probam &c. Jocatur: & Canidiam iridet. (i) Sensus est: Castor ejusque frater Pollux, offensi vice, id est, ignominia, calamitate & sorte adversa. Helenæ sororis suæ, quam Poeta Stesichorus infamem reddiderat, victi tamen & placati precibus ejusdem Poetæ ac palinodia, illi redderunt lumina, quibus eam privaverant. Stesichorus cæmen de Helena scripserat; in quo ejus libidinem belli Trojanæ causam esse dixerat: oculis subinde captus, recantavit quæ cecinerat: ajuntque visum illi restitutum fuisse. (k) Nam id potes facile. (l) Quam magicis tuis carminibus mihi attulisti. (m) O Canidia, quæ neque ob parentum adulteria & ignobilitatem infamis es, &c. Obsoletum id proprie dicitur, quod tractari non solet, quod vetus ac viciatum est, atque adeo detritum & putridum. (n) Hæc omnia contrarium in sensum sunt accipienda. Quæ prudens anus es, id est, sciens et perita, ad pulveres, hoc est, cineres mortuorum, nono quam obierunt die ac sepulti sunt, eruendos ac dissipandos, e tumulis maxime pauperum. Hoc fiebat a veneficis, ut ossa colligerent, quibus in suis incantationibus uterentur. Dicam nunquam hoc arte factum fuisse. Ironia. (o) Divitum sepulchra, ne aut feris aut veneficis paterent, sedulo custodiebantur; non ita pauperum. (p) Nono die humatos. Apud majores, inquit Servius, in lib. 5. Æneid.

Tibi hospitale ^a pectus, & puræ manus ^b.

ubi quis fuisset extinctus, domum suam referebatur, & illic septem erat diebus; octavo incendebatur; nono sepeliebatur ejus cineres. Acron triduo tantum ait servatos fuisse in ædibus mortuos; post triduum impositos rogo; atque iterum post triduum cineres in urnam

conditos. Itaque, *Novendiales*, significabit cineres per dies novem servatos: proprie enim novendiale est, quod novem diebus durat. (a) Mite in hospites, pium, & humanum. (b) Innoxia, puræ sceleris, nullius imbutæ sanguine.

E P O D O N XIII.

Respondet Horatio Canidia, se nunquam illi placatam fore.

Quid obseratis ^a auribus fundis preces?
 Non saxa ^b nudis surdiora navitis
 Neptunus alto tundit hybernus salo ^c.
 Inultus ^d ut tu riseris Cotyttia ^e
 Vulgata, sacrum liberi ^f Cupidinis?
 Et Esquilini ^g pontifex ^h venefici ⁱ;
 Impune ut urbem nomine impleris meo?
 Quid proderit ^k ditasse Pelignas anus,

(a) Clausis, surdis. (b) Scopuli, qui a fluctibus iratis verberantur alto in mari, non sunt surdiores nautis nudis, id est, naufragis, quam ego sum tibi: ad naufragorum preces & ejulatus non magis surda sunt saxa, quam ego ad mas. (c) Mari. (d) Tunc riseris impune nocturna, quæ sunt Cotyttoni, sacra; in quibus liber Cupido dominatur, tunc postquam ea vulgavisti, inultus id feceris. (e) Subaudi, mysteria, sacrificia Cotytto, sive Cotys. Dea quædam fuit, impudicitia præses, apud Tracas, & Græcos. Legunt aliqui, *Cocytia*, id est, Infernalium (f) Nocturna quædam sacra, in quibus magi & venefici omni genere obscœnitatum libere et promiscue se conspurcabant. (g) Et quasi esset cen-

sor ac index veneficiorum, quæ tractare soleo et peragere in Esquilino monte, et nocturnorum sacrificiorum, me tanquam infamem Urbe tota cantaveris ac traduxeris? (h) Cura sacrorum et cognitio pertinebat ad Maximum Pontificem: quo nomine Canidia Horatium hic vocat; quia ausus erat sacra magica insectari, et exquirere. (i) Extra portam Esquilinam multa erant sepulchra: quamobrem eo convenire plurimum solebant veneficæ. (k) Locus obscurior. Fingitur Heratius, ut se dementia solveret, sibi per Canidia incantationes immissa, adisse et consuluisse alias veneficas (quas Pelignas vocat, quia Peligni, Marsis et Sabellis vicini, ob veneficia infames erant) et velocius, id

Velociusve miscuisse toxicum,
 Si tardiora fata te votis manent?
 Ingrata misero vita ducenda^a est in hoc^b,
 Novis ut usque suppetas^c doloribus.
 Optat quietem Pelopis^d infidus pater,
 Egens benignæ^e Tantalus semper dapis:
 Optat Prometheus obligatus^f aliti:
 Optat supremo collocare Sisyphus^g
 In monte saxum: sed vetant leges Jovis.
 Voles modo altis desilire^h turribus,
 Modo ense pectus Noricoⁱ recludere^k;
 Frustraque vincla gutturi innectes tuo,
 Fastidiosa^l tristis ægrimonia.
 Vestabor^m humeris tunc ego inimicis eques;
 Mæqueⁿ terra cedit insolentiæ.
 An, quæ movere cereas^o imagines,
 (Ut ipse nosti curiosus^p) & polo

est, præsentius aliquod ab iis toxicum, seu, venenum petiisse, quo emori statim & vita simul ac dementia solvi posset. Frustra illum laborasse Canidia respondet. Quid tibi proderit, inquit, avas illas ditasse, hoc est, magnis muneribus, magno pretio convenisse, ut velociorem tibi mortem afferrent: si ego officio ut tardius votis tuis moriaris? si tibi vitam infelicem præter spem ac vota tua prorogo? (a) Producenda. (b) Eam ob rem. (c) Sufficias; ut dures in nova supplicia. (d) Tantalus qui infidus dicitur, quasi infidelis; quod Jovem, Neptunum, & alios Deos, qui ad ipsum diverterant, Deos esse non credens, illis suum filium Pelopem, clam a se interfectum, apposuit epulandum, tentaturus an id cognoscerent. Ob id scelus detrusus ad Inferos, æterna siti & fame torquetur. Alii dicant idcirco vocari infidum; quia, cum interesset convivii Deorum, in eorumque cœtu & consilio versaretur quotidie, multa perperam effutierit, quæ tacita esse oportebat; imo nectar & ambrosiam

furatus sit. (e) Affluentis, copiosæ; medias inter dapes jejunus. (f) Alligatus, vel, adductus & obnoxius. De Prometheus, vide Oden 14. lib. 1. & 15. 2. (g) Vide lib. 2. Od. 11. (h) Præceptis ruere. (i) Noricum est regio Germaniæ, ferax optimi ferri: nunc Bavaricæ pars. (k) Aperire. (l) Quæ facit ut omnia fastidiamus. (m) Tunc tibi inequitabo, id est, insultabo; te irridebo, inimicum meum. Inequitare alicui, est insultare. Hanc metaphoram & vetus adagiûm, inde sumptum aliqui volunt, quod Romani divites læticiariorum humeris interdum gestarentur. Hinc Plinius in Panegyri. *Importari solebant, non dico, quadrijugo curru, sed humeris hominum, &c.* (n) Tunc exiliam gaudio, & humum petulanter saltando premam, & cogam subsidere. (o) Imaginibus hominum e cera fictis utebantur magicæ artis petiti, easque movebant, feriabant, laniabant, ut vivos homines agitados & percussos volebant. (p) Hæc arcana descripsit, Od. 5. huius lib.

Deripere Lunam vocibus possum meis,
 Possum crematos excitare mortuos,
 Desiderique a temperare poculum.
 Plorem artis in te nil agentis b exitum?

(a) Poculum potionem aptam ad amorem excitandum. (b) Ita legitur in plerisque libris manuscriptis, & veteribus codicibus. An dolebo, an patiar meam artem nihil valere contra te? nocere tibi non posse? exitum habere meis votis contrarium? Legunt aliqui, *nihil habentis*, id est, nihil valentis; sed minus Latine. Alii sic ex-

plicant: plorem artis (substantiæ causa) nihil habentis exitum in te: sed hoc duriusculum est: quis enim Latine dicat exitus commode, nihil habeo potestatem, vires, in illum? hæc ars nihil habet exitum? Malui legere cum Lambino: plorem artis in te nullam habentis exitum: quam lectionem probet tueretur ac illustrat.

CARMEN SÆCULARE. ^e



Chorus puerorum nobilium, ac puellarum, Deos, ac præsertim Apollinem, & Dianam, orat pro Imperii Romani felicitate.

Phœbe, sylvarumque potens b Diana,
 Lucidum c Cœli decus, o colendi
 Semper, & culti, date quæ precamur d,
 Tempore sacro e;
 Quo f Sibyllini g mouere versus,

(a) Ita dictum est; quod ludis Sæcularibus caneretur. Vertente quolibet sæculo, Romani dies festos, Indosque celeberrimos agebant, certasque preces & hymnos canebant. Jussus est Horatius ab Augusto istam Oden ea de causa scribere, anno U. C. 737. (b) Domina, præses. (c) In ambos, Apollinem & Dianam, ea vox iansque cadit. (d) Pueri, & puella Apollinem & Dianam orant. (e) Festis diebus, qui vertente

sæculo, summa religioni peragere solebant. (f) Quo tempore Sibyllæ suis versibus præceperunt, ut delectæ omni ex Urbe virgines, & pueri solemne carmen dicerent Diis, Romæ (in qua colles septem) præsidibus & custodibus. (g) Sibyllæ fuere virgines quædam fatidicæ, quibus futuri notitiam Deus in præmium castitatis videbatur indulsisse. Decem vulgo numerantur. Insignis est ea, quæ Cumana dicebatur, de qua Virg.

Pars I.

K

Virgines lectas, puerosque castos,
Diis, quibus septem^a placuere colles,
Dicere carmen.

Alme^b Sol, curru nitido diem qui
Promis^c, & celas, aliusque^d & idem
Nascaris; possis nihil urbe Roma

Visere majus:

Rite^e maturos aperire partus,
Lenis Ilithya^f, tuere matres;
Sive tu Lucina probas^g vocari,
Seu genitalis.

Diva, producas^h sobolem, Patrumqueⁱ
Prosperes^k decreta super^l jugandis^m

lib. 6. Tarquinio Superbo, Romanorum Regi, una quadam ex illis novem libros obtulit, in quibus Reip. Rom. fata contineri diceret; petiitque pretium 300. nummorum. Recusante Rege, tres libros in ignem coniecit; idemque pretium pro reliquis poposcit. Irridente Rege, tres alios libros cremavit; & pro aliis tantundem petere petrenxit. Quod Tarquinius admittatis, & pretium persolvit, & libros inter Imperii Romani sacra haberi voluit, adhibitis viris, qui eos & servarent in Capitolini Jovis sacrario, & cum opus esset, consularent. Illi viri, primum duo, deinde 10. postea 15. fuerunt. Isti libri, Syllæ tempore, incenso Capitolio, cum deflagrassent; conquisiti sunt orbe toto versus Sibyllini omnes, & ex his confecti novi codices, ac pristina religione servati; qui demum, imperante Honorio, exusti sunt.

(a) Aventinus, Capitolinus, Cælius, Esquilinus, Palatinus, Quirinalis, Viminalis. Additi postea duo, Vaticanus, & Janiculus. (b) Ea vox ab aliendo ducta est. De Sole dicitur; quia Sol omnia educat, alitque. (c) Proferes, & condis. (d) Qui alius Sol ab hesterno videris esse, licet unus idemque sis. (e) Ordo est, O Ilithya, quæ

lenis es, facilis & propitia aperire, id est, in lucem proferre, maturos partus, quæ lenis es ac benigna in partibus & foetibus ematrum alvo educendis. (f) Est nomen Dianæ quatenus parientes juvat, a Græca voce, significante, venio orior. Dicebatur etiam *Lucina*, a luce, in quam ut partus feliciter eederentur, curaret: *Genitalis*, a gignendo, quasi ad gignendum juvans. (g) *Mavis*. Erat autem hæc apud veteres religio, ut eo nomine Deos vocarent, quod ipsis putarent acceptissimum, & rei, quam postularent, convenientissimum: unde multa sæpe illorum nomina congebant, ignari quodnam esset omnium acceptissimum. (h) *Amplifices*. (i) *Senatorum*. (k) *Fortunes*; *felicia*, & fortunata esse jubeas. (l) De feminarum matrimonio, & de maritali lege. (m) In matrimonio rite collocandis. Ea lege decernebantur iis præmia, qui e legitimis uxoribus liberos susciperent; pœnæ in adulteros statuiebantur, &c. quæ ad augendam in Urbe sobolem erat maxime valitura: unde legem hanc vocat Horatius, *nova prolis feracem*, & *maritam*, seu maritalem, quia matrimoniorum honori, & sanctitati consulebat.

Fœminis , prolisque novæ feraci

Lege marita :

Certus ^a undenos ^b decies per annos

Orbis ut cantus , reseratque ludos ,

Ter die claro , totiesque grata

Nocte frequentes .

Vosque ^c veraces cecinisse Parcæ

Quod semel dictum est , stabilisque rerum

Terminus servet , bona jam peractis

Jungite fata .

Fertilis frugum , pecorisque tellus

Spicea ^d donet Cererem corona .

Nutrient fœtus ^e & aquæ salubres ,

Et Jovis ^f auræ .

Condito ^g mitis , placidusque telo

(a) Ordo est: precamur; vel ,
facite , ut certus orbis , id est ,
certa annorum conversio , per
annos decies undenos facta ,
referat cantus , & ludos fre-
quentes , per tres dies claros ,
totidemque gratas noctes . (b)
Sæculares ludi non centesimo
quoque , ut multi putant , an-
no , sed centesimo decimo ce-
lebrabantur quod patet ex ipsis
Sibyllinorum versuum vocibus ,
& Romana historia . Primi enim
ludi Sæculares peracti sunt ,
anno U. C. 298. secundi , 408.
tertiï , 517. quarti , 626. quinti ,
de quibus hic agitur , 737. Quos
inter singulos intercedit spa-
tium annorum 110. (c) Senten-
tia hæc germana est : vosque ,
o Parcæ , quæ veraces estis ce-
cidisse quod semel a vobis di-
ctum , & constitutum est ; id
est , quæ veraciter caruitis , &
immutatum jubetis esse , quod
semel , hoc est irrevocabili de-
creto dixistis : quod ipsum Ter-
minus Deus , stabilis rerum ,
id est , qui res Imperii Romani
stabiles facit , servat , & im-
mutabiles quoque esse jubet ;
vos , inquam , peractis fatisse
quentia bona , & similia jun-
gite ; præteritæ felicitati futu-
ram addite . Parcæ Romano Im-

perio immortalitatem , & æter-
nitatem promississe diceban-
tur ; idque videbatur signifi-
casse Deus Terminus , cujus
effigies reperta in Capitoliï fun-
damentis , moveri loco non po-
tuit ; quam ob rem vocatur ab
Horatio *stabilis rerum* . Vide
Livium lib. 1. Porro Parcæ
hic meminit ; quia in ludis fe-
stisque Sæcularibus celebrandis ,
initium ducebatur a sacrificio
insigni , in earum honorem .
Potest etiã hoc ita exponi :
O Parcæ , quas in vestris de-
cretis , & effatis falli nunquam
contigit ; (quippe id caruitis
quod semel dictum esse suffi-
ciat) jungite in posterum bona
fata præteritis , idque servet
terminus rerum stabilis (legi-
tur enim in multis codicibus
servet) id est , constans , & per-
petua ad extremum usque ter-
minum rerum series servet , ac
retineat eum cursum ac statum
Imperii , quem edixistis , &
cecinitis . (d) Spiceæ offereban-
tur Cereri post messem . (e)
Pecundum alumnos . (f) Pro acre
semitur . (g) Coniectis enim in
terras telis , postem & morbos
putabatur immittere . Vide 1.
lib. Iliad.

Supplices audi pueros, Apollo:
Siderum regina bicornis ^a audi,
Luna, puellas.

Roma si ^b vestrum est opus, Iliæque ^c
Littus Etruscum ^d tenuere turmæ,
Jussa pars ^e mutare lares, & urbem
Sospite cursu ^f;

Cui ^g per ardentem sine fraude ^h Trojam
Custus ⁱ Æneas, patriæ superstes,
Liberum munivit iter, daturus
Plura relictis;

Di probos mores docili juventæ,
Di senectuti placidæ quietem,
Romulæ genti date, remque ^k, prolem-
que, & decus omne.

Quique ^l vos bobus ^m veneratur albis
Clarus Anchisæ, Venerisque sanguis,
Imperet bellante prior, jacentem
Lenis in hostem.

Jam mari, terraque manus potentes ⁿ
Medus, Albanasque ^o timet secures ^p:

(a) Quia Luna crescente isti Iudi celebrabantur. Luna porro & Diana pro eodem Numine sumuntur. (b) Apollo præcipue Trojanis favēbat, ac Æneæ. (c) Trojanæ. (d) Tyrrenum. Æneid. lege lib. 7. & 8. (e) Quæ turma fuere pars Trojanorum exigua, quos Dii jusserrant solum vertere, & Trojam relinquere. Vide Æneid. l. 3. (f) Navigatiōne salva, & secunda. (g) Cui turmæ, cui Trojanorum parti, pius Æneas, superstes patriæ, per medios Trojæ ignes iter aperuit in Italiam; daturus illi turmæ suæ, & genti plura, id est. Imperium majus, urbem florentiorem, res melius constitutas illis quas reliquerant; nempe Romam fundaturus, Troja potiorem. (h) Periculo, damno. (i) Pius, sceleris purus. (k) Opes. (l) Pacite ut Angu-

stus, ab Anchise & Venere per Æneam oriundus, Imperium orbis terrarum obtineat; prior, id est, potior, superior bellante, hoc est, hoste bellum ipsi inferente. Regnet, ac hostes armatos vincat, subjectis dormitisque parcat. (m) Sacris intererat Augustus, & victimas albas (tales enim Diis Superis immolabantur) mactabat. (n) Romanorum potentiam; vel, Augusti victrices manus. (o) Romanas; Alba enim quasi Romæ mater fuit. Inde Albanas pro Romanis posuit: & ab Etruscis fascēs, ut cætera imperii decora, atque insignia Romam venire. Vide Flor. l. 2. (p) Securis, in medio virgarum fascē posita, erat insigne Romanorum Magistratum, Consulium, ac Prætorum: quod ab Etruscis, sive Albanis, Romani sumpserant. Vide Livium lib. 1.

Jam Scythæ ^a responsa ^b petunt, superbi

Nuper & Indi.

Jam fides, & pax, & honor, pudorque

Priscus, & neglecta redire virtus

Audet: apparetque beata pleno

Copia cornu ^c.

Augur ^d, & fulgente decorus arcu

Phœbus, acceptusque novem Camœnis,

Qui salutari levat arte fessos

Corporis artus;

Si Palatinas ^e videt æquus ^f arces,

Remque Romanam, Latiumque felix:

Alterum ^g in lustrum, meliusque semper

Proroget ^h ævum ⁱ.

Quæque Aventinum ^k tenet, Algidumque,

Quindecim ^l Diana preces virorum

Curet, & votis puerorum amicas

Applicet aures.

Hæc Jovem sentire, Deosque cunctos,

Spem bonam, certamque domum reporto ^m,

Doctus & Phœbi chorus & Dianæ

Dicere laudes.

(a) Vide Od. 11. & 12. lib. 4.

(b) Proprie oraculorum responsa dicuntur: sensus est, Scythas, Indos, &c. Romam quasi ad oraculum publicum accedere, audituros quid sibi agendum sit, leges pacis bellique accepturos. Indi paulo ante non nihil cladis intulerant Romanis. (c) De eorum Copiæ, Vide Od. 15. l. 1.

(d) Commemorat Apollinis munia: primum, divinandi artem, 2. jaculandi, 3. canendi, 4. mendendi; tot enim illi tribuebantur. (e) Romanas. In monte Palatino, templum Apollini Augustus dedicaverat. (f) Propitius.

(g) In alterum usque sæculum. Vulgo lustrum erat spatium annorum 5., quo exacto civitas a Censoribus tota lustrabatur,

recensebatur. Inter lustra autem celeberrimum erat tertium, & vigesimum; quo ineunte sæculum novum ducebatur; unde hic initium redeuntis sæculi lustrum vocatur. (h) Propaget, producat. (i) Sæculum. (k) Duo montes; ille, Romæ, hic non procul, in quibus ædiculæ duæ, Dianæ sacræ, visebantur. (l) Libris Sibyllinis custodiendis præfectorum. (m) Loquitur chorus puerorum: Hanc spem domum reporto, ego doctus dicere laudes, & Phœbi & Dianæ, id est, qui didici, & doctus sum hunc hymnum recitare in honorem Phœbi, & Dianæ. Superiores strophas alteri cantabant pueri, & puellæ: hanc ultimam utriusque simul.

INDEX I.

ALPHABETICUS

ODARUM.

A		
<i>Æquam memento.</i>	LIB. II. Ode 2.	pag. 73
<i>Angustam, amici.</i>	LIB. III. Ode 2.	104
<i>Æli, vetusto.</i>	LIB. III. Ode 12.	129
<i>At, o Deorum.</i>	EPODON V.	194
<i>Altera jam teritur.</i>	EPODON XI.	208
B		
<i>Bacchum in remotis.</i>	LIB. II. Ode 16.	pag. 97
<i>Beatus ille.</i>	EPODON II.	118
C		
<i>Cur me querelis.</i>	LIB. II. Ode 14.	pag. 82
<i>Cælo tonantem.</i>	LIB. III. Ode 5.	114
<i>Cælo supinas.</i>	LIB. III. Ode 17.	136
D		
<i>Dianam teneræ.</i>	LIB. I. Ode 18.	pag. 47
<i>Descende Cælo.</i>	LIB. III. Ode 4.	110
<i>Delicta majorum.</i>	LIB. III. Ode 6.	118
<i>Divis orte bonis.</i>	LIB. IV. Ode 4.	164
<i>Dive, quem proles.</i>	LIB. IV. Ode 5.	166
<i>Diffugere nives.</i>	LIB. IV. Ode 6.	169
<i>Donarem pateras.</i>	LIB. IV. Ode 7.	171

E

<i>Et thure & fidibus.</i>	LIB. I. Ode 30.	pag. 63
<i>Eheu fugaces.</i>	LIB. II. Ode 11.	87
<i>Exegi monumentum.</i>	LIB. III. Ode 24.	152
<i>Est mihi nonum.</i>	LIB. IV. Ode 10.	177

F

<i>Faune Nympharum.</i>	LIB. III. Ode 13.	pag. 131
<i>Festo quid potius.</i>	LIB. III. Ode 22.	147

H

<i>Herculis ritu.</i>	LIB. III. Ode 10.	pag. 125
<i>Horrida tempestas.</i>	EPODON X.	206

I

<i>Jam satis terris.</i>	LIB. I. Ode 2.	pag. 14
<i>Integer vitæ.</i>	LIB. I. Ode 19.	48
<i>Icci beatis.</i>	LIB. I. Ode 24.	56
<i>Ille & nefasto.</i>	LIB. II. Ode 10.	84
<i>Jam pauca aratro.</i>	LIB. II. Ode 12.	83
<i>Justum & tenacem.</i>	LIB. III. Ode 3.	106
<i>Inclusam Danaen.</i>	LIB. III. Ode 11.	127
<i>Intactis opulentior.</i>	LIB. III. Ode 18.	138
<i>Impios parræ.</i>	LIB. III. Ode 28.	144
<i>Jam veris comites.</i>	LIB. IV. Ode 11.	178
<i>Ibis Liburnis.</i>	EPODON I.	186
<i>Jam jam efficaci.</i>	EPODON XII.	212

L

<i>Laudabunt alii.</i>	LIB. I. Ode 6.	pag. 25
<i>Lydia, dic.</i>	LIB. I. Ode 7.	27
<i>Lupis & agnis.</i>	EPODON IV.	193

		M	
<i>Mæcenæ atavis.</i>	LIB. I. Ode 1.		pag. 11
<i>Mercuri facunde.</i>	LIB. I. Ode 9.		30
<i>Musis amicus.</i>	LIB. I. Ode 21.		52
<i>Motum ex Metello.</i>	LIB. II. Ode 1.		58
<i>Martiis cælebs.</i>	LIB. III. Ode 7.		110
<i>Mercuri, nam te.</i>	LIB. III. Ode 8.		122
<i>Montium custos.</i>	LIB. III. Ode 16.		136
<i>Mala soluta navis.</i>	EPODON IX.		205
		N	
<i>Nullam, Vare.</i>	LIB. I. Ode 16.		pag. 44
<i>Natis in usum.</i>	LIB. I. Ode 22.		52
<i>Nunc est bibendum.</i>	LIB. I. Ode 31.		64
<i>Nullus argento color.</i>	LIB. 2. Ode 2.		71
<i>Non semper imbres.</i>	LIB. II. Ode 6.		78
<i>Nolis longa fera.</i>	LIB. II. Ode 9.		83
<i>Non ebur.</i>	LIB. II. Ode 15.		94
<i>Non usitata.</i>	LIB. II. Ode 17.		99
<i>Ne forte credas.</i>	LIB. IV. Ode 8.		173
		O	
<i>O Navis.</i>	LIB. I. Ode 12.		pag. 37
<i>O matre pulchra.</i>	LIB. I. Ode 14.		41
<i>O Venus Regina.</i>	LIB. I. Ode 25.		57
<i>O Diva, gratum.</i>	LIB. I. Ode 29.		61
<i>O sæpe mecum.</i>	LIB. II. Ode 5.		
<i>Otium Divos rogat.</i>	LIB. II. Ode 13.		90
<i>Odi profanum vulgus.</i>	LIB. III. Ode 1.		101
<i>O fons Blandusisæ.</i>	LIB. III. Ode 9.		124

<i>O nata mecum.</i>	LIB. III. Ode 17.	174
<i>O formosus adhuc.</i>	LIB. IV. Ode 9.	176

P

<i>Pastor cum traheret.</i>	LIB. I. Ode 13.	pag. 38
<i>Poscimus, si quid.</i>	LIB. I. Ode 27.	58
<i>Parcus Deorum cultor.</i>	LIB. I. Ode 28.	59
<i>Persicos odi.</i>	LIB. I. Ode 32.	66
<i>Pindarum quisquis.</i>	LIB. IV. Ode 1.	154
<i>Phæbus volentem.</i>	LIB. IV. Ode 13.	184
<i>Parentis olim.</i>	EPODON III.	191
<i>Phæbe sylvarumque.</i>	EPODON XIV.	217

Q

<i>Quem virum.</i>	LIB. I. Ode 17.	pag. 33
<i>Quis desiderio.</i>	LIB. I. Ode 20.	50
<i>Quid dedicatum.</i>	LIB. I. Ode 26.	57
<i>Quid bellicosus.</i>	LIB. II. Ode 8.	81
<i>Quantum distet.</i>	LIB. III. Ode 14.	132
<i>Quo me, Bacche, rapis.</i>	LIB. III. Ode 19.	141
<i>Quem tu Melpomene.</i>	LIB. IV. Ode 21.	158
<i>Qualem ministrum.</i>	LIB. IV. Ode 3.	159
<i>Quæ cura Patrum.</i>	LIB. IV. Ode 12.	180
<i>Quid immerentes.</i>	EPODON VI.	200
<i>Quo, quo scelesti ruitis.</i>	EPODON VII.	201
<i>Quando repostum.</i>	EPODON VIII.	202
<i>Quid obseratis.</i>	EPODON XIII.	215

R

<i>Rectius vives.</i>	LIB. II. Ode 7.	pag. 80
-----------------------	-----------------	---------

S	
<i>Sic te, Diva potens.</i>	LIB. I. Ode 3. pag. 18
<i>Solvitur acris hyems.</i>	LIB. I. Ode 4. 21
<i>Scriberis Vario.</i>	LIB. I. Ode 5. 23
<i>Septimi Gades.</i>	LIB. II. Ode 4. 75
T	
<i>Tu ne quæsieris.</i>	LIB. I. Ode 10. pag. 31
<i>Te maris & terræ.</i>	LIB. I. Ode 23. 51
<i>Tyrrhena Regum.</i>	LIB. III. Ode 23. 148
V	
<i>Vides ut alta.</i>	LIB. I. Ode 8. pag. 29
<i>Velox amœnum.</i>	LIB. I. Ode 15. 45
<i>Vile putabis.</i>	LIB. I. Ode 17. 46
<i>Vixi choreis.</i>	LIB. III. Ode 20. 143





Q. OHBAT.
OPERA

P. I. II.

LIBRARY OF THE



UNIVERSITY OF CHICAGO



PHYSICS DEPARTMENT



INDEX I. ALPHABETICUS



E

<i>Et thure & fidibus.</i>	LIB. I. Ode 30.	pag. 63
<i>Eheu fugaces.</i>	LIB. II. Ode 11.	87
<i>Exegi monumentum.</i>	LIB. III. Ode 24.	152
	LIB. IV. Ode 10.	

